

OBSERVATIONVM SELECTARVM

AD

REM LITTERARIAM
SPECTANTIVM.

TOMVS IV.



HALÆ MAGDEBVRGICÆ An. 1701.

Prostat in officina Libraria Rengeriana.





OBSERVATIO I.
De
VITA ET SCRIPTIS IANI
IACOBI BOISSARDI.

§. I. **I**O. Iac. Chiffletius & Boissardus Vesuntini
celebres. §. II. Vita Boissardi ex manu-
scripto. §. III. Boissardus antiquitatum indagator
sollertissimus, quod exemplo probatur. §. IV. Re-
liqua vitæ fata. §. V. Antiquitatum collectarum
aliquando iacturam fecit. §. VI. Metis mortuus.
§. VII. Titulus & editio Topographiæ Romanæ Bo-
issardi. §. VIII. Occasio scripti. §. IX. Brevis eius-
dem recensio. §. X. Recensio aliorum scriptorum,
quæ in parte prima continentur. §. XI. Recensio
partis alteræ. §. XII. Recensio partis tertiæ.
§. XIII. Recensio quartæ partis. §. XIV. Recensio
quintæ partis. §. XV. Recensio sextæ partis. §. XVI.
Tractatum de genealogia & imaginibus Deorum
elaboravit, qui tamen adhuc in manuscripto.
§. XVII. Alia ab eo promissa.

§. I.



Esontio Sequanorum metro-
polis binis maxime viris super-
bit, qui in republica litteraria
clari sunt : utriusque nomen
est Ioannes Iacobus : Chiffletius

alter & Boissardus. De priori quidem alio for-
 san tempore dicendi dabitur occasio, de altero
 Boissardo nunc dicemus. Exhibemus autem
 vitam ex manuscripto ipso, Boissardo adhuc
 viuo, exarato, quod integrum hic adducimus.

„ §. II. Ianus Iacobus Boissardus natus est
 „ Vefuntione Sequanorum vrbe florentissi-
 „ ma, anno salutis 1528. Theobaldo patre, viro
 „ litterato, quæstore, & procuratore rerum
 „ ciuiliū Hippolyti, matrem habuit Ioan-
 „ nam Babelam. Vfus statim a pueritia præ-
 „ ceptore Hugone Babelo auunculo, [qui pri-
 „ mus cum Clénardo litteras græcas Louanii
 „ professus est] cum quo, annos natus nouem,
 „ Argentinam, demum Heidelbergam veni-
 „ ens, Iacobi Mycilli commissus est institu-
 „ tioni, Triennio autem postea Coloniam ac
 „ Louanium deductus, Adriano Amerotio &
 „ Petro Nannio commendatus est. Sed quia
 „ plagosum nactus esset pædagogum, illius-
 „ que morositatem ferre non posset, Louanio
 „ Antwerpiam fugit, ac opera Gedanensium
 „ mercatorum in Prusiam deuectus est. Na-
 „ vigatione autem longa, difficili, & autumnæ
 „ li concussus, cum in periculum vitæ deue-
 „ nisset, expositus est Dantisce; & ab incolis il-
 „ lius vrbis humanissime tota hyeme tracta-
 „ tus, Francofurtum ad Oderam sub princi-
 „ pium veris se contulit; inde Wittebergam.

„ vbi

vbi Philippi Melanchthonis & Viti Vinshe-
 mii senioris auditor per annum integrum,
 factus est: paulloq; post ad Ioachimū Ca-
 merarium Lipsiam se contulit. Vnde No-
 ribergam & Ingolstadium peruenit anno,
 1551. factusque familiaris Vito Amerpa-
 chio, & Philippo Apiano, in cuius domo
 triennio fere integro diuersatus est. Tan-
 dem sub finem anni 1555. a Wolfgango
 Munzero equite Franco Venetias dedu-
 ctus est: vbi hæsit menses fere octo, expe-
 ctans nauigationem in Syriam, quo Mün-
 zerus iter parabat: præuentus tamen mor-
 bo graui Patauium missus est, vt opera me-
 dicorum conualescentiæ restitueretur.
 Sed cum cura nihil proficeret, eoque relicto,
 triremes Venetæ Palæstinam peterent, Bo-
 noniam se contulit anno 1556. cumque
 Abrahamo Sorgero Austriaco per bienni-
 um totam Heturiam, Romam & Neapolim,
 curiosissime perlustrans. Romæ tandem,
 relictus, beneficentia & liberalitate Caroli,
 Caraffæ Cardinalis, [qui tunc in villa Maria-
 na duodecimo ab vrbe lapide exulabat] ad-
 iutus, Appuliam, Brutios, Lucanos, totam-
 que Calabriam percurrens, Brundusio Cor-
 cyram nauigauit: inde latus Epiri legens,
 Cephalenia, Zacinthoque peruestigata,
 Methonam appulit: ibique menses quin-
 A 2 que,

„que moratus & viciniora Peloponnesi lo-
 „ca, monachorum Græcorum, quos Callo-
 „geros vocant, adiumento, qua potuit dili-
 „gentia, inuifit. Pertæsus tandem locorum,
 „& victus rationem non ferens, cum merca-
 „toribus Venetis pristinum relegens iter,
 „Corcyram, deinde Siciliam, postremo Ro-
 „mam reuersus est: vbi statim omnia turba-
 „ta offendit, Pauli IV. P. M. morte: reuoca-
 „tusque a patre Theobaldo, sub finem anni
 „1559. in Burgundiam se recepit: a qua vi-
 „ginti duobus annis abfuerat. Statim po-
 „stea a Barone Ryæo [qui facile primum lo-
 „cum inter Sequanos propter potentiam,
 „opes ac doctrinam obtinebat] euocatus, in-
 „stitutioni fratris iunioris Marci Claudii a
 „Rya Baronis Dicæi præfectus est. Sed re-
 „ligionis gratia in periculū veniens, patriam
 „iterum deferere coactus est, patre tamen
 „iam mortuo. Metas igitur a Claudio An-
 „tonio Viennæo Barone Clereuantio abdu-
 „ctus, liberorum illius curam suscepit: Fran-
 „cisci potissimum, cum quo in Galliam, Ger-
 „maniam & Italiam missus, quindecim to-
 „tos exegit annos. Reuersus postea in Au-
 „strasiam, Gedeonem Clereuantii filium iu-
 „niorem erudiendum recepit, Francisco il-
 „lius fratre per omnes militiæ gradus ad
 „summos honores ab Alengonio duce Bra-
 ban-

bantiæ euecto. Cumque puer Gedeon ad,,
Guilielmum Landgrauium Hassiæ mitte-,,
retur, cum Principe Mauritio instituen-,,
dus, Boissardus iam attingens annum 55, la-,,
bores peregrinationum longiorum non fe-,,
rens amplius, in familia Clereuantia cœ-,,
lebs, & litteris musæoque reliquum vitæ,,
tribuens, Metis Mediomatricum agit vs-,,
que in hodiernum diem, qui est anni a,,
Christo nato 1587.

§. III. Ipsa, quæ adduximus, manuscripti
sunt verba; restant tamen singularia quæ-
dam quorum ipse nobis auctor est. Sic
quantum antiquitatum fuerit & studiosus
& curiosus, satis arguit factum, quod in epi-
stola dedicatoria ad Ioannem Comitem
Palatinum Rheni ipse describit: *Memini, in-*
quit, magnificentissimum illustrissimumque il-
lum antistitem Pium Rudolphum Cardinalem
Carpensem (qui quo tempore Romæ eram, in Qui-
rinali possidebat hortos amœnissimos, omnibus-
que antiquis marmoribus refertissimos) singula-
re humanitatis argumentum in me contulisse.
Dum enim eo venissem cum aliquot studiosis, ut ad-
mirandam palatii structuram, statuasque, colu-
mnas, obeliscos & aras antiquas viderem, nec pos-
sem illa omnia tam breui temporis spatio, quod
mibi concedebatur, describere, (nondum enim tan-
to viro innotueram) sociis relictis, abdidi me inter

*viretorum umbracula, latitans donec omnes
 horto exiissent. Clausis tandem horti ostiis,
 reliquum diei quod superfuit, impendi in deli-
 neationem priscarum inscriptionum, ac totam no-
 ctem illic exigens sub arboribus, cum primum illu-
 xit, ad opus cœptum redii, dumque illic harerem
 attentus in descriptione cuiusdam marmoris, Car-
 dinalis suorum aulicorum numero & comitatu
 stipatus hortum ingressus est, illi, cum ex remotio-
 re loco me fuissent intuiti, substiterunt attoniti:
 nescientes qua ratione, omnibus insciis domesticis,
 eo irrepissem. Confestim ad me duo accurrunt,
 qui sciscitarentur, quando & quomodo eo venissem.
 Ego licet non mediocri formidine percellerer,
 composita tamen ad fiduciam fronte, mibique nul-
 lius doli vel criminis conscius, rogaui ut tantil-
 lum expectarent, donec absoluissem descriptio-
 nem alicuius monumenti, quod cœperam: qua ad
 finem perducta, tanquam re bene gesta ordine ex-
 plicui meam historiam: ut vespere superioris diei
 in hortos essem exceptus cum aliis peregrinis, a
 quibus postquam paullo longius quam par erat,
 fecessem lecturus & designaturus quedam
 antiqua scripta illi me relicto discescissent:
 Cumque paullo post egredi conarer, omnia
 clausæ me inuenisse, coactumque illic per-
 noctasse. Quod tamen absque ullo tadio mihi
 taceidisse dicebam, capto & occupato in perlustra-
 tione tam excellentium rerum, qua in toto horto-
 rum ambitu latissime conspiciebantur. Illi cum*

risu ad Dominum regresſi narrarunt, quidquid mihi accidiſſet. Tantoque abſuit, ut durius exciperer propter id factum, ut Cardinalis mei miſertus, quod abſque cœna ſub dio pernoctafſem, iuſſerit mihi ientaculum preparari, ne nimia inedia mea valetudo offenderetur: ſummaque cum delectatione reuoluit meas chartulas, laudauitque induſtriam meam: & voluit ut deducerer in eius palatium, quod ampliſſimum habebat in urbe plana, ad Campum Martium. Permiſit quoque ut omnia qua illic eſſent, viderem, & pugillaribus ad id preparatis, quacunque placerent, exciperem. Ego poſtea ut gratus viderer, erga tam beneficum Principem, exemplar omnium qua domi ſua mihi communicata erant, diligenter exaratum illi obtuli, libello vno comprehenſum: quem non ſolum hilari fronte excepit, ſed donum dono compenſans, numiſmata antiqua mihi largitus eſt duo aurea, duodecim argentea & totidem abenea, cum parua Apollinis ærea ſtatua altero brachio manca.

§. IV. Alia & præcipua vitæ ſuæ fata ipſe quoque in epiſtola ad Hermannum a Ghoer, tertiæ parti antiquitatum præmiſſa deſcribit. Dicit enim, ſibi a prima ſtatim iuuenta inceſſiſſe ardorem celebriores academias inuiſendi, & familiari doctorum virorum conſuetudine vtendi. Vbi cum Italiam perluftraret, factum eſt, inquit, ut Neapoli in Calabriam cum ſociis itinerum profeſſus, moraremurque diutius, quam par eſſet

esset in locorum perlustratione, neque comitatus ille equestris (quem carauanam vocant, eiusque praefectum Procatium) tunc esset nobis idoneus, neque tutus nobis videretur reditus Neapolim, ob latrocinia frequentia, quae plurimos paullo ante in discrimen vitae adduxerant: Consultum omnibus visum est Hydrunto soluere, & traicere in Corcyram; unde in Cephaleniam, Zacynthum, deinde in Peloponnesum venimus: trabente nos longius videndi cupiditate quam bono iudicio. Ibi cum in statione moraremur, audiuimus adpropinquare Venetorum triremes, quae quotannis loppem viatores (quos peregrinos vocant) deuehunt, & illuc exponunt; ut Hierosolymas inuisant: cum quibus placuit Syria partem videre. Sed contigit ut Methona febris ardentissima correptus, a suscepta nauigatione reuocatus sim, relictusque apud mercatores Venetos qui in ea urbe negotiabantur. Vbi postquam conualui, veni in Honusfrii Pallantii familiaritatem. Huius consilio me recepi in monasterium, quod incolebat; (erat enim monachis S. Basilii praefectus, quem Protosyndulum vocant: fratresque illius ordinis Callogeri vel Callogerontes dicuntur.) Laudat inde singularem huius Pallantii humanitatem cuius beneficio se debere dicit, quod pleraque loca maritima & multarum urbium ruinas magna cum voluptate & admiratione fuerit contemplatus, adnotans vbique quae obseruatione digna repererat. Cogitasse quidem se
iam

iam illo tempore, addit, de emittendis in publicum collectis his obseruationibus, propositum tamen diuertisse curam quæ ipsi filiorum Baronis Clareuantii demandata fuerat, qui cum adoleuissent, & bellis istis ciuilibus, quibus tum temporis Gallia & Belgium flagrabant, pro patria vitam impendissent, domum se recepisse, ut reliquum vitæ consumeret transcriptione & dispositione eorum, quæ sine ordine congefferat. Inter quæ discipulorum suorum matrem, Catharinam Heuiam maxime laudat, quod sibi ex mariti mandato liberalissime prouiderit de omnibus necessariis.

§. V. Multo ita labore, periculosis itineribus, solerti curamultas congefferat antiquitatū partes, quas sorori in Comitatu Montisbelligartensi viuenti commendauerat. Has autem Lotharingorum in eam prouinciā irruptione omnes perdidit. Quam iacturam in eadem epistola dedicatōria ad Hermannum a Ghoer perscripta quam maxime dolet. Dicit enim, se in illa deuastatione libros suos, collectiones, innumeraque numismata, & fragmenta antiquorum librorū papyraceorum, linteorum, & quæ corticibus, membranis, intestinisque, sardonycis, onychinis, & gemmis scripta seruarat, vel dono data a nobilibus, vel pretio maximo, & laboribus infinitis redempta, vno momento prædæ

militum cecidisse vel igne fuisse consumpta. Aliquam tamen partem quam ante istam irruptionem Metas Mediomatricum transtulerat, seruauit. Amissorum vero iacturam suppluisse quodammodo dicit amicorum auxilia, qui diuersis ex locis ad ipsum miserint plurima notatu digna, quæ ipsi obseruauerant, & designauerant. Inter quos laudat maxime Iulium Roscium sanctæ Mariæ Transtiberinæ Canonicum, virum doctum antiquitatumque studiosissimum, a quo præter alia accepisse se dicit manu exaratum codicem, qui plura contineret obseruatione dignissima. Ex istis ergo crenit antiquitatum opus, quod multo posthac labore congeffit.

§. VI. Postquam ergo varias obiisset peregrinationes, pertæsus vitæ variæ, Metis tandem sedem fixit, antiquitatibus adhuc indulgens, ibique die xxx octobris anno Christi 1602 mortuus fuit, ætatis LXXIV.

§. VII. Post vitam Boissardi sequuntur eiusdem scripta, quæ breuiter nunc recensere bibimus. Primo quidem loco dicemus de eiusdem topographia Romana. Prodiit hæc cum aliis eiusdem argumenti scriptis hoc titulo ornata: *Onuphrii Panuinii, Bartholomæi Marliani, Petri Victoris, Iani Iacobi Boissardi topographia Romæ cum tabulis geographicis, imaginibus antiquæ & nouæ urbis, inscriptionibus, mar-*

moribus, ædificiis, sepulcris & quidquid est a veneranda antiquitate magna diligentia ari incisus. Francofurti in bibliopolio Bryano, apud Matthæum Merianum 1627 f. Generalis hic est titulus, omni operi præfixus, quod etiam plures aliorum tractatus continet, qui tamen a Boissardo congesti. Altera quidem hæc editio est primæ & secundæ partis, post mortem & Boissardi & de Bry edita, cum prioris pars I. & II. anno 1597 prodiisset, Reliquæ partes vnica tantum vice editæ: Tertia quidem anno 1597, IV, 1598, V, 1600. VI, 1602.

§. VIII. Ipsum opus primo loco continet topographiam Romanam a Boissardo compositam. Occasionem qua illa fuerit edita, ipsius auctoris verbis in epistola dedicatoria ad Ioannem Comitem Palatinum trademus. *Cum ante aliquot annos Roma viuerem, inquit, (vt diuersos diuersa inuuant, & trahit sua quemque voluptas) collegi qua potui diligentia inscriptiones antiquorum marmorum, quæ passim leguntur in amplissima vrbe. In quarum perlustratione cum plurimum laboris ac temporis impendissem, innotui scholasticis tam Gallis, quam Germanis, qui in celeberrimis Italia academiis litteris operam dabant, quique ad inuisendam urbem cateruatim Romam se quotannis conferebant. Hos dum animaduernerem occupatos adnotatione, & descriptione eorum, qua videbant*

&

Et admirabantur, ut eorum adiuuarem studia, tractatulum edidi, quo vnusquisque institui posset & doceri, quæ ratione & methodo posset sine tanta difficultate ea disquirere & perlustrare, quæ in tam ampla vrbe tam publice quam priuatim spectantur notatu digna. Eum libellum latatus sum placuisse, & cum plausu exceptum esse: legique cum delectatione & fructu. Qui & hodie cum multis viris literatis probari videam, illum transcribere & in lucem emittere statui. Ideo quoque in topographiæ introitu commemorat, quod in eorum utilitatem sit conscripta, qui antiquitatum visendarum causa Romam urbem adeunt, quo huius scripti ope singula melius possint perlustrare.

§. IX. Distinxit hanc suam topographiam in dies quatuor quibus posse perlustrari totam urbem putat. Viatorem autem per He-truriam Romam venientem, per Vaticani portam castello Sancti Angeli conterminam ducit. Ab ista, opera Romanorum & antiquitatis rudera, templa, statuas, arcus triumphales, portas, palatia & quæ alia magnifica perlustrare incipit, vsque ad portam Ostiensem, in qua primum diem claudit. Secundum diem ab Aelio ponte incipit, & quæ intermedia considerat ad Coliseum vsque. Tertium diem a Tibertina platea incipit atque ad templum Pacis definit.

nit. Quartum a Tiberi ad Quirinalem collem vsque extendit, & sic omnem descriptionem vrbis concludit. Brevis quidem est libellus, qui non quidem operum descriptionem continet, sed tantum situm & ordinem, utiis, qui Romam visendi causa adeunt, non possit non esse adiumento. Licet, uti fieri assolet, multa interim fuerint immutata, ut operæ prærium esset, si quis ex recentioribus antiquariis hanc Boissardi topographiam emendaret, adque statum hodiernum dirigeret, quod peregrinantibus admodum posset esse proficuum.

§- X. Subsequuntur nunc in parte prima aliorum topographiæ non minus utiles. Prima quidem est Onuphrii Panuini Veronensis, eremitæ Augustiniani, descriptio quatuordecim regionum vrbis, prout ab Augusto imperatore diuisa, ex Sexto Rufo, Publio Victore aliisque collecta, quæ opera & ædificia Romanorum secundum regiones suas recenset, cui adnexa est tribuum vrbis Romæ brevis descriptio. Subsequitur Publii Victoris (quem in titulo male Petrum vocauerat de Bry) de regionibus vrbis Romæ liber, quem alias Sexto Ruffo attribuit Philander. * Ex collatione tamen tractatum, quorum vterque in tomo quinto thesauri

Græ-

* in Vitruuii lib. VII, III.

Græuiani continetur, patebit, diuersos esse eos, & a se inuicem discrepantes.

§. XI. Altera pars topographiam vrbis Romæ continet Ioannis Baptistæ Marliani patritii Mediolanensis, licet alio ordine hic exhibeatur, ac olim per Ioannem Oporinum edita fuit Basileæ 1550, f: & nunc partem facit Tomi quinti Thesauri Græuiani, quibus Theodorus de Bry figuras addidit vrbis Romæ XIV tabulis comprehensas, secundum totidem regiones ab Augusto Imperatore factas, breui vbique adiecta descriptione. Qui tandem generalem atque perfectam vrbis Romæ imaginem subiicit, eamque satis nitidam, licet perfectior sit Ioannis Baptistæ Faldæ tabula topographica, Sexto tome Thesauri Græuiani præmissa. Subiicit inde alias figuras, Circi, insulæ Tiberinæ, lupæ æneæ capitolinæ, sepulcri Bacchi ex porphyrite sarcophagi, festi Priapi, fori Romani, Marforii, castelli Sti Angeli, Pasquini, Laocoontis, thermarum, lauacrorum, vasorum instrumentorumque sacrificialium Pyramidumque, breui vbique adiecta descriptione.

§. XII. Tertiæ parti præmissa est brevis dissertatio de antiquæ vrbis Romæ situ & origine, præcipuisque eius ruinis & reliquiis, quæ in hodiernam vsque diem supersunt: in qua generaliora quædam breuiter tractat, de

cir-

circis, aquæductibus, theatris, obeliscis & similibus structuris magnificis. Et cum in marmoribus antiquis littera sæpe vocem faciat, huic descriptioni subiicit Valerii Probi Grammatici veteris de notis antiquarum litterarum librum breuem quidem, sed ad intelligenda antiquitatis monumenta non inutilem. Quibus dein vel centum inscriptiones veterum Romanorum subiiciuntur.

§. XIII. Quartæ parti vti ex initio operis quam facile patet, præmittitur de funeribus & modo sepeliendi apud antiquos tractatio ab ipso Boissardo composita, ad melius intelligendas inscriptiones quæ in eodem tomo continentur potissimum sepulcrales. In qua primum quidem sepeliendi necessitatem omnibus gentibus fuisse communem probat, cui subiicit præcipuas funerum apud gentes cærimonias, quas consistere dicit in lotionibus, conditura, pompa funebri, pulvis vestibibus, sepultura & parentationibus; & more comburendorum cadauerum, tum apud Græcos quam latinos. communi, tandem cum funerum apud Romanos diuersitate & sepulcrorum nominibus diuersis, concludit. Breuem inde de apotheosi tractationem subiicit, quam Romanos a Græcis hausisse dicit. Subsequuntur hæc tabulæ centum quadraginta nouem, quæ

quæ varia antiquitatis marmora cum suis inscriptionibus, multasque Deorum statuas præferunt. Præferendum in hoc est operi Gruteriano & reliquis quæ edita sunt, quæ sola inscriptionum verba tradunt, cum ista marmora incisa varias sæpe contineant figuras atque ornamenta, quæ multas antiquitatum partes alias illustrent. Singulare in hocce tomo est, quod varia vestimentorum Romanorum genera contineat. Videmus ibi togas Romanas cum calceis togæ propriis, pænulas, pallia, saga, paludamenta & caligas, & quæ mulierum sunt ornamenta: pallas, stolas, vestimenta manicata, gausapina vel fœminarum velata capita, fasciis involuta & capillis cincinnatis atque ordine dispositis & compositis in statu comis, ut Ovidius loquitur, videmus, summa habitus elegantia expressa. Taceo Deorum Deorumque statuas: Mineræ, Herculis Musagetis, & Placidi, Mercurii, Iovis, matris Deum, Termini, Panis, Veneris, Junonis, Spei & elegantissimam Dianæ Ephesiæ. * Sic & marmora adducuntur quæ libidinosorum conviviij figuram ** exhibent, & quæ nitide expressa in monumento M. Cœlii Dionysii lictoris fascium figura. * Singula alia antiquitatum monumenta & inscriptionum solen-

* p. 118.

** p. 126, & 145.

* p. 146.

lennia hic recensere nimis longum foret.

§. XIV. Quinta pars antiquitatum Marmoræ continet multa, atque inter hæc aliquot statuas Augustarum præsertim. Observandus præ cæteris est singularis capitis ornatus Iuliæ Proculiæ ** coma inforta & arte mulieribus alias solenni, crispa, eodem fere more quo vti solebant, annis abhinc aliquot, fœminæ nostri temporis.

§. XV. Sexta pars antiquitatum præmissum habet Lillii Gregorii Gyraldi singularem librum de sepulcris & vario sepeliendi ritu, qui tum inter opera eius alias continetur, tum separatim prodiit cum Io. Faes animadversionibus. Subsequuntur variæ inscriptiones potissimam partem sepulcrales, quibus intermixtæ sunt variæ statuæ, utpote Canopi, Nympharum, Syluani, Larum, Priapi, matris Deum magnæ, Cereris, Prouidentia, Iouis cum Ganymede, fulmine trifulco & aquila, Anubis, Genii, Solis, Herculis & Neptuni. Singula magno nitore & industria, integra quoque fide, prout vel in pugillaribus suis adnotauerat Boissardus, vel ab amicis ad eundem fuerant transmissa, expressa sunt. Commendandum ergo est opus, ex quo multa ad Romanorum antiquitates singularia hauriri poterunt. Sumtuo-

(4)

B

sum

** p. 57.

sum tamen est ob tabellarum ænearum copiam & hodiernum quoque rarum. Dolendum quoque, quod indicibus ad eiusmodi res tamen maxime necessariis destituatur, quibus tamen prævalent opus & Gruterianum & Reinesianum.

§. XVI. Præter hoc autem inscriptionum opus adlaboravit & aliud ad antiquitates Romanas non minus utile, de *genealogia & imaginibus Deorum*, cuius sæpius in scriptis suis facit mentionem. Primum quidem illud in dedicatoriâ epistola ad Ioannem Casimirum Comitem Palatinum Rheni primæ parti antiquitatum præfixa, promittit his verbis: *Si Deus mihi dies vite longioris prouget, absoluam tractatum, qui iam fere ad finem perductus est: in quo statuas deorum antiquorum propono cum singulorum elogiis: quibus est adiuncta amplissima omnium genealogia, imaginesque sacerdotum & sacrificiorum, habitusque virorum & mulierum: quæ omnia ex tabulis & marmoribus antiquis excepi: & opus absolutum Tus Celsitudini consecrabo.* Idem agit in præfatione tertiæ parti antiquitatum præmissa, dum ait: *ea si laudentur, & a benignis lectoribus æqua fronte suscipiantur, subiiciemus locupletissimam Deorum genealogiam & eorum simulacra; qualia ab antiquitate marmoribus expressa seruantur tam Rome quam in aliis Italia*

urbibus, quibus addentur singulorum vite & origines, & ne quid in his lector desideret, modum sacrificandi, instrumenta sacrificiorum, sacerdotumque habitus exprimetur. In alio vero de diuinatione tractatu illud iam tanquam elaboratum adducit: Sic enim loquitur: * *de genio diffuse satis tractavi eo libro, quem de genealogia & imaginibus Deorum conscripsi tribus tomis illústrissimo Principi Ioanni Comiti Palatino* [cum interea temporis Ioannes Casimirus fuerit mortuus] *Ducique Bauariae dedicatis.* Et alio loco ** ad ipsum Principem transmissos hos libros dicit, ubi de Arunte: *pete reliqua ex genealogia Deorum ad Bipontinum principem missa: in qua longo ordine descripsi eos qui apud Hetruscos Imperium tenuerunt. De sacerdotum quoque collegiis atque ordinibus apud Romanos latius se in dicto tractatu egisse ait.* Sed licet penitus elaboratum fuerit opus, in manuscripto tamen adhuc latet, & sine dubio in bibliothecis Palatinis adseruatur.

§. XVII. In isto autem quod supra recensuimus inscriptionum opere, Romæ tantum a se repertas inscriptiones exhibet: in præfatione vero quartæ parti præmissa, promittit & librum peculiarem, comprehensurus in eo nonnulla, quæ in Italia, ora Illyrici, in

B 2

Sti-

* cap. V. III. p. m, 62.

** p. m. 301.

Stiria , Germania & Gallia congesserat. Quibus & se adiungere velle dicit aliquot litteratorum & illustrium virorum sepulcra: vt Pontani, Decii, Actii, Dantis, Ficini & aliorum qui scriptis suis celebres: quod opus adfectum quidem fuisse putamus, nondum autem elaboratum. Industrius sane vir fuit, nulli labori, nullis etiam sumtibus parcens, quo eruditis commodum per scripta adferat, dignus ergo, cuius memoria conseruetur.

OBSERVATIO II.

De

RELIQVIS BOISSARDI
SCRIPTIS.

§. I. **B**oissardi tractatus de diuinatione quando editus. §. II. Alius est ab eo, quem de Diis promiserat. §. III. Diuinationem quomodo distinguat, eamque vel Deo vel diabolo adscribit. §. IV. Triplices effectus vel a Deo, vel a natura, vel a diabolo. §. V. Qua ratione rerum fata per astra regantur. §. VI. Sibyllina oracula, quae supersunt, supposititia. §. VII. Oracula unde orta, & varia magia species. §. VIII. Vltior recensio tractatus de diuinatione, ubi agitur de magia differentiis, animarum euocationibus & incantationibus. §. IX. Breuis recensio Deorum fatidicorum & celebriorum vatum. §. X. Sibyllarum
duo-

duodecim adducit Boissardus. §. XI. Vatum celebriorum recensio. §. XII. Breue de hoc Boissardi libro iudicium. §. XIII. De eiusdem libro de vita & conibus Sultanorum agitur. §. XIV. Rationem quam in hoc scripto seruet. §. XV. Scanderbegi vitam qui scripserint. §. XVI. Recensio dicti tractatus. §. XVII. Mameluci qui dicantur. §. XVIII. Continuatio recensitionis dicti tractatus. §. XIX. iudicium de hoc libro §. XX. Boissardi icones virorum illustrium recensentur. §. XXI. quod opus postea sub titulo bibliothecae chalcographicae prodiiit, §. XXII. Alia scripta quae ediderit, referuntur.

§. I.

Recensuimus superiori obseruatione Iani Iacobi Boissardi opus inscriptionum; pergimus nunc ad alia scripta ab eodem edita. Rarissimus eiusdem est tractatus de diuinatione & praestigiis magicis, qui prodiiit Hanouiae 1611, 4 & Oppenheimii 1615, f. Posthumum scriptum est, quod absolutum quidem reliquit Boissardus, imprimendi tamen curam post ipsius mortem demum suscepit Ioannes Theodorus de Bry iunior, patria Argentinensis, cuius vero Oppenheimensis, sculptor sui temporis celebris, qui

partus huius iam maturi misertus, eundem in lucem protraxit publicam.

§. II. Errat tamen in hoc de Bry, quod huncce tractatum eundem esse velit, cum eo quem de diis horumque genealogia Boissardus promiserat. Praeterquam enim, quod, si pauca Iouis & Apollinis oracula excipias, de diis nihil habeat, nec de sacerdotiis, de quibus tamen in eodem tractatu agere promiserat, argumentum sane certissimum erit, plane esse diuersos, cum in hoc ipso de diuinatione libro ad illum de diis, * repetitis vicibus se referat, vti superiori obseruatione fuit demonstratum.

§. III. Initium operis facit auctor, vt originem doceat & diuersitatem diuinationis, quam vel artificiosam esse dicit, cum ex medicina, meteoris & physiognomia varias eliciant praedictiones; vel popularem & plebeiam, quam ex tempestate & certis diebus rustici sumant: vel denique diabolicam, ad quam refert omnia oracula, quae per entusiasmum redduntur. Omnia ita vatum vel oraculorum responsa sine haesitatione diabolo adscribit, quem eodem tempore, quo per prophetas suos Israëlitarum populo responsa dederit Deus, per Phoebares quoque, Sibyllas aliosque fatidicos gentibus oracula edidisse, ait. Mulieres tamen istas, Phoe-

* Et cap. VIII. p. m. 62. Et p. m. 301.

Phoebades & Sibyllas medium quasi locum fortir dicit, inter veros Dei prophetas & falsa daemonum oracula; cum mulieres istae multahabuerint commercia cum Hebraeis, tamir Aegypto quam in Palaestina, atque ex facrarum litterarum lectione multa didicerint, quae ad vaticinia pertinerent, ita ut fatidico spiritu correptae multa pronuntiauerint de poenitentia, vitae emendatione & venturo Messia.

§. IV. Licet in singulis hisce Boissardo non plane possim adientiri. Non enim omnia, quae diuina non sunt, diabolo adscribenda, ne maiores eidem tribuamus vires, quam concessae. Triplices enim rerum effectus agnoscimus, vel a Deo, vel a natura, vel a diabolo. Sacras quidem prophetias diuinitus esse inspiratas nullum est dubium. Phoebadum & Sibyllarum vaticinia plerunque a natura: magorum incantamenta a natura partim, partim & a diabolo; cum & hic ad praestigia sua naturalibus vtatur modis.

§. V. Genius enim humanus vbi a curis consuetis abstrahitur, vnicae rei intentus, astrorum peruestigat mysteria, ex quibus originem trahit, rerum indagat fata, quae per astra reguntur. Nec tamen credendum, quasi absolute regant astra, & Stoicam impo-

nant necessitatem, quod secundum naturam concedendum quidem, ob virtutem diuinitus inditam, non vero prout Deo creatori sunt subiecta, cum Deus astrorum effectibus pro nutu frenum possit iniicere, itavt facta quae astra minantur, a piis per preces vel auerti plane, vel saltim minui possint; ab impiis ob malitiam vel augeri vel etiam praecipitari. Sed hoc alio loco rationibus firmabitur & exemplis.

§. VI. Alterum in quo Boissardo assentiri haut possum, est de Sibyllis, quas ab Hebraeis multa hausisse dicit, quae in sua translulerint vaticinia. Ex Sibyllinis enim, quae extant, oraculis, nihil plane licet argumentari, cum ab iis, quibus Romani vsi, quae teste Liuius concremata sunt, plane sint aliena, & vel a Christianis pia fraude ad conuincendas gentes conficta, vel si aliquae ex gentibus reliquiae, a Christianis tamen * interpolata, vti alio loco demonstraui.

§. VII. A diuinatione auctor se vertit ad oracula, quae omnia ex daemonis instinctu prolata dicit, licet & nos quaedam a natura vel hominum fraude profecta putemus. Ostendit inde oraculorum originem & loca varia, vbi olim edita. Capite quinto diuer-
fas

* *Syntagmate antiquit. Roman. de ritibus sacris cap. VI. p. m. 238.*

fas magiae species enumerat & breuiter explicat, quid lecanomantia, gastromantia, catoptromantia, cryftallomantia, dactyliomantia, & quae alia praestigiarum insanies, quae a Peucero alias explicata quoque nouimus singula.

§. VIII. Propius inde pergit ad propositum, atque singulari sectione magiam, magica praestigia & imposturas examinat, cuius primum tradit originem, quam ad Zoroastrem cum aliis refert. Inde breuem tractatus magici inscripti Arbatel recensitionem exhibet, quae tamen omnia tanquam impia & derestanda reiicit. Secundo capite ordines explicat angelorum & spirituum, prout a philosophiae Platonicae sectatoribus, Porphyrio, Iamblichio aliisque traduntur. Capite tertio magiae diuisionem duplicem, prout a philosophis fit, refert; diuinam, quae creaturis lucis communicetur; & aliam, quae a creaturis tenebrarum proueniat, ad quam etiam necromantiam seu manium euocationem refert. Capite quarto alias magiae species adducit, vt pharmaciam, quae circa philtera atque potiones versatur, incantationes ex baptizato lapide Calamita, ex lauro, vel cereis imaginibus incantatis, nodum lingulae, aliaque quibus, vel spiritus euocare, vel hominibus nocere solent. Caput quin-

tum agit de phylacteriis, characteribus & incantationibus vel morborum sanationibus per verba, de fascinatione, defixione & ventorum cohibitione. Capite sexto agit de animarum euocationibus, hominum in varias animalium species efformatione, amuletis & magis veterum, qui expeditionibus bellicis interfuere. Capite septimo varia exempla magorum veterum apud Iudaeos maxime & Christianos adducit, quorum semper scopum fuisse dicit, vt homines a vero Dei cultu auerterent, de incubis etiam & succubis. Capite octauo de geniiis prolixè agit, & horum adiunctis, laribus, lemuribus, penatibus & manibus. Inde de raptu violento, quo se in loca longe diffita deferri credant, & late de Pilapiorum aliarumque gentium septentrionalium magia edisserit. Capite nono varia exempla raptus violenti magorum adducit. Capite decimo de spirituum agit differentia, quorum ex Psello lex facit species: igneos, aëreos, terrenos, aqueos, habitantes specus, infernos. Spirituum quoque adparitio quomodo fiat, & qua ratione corpora sibi adfiscant, docet, huiusque rei varia adducit exempla. Capite vndecimo de magis seruatoris agit, *Saluadori* qui in Italia olim, & virtutem se diuinam habere adferebant.

§.IX. Prae-

§. IX. Præmissis hisce tanquam præliminaribus, ipsam deorum fatidicorum, Phœbadum, vatum & Sibyllarum illustriam historiam adgreditur. Primum facit Iouem p. 88
 Dodonaëum, cuius oraculum prope Dodonem & varias sortes eius vi editas describit. p. 93.
 Alterum facit Iouem Ammonem, de cuius tum nomine, tum oraculo & sortibus editis agit. Licet in fine adnectat, paullo ante aduentum Christi seruatoris obmutuisse gentium oracula, cui vero adserto iam dudum oraculorum exemplis variis post Christi tempora adductis, contradixit Antonius van Dalen. Tertiam facit Themidem, quam p. 97,
 & Delphis oraculum edidisse ex Orpheo adducit, licet monita potius de vitæ integritate & seruanda aequitate pro cultu deæ apud gentes eam edidisse addat. In quarto seu Apolline Pythio prolixior est, quia p. 106
 fons quasi & fundamentum est oraculorum apud gentes. Quare & de origine oraculi Delphici agit, & varia exempla ex historiis, graecis maxime, de consulto hoc oraculo atque editis responsis adducit. Quintus est p. 124.
 Trophonius Lebadius, cuius antrum in Lebadia & oracula data describit. Sextus est p. 127.
 Serapis, Aegyptiorum Pantheus, cuius templa, oracula & cultum describit. Subsequuntur Palisci, Iouis & Thaliae filii, inter deos

- p.136. deos fatidicos ab antiquis relati. Hos excipit Branchus Apollinis Didymaei filius, ipse inter deos relatus, atque Branchidibus populis cultus. Mercurius Trismegistus, quem subiicit, Aegyptiorum fuit philosophus & rex, cuius vaticinia de Deo triuno & Christo varia adducit. Sed cum de eiusdem scriptorum veritate non promiscue sit sentiendum, de eo dicitur alio loco pluribus. Di-
- p.148. uersarum formarum capax erat Proteus, Oceani & Tethyos filius, quem non minus certa dedisse oracula putabant veteres ac
- p.151. Apollinem. Carmenta Mercurii pellex erat, fatidica mulier apud Romanos habita, quae fata nouiter natis caneret. Graecis, quae Apollinis oracula carmine redderet. Telemus Neptuni habebatur & Eurymae nymphae filius, vnus ex Cyclopibus, ab Apolline ob pietatis studium diuinandi peritia
- p.156. praeditus. Iapyx Iasii fuit filius, vates & citharoedus excellens, a quo Iapygia pars ista Italiae dicta, quae in Cherronesi formam
- p.158. redacta. Tiresias Thebanus Iunonis ira ob iudicium nimis leue oculis orbatus, ab Ioue vero diuinandi peritia donatus, plura edidit
- p.161. vaticinia. Idmon Apollinis dicebatur & Asteries filius, a patre diuinandi peritiam
- p.163. adeptus. Nobilis haruspex erat Tages, quem ex genio natum adfirmabant & He-
- tru-

truriae, populos haruspicinam docuisse, quem etiam Romani fuere admirati. Amphiarus vates inter Graecos habebatur excellens-^{p.169.} cellentissimus, cui diuinos habuere honores, templumque extruxere Oropii in Attica, ad quod ex vniuersa Graecia conuentus erat maximus eorum, qui oracula poscebant, quae per somnia fiebant. Thyodamas Melam-^{p.174.} podis filius cum patre suo auium voces intellexisse & cum iis collocutus esse dicebatur. Mopsus Apollinis filius diuinandi artem di-^{p.177.} cebatur edoctus. Calchas Thestoris filius ex-^{p.180.} Troiana alias historia notus est Graecorum ductor & augur. Helenus, Cassandra &^{p.182.} Laocoon Priami & Hecubae liberi, monitus quoque diuinos edidisse dicebantur. Polyx Lemnia erat mulier fatidica, Apollinis^{p.188.} sacerdos, quae oracula reddebat sciscitanti- bus. Hirtia Sesostris Aegyptiorum regis fi-^{p.191.} lia, fatidica habebatur, atque Apollinis mi- nisterio dedita. Prylis Mercurii erat filius^{p.193.} ab patre eloquentia, ab Apolline diuinatione praeditus, cuius instinctu equum Troianum fabrefactum fabulabantur.

§. X. Pergit inde auctor noster ad pleni-^{p.196.} orem tractationem de Sibyllis, vbi praemittit quae Platonis & Romanorum quorundam veterum, Iustini etiam martyris, Augustini aliorumque sententia fuerit de Sibyllis. Post haec

haec duodecim adducit Sibyllas patria di-
 p.198. uersas: Delphicam, Erythraeam, Cumae-
 am, Cumanam, Persicam, Libycam, Samiam,
 Hellepontiacam, Phrygiam, Tiburtinam,
 Epiroticam & Aegyptiam. Singularum de-
 scribit ortum, patriam & fata, vaticinia quo-
 que quae vel ex scriptoribus hausit, vel ex
 oraculis, quae adhuc dum habemus reliqua,
 eaque adducit & quae de iis historici memo-
 p.289. rant, declarat. Praeter has tamen Phoeba-
 des adhuc binas quae spiritu quodam adfla-
 tae vaticinatae fuerant, recenset, Colopho-
 niam Lampusiam, & Thesalicam Manto-
 nem.

§. XI. Ultimo loco de philosophis atque
 vatibus agit, quos omnis celebrat antiquitas.
 p.293. Primum ex hisce facit Pythagoram, cuius va-
 ria tum instituta, tum miraculosa recenset.
 Sed cum magiae eundem inculpet, eum con-
 tra Boissardi iniurias in apologia sua defendit
 Naudaeus. * Alter est Aruns, celebris
 apud Tuscos augur, qui auguralem di-
 sciplinam euexit maxime, qua etiam occa-
 sione de ipsa hac disciplina edisserit pluri-
 p.300. bus. Tertius est Afylas augur aequae apud
 Tuscos celebris, sub quo agit non de diffe-
 ren-

p.310. * titulus libri est; *apologie pour tous les grands per-
 sonnages, qui ont été & fausement soupçonnés de
 Magie, à la Haye 1679 agit de Pythagora cap. X.
 p. m. 171)*

rentiis solum hostiarum & sacrificiorum variis, sed & de sacerdotum apud Romanos ordinibus: cui dein adnectit ipsum contemplandi viscera atque inspiciendi exta morem. Quartus est Olenus Calenus, quem p. 317. inter praecipuos Hetruriae vates atque haruspices referunt scriptores prisci. Quintus p. 320. est Spurina, augurandi scientia clarus Iulii Caesaris tempore, qui & ipsi Caesari mortem praedixit; ubi simul agit de redditibus imperii Romani, quod olim fuit, & separatim regnorum hodiernorum, quae olim Romanorum erant prouinciae, redditus dinumerat. Sextus est Apollonius Tyanaeus, cuius vitam & fata inter omnes optime describit. Plenus tamen de eadem, eiusdemque philosophia & institutis agit Philostratus Lemnius. Vltimus tandem est Iamblichus Chalcidensis, de cuius vita & scriptis breuiter agit. Subnectit epiphonematis loco miracula haecce a magis daemonum ope fuisse edita & aliquot exempla magorum circa prima noui foederis tempora adducit.

§. XII. Vt & de hoc tractatu dicam, quid mihi videatur, egregia praestitit Boissardus, tum in adducendis variis diuinationum speciebus & praestigiorum magicorum atque vaticiniorum exemplis, tum & in deorum fati-

fatidicorum, Sibyllarum atque Phoebadum, vatum item celebriorum historia, immo & exhibendo loca in quibus olim oracula fuere edita. In singulis hisce laudem meretur noster. Nimum tamen saepe aliorum adscribit fidei, ut pro praestigiis magicis aliqua habeat, quae vel perperam ab aliis intellecta, vel fuere naturalia. Telam quoque quam exorsus erat, citius quandoque abrumpit, nec singula prout necesse esset, late satis deducit.

§. XIII. Restant nunc alia eius scripta, quae breuiter recensebimus. Eiusdem enim sunt vitae & icones Sultanorum Turcorum, Principum Persarum, aliorumque illustrium Heroum Heroinarumque ab Osmanne vsque ad Mahometem II ad viuum expressae & a Io. lac. Boissardo illustratae, in aes incisae per Theodorum de Bry, Francofurti ad Moenum 1596.

§. XIV. Rationem in hoc scripto talem seruat auctor, ut iconem primo exhibeat, dein breuem addat vitae descriptionem. Icones autem sumsisse se ait ex antiquis metallis, quae ex Constantinopoli Imp. Ferdinando oblata. Primum quidem aliquot Turcarum adducit Imperatores: Osmanem, qui Ottmannidarum imperio nomen dedit: Baiazethem I & II, Solymannum, Musam, Mahume-

humetern I & II, Amuratem, quorum facta breuiter describit.

§. XV. Inde Georgii Castriotae, Scanderbegi alias dicti vitam factaque refert heroica, vxoremque eius Donicem subiungit, fratrisque filium Amasem Castriotam, fidum in bellicis expeditionibus Achatem. Qui tamen insignis huius herois & Turcatum victoris vitam plenius desiderat, Marinum Barletium adeat, qui de vita, moribus & rebus gestis eiusdem libris XIII egit, singulari edito tractatu Argentorati 1537 f. & qui gallico idiomate de eiusdem vita & rebus gestis prodiit tractatus Iacobi Lauardini Domini de Plessis, Parisiis 1597. 8

§. XVI. Subiungit dein varios viros insignes, quorum nomina decantant historiae, non quidem ob facta semper egregia, sed & audacia. Adducit ita Tanusam Thopium, Mosachum Golemium, vtrosque Scanderbegi adseclas. Torlacem Deruisium qui Baiazethem Turcarum Imperatorem occidere conatus fuerat, non vero perfecit. Dein Teckel Schachoculin, quem prophetam habuere sui: Ismaelem Sophi regem Persarum, Mustapham Bassa, astutum hominem & rebellem. Sinan Bassa, Selymum Othmannum Baiazethis filium, Campsonem Gaurum Aegypti Syriaeque Sultanum, To-

mombeium, Orchamum cum vxore Salomache.

§. XVII. Qui quoniam Mamelucorum Sultani fuerunt, latius paullo explicat, quoniam sint Mameluci. * Quos esse dicit populos Getas, Zinchios, Bastarnas ad Euxinum Pontum circa Mæotim paludem habitantes, qui vno nomine Circassi dicebantur a Cercicis populis, qui ad Colchos vergunt. *Hos inquit, Valachis sue Mysi ad Danubium sibi & Tartari Praecopienses Tauricam Chersonesum incolentes, Padolique vicini, Sarmatae & Roxolani, quoties per occasionem possunt, captos Alexandriam quotannis venales abducunt ad Sultanos Cairi: qui mancipia haec tenera adhuc aetate curat summa diligentia nutriti & institui militaribus omnibus exercitationibus: cumque adoleuerunt, prout inueniuntur idonei & rerum maiorum capaces, euehuntur ad diuersos honorum gradus, in militia potissimum. Horumque virtute & viribus omnem spem conseruandi regem reponit Sultanus. Quemadmodum Principes Othmannici idem faciunt de Christianorum filiis masculis.* Mameluci ergo Aegyptiorum Sultanis iidem sunt ac Turcarum Ianizari.

§. XVIII. Pergit dein ad alios & quidem exhibet Iunum Bassam Persici exercitus ducem, cum vxore Mantone. Dein Soliman-

* p. 158.

num qui Budam occupavit, Viennam obsedit, Vngariam deuastravit, Italiam terruit & foedera fregit: cuius historiam per annorum seriem prolixius deducit, eiusque addit uxorem Rossam. Subsequitur Ibrahimus Bassa Albanus, post vero summus aulae Turcicae minister factus. Assambegus pirata decantatus cum Tamira uxore; David Abyssinus, Sinan Coefut-archipirata, Solimannus Bassa, Lutzis Bassa, aliis Luftibeiis dictus, Horuccius Barbarossa pirata, cum fratre Chairadine, Muleasses Tunetanorum rex, Dorax Abusaidas Alarbæus princeps, cum Cleone uxore, Tammass Sophi, cum Corasi uxore, Vlamas Begus Persa, Olyndus Arabs cum Medabe uxore, Selymus II Solymanni filius cum Murate III huius filio, & Mustaphas denique Bassa. Quorum singulorum vitam gesta & fata ex historiis desumpta breuiter describit.

§. XIX. Lucem ergo in historiis Turcicis præstat hoc scriptum non minimam, dum præcipuos duces bellicos illustret. Figurae quae additae summo nitore fuere expressae exornataeque in margine variis animantium figuris artis insignis, prout in manu exaratis codicibus variegatis coloribus pictis, alias conspicitur.

§. XX. Aliud eiusdem opus est quod in-

scribitur Bibliotheca in quinque partes distincta, in qua virorum doctrina illustrium vitae exhibentur, adiectis; conibus, cuius pars prima Francofurti ad Moenum prodiit 1597. 4. altera 1598, tertia 1598, quarta 1599, & quinta 1628. Effigies exhibet virorum doctorum, quae tamen vti eruditi iudicant, ad viuum factae non sunt, cum breui addita vitae factorumque descriptione. Et licet quidem circa eorum scripta non tam sollicitus sit, singularia tamen habet circa vitae fata, quae alibi hauri treperiuntur.

§. XXI. Prodiit post haec idem opus sub titulo Bibliotheca chalcographica illustrium virtute atque eruditione in tota Europa virorum, Francofurti 1650. 4. Quae solas effigies virorum doctorum exhibet, sine vitae descriptione, additis tamen sub imaginibus distichis, quæ, iudice Halleruordio, in bibliotheca sua curiosa, raro arguta, vt plurimum insipida. Sextam huic bibliothecae partem adiecit Sebastianus Furckius, septimam octauam & nonam vero Clemens Ammonius iunior, Ioannis Theodori de Bry gener, qui & in praefatione septimae partis seu secundae continuationis ex his omnibus perfectum aliquod opus promittit secundum cuiusque facultatis seriem concinnatum, in quo exhibiturus sit omnes omnium aetatum omni-

omniumque facultatum viros, sapientia, prudentia atque litteris conspicuos, ad viam expressos, cum vitarum descriptionibus & eorundem lucubrationibus, ad quam rem opem lectorum implorat, sed vel fatum vel alia quaeque praeuertere propositum.

§. XXII. Edidit praeter haec Theatrum vitae humanae, Francofurti 1596. 4. Parnassum cum imaginibus Musarum Francofurti 1601. f. Emblemata per Theodorum de Bry sculpta Francofurti 1593. 4. Poëmata, epigrammata, elegias, epistolas. Basileae 1574. 8. Metis 1589. 1591. 8. Quae alias eius carminato primo deliciarum poetarum Gallorum inserta. Sed cum illa nobis iam non sint ad manus, alio loco & tempore de iis dicendi dabitur occasio.

OBSERVATIO III.

MUSAE TRES. DE IIS LOCUS AV-
GVSTINI ET PLVTARCHI. POE-
SIS PRO-GRAMMATICA.

SVMMARIA.

Variatio veterum de numero Musarum, §. I. aliis nouem, aliis tres Musas facientibus §. II. Locus Augustini contra numerum nouenarium §. III. IV. & quomodo tres fabri ternas formauerint §. V. VI. Ratio ternarii numeri Musarum

rum ex Augustino §. VII. paulo aliter explicata a Varrone: ab utroque tamen ex natura soni & Musices §. II. X. Alii in assignando numero ternario ad Astronomiam, alii ad totum circulum disciplinarum respiciunt §. IX. Ultima sententia loco Plutarchi declaratur, simul aliam rationem docentis cur ex tribus nouem sint factae. §. X. XI. Iudicium de hac doctrina Plutarchi §. XII. XII. XIV. Poesis pro Grammatica §. XV. Tres partes Rhetoricae secundum Stoicos §. XVI. Pars demonstratiua Rhetorices an prima, an ultima? §. XVII. Gyraldi opinio reiicitur septem Musas in septem artibus liberalibus quaerentis §. XII. X. Computatio nouem Musarum Plutarchi emendata §. XIX. XX. XXI. Nouenarius Musarum numerus aptatus ad hodiernas nouem disciplinas Philosophicas. §. XXII. XXIII.

§. I.

Circa Musarum numerum adeo fuit mirifice variatum a veteribus, ut hanc sententiarum discordiam grauiter Gentibus obiiciat Arnobius lib. III. p. m. 121. plura vide apud Gyraldum *Syntagm.* 7. f. m. 251. & peculiari de Musis *Syntagmate* f. 531. 532.

§. II. Quanquam autem inualuit sententia, quae nouem Musas esse crederet, autoribus Hesiodo, Homero & Orpheo, Gyraldus f. 251.

f. 251. lin. 18. quem numerum & Ægyptiis hic placuisse docet Vossius *lib. I. de Idololat. cap. 27. p. 205.* Sciendum tamen antiquioribus tantum tres fuisse habitas.

§. III. Qua vero ratione factum sit, ut hae ternae multiplicarentur in nouenas, aliter ex Varrone exposuit Augustinus, aliter apud Plutarchum differit Lamprias.

§. IV. Augustini verba sunt, quibus *lib. II. de doctr. Christ. cap. 17. inchoat, Tom. III. op. f. 31. 32.* *Non audiendi sunt errores superstitionum gentilium, qui nomen [lege nouem, quomodo & Gyraldus citat f. 531.] Musas Iouis & Memoriae filias esse sinxerunt. Refellit eos Varro, quo nescio utrum apud eos quisquam talium rerum doctior vel curiosior esse possit. Hic nescio quis ad marginem summam huius capituli ita expressit: Poetarum fabulas non interpretandas allegorice. Inepta glossa: Non enim hoc vult Augustinus, sed tantum, Musas censendas esse numero, non ut vulgo solet, novenario, sed ternario. Planum hoc facient sequentia.*

§. V. Nam sic de Varrone pergit: *Dicit enim ciuitatem nescio quam, non enim nomen recolo (Sicyonem fuisse docet Gyraldus f. 532.) locasse apud tres artifices terna simulacra Musarum, quae in templo Apollinis dono poneret, ut quisquis artificum pulchriora formasset, ab illo potissimum electa emeret. Itaque contigisse, ut ope-*

ra sua quoque illi artifices aequae pulchre explicarent, & placuisse ciuitati omnes nouem: atque emtas esse, ut in Apollinis templo dedicarentur: quibus postea dicit Hesiodum Poëtam imposuisse vocabula. Non ergo Iupiter nouem Musas genuit, sed tres fabri ternas creauerunt.

§. VI. Ergo si Augustinum ex Varrone sequimur, nouem Musas casus peperit, cum videlicet euenisset forte, ut aequae perfecta essent singulorum artificum illorum trium opera. E quibus si unus reliquos duos artificio vicisset, tres Musae remansurae erant, sin forte duo palmam sibi ambiguum fecissent, tertio plane superato, sex Musas eramus habituri. Iure igitur tres tantum Musas numerari vult Augustinus. Rationem ternarii sic expedit:

§. VII. *Tres autem, inquit, non propterea ciuitas illa locauerat, quia in somnis eas viderat, aut tot se cuiusquam illorum oculis demonstrauerant, sed quia facile erat animaduvertere, omnem sonum, qui materies cantilenarum est, triformem esse natura. Aut enim editur voce sicut eorum est, qui faucibus siue organo canunt, aut flatu, sicut tubarum & tiliarum, aut pulsu, sicut in cithara & tympanis & quibuslibet aliis, quae percutiendo canora sunt.*

§. IIX. Ternarii numeri rationem ex Varrone Seruius in VII, Eclogam Virgilii sic expedit

pedit aduersum: *Nymphae noster amor f. m. 30.* Varro tres tantum Musas esse commemorat, unam quae ex aquae nascitur motu: alteram quam aëris illic efficit sonus; tertiam, quae mera tantum voce consistit. Quod Augustinus ab his paululum discedit, vel inde factum, quod Varronem ex memoria tantum citaret, ut e §. 5. intelligitur, vel eius diuisionem soni corrigere vellet.

§. IX. Interim obserua; Varronem cum Augustino rationem certi Musarum numeri et doctrina Musica reddidisse. Quod & alii aliter fecerunt. Sed alii in hac quaestione ad Astronomicas rationes confugerunt; alii ex vniuerso scientiarum circulo depromendas sibi eas crediderunt. Nimirum prout quisque existimauerit illam de Musis fabulam Poeticam pertinere vel ad solam artem Musicam, vel ad Astronomiam, vel ad totum humanarum disciplinarum coetum.

§. X. Atque haec ultima ratio placuit Lampriae, qui apud Plutarchum IX. Sympos. q. 4. p. m. 311. Tom. 3. Moral. rationem exhibiturus, cur e tribus nouem factae sint, ita differit: Antiqui tres agnoscebant Musas. Causa fuit, non, quam non nulli afferunt, quod cantus genera tria sint, diatonon nempe, chromaticum, & enharmonium: neque termini intervalla continentes, ima nimirum, media, & summa chorda

(νήτη, μέση, ὑπάτη) Sane Delphi Musas sic appellarunt, non recte uni scientiae, aut portioni potius scientiae, musicae inquam harmonicae id nomen accommodantes. Enimvero prisca, ut mea fert opinio, cum observassent, omnes scientias & artes, quae ratione & sermone absoluuntur; (ἀπάσας διὰ λόγον παραινομένας ἐπισήμας ἢ τέχνας) in tribus versari generibus, philosophico, oratorio, & mathematico (Φιλοσόφῳ, ῥητορικῷ, Μαθηματικῷ) dona haec fecerunt trium Dearum, quas Musas dixerunt. Post sub aetatem Hesiodi, cum iam facultates istae latius se proferrent, in partes seu formas cum diuiderent, animaduertunt, unamquamque tria in se continere discrimina. Scilicet inesse in Mathematica Musicam, Arithmeticam, Geometriam: in philosophia differendi vim, morum & vitae rationem, naturae considerationem (τὸ λογικόν, ἢ τὸ ἠθικόν, ἢ τὸ φυσικόν) in oratoria primum exornationis consistisse, deinde consultationis, ultimo iudicalem facultatem (τὸ ἐγκωμιαστικόν, τὸ συμβουλευτικόν, τὸ δικανικόν.) Quorum omnium cum censerent nihil Deo, Musa, meliorique principio & praeside carere, bona ratione totidem Musas, non fecerunt, sed agnouerunt. Non enim puto a poetis me & Astrologis reprehensum iri, quod earum artes omiserim: cum nobiscum hoc sciant, astrologiam Geometriae, poeticam Musicae esse adiunctam.

§. XI. Summa est: rationem ternarii nume-

me-

meri, quo veteres initio Musas concluderunt, non ab sola Musica esse repetendam, sed a toto disciplinarum coetu. Has vero tribus generibus comprehendendi, philosophia, rhetorica, mathesi. Quamlibet harum iterum circa Hesiodi tempora trifariam secari coepisse, ut uniuersae emergerent nouem. Hanc erga causam esse, cur ipsae quoque Musae, quae tres olim fuerint, postea nouem sint agnitae.

§. XII. Vt melius omnia intelligantur, sciendum aevo Plutarchi aliud fuisse artes liberales, aliud fuisse philosophiam, fere ut apud nos hodie disciplinas alias instrumentales vocamus, alias reales. Liberales artes numerabantur sex: Grammatica, Rhetorica, Arithmetica, Geometria, Astronomia, Musica. Philosophia diuidebatur in Logicam, Ethicam, Physicam. Si numerum omnium ineas, prodibant disciplinae nouem. Haec a nobis copiosius deducta sunt in programme Baccal. Ann. 1663. mensis Iulii (quod iam est programma 34. in dissertationibus B. Iacob. Thomaeii coniunctim editis p. 368. seqq.

§. XIII. Iam cum Musas nouem constaret olim tres tantum fuisse, voluit Lamprias similiter nouem quas dixi disciplinas praediuidere in tria genera, & ita quidem, ut aequa-

quali modo subdividerentur singulae in alias ternas.

§. XIV. Ac de philosophia quidem ipsa res erat facillima. Diuidebant eam eo seculo in logicam, physicam, ethicam. Sex illae vero liberales artes, quoniam quatuor erant mathematicae, rationabiles vero ut Augustinus II. de ord. c. 13. appellat, non nisi duae, Grammatica videlicet & Rhetorica, non commodè patiebantur diuisionem aequalem.

§. XV. Quid hic ageret Lamprias? Tentauit aliquod facinus. Grammaticam sub Poeseos vocabulo Musicae agglutinauit, Astronomiam Geometriae: Rhetoricam vero secuit pro numero, quem habent causarum genera, in tres disciplinas, demonstratiuam, deliberatiuam & iudicialem. Atque sic prodierunt ter tres disciplinae: sub Rhetoricae vocabulo, demonstratiua, deliberatiua, iudicialis; sub Matheseos, Arithmetica, Geometria, Musica; sub philosophiae Logica, Ethica, Physica.

§. XVI. Dixi Lampriae, vocabulo poeseos venire Grammaticam. Non infrequens olim hoc fuit, vt Poesin ad Grammaticam referrent, vel in artibus nominarent pro Grammatica. Seneca Epist. 88. quæ de artibus liberalibus tractat, p. 511. *Grammaticus circa curam sermonis versatur, & si latius eua-*

gari vult, circa historias: iam, vt longissime fines suos proferat, circa carmina. Cumque alii Grammaticos ac Rhetores iungere soleant, Synesius in Dione vix aliis copulat Rhetores quam Poëtis, & Rhetoricam Poësi. Vide ipsum f. m. 23. 25. 28. 31. 32. Hinc & illud Horatii intelliges lib. II. Epist. I. v. 126. Os tenerum pueri balbumque Poeta figurat. Conf. & Saresber. lib. I. Metalog. c. 17. Sane quisquis est, qui Ceberis Thebani nomine Tabulam scripsit, aperte p. m. 50. Poetas loco Grammaticorum nominat, magistros artium liberarium sic enumerans: ποιηταί, ῥητορες, Διαλεκτικοί, Μυσικοί, Ἀριθμητικοί, Γεωμέτραι, Ἀστρολόγοι.

§. XVII. Quod autem Rhetoricam Lamprias tripertitam fecit, in eo secutus videtur doctrinam Stoicorum, de quibus Laertius in Zenone p. m. 331. τὴν μὲν ῥητορικὴν, αὐτὴν εἶναι λέγουσιν τριμερῆ, τὸ μὲν γὰρ αὐτῆς εἶναι συμβουλευτικόν, τὸ δὲ δικάζον, τὸ δὲ ἐγκωσιαστικόν.

§. XIX. Quo loco obiter obserua, rectius apud Laertium demonstratiuam Rhetorices partem cæteris duabus postponi, quam apud Plutarchum anteponi. Constat siquidem, genus causae demonstratiuam reliquis iam antea inuentis & excultis accessisse.

§. XIX. Cæterum de tota Lampriae istius in-

inventionem sic iudico, rectius quidem ipsum nouem Musas totidem disciplinis applicuisse, quam Gyraldum *f. 532.* septem Musas septem artibus liberalibus: veteres enim non septem sed sex artes eas habuisse dictum est §. XII. veruntamen in ipsa partium explicatione admodum violenter esse versatum.

§. XX. Etenim non debebat Grammaticen atque Astrologiam ita praeterire, quae certe apud priscos numerum augebant. Nam debebat ex una Rhetorica, qualis erat antiquis, tres facere Musas.

§. XXI. Rectius fortasse consulturus fuisset expositioni suae, si Musicam a Mathematicis artibus auulsam (quomodo & apud Lactantium Diogenes Musicos a Mathematicis separat *p. m. 231. ed. latin.*) Grammaticae iunxisset, inque numerum adeo rationabilium artium recepisset. Nam si Quintilianocredimus lib. I. c. 16. p. 70. *Grammatica quondam ac Musica iunctae fuerunt: siquidem Architas atque Aristoxenus etiam subiectam Grammaticen Musicae putauerunt, & eosdem utriusque rei praeceptores fuisse, cum Sophron ostendit-tum Eupolis.* Ita prodibunt tres disciplinae rationabiles: Grammatica, Musica, Rhetorica; tres Mathematicae, Arithmetica, Geometria, Astrologia; tres philosophicae, Logica, Physica, Ethica.

§. XXII.

§. XXII. Non dico voluisse hoc ipsum veteres, qui tres vel nouem Musas numerauerunt (nam & hoc ipsum dubitari potest, an non rectius Varro aliquae Musas ad solam Musicen, quam Plutarchus cum aliis ad Encyclopaediam totam accomodauerint) dico tantum ἐπιμύθιον huius fabulae rationibus veterum hunc in modum magis, quam qui est apud Plutarchum, congruum fore.

§. XXIII. Quod si quis aptare haec velit ad aeuum nostri morem, quo nouem illas disciplinas paulo aliter partimur, quam factum fuit a veteribus, ita dicet: in primo ternione comparere tres instrumentales disciplinas, Grammaticam, Logicam, Rhetoricam; in secundo tres partes philosophiae theoreticae, Physicam, Metaphysicam (quae sic in illis nouem plane medium, atque adeo eximium occupat locum) & Mathesin; in tertio tres partes (sinamus enim in fabulae gratiam plures duabus esse) philosophiae practicae, Ethicen, Oeconomien, Politicen.

§. XXIV. Sed quomodo nouem his disciplinis aptabimus recepta Musarum nomina? Solet pingi Grammaticae cum clauis. Sit ergo: *Clio*, κλέϊς enim clavis est, & κλείω non modo celebrandi significationem habet,

bet, sed etiam claudendi. Rhetorica benedicendi ars est. Sit ergo *Calliope*. In physicam non male quadrabit nomen *Ithaliae*, & in Metaphysicam *Vranies*: agit enim illa de corporibus eiusmodi, quorum est florere; & haec de rebus coelestibus, h. e. divinis. Mathesin ex multitudine scientiarum mathematicarum sibi vindicat *Polymnia*: Oeconomica ex amore coniugali *Erato*. Restatut reliqua Musarum nomina partiamur in Logicam, Ethicam, Politicam. Dabimus igitur Logicae *Melpomenen*, Ethicae, *Euterpen*, Politicae *Terpsichoren*.

OBSERVATIO IV.

INDIGETES. BENEDICTIO PER TRES
DIGITOS. CONFESSIO S. TRINITA-
TIS APVD IVDAEOS. SVPERSTI-
TIO CARPENDI PER TRES
DIGITOS.

SUMMARIA.

Indigetes homines in Deos relati §. I. Vocis derivatio varia. §. II. Verosimilior a voce indu & cito §. III. Alia Reuchlini §. IV. Ritus Iudeorum benedicendi per tres digitos in confessionem S. Trinitatis. §. V. & Romanorum bona imprecandi per tres digitos, hinc ex II l. digitare tantum

tum esse indigitare §. VI. *Refutatur coniectura Renschlini* §. VII. vsque ad §. XIV. *Superstitio carpendi per tres digitos.* §. XI. XII. XIII. *Meletius digitis confessionem de Trinitate & Vnitate diuina edens* §. XV. *Fabula similis Accursii* §. XVI.

§. I.

Indigetes vocabantur Romanis, qui ex hominibus propter eximias belli & pacis artes ac bene-merita inter Deos erant relati. *Vid. Dav. Maierum p. 5. Transennæ Theol. Kipping. p. 2. & 3. Antiq. Rôm. & alios passim.*

§. II. Vnde nomen ipsis & verbo indigitandi, a quo porro indigitamenta, varie certant Grammatici. Consule scriptores etymologos, Fungerum, Becmannum, Martinium, Vossum: quem & inspice *de vitiis sermonis p. 155. item Rosinum II. Antiq. Rom. c. 17.*

§. III. Illi, vt opinor, optime qui indigitare priscis idem fuisse dicunt, quod inuocare: a præpositione obsoleta indu pro in, (cuius vestigia satis expressa sunt in vocibus induperator, industrius, indigena) & verbo cito, quod est voco. Hinc enim *indicito*, ex quo postea mutatione vnius literæ factum *indigito*. Ergo indigetes erant, qui meruissent post mortem inuocari pro Diis: & *indigita-*

menta libri Pontificum, seu *ιερατικὰ βιβλία*, qui scilicet, vt Seruius ait Wowerio c. 12. *Polym. p. m. 94.* citatus, & *nomina Deorum*, & *rationem ipsorum numinum* continerent. Approbat hæc se originatione Vosfio etiam *libro I. de Orig. Idol. c. 12. p. 85. 86.*

§. IV. Noua plane, & omnibus quos viderim Etymologis indicta est etymologia doctissimi Ioannis Reuchlini, argutior ea quidem quam verior, sed ipsius raritatis merito adscribenda hic nobis. Existimat ille, imperitia legentium factum fuisse, vt quod esset veteribus vocabulum *trigidare*, atque scriberetur hunc in modum *III. digitare* (quomodo *III. COS.* est tertium Consul) pro eo legeretur *indigare*.

§. V. Sed quam rationem, inquires, huius profert etymologiæ? Audi fabulam non passim vulgatam, & *ex Epistolis ad Reuchlinum scriptis, & a Thoma Anselmo Haganoæ A. 1519.* editis repetendam. Scripserat Reuchlinus ad Petrum Galatinum, priscos Romanorum, tribus erectis digitis reliquisque duobus in palmam depressis, hominum multitudini benedictionem tribuere solitos. Respondet Galatinus nusquam id se legisse: apud Hebræos duntaxat id factitatum comperisse. Nam, inquit p. m. 105. *cum summus Sacerdos po-*

pulo benedicens hæc ex Dei præcepto diceret יהוה יברכך &c. ambas manus ante faciem suam protensas tenebat. Quum vero nomen Dei tetragrammaton proferebat, tres mox utriusque manus digitos, pollicem scilicet, indicem & medium altius erigebat, reliquos duos in palmam depressos habens, & sic nomine illo prolato tres statim eiusdem digitos insimul uniebat, ut veteres Thalmudistæ tradiderunt. Quod nullam aliam ob rem institutum est, nisi ut diuinarum personarum Trinitatem diuinæque nature unitatem per nomen illud designari palam ostenderetur.

§. VI. Respondet Reuchlinus p. m. 106. non multum referre, sintne ab Hebræis digiti an a Romanis leuati. Post aliqua multa interposita sic pergit: Quas nunc credimus benedictiones, ea Romanis vota, & imprecationes fuerunt, non dira sed diuinæ bonitatis inuocationes, quæ indigitamenta nuncupantur. Vnde indigitare idem est, quod imprecari, Festo Pompeio auctore. Itaque in sacris Romanorum scriptum legitur (habes hoc apud Macrob. I. Saturn. 17. p. m. 253.) Virgines Vestales ita indigitant: Apollo Pean. Et Cornelius Labeo asseruit, Maiam eandem & Bonam, Faunamque & Fatuam Pontificum libris indigitari. Quo insinuat, non tota palma, verum una discretis digitis sacerdotales imprecationes fieri. Tribus autem tantum

numero nec ultra: qui numerus apud Pythagoræos in sacris Deorum prævaluit, & ritui subscribit eidem in libro cæli Aristoteles. Vnde arcanum hoc esse, dum per te licet, opinabimur, quod in illorum Pontificum disciplinis verbum digitare tribus lineolis præscriptum erat. Idque postea prophani, & eiusmodi sacris non initiati, quippe nescientes legerunt indigitare, pro III digitare, h. e. tridigitare, quod aque potuissent ut triplicare, trifulcare, tripertiri, & eius forma cætera. Veteres sane ter Consulem tribus lineolis propositis ita III. COS. notarunt. Sed nos multitudinem sequuti dicimus indigitare, tribus digitis bona precari h. e. benedicere. Quem morem & ab Hebræis Pythagoræi, & a Pythagoræis Romani recipere potuerunt, & nos a Romanis, iuxta oraculum Apollinis Pythii, quo institutum erat, religiones teneri, quæ essent in more maiorum, & ex moribus eum qui esset optimus. Vnde, ut simia homines, sic Maga illa quondam apud Ovidium Sacerdotes Romanos imitari conatur:

Et digitis tria thura tribus sub limina ponit.
Hactenus Reuchlinus.

§. VII. Satis apparet Viro alioqui doctissimo natum esse hoc etymon ex persuasionem, quod Romani sacerdotes populo prospera imprecaturi tres digitos erexerint. Hunc morem ab Hebræis putat ad Romanos tandem

dem transiisse: Sed hæc mera est coniectura, quæ firmiora desiderat argumenta.

§. IIX. Nam quod Festus p. m. 128. *indigitare* exponit *imprecari*: in eo probatur mihi Martini iudicium qui *f. m. 1261.* imprecari accipit pro inuocare. Atque hoc ipsum confirmant reliqui loci a Reuchlino aduocati.

§. IX. Neque indigitamenta sunt inuocationes diuinæ bonitatis, sed libri pontificiales, vt dictum §. 3. de quibus & Laurembergium adi *in antiquario p. 226.*

§. X. Fac tamen in vocabulo indigitandi & indigitamenti esse sensum illum, quem vult Reuchlinus, benedictionis: nondum probatum est, tribus hoc digitis factum esse a Romanorum perinde vt Hebræorum sacerdotibus. Quanquam enim numerus ternarius passim habeatur, etiam gentilibus sacer: mirum sit tamen, si tres digitos erexerint Romani bene populo precantes, nulum ea de re proferri posse clarum e scriptoribus testimonium.

§. XI. Nam quod apud Ouidium maga tribus digitis totidem thura sub limine ponit: in eo superstitionem quidem agnosco trium digitorum: sed nondum inuenio ritum sacerdotis benedicentis.

§. XII. Tangit alioqui superstitionem illam & Plinius *lib. XIX. c. 8. f. m. 301.* *Sunt qui*

plantam in transferendo alga subdita pediculo, nitroue trito, quod tribus digitis capiatur, celeriore ad maturitatem fieri putent. Et lib. XXIV. c. 10. f. 355. Ambo prosunt Dysentericis & solutionibus ventris in vino austero ternis digitis florere capta. Qua de re videndus est Iosephus Scaliger *lib. 1. Epist. 18. p. 112.*

§. XIII. Paulo propius a re præsentē abest ritus, cuius Reuchlino in mentem tamen hic non venit, tribus digitis sacrificii ergo thura iniiciendi aris, (quanquam Hieronymus hic duos tantum digitulos memorat, citatus Herald. comment. in Apolog. Tertull. p. 63.) sed neque hic audio benedictionem populo fieri tribus erectis digitis.

§. XIV. Denique nec illud valde probabile est, morem erectione trium digitorum populo benedicendi Christianos hausisse a Romanis gentilibus, de Romanis enim gentilibus adhuc res plane incerta. Verosimilius vel a Rabbiniis hoc mutuatos, vel etiam ultro excogitauisse, ut confessio Sacræ Trinitatis etiam sic in oculos incurreret, quomodo & dum hoc modo simul crux effingitur motu digitorum, id haud dubie pertinet ad confessionem crucifixi: quæ quidem accipi a Rabbiniis non potuit.

§. XV. Hoc loco non possum quin adscribam historiam memorabilem de Meletio Epipi-

piscopo, qui & ipse tribus digitis, cum os ipsi occlusum esset, usus est ad professionem fidei orthodoxæ. Memorat enim Sozomenus *lib. IV. hist. Eccles. c. 27. f. 505.* Arianos eum cum suæ opinionis esse existimassent, ecclesiæ Antiochenæ præfecisse. Verum ipse pro concione Filium eiusdem cum Patre substantiæ palm asseruit. Aiunt ergo Archidiaconum illius Cleri, dum adhuc concionaretur ad eum accurrisse, & manu admota eius os obturasse. Meletium vero manu multo euidentius quam voce sententiā suā Populo indicasse. Nam primum tres tantum digitos palam, ut omnes viderent, extendisse: deinde eosdem rursus compressisse uno solo porrecto. Nimirum significare voluit, tres quidem esse in sacra diuinitate personas, verumunicam essentiam.

§. XVI. Cæterum ad imitationem huius historiæ fabulam suam videtur confinxisse Accursius *ad Titulum de Orig. Iuris*, quam & Frate Ioh. Pauli inseruit libro *Schimpff und Ernst p. m. 30.* summa eius est: Athenienses, cum Romani per legatos ab ipsis leges peterent, hominem doctum misisse Romam, qui prius nutu solo ac gestibus disputando exploraret, num hoc beneficio digni essent Romani. Hos re cognita morionem instruxisse, qui cum Atheniense philosopho igno-

tus congregaretur, ut siue victus is esset, nullo id cum dedecore fieret Romanorum, siue victor, etiam magno cum operæ pretio. Vbi alter in alterius conspectum venit, Græcus sublato uno digito, Deum unum esse significavit: morio unius oculi effosionem sibi portendi suspicans, duos erexit digitos, ut innueret, se vicem illam duobus eruendis repensurum. Sed quia cum duobus, ut feri solet, digitis, etiam tertius emicaret, Græcum hoc pro confessione sacræ, in vnitæ diuinæ essentiæ, Trinitatis habuisse, dignosque pronunciaſſe Romanos, quibus suas leges impertiretur natio Græca. Quis hoc commentum non rideat?

OBSERVATIO V. TRIA VITIA: SUPERBIA, AVARITIA, LVXVRIA.

SUMMARIA.

Virtutes cardinales, vitia cardinalia. §. I. Communiter septem vitia numerant, §. II. interdum etiam tria; superbiam, Avaritiam, Luxuriam, §. III. id est delectationes carnis, oculorum & cordis. §. IV. Vnde vulgaris versiculus: Ambitiosus honor &c. §. V. Varia studia hominum secundum illa tria vitia, §. VI.

VI. VII. cui addendum quartum virtuosorum,
 §. VIII. Fundamentum ternarii vitiorum numeri pseudosummi boni tria genera. §. IX. Numerus iste etiam aliis scriptoribus cognitus, §. X. Aristoteli, §. XI. Autori fragmentorum Pythagoreorum, §. XII. item Christianis, §. XIII. Augustino; huc trabenti maledictionem serpentis, Genes. 3. §. XIV. Radulpho Ardenti, explicanti tres tentationes Christi Matth. 4. §. XV. Eidem & Selneccero explicantibus tria genera se excusantium a coena magna, §. XVI. Plerisque interpretibus in expositione 1. Ioh. 2. §. XVII. & inter eos Henrico Herpf. §. XIIIX. (Malitia pro superbia §. XIX.) Alia classis Scriptorum Christianorum, ad alios terniones ista tria vitia applicantium, §. XX. Pontificiorum scilicet ad tres partes satisfactionis in pœnitentia, ieiunium, eleemosynam, orationem, §. XXI. ad tria vota Monachorum, castitatis, paupertatis & obedientie, §. XXII. ad tres entis affectiones, vnitatem, veritatem, bonitatem. §. XXIII.

§. I.



Agna quidem ut virtutum, sic multo magis vitiorum est multitudo. Sed quemadmodum inter virtutes quædam habentur præcipuæ atque cardinales: ita

& inter vitia quædam aliquo veluti principatu censentur.

§. II. Ac solent quidem plerumque numerari septem vitia capitalia, quorum initiales literæ hoc vocabulo : S. A. L. I. G. I. A. comprehenduntur, iuxta versiculum quem recitat Antoninus Archiepiscopus Florentinus in Confessionali p. 22. *Vt tibi sit vita, semper SALIGIA vita.* Sunt autem hæc : Superbia, Auaritia, Luxuria, Ira, Gula, Invidia, Acedia. Vbi obiter moneo, interdum & pro his septem octo numerari, idque modo non vno.

§. III. Veruntamen haud raro quoque tria tantum vitia quasi cæterorum duces nominari solent, prima scilicet illa e septem dictis, *Superbia, Auaritia, Luxuria.* E quibus superbia cupiditas est honoris, Auaritia diuitiarum, & Luxuria voluptatum corporearum, cibi nempe, potus, ac rei venereæ. Nam luxuria hic & gulam complectitur.

§. IV. Et quia in eo conueniunt hæc omnia, quod sint cupiditates quædam seu concupiscentiæ, ideo David de Augusta c. 7. de *septem processibus religiosi* p. 261. ait per ea concupiscibilitatem, (h. e. facultatem animæ ἐπιθυμητικὴν,) corrumpi, per *delectabilia* nempe *carni* (sic loquitur) & *oculis* & *cordi*, id est, per voluptates, diuitias & honores.

§. V.

§. V. Differunt interim obiectis, quæ sunt Honor, Opes, Voluptas corporis. Hæc tria nempe ab hominibus peruersis substituuntur in locum summi boni, atque adeo diuino quodam cultu honorantur, iuxta distichon, vulgare:

Ambitiosus honos, & opes, & fæda voluptas

Hæc tria pro trino numine mundus habet.

§. VI. Sed cum fieri sæpe soleat, vt ex tribus his bonis alterum alteri certa ratione sit, impedimento, (quomodo certe, qui voluptati sunt dediti, vix possunt cumulandis nummis studere;) ideo vix omnibus simul æquale studium impertiri homines possunt.

§. VII. Quamobrem hinc nascuntur studiorum seu viuendi tria præcipue vituperabili genera. Vnum eorum qui honori, alterum qui diuitiis, tertium qui voluptati maxime inhiant. Hæc tria vitæ genera 1. Nicom. 5. Aristoteli nominantur βίος πολιτικός, χρηματιστής, & ἀπολαυστικός.

§. VIII. Quod si vitam addas eorum, qui ad verum tendunt bonum, h. e. virtutem, quatuor viuendi nascentur genera, ea ipsa quæ Synesius numerat in *Dione* f. m. 21. quatuor proponunt vitas felices, auaram, voluptuariam, ambitiosam & post omnes hilarem & virtuosam.

§. IX. Fundamentum ergo diuisionis huius

ius, vitiorum puta principalium, in tres species, videtur esse triplex bonum, quod perperam pro summo habent quorum corruptus est intellectus.

§. X. Cæterum notus fuit hic vitiorum capitalium ternio Scriptoribus non modo gentilibus, sed etiam Christianis. Intelligitur hoc iam quodammodo e §. 4. 7. 8. Sed iam id clarius docebitur.

§. XI. E Gentilibus locus Aristotelis insignis est *lib. IX. Nic. c. 8. p. m. 384. Qui in vitio ac probro habent Φιλαυτίαν*, illi nominant sui amantes, qui ubique sibi potiore lucri, voluptatis corporea & honoris attribuunt partem. *Quid ita? quoniam vulgus ista ut præcipua hominis bona appetit, in idque præcipuum studium ponit: ideoq; de iis vehementer dimicare homines inter sese solent.*

§. XII. In fragmentis quoque Pythagoreorum Theages p. 471. ed. Zwingeri ait homines iniuste agere *vel lucri vel voluptatis, vel gloria causa.* Quibus similia Clinias habet p. 475. Tamen si vero spuria sunt illa fragmenta, quicumque tamen ipsorum autor est, ethnicus videtur fuisse.

§. XIII. Quod ad Christianos attinet scriptores, quia magna eorum est seges, partiemus eos in classes duas. Quarum prior erit eorum, qui dicta scripturæ ad illa tria vitia

tia accommodant, posterior eos amplectetur, qui ipsa hæc vitia ad alios quosdam applicant terniones. In scripturæ dictis observabimus ordinem biblicum.

§. XIV. Primus scripturæ sacræ locus est *Genes. 3. v. 14.* Vbi latina quidem vetus sic habet: *Super pectus tuum gradieris & terram comedes cunctis diebus vite tue.* Sed septuaginta-viralis non pectoris modo sed & ventris mentionem facit: ἐπὶ τῷ στήθει σ8, καὶ τῇ κοιλίᾳ πορεύσῃ, καὶ γῆν Φάγη πάσας τὰς ἡμέρας τῆς ζωῆς σ8. Quod haud dubie traductum hinc est in versionem eam, qua vsus est B. Augustinus. *Qui lib. II. de Genesi contra Manichæos c. 17. Tom. I. oper. f. 841.* nomine pectoris *superbiam* ait significari, nomine ventris *carnale desiderium*, in eo autem quod scriptum est, terram manducabis, *curiositatem*, quæ tantum temporalia atque terrena penetrat. Vbi observa curiositatis nomine avaritiam designari.

§. XV. Secundus locus est *Matthæi 4. v. 3. & seqq.* de tribus tentationibus Christi. Quas ad tria vitia sic applicat Radulphus Ardens *homil. in Euang. Dominic. I. Quadrages. p. 246. 247.* Diabolus in iisdem tribus (puta de quibus scriptum est *1. Ioh. 2.*) tentauerat & vicerat Adam. Tentavit & Christum, sed ab eo devictus est. De gula quippe tentavit eum, cum dicit: Si

~ ~ ~ filius

filius Dei es, dicut lapides isti panes fiant. De cupiditate (auaritiam intellige, sic enim solent eam nominare scriptores vetusti:] *tentaui Christum, cum ei dixit, hac omnia tibi dabo, si cadens adoraueris me. De vana gloria, siue de superbiam* *tentaui eum, cum dixit ei: si filius Dei es, mitte te deorsum.*

§. XVI. Tertius locus est *Luce 14.* in parabola de coena magna. Vbi tria se excusantium genera sic exponit Selneccerus *Part. III. postill. p. 395.* *Qui agros emunt, sunt superbi. Qui boues emunt, sunt auari. Qui tantum ex pruritu uxores ducunt, sunt voluptuarii. Hec ergo tria peccata, superbia, auaritia & libido homines maxime detinent a Cœna Dei. Vide & Radulph. Ardentem homil. in Euang. Dominic. 11. post Trinit. p. 597.*

§. XVII. Quartus locus est *I. Ioh. 2. v. 16.* *Omne quod est in mundo, concupiscentia carnis, concupiscentia oculorum, & superbia vite, non est ex patre, sed ex mundo.* Vbi plerique omnes concupiscentiam carnis de Luxuria, concupiscentiam oculorum de auaritia interpretantur. Faciunt hoc inter alios Radulphus *Ardens locis §. 15. & 16. designatis, & e recentioribus Hugo Grotius lib. II. de Iure Belli & pacis c. 20. 29. p. 307. prope finem.*

§. XIX. E multis adscribemus hic unum locum Henrici Herpf *serm. 56. de tempore qui est*

est de septem signaculorum apertione f.m. 116: *Aper-
tio tertii sigilli est manifestatio mundi huius sensibili-
lis, in quo regnat cæcitas quæ maxime viget in lu-
xuriosis. Est etiam locus, in quo regnat sterilitas,
quia terram lingunt, quantum ad avaros. Est
tertio locus in quo regnat iniquitas, siue malitia fo-
trix ire, rixæ, rancoris, prauæ dispositionis, inui-
diæ, Odii &c. quod proprie peccatum est diabolici-
cum, sumens ortum a radice superbia. Ex his tri-
bus mundus cognoscitur, ut verificetur illud Iohan-
nis in Canonica: Omne quod est in mundo, est con-
cupiscentia carnis, &c.*

§. XIX. Obiter hic obserua, pro superbia
hic ab Herpſio etiam nominari, *malitiam*.
Quare hinc & illud interpretabimur Bern-
hardi *serm. 39. in Canticum Tom. III. oper. f. 66.*
*Magnus princeps spiritualis atque inuisibilis Regis
Ægypti profecto Malitia est, magnus Luxuria,
magnus Auaritia.* Nam & hic *Malitiam* dixisse
videtur pro superbia.

§. XX. Tantum de prima classe. Ad se-
cundam eos refero, qui tria hæc vitia ad ali-
os quosdam applicant terniones. Vbi testor
me historiam tantum velle recitare, iudici-
um aliis relinquere.

§. XXI. Primo notum est, quod Pontifi-
cii tres faciant partes pœnitentiæ, contriti-
onem cordis, confessionem oris, & satisfacti-
onem operis. Ex his satisfactionem rursus
diui-

diuidere solent in Orationem, ieiunium & eleemosynam, quod vel e *Tom. I. Lat. Lutheri f. 58.* constat. Tria igitur hæc opera satisfactoria Bellarminus opponit tribus vitiis, apud B. Gerhardum *Tom. III. loc. Theol. p. 634.* sic in-
 quiens: *Omnia vitia reuocantur ad concupiscentiam carnis, concupiscentiam oculorum, & superbiam vite. Ieiunium comprimit concupiscentiam carnis, eleemosyna concupiscentiam oculorum, i. e. auaritiam, oratio superbiam vite.*

§. XXII. *Secundo* nota quoque sunt tria vota religiosorum in Papatu, votum nempe paupertatis, castitatis & obedientiæ. Hæc idem Bellarminus opponit tribus illis vitiis diuini amoris impedimentis, paupertatem nempe auaritiæ, castitatem luxuriæ, & obedientiam superbiæ, ut intelliges e B. Hulse-
 manni *Manuali Conf. Aug. p. 601. & seqq.*

§. XXIII. *Tertio* denique notæ sunt tres entis affectiones unitæ, Vnitas, veritas, bonitas. His ad Deum applicatis tria illa vitia opponit Io. Picus Mirandula *c. 10. de ente uno f. 169. his verbis: Admonere nos præsens disputa-
 tio videtur, ut si beati esse volumus, beatissimum om-
 nium imitemur Deum, vnitatem in nobis, verita-
 tem bonitatemque possidentes. Vnitatis pacem
 turbat ambitio, & sibi haerentem animum extra se
 rapit, & in diuersa quasi lacerum trahit atque dis-
 cerpit. Veritatis splendorem & lucem in cano, in*

caligine voluptatum quis non amittet? Bonitatem furacissima nobis furatur cupiditas, id est avaritia. Bonitatis enim peculiare hoc, communicare aliis quae possidet. Hec sunt illa tria, superbia scilicet vita, concupiscentia carnis, & concupiscentia oculorum, quae, ut scribit Iohannes, ex mundo sunt, & non sunt ex patre, quia ipsa unitas, ipsa veritas, ipsa bonitas est.

OBSERVATIO VI.
CVPIDITAS PRO AVARITIA.

SVMMARIA.

Connexio cum obs. preced. §. I. Cupiditas pro Avaritia usurpata versioni Bibliorum veteri, §. II, Autori vitae Iohannis Climaci, §. III. Petro Cluniacensi §. IV, Messretò, §. V. VI, Vincentio Bellouacensi, §. VII. Iacobo a Vitriaco, §. IIX. Pelberto de Temeswar, §. IX. Scriptoribus variis Locorum communium §. X. Cupidum ab avaro separat Saluianus, §. XI. contra voce cupidi avarum denotat Tibullus & Quintilianus §. XII. Coniectura cur vetus Bibliorum interpres cupidi aatem pro avaritia posuerit, §. XIII, XIV, quem postea secuti sunt semibarbari scriptores Christiani §. XV.

§. I.

Dixi *obs. preced. §. 15.* cupiditatem a scriptoribus usurpari nonnunquam solere pro avaritia, quæ fuerit synecdoche generis pro specie. Id tamen si iam e loco Pici Mirandulæ *§. ult. eiusd. obs.* potuit intelligi, libet hic tamen pluribus confirmare. Pertinebit autem ad hunc locum etiam, cum cupidus ponitur pro auaro.

§. II. Inprimis huc facit versio Bibliorum latina vetus *1. Tim. 6. v. 10. Radix omnium malorum est cupiditas.* Vbi in græco est *Φιλαγυγία.*

§. III. Vita Iohannis Climaci per Danielem Monachum. *Cupiditatem vero (quam idolorum venerationem Apostolus esse definiuit,) misericordia Dei rerumque exiguitate fortissime fortis iste superauit.* Auaritiam intelligi patet tum ex eo, quia prouocat ad locum Apostoli qui loquitur *Gal. 5. v. 5. Auarus qui est idolorum seruus,* tum quia Climaco vult tribuere pugnam contra omnia octo vitia capitalia, in quibus est avaritia, ad quam alias nulla periodus, si hanc excipias, quadrat: tum denique quia dicit hanc expugnatam esse exiguitate rerum, h. e. paupertate.

§. IV. Petrus Cluniacensis *c. 28. de miraculis p. m. 127.* Carthusianorum instituta perfequens.

quens : *Cupiditatem insuper quæ radix malorum omnium dicitur, vel avaritiam, quæ idolorum seruitus vocatur, ita radicitus auulserunt, ut certos terminos iuxta locorum suorum fertilitatem, aut sterilitatem in circuitu cellarum suarum maiores minoresue præfigerent, extra quos etiam si totus eis offerretur mundus, nec saltem quantum pes humanus occupat, terræ spatium acciperent.*

§. V. *Meffret in hortulo Reginae de tempore Serm. in Euang. Dom. tert. post Epiph. f. m. 76. rationes redditurus cur avarus non possit impleri, secundam causam profert, quia cupiditas est quasi ignis ardens. Ignis augmentatur in infinitum: sic cupiditas non extinguitur ex appositione diuitiarum.*

§. VI. *Idem Feria IV. post Laetare Serm. 2. f. m. 170. Quinta cæcitas est cupiditas: & hæc homines similes facit talpis. Sic cupidi, dum hic viuunt, semper habent mentalem coecitatem, fodientes sicut talpa in terrenis. Conf. Obs. præced. §. 14.*

§. VII. *Vincentius Bellouacensis lib. I. Spec. moral. dist. 37. f. 290. 291. Studium cupidorum vocat, eorum qui concurrunt ad scientias lucratiuas, mercationes &c.*

§. VIII. *Iacobus a Vitriaco c. 8. hist. occidentalis p. m. 285. Ipse malleus erat cupidorum, confundens non solum feneratores, sed & illos qui per avaritiam multa congregabant.*

§. IX. Notari quoque potest versiculus de vere & apparenter abstinentibus apud Pelbartum de Temeswar *serm. VII. Quadrag. f. m. 233.*

Abstinet aeger, egens, cupidus, gula, simia, virtus.

Vbi cupidus est avarus, qui scil. non vult expendere vti *d. l.* interpretatur Pelbartus.

§. X. Denique Scriptores locorum communium cupiditatem & avaritiam vsurpant fere promiscue. Angelus de Clauasio in *summa casuum* f. 56. *cupiditas vide Auaritia.* Andreas Eborensis *Tom. poster. exemplor. memorab. p. m. 424.* agit de Auaritia; In indice tamen etiam cupiditatis titulum huc adhibet. Antonius Ampigallus *cap. 17. Bibliorum aureorum seu Loc. Comm: p. 39.* inscribit *de avaritia & cupiditate terrena.* Thomas Hibernicus in *florib. Doctorum* cum de avaritia egisset, iubet etiam consulere titulum cupiditatis, qui legitur *p. 254.* Idem facit Ioannes Faius in manipulo exemplorum quem vide *p. 62. & 142. Conf. defensoris* vetustissimi Theologi *Scintillas siue locos communes c. 25. & 30.* quos tacito licet & Scriptoris & libri nomine inseruit nuper differentiis inter politicem genuinam ac diabolicam Ioach. Pastorius *p. 169. & seqq.* vbi de avaritia *p. 284.* & de cupiditate *pag. 269.* reperies.

§. XI.

§. XI. Fatendum interim fuisse etiam, qui cupidos ab avaris seiungerent. Saluian. Massiliensis *lib. IV. de gubern. Dei p. m. 137.* *Iniusti sunt barbari ; & nos hoc sumus ; Avarisunt barbari & nos hoc sumus ; Infideles sunt barbari & nos hoc sumus ; Cupidi sunt barbari & nos hoc sumus ; Impudici sunt barbari & nos hoc sumus.*

§. XII. Vicissim tamen cupidum pro avaro dixisse creditur Tibullus *lib. I. Eleg. disticho penultimo :*

- - Vos signa tubaeque

Ite procul cupidis vulnera ferte viris.

Ita certe explicat Faber Buchnerianus *f. 282.* & fauet argumentum totius elegiae qua Tibullus negligentem se diuitiarum profitetur. Neque placet Gebhardo *ad b. l. p. 13. stupidis*, quod alii reponunt, qui & verba profert Quintiliani, in quibus similiter cupidi milites videntur dicti pro avaris. Locus est *prope finem cap. I. l. XI. p. m. 618.* Vide & Elmenhorstium *Indice Apuleiano voce cupidus.* Et Pricaeum *notis in l. IV. Metam. Apul. locus est in edit. Elmenb. p. 153. lin. 16.*

§. XIII. An ergo dicemus Tibulli & Quintiliani similiumue auctoritatem secutum vetustum Noui Testamenti interpretem, Φυλαγγορίαν 1. *Tim. 6, 10.* vertisse cupiditatem quod Pricaeo placuisse videtur. An potius, quia certe non admodum vsitatum fuit cupi-

dum pro auaro nominare (quam ob causam nec Laurentio Vallae *ad h. l. p. 204.* nec Erasmo *f. 681.* interpres hic placet) suspicabimur, graecam vocem cum vna Latina non posset, duabus reddidisse *cupiditatem nummorum* vel pecuniae; posterius autem vocabulum forte culpa librarii omissum effecisse, vt sequens aetas cupiditatem simpliciter pro auaritia libenter vsurparet?

§. XIV. Sane Bibliorum interpretem sequi studuisse putem Ambrosium Camaldulensem, quando Diogenis Laertii illud de Diogene Cynico *p. m. 283.* τὴν Φιλαργυρίαν εἶπε μητρόπολιν πάντων τῶν κακῶν, ita translulit *p. m. 239.* *Cupiditatem arcem omnium malorum dixit.* Citat hoc praeter Fabrum in Lexico etiam Lycosthenès *p. 94.* *apophthegmatum*: Et addit, non procul abludi a sententia Salomonis (Pauli forsan voluit dicere) qui dixerit cupiditatem radicem malorum omnium.

§. XV. Quicquid sit, hoc certe quidem confici putem posse, vt cupidus pro auaro, cupiditas pro auaritia simpliciter diceretur, solennius fuisse scriptoribus Latinis Christianis, posteaquam ita vetus Bibliorum interpres vel praeiuit vel creditus est praeiuisse, quam gentilibus vetustis, a quibus alias normam scribendi repetimus. Et confido in
hanc

hanc sententiam vel decuplo plures posse locos e barbaris vel semibarbaris autoribus proferri, quam ex iis, quorum castigatissima est latinitas.

OBSERVATIO VII.

SPECIMEN INDICIS EXPURGATORII.

Indicis Librorum expurgandorum in studioforum gratiam confecti. Tomus primus, in quo quinquaginta auctorum Libri prae ceteris desiderati, emendantur. Per Fr. Io. Mariam Brasichellen, Sacri Palatii Apostolici Magistrum, in vnum corpus reductus & publicae commoditati editus. Romae, ex typographia R. Cam. Apost. M. DC. VII. Superiorum permissu.

Authorum, quorum libri hoc priori tomo expurgantur, Catalogus.

A.

Albertus Argentinus.	pag. 1.
Albertus Krantzius	2.
Amatus Lusitanus	2.
Analyfis seu resolutio dialectica.	19.
Andreas Mafius	24.
Antonius de Rampilogis.	26.
Arnaldus de villa noua	36.
	B.

B.

Beatus Rhenanus.	37.
Benedictus Ariamontanus	39.
Biblia Roberti Stephani	46.
Bibliotheca Sanctorum patrum.	63.

C.

Candelabrum aureum	297.
Caroli Molinæi annotationes.	308.

D.

Didacus Stella	406.
----------------	------

E.

Emanuel Sa.	414.
Epigrammatum flores.	443.

F.

Franciscus Duarenus	ibid.
Francisci Georgii Problemata	446.
- - - Eiusd. harmonia mundi.	509.
Francisci Hottomanni de verbis iuris	553.
Eiusd. institutiones.	555.

G.

Geraldus Mercator.	556.
Guilielmus Grattarola.	557.

H.

Hieronymus Cardanus de subtilitate.	559.
Idem de varietate	580.

I.

Ianus Cornarius.	598.
Iannotius de Manetis.	601.
Ioh. Bodinus.	ibid.
	Ioan.

Ioannes Carion	604.
Ioh. Forsterius	610.
Ioh. Gulielmus Stuckius	626.
Ioh. Neuizanus	629.
Ioh. Oldendorpius	637.
Ioh. Petrus de Ferrariis.	640.
Iofias Simlerus	644.
Eiusd. Vallesiae descriptio.	645.
L.	
Laurentii Schradaei Monumenta.	646.
Leopoldus Dichius	647.
Leonardus Fuchsius.	fol. 648.
Leuinius Lemnius	652.
Ludouicus Casteluetrius	653.
Ludouicus Viues.	664.
M.	
Martinus Martinez	667.
Matthaeus Wesenbecius	673.
Melchior Clingius	679.
P.	
Petrus Crinitus	681.
Plato cum Serrano	682.
Polydorus Virgilius	685.
Sebastianus Munsterus	693.
T.	
Theatrum vitae humanae	694.
Theophrastus	723.
Thesaurus linguae sanctae	724.

fandi , ino magna iis est habenda gratia, quod laboribus , quos in hac re non contemnendos reliquerunt, tum proprios, tum ab vniuersitatibus, & aliis viris doctis confectos, laborem nostrum leuiorem multo, facilioremque reddiderunt. Itaque ipso- rum industriae, quod inchoarunt, quod ve- ro inchoata non perfecerunt, temporis est vel angustiae, vel importunitati tribuen- dum. Cæterum hoc labore suscepto, & tuis (ni fallor) studiis (amice lector) & nostrae quieti magna ex parte consulimus. Cer- te non erit posthac opus, huiusmodi libros habentibus, (quod ante non sine stomacho facere coacti sumus) auferre, si modo iis iuxta Censuras nostras emendatis, quam incorrectis, vt antea pertinaciter vt malue- rint. Si autem (quod imbecillitatis huma- nae memores euenire posse minime dubi- tamus) aliquæ errorum reliquiae, quae dili- gentiam nostram effugerint, in huiusmodi libris remanserint, pii, & Catholici lectoris officium erit, eas, prout necesse fuerit, rese- care. Quem propterea vt ad eosdem libros legendos non oscitanter, sed caute, & pru- denter accedat, admonemus. Superest nunc, vt & quod datur hilari fronte suscipias, & nos piis apud Deum precibus iuuare non graueris, quo facilius secundum Censura-
rum

rum Tomum, quem iam prae manibus habemus, celeriter emittere valeamus, Vale. Datum Romae ex Palatio Apostolico, anno salutis 1607.

Albertus Argentinensis. pag. i.

Ex Alberti Argentinens. chronico delenda sunt sequentia; Solet autem opus annecti Historiae Ottonis Episcopi Frisingensis. Basileae apud Petrum Pernam. 1569.

pag. 157. deleantur illa verba, *Dolis Cleri praevalentibus contra eum.*

pag. 158. deleatur titulus capituli, qui sic habet, *De potentia, & superbia Sedis Apostolicae, ac Praedicatorum, & Minorum.*

Deleatur etiam totum caput, quod incipit, *Post Fridericum &c.*

pag. 169. deleatur historia, seu potius fictitium commentum Bonifacio Papae VIII. impositum.

pag. 174. Narratur de quodam Concionatore, qui dicebatur venenum Imperatori propinasse, cum ei sacram Communionem daret; quae quidem Historia tamquam falsa, & scandalosa Sanctissimum Eucharistiae Sacramentum recipientibus, prorsus delenda est:

igitur tollantur illa verba: & in *Assumptionis*

nis Virginis Mariae vigilia &c. vsque illico discesfit.

pag. 180. habetur cuiusdam somnium, qui sanctam sedem *stabulum immundissimum stercorebus plenum vocat*. Haec autem tanquam scandalosa, & iniuriosa delenda sunt ab illo verbo: *Pater ille, qui mihi monstravit*, vsque ad verbum: *Expurgate*.

P. 2.

pag. 187. De Clemente Papa VI. quaedam iniuriosa dicuntur, quae tanquam [maligne prolata contra Pontificem alias, a multis auctoribus commendatum, delenda sunt, v. 3. *Hic ab Antecessoribus &c. vsque de Simonia deformans*.

pag. 192. vbi dicitur, *Nullum pro Imperatore habebunt, nec per Sedem Apostolicam probatum; Mendosa est lectio, & loco dictionis, Nec ponendum est, Nisi*.

Albertus Krantzii.

Loca delenda in Historiis Alberti Krantzii.
Saxonia.

Francfurti ad Mœnum apud Andream Wechelium 1580.

Deleatur praefatio Nicolai Cisneri ad Consules, & Senatores Reipub. Amburgen. Incipit, *Historicos*, &c.

Lib. II.

pag. 29. c. i. n. 40. dele, *De qua ipsi viderint*, & in

in margine, *Constantini donatio fabulosa*.
pag. 32. c. 5. n. 20. dele notam marginalem,
Monachismus.

Lib. III.

pag. 55. c. 1. n. 20. dele: *Nec dum enim, usque
potestatem*, inclusiue cum nota marginali,
Romani Pontificis &c.

pag. 61. c. 3. n. 20. dele, *Baptizatus ad finem vi-
tae*, vsque ad *fabulosa creditur*, inclusiue.

pag. 65. c. 3. n. 1. dele notam marginalem, *Sa-
cerdotium, &c.*

pag. 67. c. 4. n. 10. dele, *Dicant igitur vsque*,^{p. 3.}
postea vero quam, cum nota marginali: *Pa-
palis consecratio*.

Lib. IV.

pag. 84. c. 10. n. 50, deleatur totum caput 10.
& 11. cum nota marginali, *Leo Papa, & alia,
Constantini donatio*.

Lib. V.

pag. 110. c. 8. n. 30. dele, *Quid enim hodie per
dispensationem Apostolicam non obtinetur?*
cum nota marginali, *Papa laxissima, &c.*

p. 131. c. 37. n. 10. dele *Ex hac verborum*, vsque
saeculares inclusiue, cum nota marginali,
Papa.

Ibidem n. 20. dele in margine, *facere mala*.

pag. 132. c. 39. n. 40. dele in margine *sol-
vendi &c.*

Lib.

Lib. VI.

pag. 146. c. 16. n. 40. dele *Non confirmationis*,
vsque *Rex ergo* exclusiue, cum nota mar-
ginali, *Annata &c.*

pag. 147. c. 16. n. 10. dele notam marginalem
Romani &c.

pag. 151. c. 22. n. 50. dele notam marginalem
Lubicensis Episcopus.

pag. 167. c. 46. n. 50. dele notam marginalem,
Amant primas &c.

pag. 168. c. eodem n. 10. dele notam margi-
nalem, *unius Monachi, &c.*

Ibidem c. 47. n. 50. dele marginalem notam
Imperator & Pontifex.

pag. 171. c. 51. n. 10. dele. *Ad quem Imperator*
vsque ad c. 52. cum nota marginali, *Pon-
tifices.*

Lib. VII.

pag. 183. c. 14. n. 1. dele marginalem notum,
Habentes alimenta.

p. 4. pag. 196. c. 33. n. 30. dele marginalem notam,
Papa & Imperatoris coniunctio.

Lib. VIII.

pag. 211. c. 14. n. 30. dele *cum tanto*, vsque
ad, *auerteret.*

pag. 215. c. 21. n. 30. dele, *facile donans*, vsque
ad *sequantur*, cum nota marginali, *Imperi-
um a Papa.*

pag. 221. c. 28. n. 10. dele marginalem notam,
facultatum. pag.

pag. 223. c. 32. n. 1. dele marginalem notam,
Ecclesia &c.

pag. 225. c. 36. n. 1. dele, *Vides Petre &c.* vs-
que *tuorum.*

Ibidem dele in margine, *Papa in Theatro &c.*

Ibidem n. 10. dele, *Tante ne &c.*

Ibidem n. 30. dele, *Reges Pontificem.*

Lib. IX.

pag. 230. c. 2. n. 1. dele, *Ita Tartarica* vsque ad
comparationem, cum nota marginali, *Ita-*
li, &c.

pag. 232. c. 5. n. 40. dele marginalem notam,
Coelibatus &c.

pag. 234. c. 7. in fine capitis dele, *Ptolomaeus*
vero, vsque ad, *praevaluerunt*, cum nota
marginali, *Eucharistia.*

pag. 236. c. 10. n. 10. dele, *quod ne cui nouum*,
vsque ad *Iupiter*, cum nota marginali: *Vir-*
ginis imaginem.

pag. 240. c. 15. n. 1. dele, *Inter alia vero*, vsque
ad *desolabitur*, cum nota marginali, *Pape*
nimia &c.

pag. 249. c. 28. n. 30. dele, *Non sine scandalo*, vs-
que ad *desolabitur*, cum nota marginali, *Pa-*
pa &c.

Lib. X.

pag. 261. c. 4. n. 10. dele, *Iam enim Itali*, vsque
ad, *seueritatis.*

p. 5. pag. 265. c. 11. n. 40. dele notam marginalem,
Urbani Papæ.

pag. 266. cap. eodem n. 10. dele notam marginalem, *Episcopi Cardinales creati.*

Ibidem dele, *longam inde tragædiam* vsque *Secretarius Apostolicus.*

pag. 282. c. 36. n. 20. dele notam marginalem,
Consuetudine aucupia &c.

Lib. XI.

pag. 297. c. 20. n. 10. dele marginalem notam,
Concilium &c. n. 40. dele aliam, *Concilii* &c.

pag. 305. c. 30. n. 1. dele, *Sed aliquando* vsq; ad
dissimulabat, cum nota marginali, *Annatis.*

pag. 307. c. 33. n. 10. dele, *Iam conspirantibus*,
vsque ad, *Imperii*, cum marginali nota, *Papa*, &c.

Lib. XII.

pag. 310. c. 1. n. 40. dele in margine, *Papa*, &c.

pag. 311. c. 3. n. 40. dele marginalem notam,
Fatigatos, &c.

pag. 327. c. 27. n. 40. dele marginalem notam,
Qui dixit, &c.

pag. 328. c. 28. n. 10. dele, *Iam mallet*, vsque
ad *Barbitonsor.*

Lib. XIII.

pag. 339. c. 8. n. 20. dele marginalem notam,
Ecclesiasticis &c.

In Indice Saxoniae, dele *Pontificis* &c.

Me-

METROPOLIS.

Francofurti ad Moenum, ex officina Typographica Andreæ Wechelii 1576.

Deleatur Præfatio Io. Volphii ad Episcopum Herbipolitaniū Franconiæ Ducem, &c.

Lib. I.

pag. 10. c. 10. n. 10. dele, *Sed illam*, vsque ad, P. 6. *templo*, cum nota marginali, *Fabulas*, &c.

pag. 18. c. 25. n. 40. dele marginalem notam, *In diuorum*, &c.

pag. 19. c. 26. n. 20. dele notam marginalem, *Pontifices* &c.

pag. 24. c. 34. n. 20. dele marginalem notam, *Inuidia* &c.

Lib II.

pag. 31. c. 1. n. 10. dele notam marginalem, *Hunc annorum* &c.

pag. 33. c. 1. n. 1. dele notam marginalem, *Multa in Martyrum* &c.

pag. 34. c. 1. n. 10. dele, *hic* (vt Gratianus) vsque ad, *quinto*, vna cum nota marginali, *falsa*, &c.

pag. 36. c. 1. n. 30. dele notam marginalem, *Imperatoris* &c.

pag. 53. c. 20. n. 30. dele notam marginalem, *Turpe* &c.

pag. 57. c. 29. n. 50. dele notam marginalem, *fuit olim* &c.

Lib. IV.

pag. 94. c. 10. n. 40. dele notam marginalem,
Deglutientes, &c.

pag. 109. c. 33. n. 1. dele notam marginalem,
Qui excommunicati, &c.

Lib. V.

pag. 119. c. 1. n. 20. dele notam marginalem,
Papa &c.

pag. 129. c. 16. n. 40. dele, *Mortique*, vsque ad,
dicens, quibus deletis adde, *Ibi diem clausit*
extremum, cum nota marginali, *Rudolphus.*

pag. 133. c. 21. n. 50. dele in nota marginali,
si non conficitur.

Lib. VI.

P. 7. pag. 149. c. 12. n. 40. dele notam marginalem
Krantzius.

pag. 157. c. 27. n. 40. dele *ponebantur &c.* vs-
que *ad triumphandum* cum nota marginali,
que hodie.

Lib. VII.

pag. 170. c. 1. n. 1. dele notam marginalem,
si Papa &c.

pag. 174. c. 10. n. 50. dele marginalem notam
Ecclesie &c.

pag. 193. c. 42. n. 10. dele, *cateri fratres &c.*
vsque ad, *vehementia*, & marginalem no-
tam, *Monachis.*

Lib. IX.

pag. 253. c. 34. n. 30. dele marginalem notam.
Roma &c.

Lib,

Lib. X.

pag. 281. c. 27. n. 10. dele marginalem notam,
ut in politia, &c.

pag. 290. c. 45. n. 1. dele marginalem notam,
Ecclesia &c.

Lib. XI.

pag. 293. c. 1. n. 1. dele marginalem notam,
Deus, & Sancti &c.

pag. 297 c. 8. n. 40. dele marginalem notam,
Ioannis Husita, &c.

pag. 198. c. 10. n. 5. dele, & *quam facile dedit,*
&c. vsque, *expleri non posset,* dele etiam no-
tam marginalem, *Papa Bonifacius &c.*

pag. 301. c. 15. n. 1. dele notam marginalem,
Christo neglecto &c.

ibidem n. 30. dele etiam notam marginalem,
Præceptum Christi, &c.

p. 303. c. 19. n. 10. dele not. marg. *Pontifex &c.*

p. 305. c. 24. n. 20. dele notam marginalem : p. 8.
Christi verba, &c.

pag. 307. c. 28. n. 30. dele notam marginalem,
Bohemi &c.

Lib. XII.

pag. 328. c. 15. n. 50. dele notam marginalem,
in Episcopis &c.

pag. 329. c. 16. n. 20. dele notam marginalem
Nicolaus Pontzius &c.

pag. 335. c. 29. n. 30. dele. *Solet enim Sedes &c.*
vsque *interim,* cum nota marginali, *Aurum*
pro plumbo &c. F 3 In

In indice dele, *Romana Sedes.* &c.

DANIA.

Francofurti ad Mœnum apud Andream Wechelium 1575.

In frontispicio dele nomina hæreticorum, Io. Volphii & Iacobi Ziegleri ; Tollatur præfatio Volphii ad Ludouicum Ducem Wirtembergensem , quæ incipit, *In hoc nostro consilio.*

Lib. II.

pag. 85. c. 23. n. 10. dele notam marginalem, *puram religionem* &c.

Lib. V.

pag. 108. c. 18. n. 50. dele notam marginalem, *Martyr Christi* &c.

pag. 110. c. 20. n. 10. dele, & *ut verum* &c. vsque *circumferentur*, cum nota marginali, *Canones* &c.

pag. 112. c. 24. n. 40. dele notam marginis, *Pontificum* &c.

pag. 117. c. 33. n. 20. dele, *quid contulit*, vsque *magnificentibus*, cum nota marginali, *recte sua*, &c.

Lib. VI.

p. 134. c. 12. n. 3. dele notam marginalem, *minaces* &c.

Lib. VII.

p. 9. pag. 160. c. 7. n. 10. dele, *cum regnum* &c. vsque, *possent*, cum nota marginali, *Eundem Regem esse.*

Lib.

Lib. VIII.

pag. 192. c. 30. n. 1. dele not. marg. *Indulgentiarum* &c.

IN SVEVIA, ET NORVAGIA
nihil animaduertimus corrigendum.

VVANDALIA.

Francofurti ex officina Typographica Andreæ Wechelii 1580.

Tollatur Epistola Impressoris ad Hubertum Languetum, quæ incipit *Cur banc*, &c.

Lib. I.

pag. 5. c. 2 n. 2. dele in margine, *Non omnes Christiani*.

Lib. II.

pag. 39. c. 23. n. 50. dele in margine, *Vos autem sic*.

p. 40. c. 25. n. 40. dele in margine, *Hoc in Saxonum Episcopis*.

Lib. IV.

p. 84. c. 9. n. 20. dele in margine, *gratis* &c.

p. 87. c. 14. n. 10. dele in margine, *Pictatem* &c.

p. 90. c. 19. n. 10. dele in margine, *niltale* &c.

p. 93. c. 23. n. 20. dele in marg. & *Romanenses* &c.

p. 101. c. 38. n. 50. dele in marg. *non bene consultur* &c.

p. 102. c. 39. dele notas marginales, *Episcopi*, & *Episcoporum* &c.

Lib. VI.

- p. 138. c. 18. n. 30. dele in margine, *Episcopus humanis hostiis* &c.
- p. 10. p. 141. c. 24. n. 40. dele, *cum de more*, vsque, *nunciarentur*, & notam marginalem, *infesta*.
- p. 147. c. 35. n. 20. dele in margine, *Excommunicationis* &c.
- p. 148. c. 37. n. 20. dele in marg. *sic traditionum* &c.

Lib. VII.

- p. 152. c. 6. n. 20. dele in margine, *Papa* &c.
- p. 159. c. 21. n. 20. dele in margine, *Italiae Provincias* &c.
- pag. 169. c. 40. n. 30. dele in margine, *Clerus iuris* &c.
- pag. 171. c. 42. n. 10. dele in margine *poteſt- ne* &c.
- pag. 176. c. 49. n. 1. dele in margine *Fratres mendicantes* &c.
- pag. 179. c. ultimo in fine, dele notam marginalem, *Veneficium* &c.
- pag. 179. c. ultimo in fine, dele notam marginalem, *Veneficium* &c.

Lib. VIII.

- pag. 180. c. 2. n. 1. dele duas notas marginales primas, *Iudica*, & *Cordati*, &c.
- pag. 183. n. 10. dele notam marginalem, *Clerus* &c.
- pag. 185. c. 10. n. 10. dele notam marginalem, *Papa impiorum* &c. Et

Et c. II. n. 50. dele notam marg. *Papa &c. & in textu, iam omne, vsque abstuliffem.*

Lib. IX.

pag. 204. c. 2. n. 10. dele notam marginalem, *Papa &c.*

pag. 207. c. 8. n. 50. dele notam marg. *opes in Ecclesia &c.*

pag. 210. c. II. n. 20. dele notam marg. *Auaritia &c.*

pag. 219. c. 28. n. 20. dele notam marg. *Quis ex variis &c. & n. 30. Papa ordini &c.*

pag. 222. c. 30. n. 40. dele not. marg. *Dictatorium Papa &c.*

Lib. X.

pag. 227. c. 2. n. 30. dele not. marg. *Calicis usus &c.*

p. 237. c. 21. n. 10. dele not. marg. *Ecclesia Romana &c. & n. 20. Papatus &c.*

p. 238. c. 23. n. 50. dele notam marginalem, *se*^{p. II.} *tueri &c.*

p. 240. c. 35. n. 50. dele notam marginalem, *Papa matrimonium.*

p. 242. c. 28. n. 30. dele notam marginalem, *at illi &c.*

Et n. 50. *sibi magis &c.*

p. 245. c. 33. n. 1. dele not. marg. *at Catholici &c.*

pag. 248. c. 40. n. 50. dele not. marg. *Monachi &c.*

Lib. XI.

- p. 252. c. 6. n. 10. dele not. marg. *Clerus Romanensis* &c.
- p. 254. c. 9. n. 1. dele notam marginalem, *Vestro vero* &c. c. 10. n. 1. dele notam marginalem, *id est* &c.
- p. 157. c. 17. n. 30. dele notam marginalem, *Imperii Patrimonium* &c.
- p. 261. c. 23. n. 1. dele notas marginales, *nullas etiam* &c. & *Papa Concilium* &c.
- Et c. 24. n. 50. dele notam marg. *cum Pontificiis* &c.
- p. 262. c. 26. n. 10. dele notam; & *Papa* &c. & n. 20. *caput Ecclesie* &c.
- c. 27. n. 30. & 40. dele in textu, *Formidabat enim*, vsque *exemplares* inclusivae, cum nota marginali, *unde* &c.

Lib. XII.

- p. 275. c. 7. n. 40. dele marg. not. *sed cur tandem* &c.
- p. 282. c. 19. n. 40. dele marginalem notam, *Pontificium anathema* &c.
- p. 258. c. 24. n. 40. dele not. marg. *Pontificis bruta* &c.
- p. 290. c. 33. n. 1. dele notam in margine, *oves* &c.

Lib. XIII.

- p. 293. c. 1. n. 1. dele marginalem notam, *Italis* &c.

p. 295. c. 5. n. 50. dele illa verba, *ut habeant*,
vsque *suas* inclusiue, cum nota marginali,
Papa &c.

pag. 297. c. 8. n. 30. dele notam marg. *Catho-
lica &c.*

p. 302. c. 16. n. 3. dele not. marg. *non mi-
nus &c.*

p. 305. c. 22. n. 20. dele notam marginalem, *Papa cum Turco &c.*

Lib. XIV.

pag. 319. c. 6. n. 50. dele not. marg. *Papa impe-* p. 12.
rium &c.

p. 325. c. 17. n. 30. dele *facta*, & *infecta*, vsque
Sacerdotes, inclusiue, cum nota marginali,
hæc &c.

p. 330. c. 26. n. 1. dele not. marg. *Ecclesia est in
Rep. &c.*

pag. 333. c. 31. n. 30. dele notam marg. *cur
vero &c.*

pag. 336. c. 33. n. 10. dele not. marg. *Religio-
nis &c.*

pag. 337. c. 34. n. 40. dele not. marg. *hæc o-
mnia &c.*

IN INDICE.

Dele *Ecclesia Catholica*, &c.

Dele *Ecclesia Romana* &c.

Litera P.

Dele ab illo verbo, *Papa gladium*, vsque ad il-
la, *Papa opes* &c. inclusiue.

Item

Item illa *Papa omnia nihil facit* &c.

Item *Papa fulmina* &c.

Item *Papa errantem* &c.

Litera V.

Dele, *Veneficium Florentinorum ars*, &c.

Andreas Mafius.

Ex Andreae Mafii Commentariis ad Iosue Imperatoris Historiam Impress. Antuerp. 1574.

pag. 30. lin. 20. deleantur hæc verba, *non igitur recte a Latino*, vsque ad exitum periodi inclusivæ.

p. 31. lin. 15. delendum, *hæc verba*, parum ergo plene vsque ad illa exclusivæ, *hæc enim ea sola*.

p. 31. lin. 37. deleantur hæc verba, *illud converti*, vsque ad illa exclusivæ, & *nihil usitatus*.

p. 32. lin. 36. deleantur hæc verba, *neque vero hic*, vsque ad illa exclusivæ *atque hanc istorum verborum*.

p. 43. lin. 19. deleantur hæc verba, *quod enim Latinus*, vsque ad illa exclusivæ, *verum neque illud*.

p. 56, lin. 11. *ubi non satis considerate latinus videtur interpretatus esse*, deleatur, *quod ipse sentiret*, exclusivæ *fuit ergo ut ego*.

p. 59.

- p. 59 lin. 31. deleantur hæc verba, *at vero si sacerdot. vsq; ad illa exclusiue, ceterum quantā amplissime.*
- p. 66. lin. 6. del. *esse autem*, vsque ad illa exclusiue, *at qui aquas.*
- p. 71. lin. 14. deleantur, hæc verba, *quare non satis recte*, vsque ad illa exclusiue, *ceterum personæ mutatio.*
- p. 128. lin. 8. deleantur hæc verba, *qua fronte Catholica Ecclesia*, vsque ad illa exclusiue, *ceterum ponit nobis.*
- p. 139. lin. 43. deleantur hæc verba, *nam furorem*, vsque ad illa exclusiue, *neque vero furor.*
- p. 165. lin. 6. deleantur hæc verba, *ipsa enim quam dixi*, vsque ad illa exclusiue, *sed enim D. Ambros.*
- p. 227. lin. 9. deleantur hæc verba, *quare non recte latinus*, vsque ad illa exclusiue, *hac terra relicta.*
- p. 229. lin. 14. deleantur hæc verba, *neque vero recte latinus*, vsque ad illa exclusiue *porro illud.*
- p. 231. l. 34. deleantur hæc verba, *latinus nescio qua fretus*, vsque ad illa exclusiue, *quare ego existimare,*
- p. 236. lin. 28. deleantur hæc verba, *latinus enim illic*, vsque ad illa exclusiue, *etiam ut demus illum.*

- p. 241. lin. 36. deleantur hæc verba, *non igitur recte a latino*, vsque ad illa exclusiue, *neque enim Leuite.*
- p. 317. lin. 20. deleantur hæc verba, *neque enim ara nisi cui sacrificantur dicari debet*, vsque ad illa exclusiue, *audiuerunt inquam.*
- p. 318. lin. 20. deleantur hæc verba, *immo vltos omnium, qui gladio*, vsque ad illa exclusiue, *nam etiam nostros.*
- pag. 325. lin. 21. deleantur hæc verba, *non ut eam adoremus*, vsque ad illa exclusiue, *ut dum.*
- p. 329. lin. 10. deleantur hæc verba, *quare non recte latinus*, vsque ad illa, *eritis igitur.*
- p. 338. lin. 23. deleantur hæc verba, *habet quidem fateor*, vsque ad illa exclusiue, *sed quando sic loquuntur.*
- p. 343. lin. 42. deleantur hæc verba, *ad solam enim vite*, vsque ad illa exclusiue, *neque enim solus.*

OBSERVATIO VIII.

De

IVRE BELLII ET PACIS STATIBVS IMPERII VI SUPERIORITATIS COMPETENTE.

SUMMARIÆ.

AN status gaudeant iure belli tam offensiu, quam defensiu? §. I. Respondetur, erga Consta-

statum saltem licitum esse bellum defensuum, non offensuum, contra Limneum §. II. Non obstat, quod aliquando in legibus imperii prohibeantur iniusta bella offensiva. Bella defensiva etiam sunt, quando quis ab hoste primum lacescit post aliquod tempus iniurias ulciscitur. §. III. Bella mandatu Caesaris contra proscriptos gesta huc non pertinent. §. IV. A. B. c. 17. per seculam constitutionem pacis profana est abrogatum. Concessio belli offensivi erga constatus tollit omnem iurisdictionem imperii. Per ducentos annos status contra status belligerantes persuadere Imperio voluerunt, bellum ex sua parte esse defensuum §. V. Quod vero bellum statuum erga Reges externos attinet, videndum ante omnia quodnam bellum sit offensuum, quodnam defensuum, præprimis cum fere omnes belligerantes prætendant se in defensione versari. §. VI. Non omne bellum offensuum est iniustum, nec omne defensuum iustum. §. VII. Non omnis qui iniuriam fecit, bellum offensuum inchoat. Nam iniuriæ causa quidem belli sunt, non tamen bellum ipsum, ergo nec bellum offensuum §. IIX. Qui absque iniuria præcedente bellum infert, ille bello hoc offensivo iustam causam præbet bello defensivo, excepto unico casu, si Deus tale bellum offensuum iusserit. §. IX. Ipsa igitur prima belli illatio, siue ex iusta siue iniusta causa facta, est hodie character belli offensivi. Olim indictio belli indicabat bellum of-

offensuum. Olim etiam, si iusta causa subesset, non pudori erat bellum incipere. Indicium malitia nostri seculi est, quod nemo velit fateri se bellum incepisse, quod item subinde velimus persuadere aliis, pacem, non bellum esse, ubi tamen meri actus hostiles exercentur. §. X. Ex dictis examinatur doctrina Pufendorffii de bello offensivo & defensivo; §. XI. item Limnei. §. XII. His suppositis questio non est, an status contra Reges externos vi superioritatis uti possint bello offensivo? De utraque specie plures casus determinantur. §. XIII. Respondetur status tali bello offensivo, absque implorata Imperatoris & Imperii ope non uti posse. §. XIV. Respondetur Limneo dissentienti. §. XV. De bello vero defensivo quin id gerere possint non est dubium. §. XVI. Ius habendi delectus & conscribendi milites statibus competens cum suis classibus §. XVII. Ius instruendi armamentaria §. XIX. Ius muniendi loca & arces indistincte statibus absque consensu Imperii non competere. §. XIX. Respondetur Limneo §. XX. Iura sequela, lustrationis & reliqua. §. XXI. Ius aperture §. XXII. XXIII. Ius repressaliarum eiusque origo ex moribus Gentium antiquissimis §. XXIV. Iustitia repressaliarum fusius deducitur & ab obiectionibus liberatur §. XXV. An statibus competat ius repressaliarum? reiecta doctrina Pragmaticorum & Limnei per distinctionem inter constatus & externos reges aliasque cautelas

explicatur. §. XXVI. Differentia repressaliarum a pignorationibus §. XXVII. Ανδροληψία Atheniensium §. XXVIII. Ius Pacis statibus competentis restrictum quoad alienationes territoriorum & rerum quarundam mobilium §. XXIX. Conclusio §. XXX.

§. I.

Superiori Dissertatione, Tomo observationum tertio inserta, iura Belli & Pacis executi sumus, quæ vniuersi Status Imperii cum Imperatore in administranda republica more patrio & iuxta Pacis Westphalicæ tabulas, communia habent. Videamus nunc de alio belli & pacis iure, quod singulis Statibus ex superioritate est proprium, & quod suo vnus quisque arbitrato exercet, ita tamen, ne vsu eius contra leges & constitutiones publicas peccetur, quibus libertas & amplitudo potestatis Civium nostrorum, vtcunque maxima, metiendae est. Itaque quantum hic Statibus liceat, cum ex iure publico, tum institutis maiorum dispiciendum. Vnde prima est consideratio de genere belli: Cum enim bellum aliud sit, quo decreto vim primi inferimus & acceptas iniurias vindicamus, *offensuum* vocant: & aliud, quo tuendis finibus suscepto vim illatam repellimus, & nos resque nostras ab inuasionem atque iniuriis hostium defen-

dimus: quod *defensuum* dicitur, prima merito est inspectio, utrum belli genere utroque an saltem altero, i. e. postremo uti Statibus ius facultasque sit.

§. II. Hic ante omnia interesse puto, cum exteris Regibus aut populis rem Status nostri habeant, an inter ipsos Ciues nostros contentio sit atque certamen; ubi controuersia, quædam Statibus inuicem est, recte negant Schuzius alique vim faciendi potestatem controuertentibus superesse. Iudicia enim eam ob causam instituta sunt, ut si quæ inter Ciues forte similitates vel odia vertuntur, vel si quis aduersum alios quam rem actionemve habere se existimat, prohibita omni violentia, vnusquisque leniori disceprationis in foro genere ius suum formula Prætoris, adeoque publica autoritate, non armata manu, & suo priuato ausu, persequatur: quippe vis omnis non vetustioribus solum constitutionibus, sed & recenti lege, instrumento Pacis Westphalico inserta, prohibita, pænæque fractæ pacis in turbatores motuumque autores decreta est, *Instr. pac. art. 17. §. 7.* recitabo verba legis: *Nulli omnino Statuum Imperii liceat ius suum vi vel armis persequi: sed si quid controuersie siue iam exortum sit, siue post-hac inciderit, vnusquisque iure experiatur, secus faciens reus sit fractæ pacis.* Atque hæc sane
ne-

necessaria sunt omnium bene ordinarum
 rerum publicarum instituta ; Cui enim usus
 sacrosancta iudiciorum Magistratuumue po-
 testas, si cuique ius suum suo sibi pro arbitra-
 tu dicere liceat ? Quin nec contra eum ci-
 vem, qui iniuriam fecit, neque iudicio siste-
 re se vult, arma capiendi facultatem dari
 censeo, quod Limneo visum est : nisi forsan
 in continenti repellatur vis, aut illata iniuria
 ita comparata sit, ut nisi ex tempore vindice-
 tur, causam illius qui latus est, mora iudicio-
 rum faciat deteriore ; quo casu cum videat-
 ur iniuria perpetuo inferri, non offendere,
 petereque nos bello illato alios, sed defende-
 re res facultatesque nostras a presenti & con-
 tinua violentia putabimur : De cetero, quia
 in contumaces non minus, quam qui se iudi-
 cio sistant, remedia iuris prodita sunt, & præ-
 terea contemptu Rei violata iudicis maiestas
 haud inultam se patietur, itaque ope Magi-
 stratus & iure experiundum erit, non vero
 alterius pertinaciam, quam damnamus, no-
 vo exemplo æmulari, ceptamque apud iudi-
 cem actionem deferere. Valde autem fru-
 stra est Limneus, qui eo argumento Statibus
 lus belli offensiui adversus se mutuo asserit,
 quod eis saltem iniusto bello interdictum sit:
 adeoque iustum permittatur, siue id offensi-
 vum fuerit siue defensivum : quam in rem

multas Imperii constitutiones citat. Primo enim multis earum Constitutionum allegatis locis id, quod sibi probandum Limneus sumserat, non legitur sancitum; imo contrarium magis; scilicet nulli Civium, quacunq; etiam ex causa, potestatem esse offendendi alterum belloque perendi, aut res suas agendi ferendique: sed si quæ contra alium sit actio, ut iure atque iudicio experiamur, ita constitutum est *adducto Recessu Spirensi anno. 1526. §. zum andern. Item Recessu Augustano 1530. §. Wir auch Chur-Fürsten. Item Recessu Ratishonensi 1541. §. und damit im Heil. Reich.*

§. III. Quod si forte alicubi iniusta bella prohibita inveniuntur: veluti *A. B. C. 17. §. ult.* Item ut videtur *Recessu Imperii Augustano 1541. §. und diemeil wir nun. ibi:* daß keiner den andern mit Gewalt wieder Recht und den aufgerichteten Land-frieden/ überziehe/ angreiffe &c. id non restrictivè seu oppositivè intelligendum, quasi casus esse possit, quo quis alterum iure & licite possit bello illato primus petere: nam aliis locis offensiones istæ & incursiones quacunq; etiam causa susceptæ damnantur, & quisque iure agere iubetur; sed verba legis sunt explicativa, rationem prohibitionis continentia, quod nimirum omnia Statuum bella offensiva sint illi-
cite

cita, cum iudicis copia datur in finiendis controuersiis: Neque enim facile casus concipiente poterit, quo ciuis, ipse iudicii publici autoritate, conuolare ultro ad arma & inire bellum queat. Certe exempla apud Linnæum parum firmant eius sententiam; quippe ne vnum quidem ibi leges, quod priuato bello offensiuo congruere videtur. Quin potius omnia ad necessariam & iustam defensionem referuntur. Nam quod dicitur, etiam iuste se defendere, qui iniuste offenditur, id manifesto ad bellum defensiuum pertinet, quo non solum repellere vim licet, sed & vicissim inferre, modo per alium initium, iniuriarum factum fuerit. Nam ille etiam creditur in defensione sui versari, qui primo laceratus iniuriis persequitur hostem & post aliquod interuallum vlciscitur, præcipue si loco aut possessione deiectus fueris, quam incontinenti recuperari, nec litium & iudiciorum moras expectare, tua interest: nec refert, si alter, qui tuo per vim potitus est, pacem offerat, vel de iudicio sistendo cauere, paratus sit: quamdiu enim ablata non restituit, aut occupato loco non cedit, si contra armis & vi pro recuperatione rerum nostrarum experiamur, non offendere alium, sed defendere nos dicimur, quia continuare vis & iniuria videtur, quam vi repellere licet.

Nam si iniuste rapuit alter & detinet, iuste alter repetit, siue ipse arma capiat, seu amicorum auxiliis ex foedere utatur, modo reciproca vis & deiectione in continenti fiat. Quod tamen adeo stricte non accipitur, ut in defensione corporis, sed quandam habet latitudinem moralem, atque intelligitur ille etiam in continenti deiecisse qui antequam ad alia negotia diuerteret, aut in iudicio litem instruit, possessionem recuperat, & si viribus aut amicis comparandis aliquantum temporis consumserit, *Schuz Vol. Disp. 1. Disp. 6. §. 25. lit. c. It. Vol. 2. disp. 10. §. 3. lit. d. Ordin. pac. prof. 1521. §. und ob iemand & 1548. §. nach dem auch aber. Ord. C. p. 2. tit. 9. quod tamen, an aliquot annorum iuxta Gailii mentem esse possit, merito ambigimus, recte enim monet Bachovius, ne id latius extendatur quam par est: & præstat omnino iudicis auxilium aduocare, quam plures annos instruendo saltem renouandoque bello consumere; vix enim est, ut secundum Philippi Hasli & Virici Ducis Wirtebergici mentem recuperatio in continenti facta reputetur, quæ post decem aut plures annos secuta demum est, quia scilicet citius auxilia præsto non fuerant. *Hortled. de caus. bell. germ. l. 3. c. 10.* Ergo qui rebelles subditos armis in ordinem cogit, vel pacis Westphalicæ violatores suis & sociorum*

vi-

viribus reprimi: is non inferre bellum, sed illatum propulsare videtur. Illis enim qui primo offendere conantur, sequentibus statim legis verbis interdictum omni vi & iniuria, fuit. *Instr. pac. art. 17. §. pax vero conclusa. cum §. siq.* ut adeo Limneus non satis commode hæc exempla partem faciat belli offensivi. Adde quod rebellantes subditos ad officium redigere, ipsa lege concessum sit Statibus, ut olim Prætoribus & Præsidibus Prouinciarum: Quare hoc bellum re ipsa pro bello totius rei publicæ est habendum, cuius autoritate genitur, iubenturque alii seu circuli seu Status in auxilium concurrere & promptas suppetias ferre: adeo ut etiam integro mense propriis stipendiis expeditionem hanc suscipere atque tenere arma debeant. *R. I. Spirensis 1526. §. damit auch.*

§. IV. Et huius generis quoque est bellum, quod mandato Cæsaris aduersus proscriptos geritur. Atqui vero nos hic non loquimur de bello nomine & auspiciis totius imperii, siue in externos seu Ciues perduelles suscepto, in quod Status vel pro habitu census quisque sui militum manum mittunt, vel in laborantis patriæ gratiam, quantum potentia valent, accingunt sese atque proficiscuntur: sed quod ipsi motu proprio suoque periculo cum aliis ineunt iniussu Imperatoris,

atque imperii, imo sæpe inuitis & dehortantibus.

§. V. Quod legem *capite 17. A.B.* dictatam attinet, considerandum insuper est, antequam studio & autoritate Maximiliani I. pax profana quæ vocatur der Landfrieden/publicaretur, bellorum & certaminum inter Cives longe maiorem fuisse licentiam, ut si bellum iuste atque rite denunciaretur, & suis opibus & sociorum auxiliis geri illud per leges liceret, magna sæpe provinciarum calamitate & dispendio libertatis commerciorum. At vero edicto profanæ pacis proposito, cum vis omnis prohiberetur, abrogato, qui in contrarium inoleuerat more, necesse fuit bellum offensuum arbitrio civium vna eripi, litiumque materiem ut olim priuata manu: sic legum & iudiciorum nunc præsidio componi atque tolli, cum nemo amplius sineretur, nisi defensionis causa, iniurias suas propria vindicare autoritate, & ita sibi ipse ius dicere. Quamobrem haud absurdus erit, qui legem hanc Aureæ Bullæ lege posteriori, pace scilicet profana antiquatam affirmarit. Accedit quod si Statibus iustum inter se bellum offensuum permittitur geri, simul cuiusque arbitrio causæ diiudicatio permittenda sit, ob quam bellum, quod iniure cogitat, iustum censeat vel iniustum; nemo enim erit, quem ille

ille in re, quam suæ facultatis vnice esse vult, iudicem ferat; at hoc semel firmato principio, manifestum est, omnem contentiosæ iurisdictionis vim in Imperio tolli, & quæcunque inter Status lites in foro disceptantur, non nisi ad arbitrii aut prorogatz iurisdictionis conditiones æstimandas esse; si enim nolissent iure experiri, haud difficile fuisset, bellum incipere & incepti causam aliquam vel rationem inuenire, quod ipsum tamen, quam ab institutis patriis & reipublicæ nostræ legibus quibus hodie viuimus, alienum sit, nemo est, qui non facile intelligat. Quin vsus perpetuus duorum plus seculorum ostendit, quoties in Imperio inter Status tumultuatum est, & ad arma res venit, vtramque partem id vnice egisse, vt conquisitis vndiq; argumentis fidem faceret, necessariæ defensionis & expediundæ salutis causa, non in vilius hominis offensionem neque ad vindicandas iniurias arma a se sumpta esse: quasi agnoscerent, vindictam non bello sed a iudice petendam, vitæ autem, conscientiæ, dignitatis, rerumque tuendarum rationem quamvis honestam esse. Ita Philippus Hassius, cum bellum contra Socios fœderis Paciani moliretur, rescriptit: Daß in natürlichen und beschriebenen Rechten auch darum in den Keyserl. Landfrieden die Noth und Gegenwehr

nicht b. nomen n. Ita hoc seculo vnionis socii, ita & illi, qui Ligæ nomen dederunt, ita, inquam, quotquot intra ducentos & amplius annos factiones & motus excipere, incepta sua hac defensionis necessitate excusare atque velare quæsiuerunt.

§. VI. Videamus de belli ineundi facultate cum Regibus atque ciuitatibus, qui nostræ re. publicæ pars non sunt, sed exterorum loco. Hic ante omnia statuendum est, quid proprie bellum offensiuum sit, & qua ratione formaliter a defensiuo distinguatur. Videas enim multos scriptores, qui hoc non accurate satis considerant, sed sæpe confundunt atque permiscunt: sunt etiam qui vitandæ inuidiæ atque consiliorum suorum tegendorum causa, bello, quod in offensionem damnumque alterius meditantur, colorem ex industria quærunt: & vindicandis iniuriis, quas accepisse se facile fingunt, necessitatem sibi impositam dum commentantur, eum, quem bello petere decreuerunt, pro aggressore reputant, sibi defensionis necessariæ sumunt speciosos titulos. Certe enim vix hodie vllum amplius suscipi bellum senties, quod non ille, qui incipit, defensionis suæ causa cœptum gestumque videri velit; etiam cum alter, quem hostem iudicat, ad bonorum virorum arbitrium satisfacere paratus est.

Quam

Quam ob rem omnino opus est, ut nostra dissertatio certitudinem aliquam & firmitatem habeat, quo tam bello offensiuo quam defensiuo certos designare terminos, notasque familiares constituere possit, ut iudicari utrumque, ac dignosci alterum ab altero facultas sit. Cum enim offensio defensioque relativi sint termini, necesse est, bello offensiuo ab una parte posito, ex altera una defensiuum ponatur. Vbi enim contra invasionem nulla defensio, ibi nec proprie bellum, quod est status per vim certantium; Cum autem unusquisque certantium captandæ popularis auræ gratia defensionem, sui prætexat, inde factum est, ut quia nemo aggressoris inuidiam cupit sustinere, & tamen inter duos certantes alterum aggressorem esse oportet; adeo difficilis sit belli offensiui diiudicatio.

§. VII. Igitur expediundæ rei causa primo inspiciamus, an omne bellum iniustum sit, offensiuum: quod etsi prima specie affirmandum videatur, offendit enim reuera qui iniuste bellum gerit; tamen in hoc considerandi rem genere, quo versamur, vix tolerari potest. Nam si aliquod bellum offensiuum iustum & pium est, de quo inter omnes, ut opinor, conuenit, hoc casu stante prorsus sequitur, defensiuum, quod illi opponitur, iniustum

quum & impium esse. Plane sicuti in foro non semper Rei causa est melior, sed saepe actor iure vincit, reus calumniatur aut improbe fugit; ut proinde certum sit, iure iniuriae eius, qui bellum gerit, belli offensui indolem non esse describendam.

§. VIII. Neque vero magis id etiam in universum est ferendum, eum, qui primus iniuriam aut maleficium fecit, per id offensivum bellum inchoare, adeoque alterum qui satisfieri sibi vult, in defensione sui versari. Cum enim iniuriæ damnaque plurima esse possint, quæ causam potius bello præbeant, quam ut ipsum sint bellum, veluti si legati violati, si subditi nostri spoliati, si res ablatae, & repetita, reddita non sunt, aut etiam si conspiratione quorundam priuatoque facinore, in scio primum illo, qui Reipublicæ præest, sed deinde ubi appellatus est, ut indemnem se præstet, aut sceleris autores puniat, insuper habente vel approbante, damnum rebus meis est datum. Nam eius generis iniuriæ quia causam iustam nobis bello incipiendo præbent, ipsum bellum esse nequeunt: aliud enim natura id, cuius causa, quid agitur, & aliud id ipsum quod agitur. Si vero bellum non sunt, ergo nec bellum offensivum. Nam genere negato, negantur omnes eius species.

§. IX. Aliquando tamen bellum ipsum esse

esse causam belli, ac proinde defensiui, verum est, Fit illud, quando aliquis nulla sua culpa ex causis friuolis planeque iniustis vi armisque inuaditur & iustis copiis oppugnatur. In summa quoties bellum offensiuum est iniquum, bellum ipsum est causa belli defensorii: quia enim alter sine causa, aut certe absque iusta causa cepit, hoc ipsum iam est iniuria, a qua alter, qui impeditur, se pie defendere opposita vi potest, vnicum excipio casum, sed plane rarum & extraordinarium, quando nullis existentibus iniuriis bellum oppugnatorium iustum geritur, si nimirum quis certum & speciale mandatum a Deo acceperit gentis cuiusdam vlciscendæ aut excindendæ, quale olim Iosua & populum Israeliticum habuisse sacris historiis narratur. Deus enim qui absoluto in homines vitæ necisque iure vtitur, quos perdendos iubet, eis necessariæ etiam defensionis aufert facultatem, vt resistere iis, qui mandata exequuntur, non magis recte possint, quam qui ad mortem damnatus est duciturque, carnifici. Extra hunc vero casum nullum omnino offensiuum bellum non erit iniustum, quod ex nulla præuia iniuria ceptum est. Nam vt recte ait Grotius, causa iusti belli suscipiendi nulla alia esse potest, nisi iniuria.

§. X. Quid igitur dicemus, & quæ genui-

na

na erit belli offensui tessera notaque. Aut vehementer fallor, aut vniuersim est verum, eum, qui bellum primus incipit atque infert, offensuum gerere, alterum vero, qui illatum excipit & contra tendit, in statu defensorio esse: neque quicquam refert, iuste an iniuste alter bellum indixerit, vel alter se contra vim defendat. Bellum enim offensuum per se non est inuidiæ aut iniquitatis nomen, sed tantum quædam belli species sua natura indifferens, apta tamen, ut bona malaque esse possit, prout est intentio eius, qui incipit, causæque ob quas incipitur. Olim quidem, cum iure vsuque gentium solennibus indicationibus res velut auspicaretur, planior erat diiudicandi ratio: qui enim indicebat, missis fecialibus incipere etiam bellum adeoque offensuum seu recuperatorium bellum gerere dicebatur. At nostris diebus cum hæc sollemnitas, quam superuacaneam iudicabant populi, paulatim exoleuerit, & statim plerumque, postquam per legatos conciliationis ratio frustra est tentata, ad manus & arma prouoletur, hæc quasi ritualis indicatio adiumento nobis amplius esse nequit, nisi inuicem indicationis successisse velis, si quis abruptat actionem, legatisque domum revocatis, aut illius quocum sibi res est, excedere certum intra spatium ditione sua iussis, hoc

hoc ipso velut tacite indicat bellum, alioque modo declaret, armis non iure se deinde cupere experiri. Manet ergo essentialis & verus belli offensui character, inuasio seu illatio belli, vltrix etiam modo iustis & legitimis ex causis suscepta, quia vt supra diximus, aliquod bellum eius generis iustum est: vnde passim legas, Duces olim illato bello palam gloriatos esse & ad virtutem animique magnitudinem retulisse, si quis prior inferre arma ob acceptas iniurias ausustuerit, non vero vt hodie improba quadam fit gentium scrupulositate, vel ipsum nomen incepti belli horuisse. Hinc illa Annibalis apud Livium cordata & plana ad milites oratio: *Inferimus bellum, infestusque signis descendimus in Italiam: tanto audacius fortiusque pugnaturi, quanto maior spes maiorque animus est vim inferentis quam arcentis.* Et profecto mirum est, cur quos causarum incipiendi belli non pudet, tituli aut nominis incepti belli pudeat: id quod prorsus videtur summæ nostri seculi malitiæ atque veteratoris calliditatis specimen, quemadmodum & his temporibus nihil frequentius, quam sub pacis specie occupari provincias & omni plusquam bellicæ calamitatis genere populari atque vastari: quin sedibus prorsus expelli vicinas gentes: vrbes alias tormentis & omni bellico apparatu op-

pu-

pugnari: alias per vim aut deditioe capi, & totis tamen clamari faucibus, idque ab omnibus credi velle pacem non bellum esse, cunctaque hæc hostilia facta per ipsas pacis leges perpetrare licere: quæ profecto est ars fouendæ stabiliendæque ambitionis & potentia, cui parem, audacter dicam, superiora secula non inuenerunt: imo de qua ne cogitare quidem ætate maiorum nostrorum fas erat.

§. XI. Ab eo quod diximus, offensui belli formale esse symbolum seu *κρίτειον*, inuasionem hostilem, aut belli illationem, non longe abludit, quin in rei veritate eodem recidit, quod tradit Puffendorffius *de Iure N. & G. l. 8. c. 6. n. 9.* offensua nimirum bella esse, quibus extorquemus debita quæ nobis abnegantur, aut iniuste erepta recuperatumimus, cautionemq; imposterum quarimus. Defensua vero, quibus defendimus & retinere laboramus, quæ nostra sunt. Deducuntur hæc ex principiis causarum, ex quibus iustum bellum fit: vel enim nos & nostra seruamus ac tuemur contra alios: aut quæ nobis ex iure perfecto debentur, repetimus & condicimus: aut damna per iniuriam data præstari volumus, cum cautione de non amplius offendendo: aut denique pœnam expetimus propter aliquod in nos vel eos, qui nobis imperio tenentur, commissum facinus. Quod autem mox Puffendorffius mo-

monuit, sæpe etiam *fauorem defensionis ab illius partibus stare, qui prior arma alteri infert* : puta si quis subinde *repentinis & vagis incursibus fuerit vexatus, refugo ad ipsius aduentum hoste* ; aut si quis *hostem inuasionis iam certum, per celeritatem oppresserit, dum ille adhuc in apparando bello est occupatus*, ea ego exempla proprie ad bellum defensorium pertinere arbitror : nam qui me incursibus hostiliter vexat, etsi se sub aduentum meum receperit, copiasque deduxerit, reuera mihi iam intulit bellum, & ipso facto, id est, res meas agendo ferendoque, denunciat. Igitur si in eum arma moueam, id primo finium tuendorum fit causa, quod defensorium bellum efficit ; Quod vero deinde animum etiam aduertam, idque omni conatu agam, qua ratione & vicissim nocere hosti liceat, id in omni bello euenit, neque ad nostram disputationem pertinet ; ad principia enim belli & qui initium fecit hostilitatis, respicitur, non quod toto belli tempore fit ; semel enim indicto bello statim ex vtraque parte & offensiuæ & defensiue res geritur, vterque enim bellantium non de sui modo defensione sed & læsione atque oppugnatione hostis sui cogitat ? Ita etiam, qui hostilis inuasionis certus præuertit hostem & in apparatu bellico opprimit, repellit vim & defensione orditur bellum, nam & bellum apparare contra alium, nihil aliud est, quam incipere

vel indicere. Certitudo autem hostilis propositi requiritur, & quæ aliis etiam gentibus liquido possit probari: quod difficile admodum esse non inficior. Nam si quis saltem, coniecturis aut suo metu niti velit, vereor, ut is, si ad bellum temere prouolet, apud alios populos fidem facere possit adornatæ necessariæ defensionis. Eodem iure agendum cum illo censeo, qui rebus meis occupandis eam adhibuit vim, quæ terrendis cogendisque inter bellum hostibus valida satis est, veluti si admotis copiis ostensisque tormentis urbem aliquam aut castrum, vltima quæque ciuibus vel præsidariis minatus, repentino terrore in potestatem redigam: quamuis enim deinde loco potitus nolim fregisse pacem, sed deducto a limite exercitu bona & amica verba dem, quin iure agere aut pacate atque pro arbitratu boni viri transigere paratum me ostendam: quamdiu præsidium loco non deduco, sed potius excitatis nouis operibus munitiorem reddo, bellum quod hostili facto, id est, oppugnatione urbis semel coëptum est, existimabitur continuare & is qui pro rerum suarum recuperatione vires opesque instruit atque comparat, defensorio in statu esse: primus enim bello petitus est, adeoque alter se aggressoris titulo atque inuidia astutiis suis & improba simulatione
quæ

quietis apud gentes, quæ studiis vel muneribus corruptæ non sunt, haud liberabit,

§. XII. Pater ergo, non vndiquaque esse ferendum, quod Limneus habet *Tom. 2. addis. ad l. P. l. 4. c. 8. n. 247. p. 307. defendi rem, quam naturaliter posidemus, persequi autem & repeti cui de facto iam incumbit alius*, si his vocibus bellum offensivum & defensivum distingui vult. Nam & is defensivum bello agere dicitur, qui persequitur rem suam, quam ei bello alter abstulerat: Vt enim supra est dictum, ad belli initia respicitur, non ad id quod toto bello fit. Alias enim nullum est bellum adeo defensivum, quod non etiam aliquando offensione hostis geratur, neque etiam tam offensivum, in quo aggressor se non aliquando defendere opus habeat. Atque sicuti is, qui prior incepit bellum, offensivum agere existimatur omni illo belli tempore, etiam cum res minus feliciter procedit, & ab hoste repulsus intra fines ipse suos de agris & oppidis, quin toto imperio, periclitatur: Ita ex adverso defendere se dicitur, qui profligatis inuadentis se hostis viribus, in fines hostiles bellum transfert, & ibi vrbes castraque oppugnat. Vtrinque enim semel ex conditione principii bello indita qualitas manet, vsque dum pace finitur, vel alter, qui cepit bellum, satisfacere de iniuria plene paratus est.

§. XIII. Atque hæc præparationis causa, prælibare visum est, ut sit quædam in processu disputationis certitudo & firmitas terminorum. Quamobrem si nunc quærimus, an statibus cum exteris Regibus Ciuitatibusq; bellum offensiuum gerere fas sit, id proprie quæritur, an bello & iusto exercitu inuadere exteros populos possint, adeoque ipsi initium belli facere. Hinc statim excluditur ea consideratio, & ad defensiuum bellum pertinet, si, quæ repentino bello illato amittere loca, recuperare vi velint, aut præuerrere hostem atque opprimere properent; apparandis viribus intentum & inuasionis certum: Qui enim munita loca mea occupat, siue vi illud fiat, siue proditione, aut agrum hostiliter populatur, iam bellum iniit, & opposita a me, vis armaque defensoria sunt. Idem est in effectu, si quis contra me bellum manifesto parat, quod præparatis viribus certo gesturus est: neque enim expectare cogor, donec in meo arma strepant, haud magis quam qui vitam defendit, primum ictum sentire debet. Tota itaque quæstionis nostræ summa in eo vertitur, an Status laceffitus eiusmodi iniuriis, quæ iustam quidem gentium iure bello incipiendo causam præbent, nondum tamen ipsum bellum sunt, vindicare eas contra exte-

teram gentem illato bello possit, idque vi superioritatis territorialis; veluti si quid dari sibi aut fieri quacunq; ex causa postulet, quod sibi persolvere is detrectat, qui debet, si subditorum iniurias reparatum ultimumque eat: aut etiam res quidem suas repetat, sed quas alter quocum contendit, vi & armis non rapuit, sed aliquo iuris titulo ex. gr. hypothecæ nomine detinet.

§. XIV. Hoc aut non absimili rei statu, vix per leges licere existimo priuata auctoritate in externos decernere bellum atque indicare: sed implorata Cæsaris imperii que ope ius quisque suum publico consilio, & cum opus est, reipublicæ armis persequi solet & debet. Primo constare inter omnes id existimo, nullam latam publice legem esse, quæ disserte & clare statuatur, Statibus singulis in eundi cum exteris populis belli arbitrium esse. Nam qui contrariam sententiam defendunt, etsi omnes legum nostrarum recessus scrutati fuerint, directa tamen lege agere, non potuerunt, sed coacti sunt verba aut sensum iniqua plerumque interpretatione torquere, & veluti per vim aliquam inde conciliare suis partibus speciem: Deinde fac, armorum Statibus datorum aliquando fieri mentionem, profecto illud ultra sui defensionem non erit extendendum, minime gentium

tium vero ad ineundi cum exteris belli promiscuam licentiam pertinet: nec mouet, non distingui a lege, sed vniuersim belli potestatem fieri, quo nomine omnes eius species comprehendantur. Vix enim erit, vt vllum mihi in legibus locum ostenderis, vbi hæc armorum libertas ita datur Statibus, vt vel non ex ratione legis, vel obiecto seu materia eius, vel denique connexis, id est, iis, quæ vel antecédunt, vel sequuntur, verbis, ista omnia quæ generalia videntur, ad necessaria defensionis capita restricta inuenias: Deinde vtcunque liberis & amplioribus verbis legem vti quandoque docueris, sane in odiosa hac materia & vbi reipublicæ summam in actiones ciuium potestatem diminutum imus, strictissima verborum significatio erit intelligenda: Plane vti id, quod in fœdere Romanorum & Carthagenensium positum fuit, ne populus Carthagenensium iniussu populi Romani bellum gerere possit, æquissime explicat Grotius *de I. B. & P. l. 2. c. 16. §. 14.* & ad bellum offensiuum restringit, ne nimis coarctetur libertas Carthagenensium: ita certe ob parem æquitatem & ne nimium Cæsari atque Imperio in suos Ciues pereat autoritatis, bellum quod Statibus gerere lege licet, arctiori significatu sumimus & de bello defensorio explicamus. Terrio cum motibus eiusmodi

di priuatisque bellis, quæ vnus alterque Ciuium conscientia potentia & ambitione, læpe etiam inueterato odio concitat, inuolui & imperium aut vicini saltem Status facillime possint, nunquam vero sine aliorum iniuria, suscipi id gerique liceat, profecto nec tutum nec consultum est, vt vnus ciuis arbitrio constet tantum incendium conflare, quo ne mox totum imperium aut vicini ardeant iustus est timor. Nam neque Imperatori iniussu ordinum bellum inire conceditur. Absurdum autem est, vt quam turbanda facile rei-publicæ occasionem iummo Principi ereptam vniuersi ordines volunt, eandem singuli suæ fidei committendam existiment. Atque hinc est, quod si forte repentini motus & arma in limite prauis quorundam & temerariis ausis perstreperet, & Imperator & reliqui Status rem non ferendi exempli ad se quoque pertinere arbitrentur, maturisque officiis, aut cum ea minus vsui sunt, minis etiam & intentatis armis tranquillitati imperii consulant. Ita quondam Episcopus Monasteriensis, qui ordinibus fœderati Belgii bellum intulerat, cum pro aggressore reputaretur auctoritate & ostentatis ad terrorem quorundam viribus subito repressus est: quod certe fieri haud debuisset, si Episcopus bellator suo vsus iure fuisset. Porro haud absurde con-

cludit Synoldus *Volum. 2. Exerc. 10. §. 3. lit. c. §. bello imperii membra offendere sub pena fractæ pacis prohibitum est, ergo multo magis in externos arma inuadendo conuertere non licebit.* In omni enim recte ordinata republica hoc belli ius & arbitramentum penes vniuersam rem publicam, cuius interest, ne bellum temere in limite excitetur esse debet. Denique exempla, illa quæ Limneus pro stabilimento suæ opinionis de Bello Statuum offensiuo colligit, valde ære præsentis disceptationis sunt aliena, prout supra est demonstratum.

§. XV. Vindicare quidem ea Limneus *Tomo 2. additionum suarum* conatur aduersus Schuzii impugnationes: sed propterea haud magis proficit: Quod enim subditos imperium detrectantes attinet, qui vt rei peragantur, acie vincendi sunt, eam expeditionem recte Synoldus speciem executionis dixit, non bellum offensiuum: quia proprie loquendo plane bellum non est; non enim subditi habent arma capiendi facultatem, bellum autem non nudæ vis & facti, sed & iuris nomen. Deinde esto hæc ciuilia disidia vocentur; tamen quia subditi defectione & perduellione incipiunt, is qui contra eos ducit, & redigere in ordinem vi armisque deficientes vult, merito defendere se suamque authoritatem, quam refractarii illi oppugnatum

tum veniunt, dicitur. Haud magis ilia Limnei iniectio stringit, belli offensivi iusti exemplum suggerere imperii constitutiones, quando statuunt læso non solum defensionem contra aggressorem in continenti licitam esse, verum etiam post damnum illatum & rem amissam persecutionem non prohiberi, quando amicos & auxiliores habere poterit. Non enim quævis persecutio atque invasio offensivum bellum facit: sed ea solum qua bellum quasi initiatur; alias & in defensivo bello ex occasione offendere & lædere, hostem licere omni dubitatione caret. Quare cum is, qui primus res tuas vi occupando vel auferendo agendoque aggressus est, iam inierit bellum, tu, etsi deinde amissa persequeris, quin ultionem & pœnam expetas, tamen in statu belli defensivi esse videris; quo sensu recte Gailius recuperationem rerum pro defensione habet. Longe enim aliud est hostem offendere eique quavis ratione nocere: aliud bellum offensivum gerere: illud enim singulares in bello actiones denotat & facta; hoc totum ius seu qualitatem belli primogeniam. Quamvis igitur ex hac qualitate originaria omnibus actionibus, quæ toto belli tempore fiunt, quædam velut æstimatio siue conditio imprimatur; hoc tamen non impedit, quin in se spectatis actibus quibus-

dam bellicis, nec ad primariam belli qualitatem relatis, alia quædam eorum possit esse, consideratio: atque sic recuperatio per vim ablatorum & defensio dici potest, si ex natura totius belli res æstimetur, & offensio, quod vult Limneus, si ad illum solum actum, quocum, qui rem nostram tenet, inquadimns, respicitur: Aliud exemplum belli offensivi, quod Limneus ex §. 17. *I. P. II. est phalica* & erueretur conatur, ita comparatum est, ut ipse mox fateatur, id non omnino ad dissertationem hanc pertinere, idcirco etiam nobis nullum negotium facit; responderi alias facile posset, de bello hic esse questionem, quod sua autoritate suisque auspiciis singuli Status ineunt: non quod ex foederis lege & velut publico nomine aduersus eos, qui amice moniti constituto tempore ius non persolunt, omnium sociorum consensu & auxiliis gerendum est. Quamobrem si quam Status aduersus externos actionem habent aut persecutionem, non tutius modo est, sed & magis ad præscriptum legum nostrarum, ut hoc casu vice Paludamenti, quod non ita facile deponitur, sicut induitur, auxilium Imperatoris & imperii implorent, autoritatemque suam interponi petant, atque hoc modo ius reddere recusantẽ publico bello ad officium cogant; quo consilio videmus etiam plurimos sibi

pro.

prospicere, vti innumeri codicilli atque libelli supplices ad imperii Ordines his Comitibus missi id ipsum testantur.

§. XVI. Bellorum defensionis causa initorum maior est fauor, & qui hoc modo ad vim repellendam coguntur arma sumere, communi naturæ lege omniumque gentium institutis absoluantur: quare quod beneficium defensionis priuatis etiam concedimus, eo Status amplissima potestate auctoritate, que in republica præditi pro suæ dignitatis rerumque conseruatione velle exclusos esse, iniquissima foret postulatio, sicut enim homo in discrimine vitæ & fortunarum suarum, constitutus percussorem vel raptorem non repellere modo a se, verum etiam, si nulla alia sit ratio sui & suarum rerum defendendarum aut recuperandarū, persequi & interficere etiam potest, exemplo nocturni furis vel prædonis in sylua: neque expectare primum ictum, vel aufugientem cum rebus dimittere teneretur, sed insequi etiam & vel cæde latronis amissa bona repetere licet, quoniam hoc momento discriminis cessant omnia iudicia & irreparabile est damnum, postquam semel elabi e manibus furem aut prædonem passi sumus. Ita nullum omnino ius est, quod Ordines imperii subita vi & irruptione hostili oppressos a defensione prohibebit, vel dum
tem.

tempus adhuc est, vim vi repellere vetabit, sæpe enim tardum nimis, imo inane, remedium post vulnus querere, cum interea facile tantum incommodum accipi possit, quod re perpetrata reparabile amplius non sit. Fac enim, ni malo mature occurratur, vel defecturos subditos esse, vel hostem munita loca tua occupaturum: quis tibi deinde Deus opem præstabit, aut quibus viribus præsidio iterum expelles, quem intra munitionem semel recepisti? Præterea arx belli in tua provincia, constituetur, quod sine maxima pernicie & vastatione rerum fieri nequit. Auxilium, forte Imperatoris in tam subita & grassante peste expectabis? At quam lentum illud? quam sæpe invalidum & frustraneum, postquam desitum est chartaceis mandatis promte obsequi. Nouimus quam apud nos beati sint possessores, qui potentia sua freti resistere aliquantum & declinare leniter imperia possunt: Antequam enim respublica, quod necesse est, bellum totis viribus suscipiat, iam seculum est: adeoque alter iniuriis hostium & lentore auxiliorum diu fatigatus plerumque tandem vel dissimulare rem vel delite transigere cogitur, quod nunquam absque insigni detrimento suo fieri potest. Ita sane quocunque modo res cadat, qui defendere se principio reuerentia legum neglexit, in da-

damno versabitur : alter qualicumq; prætextu ex præda partem retinebit : Accedit quod & Imperatori ob eandem necessariæ defensionis rationem metumque iniuriæ accipiendæ tuendis finibus gerere bellum liceat, inconsultis etiam Statibus. Imo quod apud veteres Romanos ad officium maiorum Magistratuum pertinuit, prouinciam, cui præfecti cum imperio erant, parata militum manu defendere, quin vnique præfecto præsidii tuendo loco, quem præsidio tenet, omnis generis vis conceditur, non modo si bellum est, sed & quoties subditi, nec opinati hostes, vi aut clam imparatos nos opprimere cogitant, quod itaque ad hoc iure magistratus spectat, & imperio continetur, quis negare Statibus ausit, qui prouincias reali quodam suoque iure possident, & subditis suis ad defensionem reciproca promissione obligantur, præcipue quando iniquitate aduersarii consternantur velut ad arma, & periculo, quod metuitur, in tempore præuertunt, aut futuræ & incertos fortunæ casus timeant.

§. XVII. In hoc igitur iure belli, quantum liceat Statibus, per actus quosdam singulares magisque insignes haud incommode explicatur. Ita qui de bello ineundo cogitat, ante omnia delectu & milite opus habet. Ardu-
plex

plex miles : Externus & stipendiis conductus alter, alter domesticus atque e ciuibus tuis aut subditis conscriptus: Cum altero contrahitur, dum accepta pecunia militiæ nomen dat & ita operam suam quasi vendit; alter vero, habito inter subditos delectu, respondere velut ad nomen debet & imperio in militiam cogitur. Vtrorumque conscribendorum ius est & facultas Statibus. Non modo enim sonantibus tympanis & per vrbes victosque proposita in publico stipe conducunt milites, quod vbique per vniuersam Germaniam toto die fieri videmus: verum etiam arma subditis imperant & vel detrectantes militiam in bellum educunt. Huius iuris varii sunt actus. Primo enim subditos delectos in cohortes atque legiones distribuunt; Deinde arma eos capere iubent, quorum sumendorum nisi ex mandato aut indultu Principis non est potestas subditis. Tercio in armis omnique militari opere eos exercent, vt seruare ordines, armis scite vti, & imperiis Ducum promte atque expedite obtemperare adsuefcant. Quarto in campos vocant, & specimina virtutis atque exercitii militaris edere faciunt, recensito per otium, aut cum expeditio instat, vniuerso exercitu. Hoc omne quicquid est, vno nomine iure habendi delectus & militis conscribendi censerè re-

Et potest: quod etsi constitutiones imperii multis modis circumscribant, valde tamen, vereor, ut cum in rem venit, ad illa præscripta examissim se gerant Status. Certe experientia & usus aliud docent. Requirit enim lex primo ut ad delectum rite habendum autoritas & permissio Imperatoris accedat *R. I. de anno. 1555. §. Wo sie aber keine &c.* Deinde ut iusta & necessaria causa adsit propter quam cogatur miles *de Rec. & §.* sed nihil quicquam eorum stricte seruatur; namque insulato prorsus Cæsare hodie scribi ab omnibus per Germaniam militem manifesta res est, & scribendi causam nemo aliorum iudicio subiiciendam putat, sed quam quisque præfert & iactitat, iustam atque necessariam videri vult.

§. XIX. Est alius actus iuris belli, facultas instruendi armamentaria, omnis generis telis referta. Nam hæc armamentaria instruere priuatis non licet: unde sæpe perduellionis iudicatos & supplicio affectos legimus, in quorum ædibus arma clam congesta atque gladii reperti fuerint: nam ad vim faciendam & consilio seditionis illata hæc tela credebantur. At vero quia statibus vi iuris territorialis rerum finiumque armis tuendorum est potestas, idcirco etiam loca publica condere & habere possunt, quibus in omnem rerum

rum euentum arma reponant feruentque bello instruendo. In Germania plurima videntur peregrinantibus eiusmodi armamentaria: sed maxime insignia, quæ Berolini. Dresdæ, Noribergæ & Augustæ Vindelicorum sunt, in quibus machinarum atque tormentorum omniumque telorum bellicorum mirus prostat apparatus.

§. XIX. Potestas muniendi loca & arces fossa vallisque, pars etiam est superioritatis territorialis, quatenus circa ius belli versatur. Munire autem intelligo, non cum leviter muro fossulaque aut sepimentis claudimus locum aduersus ferarum incursum, aut furum latronumue subitam vim, quomodo priuatis etiam prædia sua domusque licet vallare atque firmiores reddere *lib. 10. C. de edif. priuat.* Sed quando ex arte muniendi ita locum aliquem bellico omnium rerum ad defensionem apparatu firmamus, vt non modo ferre improuisum hostium impetum, verum etiam sustinere obsidionem atque vim oppugnationis iusti alicuius exercitus possit. Eiusmodi igitur munimenta an Statibus in suis territoriis, vbicunq; eis libitum fuerit, liceat extruere propria autoritate & absque Imperatoris imperiique consensu, id est, quod hic præcise quæritur. Licere aiunt *Limneus Lib. 4. I. P. c. 8. n. 235.* & multi alii scri-

scriptores iuris publici, neque ego repugno, quamuis moris antiqui & legum nostrarum aliquam etiam rationem habendam esse putem; quamdiu enim formam adhuc aut speciem saltem qualemcunque vnius reipublicæ conseruatam volumus, iniquum sane & vix ferendum videbitur, vt Status qui nolint bello imperii nomine suscepto in eorum provinciis castella & munitiones extrui, antequam ipsi consensum præstiterint, etsi belli ratio arcendis debilitandisque hostibus id opus postulet: mox vice versa negent Imperatori & imperio reddendam incepti rationem esse, quoties singuli ciues suas intra ditiones excitare munimenta in animum inducunt. Quod si respondent, in suo se ædificare: meminisse debent, ea, quæ sua dicunt, alio quodam iure & reipublicæ esse, cui saltem in regimine vniuersæ ciuitatis tantundem est libertatis dandum, quantum singuli sibi Status in provinciis & territoriis quisque suis vsurpant. Neque sane nihil refert Imperatoris & imperii, scire quid noui operis in imperio nonnulli moliantur, cum exempla doceant, loca nonnunquam specie defensionis in limite exterorum sumptibus munita, illis deinde ad imperium inuadendum vtili fuisse; sed & limitant ipsi dissentientes hanc suam sententiam, vt non liceat Statibus eiusmodi muni-

tiones incipere, si illud defensionis gratia non fiat, vel ad æmulationem molestiamque alterius ædificetur: aut denique res contra privilegium cuiusdam alterius status cœpta fuerit. Enim vero vix erit casus, vt quoties muniendi loci consilium capimus, nemo sit, qui saltem ex vno trium horum capite intercedere non possit, aliquando enim priuilegia ostendent, sæpius negabunt defensionis causa opus fieri; semper autem vicini inuidia, crescentis potentia in æmulationem sui & iniuriam destinata illa tendere affirmabunt. Quamobrem si controuersia oriuntur & lites, ad quem pertinebit de causa cognoscere nisi ad Imperatorem & imperium recte aut perperam ædificari? quomodo autem cognoscant, si de ratione muniendi situque loci eos certiores fieri necesse non est? Excipies forsitan, ergo saltem, dum nemo de nouo opere queritur, autoritate & cognitione Imperatoris imperii opus non esse. Esto, modo ne ratio quædam securitatis publicæ vrgeat, vt a proposito desistatur. Quid enim si in limite arx extruatur, quæ vicinis populis grauis facile motuum causam præbere poterit? quid si Status, qui ædificat, opibus & potentia satis validus non sit, adeoque tuendo loco, quem tamen suo præsidio tenere vult, haud ita sufficiat, vt non leui opera eum capere.

Ex-

Exteri, & ex occasione, quæ nunquam deest quærentibus, nocere inde reipublicæ valde possint, an cuius vnus obstinationem, qui locum munitionibus firmare etiam cum reipublicæ periculo damnoque vult, aduersus Imperii autoritatem præualere dicemus? an quod in communi omnibus nocet, vni vero non prodest magis, quam ita saltem libitum est facere, huius gratia aduersus reipublicæ prohibitionem tuebimur, & sic priuata rei studium bono publico præpostere anteponemus? Denique ex eo, quod nuper tabulis pacis Osnabrugensis Regi Sueciæ facultas muniendæ vrbs Wismariz & præsidii pro lubitu firmandæ data est, haud infirmum argumentum ducitur tale quid iure territorii per legem non licuisse, antequam Imperator & imperium fieri munitiones & præsidium loco imponi permitterent. Cui enim rei speciali cautione instar priuilegii opus, si iam diu Statuum iuri territoriali sine vlllo discrimine hæc libertas inest? & quid Imperator quondam Suecis nouum opus nunciauit, cum ad Visurgim castellum condere inciperent, si eius rei semper & vbique exequendæ facultas penes arbitrium vnice est cuiusque in suo territorio?

§. XX. Argumenta Limnei contrariam sententiam fouentis nullius sunt ponderis,

possit facultas aliquando restaurandæ arcis & oppidi existere. Erat enim mens Maximiliano, non modo omnibus aliis qui postmodum territoriali iure agrum Gothanum possidebunt, reparatione castri & muniendo loco interdicere, verum etiam se atque successores suos perpetua lege obligare, ut ne quidem deinde unquam Imperator, quisquis ille futurus sit, pro munitione supplicantibus annuere, suamque Imperialem concessionem largiri possit, quam certe in rem, ut omnes statim intelligunt, generalis illa prohibitio, ne munimenta excitare liceat absque venia Cæsaris, non sufficiebat. Huic enim destinato obtinendo ut scilicet lege publica, quidam in imperio locus, velut sacer & intactus deinde reddatur, omnisque spes arcis restaurandæ simul in perpetuum tollatur, consensu Statuum Maximiliano opus fuit. Qui cum eam ob causam cum Statibus egerit, nimirum daß zu Gotha und Grimmenstein keine Festung solte wiederum gebauet werden / & illi defectum mandati causati ad proxima Comitia actionem distulerint, ex eo colligitur, non quomodo Imperator, an cum suo scilicet consensu, vel absque eo, ædificandum iterum castellum decreuerit: quod sibi falso Limneus persuadet, sed quod prorsus veritum voluerit, locum munitum quacun-

que autoritate fieri. Quare omiſſa in Erd-
 furtenſibus Comitiiis huius rei mentio id ſal-
 tem effecit, ne locus æternum munitionibus
 prohibitus fuerit, non vero vt etiam ſine per-
 miſſu Imperatoris munire eum licuerit. At-
 que propterea poſtquam hoc ſeculo Erne-
 ſtus Dux, piæ memoriæ, arcem & urbem mu-
 nimentis rurfus circumdare conſtituiſſet, fa-
 vore & autoritate Imperatoris ſibi opus eſſe,
 ad propoſitum exiſtimauit, quod eum factu-
 rum fuiſſe non eſt veriſimile, ſi communi
 Principum & Statuum iure hæc libertas ei
 ſuppetiiſſet. Qui requiſitum Cæſaris con-
 ſenſum ideo arbitrantur, *quod citato imperii re-
 ceſſu munitio vetita fuerit*, vix cogitant, quid
 loquantur. Nam & contradicſtio Ordinum,
 aſſenſum ſuum ſuſpendentium, & antiqua-
 ta mox ſilentio alteris Comitiiis actio, tum ta-
 bulæ inueſtituræ, quam proſcripti Principis
 liberi obtinuerunt, ſine prohibitione non re-
 ſtaurandæ munitionis ſcriptæ, ſatis arguunt,
 voluntatem Cæſaris, quod ingratam Statibus
 rem eam intelligeret, non abiſſe in legem,
 ſed infectum negotium manſiſſe. Adde,
 quod ſi Imperatoris & omnium Statuum de-
 creto locus munitione prohibitus fuiſſet, mi-
 nime certe ſuffeciſſet iudicio reſcindendo,
 ſolam Cæſaris opem atque gratiam imploraſ-
 ſe,

se, sed ex uatura negotii cum Statibus etiam agendum erat comitali iure.

§. XXI. Hæc fere præparatoria sunt ad bellum. In gerendo bello habent Status primo ius sequelæ: cuius vi in vnum locum conducere subditos militesque possunt atque iis imperare, ut se armis instructi sequantur. Secundo ius eosdem in ordinem, & exercitum disponendi, stationibus & excubiis cuique assignatis: quo peracto iam ipsi bellici actus sequuntur; castrorum metationes, conflictus, prælia, oppugnationes aut defensiones urbium & reliqua. Denique pax & amicitiz restauratio qui finis est belli.

§. XXII. Quandoquidem ergo apud dominum territorii vi superioritatis suæ tota est gerendi belli potestas, satis apparet, subditos eius qui & ipsi, cum iubentur, militare debent, urbibus & locis, quibus habitant recipere domi num quouis tempore, eique receptum dare & commeatu omnique studio adesse teneri, quod vulgo *ius aperture* appellant. Quamvis id paulo latius pateat, namque vi eius tam belli quam pacis temporibus subditi castra & vrbes suis dominis aperire & præsidium militare accipere obnoxii sunt. Numerus quoque præfidiariorum communiter arbitrio Dominorum stat, nisi quibus in locis ex privilegio est definitus. Quod autem ius

pecora & armenta capit. Pariter apud Halli-
carnassensem. *L. 7. Histor.* Aristodemus Tar-
quiniorum heres Cumis famulos, iumenta &
pecunias Romanorum Ciuium pro bonis
Tarquiniorum retinuit : *Liuius l. 2. Histor.*
Nauēs Romanorum retentas scripsit. Quo-
ties igitur in fontem aut debitorem iudicium
intra tempus idoneum obtineri nequit, vel si
in re minime dubia (non cum ambigi adhuc
potest, præsumtio est pro his, qui ad iudicia
publica electi sunt) plane contra ius lata sen-
tentia fuerit, ex hac causa aut corpora aut res
mobiles subditorum eius qui ius non reddit,
capi posse, moribus passim receptum est.

§. XXV. Est autem vsus repressaliarum,
proprie inter populos diuersos, non inter ci-
ues vnius reipublicæ. His enim Magistra-
tus publici & iudicia ideo sunt constituta, vt
sibi vi omni abstinendum, & quod quis sibi
dari aut fieri ab alio cupit, apud iudicem per-
sequendum nouerit, meliori disceptationis
genere. Quam ob rem, quod ius ciuile eius-
modi pignorationes inhonestas & odibiles habet,
nec rationabile autumat, alium quidem esse debito-
rem, alium vero exigi *Nov. 52. c. 1. add. l. 4. C. de*
Execut. & Exact. l. vn. C. ut nullus ex vicaneis, t.
t. Cod. Ne vxor pro marito. t. t. Cod. Ne filius pro
patre. Nov. 134. c. 7. quod ius Canonicum eas-
dem tanquam graues legibus & aequitati naturali

contrarias ciuileque constitutione prohibitas c. vnic. de iniur. & damn. dat. in 6. reprobatur, quod denique recessus Imperii Spirensis de anno 1570. §. wenn auch die Arresten 1c. repressalias generaliter iure prohibitas statuit, id haudquam pro vniuersali decreto gentium est accipiendum, sed ex natura legis ciuilis illis solum præscriptum esse apparet, qui lege illa obligantur, id est ciuibus aut subditis inter se: Liberæ autem gentes quarum aliæ aliarum imperiis non subiiciuntur, sicuti ob acceptas iniurias mouere bellum possunt & armis ius suum persequi, ita etiam (quod aliquanto adhuc mitius est atque humanius,) retentione hominum aut rerum ab ea ciuitate, quæ iniuriam nobis fecit, damni dati reparationem extorquere, eamque hoc modo velut officii inter populos communis nobisque debiti admonere. Cum enim nulla superest spes aut ratio obtinendæ per ius eius rei cuius petendæ facultas nobis aliqua lege est: necessario ipsa nos naturalis ratio ad vim ducit, & cogere eos iubet, qui amice moniti ius non persoluant. Hoc enim præcipuum est & tantum non vnicum fundamentum, quo omnis bellorum nititur iustitia: neque recte exasperis, sicuti ciui standum iudicio est, etsi Prætor aut magistratus alius contra ius iudicarit & hoc modo iniuriam fecerit: ita etiam genti

ti

ti, quæ in alia ciuitate causam suam egit, quamuis iniuste fuerit deinde iudicatum, sententiæ tamen standum esse eius, cuius iudicio litem subiecit. Non enim qui de iure persoluendo apud ciuitatem contra subditos agit, ita subiecit causam suam iudicio Ciuitatis, vt nihil sibi retineat æstimationis, sed ius petit, quod si redditum non fuerit, iniuriam accipere in solutum non tenetur. Neque enim autoritas iudicantis in hoc disceptationis genere idem in externos, quod in subditos valet: conditio subditi facit quominus is priuata autoritate rescindere sententiam Magistratus aut vindicare iniuriam inde acceptam possit: Nam vt in ciuitate iudiciis sua constet autoritas & reuerentia, lex publici ordinis causa vetuit, iniustæ etiam sententiæ executionem a priuatis vi impediri, aut contra eam ius suum vi exequi, præsertim cum alia sint ciuibus contra eius generis iniurias remedia iuris consignata, veluti prouocationis beneficium vel ipsum iudicem, quod litem suam fecerit, accusandi potestas: possunt etiam sententiam, si manifestò contra ius lata fuerit, nullam dicere, & hac ratione vim eius declinare. Neque omnino, etsi qui ius dixit cum summo in ciuitate est imperio, nulla est aduersus hanc rem prodita auxilio. Reuisionibus enim

&

successor; Moribus tamen gentium & tacita quadam omnium in id voluntate introductum est, ut pro eo, quod debet præstare civilis aliqua societas, obligata sint bona omnia corporalia & incorporalia eorum, qui tali societati subsunt: quod cur ita constitueretur, quædam necessitas expressit: alioquin enim non tam facilis potestas nobis esset coercendi iniurias ciuitatum aut Rectorum earum, cum in bona imperantium sæpe non adeo expedita sit & tuta manus iniection, quam priuatorum, qui plures sunt & plerumque sine præsidio agunt. Ne itaque tam magna daretur, impunitatis spe, iniuriis faciendis licentia, placuit, peccata & damna ciuitatis in subditis quoque prehensione hominum & rerum posse vindicari, quos deinde velut membra eiusdem societatis a se mutuo facillime ius consequi atque indemnitati suæ consulere posse gentibus visum est. Cum contra exterorum multis in locis exigua habeatur ratio. Præterea commodum ex hac obligatione resultans commune erat omnibus populis, ita ut qui nunc ea grauarentur alio iridem tempore subleuari possent. Atque hoc ipsum ius gentium voluntarium non ita rationi naturali repugnabat, ut non more & tacito consensu induci potuerit: Non modo enim fideiussores sine vlla causa ex solo consensu

sensu obligantur; verum etiam arctissima illa confociatio, quæ ciuitate inuicem & singulis ex ea intercedit, omnino efficit, vt aliqua ratione ea, quæ publico omnium nomine gesta sunt, in ordine ad priuatos non prorsus aliena facta, sed & singulorum propria reputentur. Distinctio illa, inter singulos, qua singuli sunt, & qua quisque pars est vniuersorum, subtilior est, quam vt applicationem in rebus ipsis patiatur. Dixerit Vlpianus, *quod vniuersitas debet, singulos non debere*: dixerit Seneca: *si quis patria mea pecuniam credat, non dicam me illius debitorem, nec hoc æs alienum profitebor*, quia tamen omnes fatentur, si vniuersitas bona non habeat, singulos ex vniuersitate tanquam partes eius ad solutionem obligari: sane factum vniuersitatis ad singulos quodammodo pertinere debet, & si datur, quod ea ratione saltem pertineat, qua pars sunt, nam vbi factum communitatis tibi præstandum est, tui sane parum refert, an vt pars societatis id præstes vel consideratus inter singulos. Ex singulis enim constat vniuersitas, qui reuera pro se quisque pars sunt. Nunc vero si eius, qui patriæ credidit, nullo modo debitor sum, neque id æs alienum meum est, cur tamen *ad exsoluendum hac portionem meam darem*? quod vult Seneca: si respondet vnus e populo, non tanquam pro me solvam

nam, sed tanquam pro patria conferam, id verborum sonum aliquem habet, at in re sensum nullum diuersum: nam aut ad pietatem hæc collatio pertinet aut ad debitum; si illud, extra scopum disputationis verba illa dicuntur: quærimus enim quo iure stricto vnus e populo ad exsoluendum æs ciuitatis pro parte sua teneatur; sin hoc, fieri sane nulla ratione potuit, vt factum vniuersitatis, quod singuli, qui pars eius sunt, præstare debent, non ad eos aliqua ratione pertineat: Et profecto illi qui primo in societatem coierunt & publicum nomen regimenque constituerunt, tacite pro communitate fideiubere videntur, si quid inde populis aliis aut singulis damni vel incommodi datum fuerit, id se quoque præstaturos, eamque in rem bona sua & corpora obligata velle. Vniuersitatis enim quæ est agendi potestas, ex singulorum in vnum corpus coeuntium & participatione iuris nomen illud publicum constituentium, est iussu atque consensu: haud iniquum igitur, vt de eorum factis gestisque respondeant, cum vsus est, nam quod tales sunt, opere eorum atque consilio effectum est. Denique etiam cum singuli, qua tales, non modo quod corpora cuiusque vitamque attinet, sed & bonorum suorum omnium ratione, certo quodam modo sint in dominio Ciuitatis

cundum ea a Camera iudicatum esse, refert Mynfingerus 1. *obs.* 29. & Gailius 2. *Obs.* 90. n. 1. Cotta etiam scribit, valere Statuta, quibus filii mercatorum teneantur creditoribus paternis, licet non probentur heredes, quemadmodum iam antiquitus obtinuerat, ut in primipilaris administratione patris filius obstringatur *l. ult. C. de primipil.* quæ omnia satis euincunt, posse existere casus, cur ex lege æquitatis alius pro alio aliquando mihi obnoxius sit, & velut, quod dicitur, obtorto collo in ius trahi possit.

§. XXVI. Repressaliæ igitur locum habent inter diuersos populos inuicem non subiectos, quam ob rem an Statibus facultas sit eas decernendi, haud abs re quaeritur? Et profecto sunt haud pauci *Bart. de repress.* q. 3. n. 4. *Colerus part. 1. process. c. 2. n. 280.* qui in Romano Imperio soli Imperatori earum concedendarum potestatem tribuant; nituntur autem fundamento, quod non nisi summo Principi aut Ciuitati vel populo libero decernere repressalias concedatur, ex qua ratione *Consil. 46. n. 7. & 19.* Wessenbecius Electoribus nominatim, quod superiorem recognoscant, denegar concedendarum repressaliarum iura. Verum enim vero cum ut supra ostendimus, Ordinibus certis casibus inire etiam bellum & gerere liceat, Repressaliæ,

(4)

K

quæ

enim denegari nobis iustitiam a Domino territoriali : at supersunt certe remedia alia, quibus ius consequi possumus, quippe mandata & literas promotoriales a superioribus tribunalibus impetrare facile licet : quibus si is, de cuius iniuria quærimus, adhuc nihil movetur, iam certe lis ipsa in summis illis iudiciis instrui potest. Est autem constanter, memoriæ proditum, dum ius nostrum forensi formula consequi possumus, locum repressaliis non dari, atque adeo vix erit casus, quo inter ipsos Status huius rei sit aliqua legitima usurpatio. Quando vero cum exteris res nobis est, tunc recte idem sentit Schuzius quod de iure belli gerendi, cuius repressaliæ, ut ante dictum, sunt species quædam imperfecta. Hic lenissimum erit, bona Regis aut Ciuitatis, quæ commercii causa apud nosprehenduntur, tamdiu retinere donec ius nobis redditum fuerit; Proximum, rebus subditorum in nostra ditione sitis aut versantibus manum iniicere : tertium ab hoc, res illorum in alia parte imperii præsentem persequi & detinere, siue id auxilio fiat territorii Domini seu propria autoritate & vi. Abruptissimum vero crediderim, nec sine magno periculo belli in Germania conflandi, si, cuius negatum est, Status potentia sua aut sociis fretus in ipsos lædentis Regis vel ciuitatis

tis fines irrumpat, & abductis vi hominibus rebusque sibi consulere audeat; vel quoties alibi extra imperium reperta capit & abducit: quod an singulorum Statuum arbitrio absq; autoritate Cæsaris & communi imperii decreto permittendum sit, non sine ratione dubito, quia vix ac ne vix quidem euenire potest, vt non vis illa ad offensionem & vindictam magis, cuius generis bellum etiam Statibus cum exteris prohibitum ostendimus, quam defensionem rerum spectet.

§. XXVII. Cum repressaliis magnam habent coniunctionem, quas appellamus pignoraciones, & quæ eandem ob causam haud minus vetitæ sunt legibus, ita vt contra pignorantem mandata sine clausula restituentæ rei captæ causa decernantur. Aliqua tamen inter hæc duo est differentia. Pignoriatio enim est ex turbatione eius rei vel iuris, cuius possessionem vel quasi ad nos pertinere asserimus: at repressaliis vtimur contra subditos, propter negatam nobis a Domino eorum iustitiam, vel ius manifesto inique dictum. Deinde pignoriatio fit propria auctoritate partis suum ius tueri volentis, etiam nulla præuia cognitione aut licentia iudicis: Repressaliæ vero decernuntur a Domino aut iudice, qui eam ob rem adeundus est, quiq;
de-

demum causa saltem summariter cognita, quare creditor vel quisquis se læsum queritur, repressaliis sibi opus esse existimet, potestatem detinendi facit: non enim iure repressaliarum æstimantur, quæ autoritate publica decreta non sunt. Porro pignorationes sunt nonnisi merum facti nomen adeoque in omnem casum prohibita: Repressaliæ aliquid iuris habent, quo nonnunquam fit, ut licita & permissa credantur. Ad hæc pignorationes ciuibus inuicem intercedunt: Repressaliarum vsus in externos est. Denique pignoratio concernit personas vel res eius, qui ob possessionem iuris sui turbatur: Repressaliis vero detineri potest non modo persona & res illius, qui facere iustitiam neglexit: sed & cuiuscunque qui subditus eius est, & intra territorium.

§, XXVIII. Olim in Atheniensium institutis simile quid erat repressaliis, quod ipsi *ανδροληψίαν*, id est, prehensionem hominum vocabant. Erat autem huic iuri tantum locus, si quis Atheniensium ciuium morte per vim illata obierat, & illa ciuitas, unde homicida erat, vel quo confugit, dedere eum vel pœnam sumere de cæde noluerat. Tunc enim poterant proximi & necessarii illius, qui occisus fuit, homines alios prehendere atque detinere, donec de cæde satisfactum, neque

tamen ultra tres. Qua lege, vti apparet, pro ciuitate, quæ debebat subditos suos, qui aliis nocuere, plectere, poterat obligari ius quoddam incorporale subditorum, ipsa scilicet libertas morandi vbi velint, & agendi quod velint, ita vt fere in seruitute interim sint, dum Ciuitas id præstat quod præstare tenetur, id est, dum punit vel dedit fontem.

§. XXIX. De Iure Pacis cur multa dicamus non est opus. Qui enim incipiendi gerendique belli habet facultatem, is necessario & faciendæ pacis arbitrium obtinet, cum hoc fine omne bellum geratur, vt pacem habeamus. Enimuero de Statibus Imperii hoc erit monendum, eos redimere pacem cum Exteris iactura ditionum ad Imperium spectantium non posse. Imo nec inter ipsos Status valet pactio de bonis Feudalibus transferendis, quoties aut directo domino aut agnatis, qui a primo acquirente ius aliquod consecuti sunt, præiudicium damnumve creatur. Sed & quamuis de reliquis, quæ in patrimonio nostro sunt, maior sit transigendi libertas, si tamen Reipublicæ insigne periculum aut detrimentum ex eo impendeat, cogitandum aliis relinquo, annon rescindi eiusmodi alienationes supremo imperio possint? Quid enim si oppidum castrumve

ve in limite cessum iremus, ex quo Imperio finitimisque nocere facile licet? Hic sane, ratio Sratus & tranquillitatis publicæ postulare videtur, vt quæ vnus in dispendium totius ciuitatis iactare vult, omnes pro securitate sua vindicent. Rerum mobilium alienandarum maior quidem est fauor, si tamen inter thesauros & cimelia domus reputentur, quorum vsus magis quam proprietas illi concessa est, qui prouinciam regit, vereor, vt pro animi sententia statuere de illis fas sit; quanquam haud ignorem, quæ sic translata in alios sunt, eorum difficilem recuperationem esse, cum semper melior sit possidentis conditio, & sæpe etiam famæ atque honori Decessoris consulatur.

§. XXX. Quæ in pace facienda consilii sunt, aut ad rationem tractandi pertinent, cum ab hoc loco aliena existimem, transmittere visum; nam si huic argumento immorandum esset, vel sola Legatorum tractatio, quorum ministerio plerumque pax conciliatur, in campum nos deduceret, omni hac dissertatione vberiore.

OBSERVATIO IX.

EPISTOLAE OBSCVRORVM
VIRORVM.

SVMMARIA.

Epistolarum obscurorum virorum, §. I. occasio, §. II. ex controuersia Reuchlini cum Colonienſibꝯ de libris Iudeorum non cremandis, §. III. IV. Autor earum secundum quosdam Reuchlinus, §. V. Locuſ eam in rem Iouii, §. VI. Falsum quod Iouius notat, Hogſtratum pra dolore ex editione huius libri oncepto obuiſſe, §. VII. Falsum, poſt mortem demum Hogſtrati dictum Ponſicis contra hunc librum eſſe impetratum, §. VIII. nam id uiuo Hogſtrato factum, §. IX. Huttenum etiam a quibusdam pro Autore eſſe habitum, §. X. Narratio Barthii de Hutteno & Hogſtrato, §. XI. item de Campanella §. XII. Alios Eobanum Heſſum facere autorem Epistolarum, §. XIII. Inter haec tres ſententias, §. XIV. ueroſimiliorem eſſe, quod Huttenus autor ſit, §. XV. Coniectura eam in rem, §. XVI. Ipſum Huttenum id conſeſſum fuiſſe, §. XVII. Sed fuiſſe directorem plurium autorum, §. XVIII. §. XIX. Cur Epistolarum illarum plerique inſcriptae ſint Ortuino Gratio, §. XX, §. XXI. Lamentationes obscurorum virorum, §. XXII. Graetii Epistoſe clarorum virorum, §. XXIII. Epigramma Roſenbomii in Epistoſas obscurorum virorum, §. XXIV. Aliorum conſenſus de Hutteno autore Epistolarum, §. XXV. Emendantur ex dictis quaedam aſſerta D. Maii de uita Reuchlini, 1. quod Reuchlinus ſit autor Epistolarum, §. XXVI.
2. quod

2. quod Hochstratenus dolore ex libro hoc concepto mortuus fuerit, §. XXVII. 3. quod ad eludendum breue Papale a Reuchlino vel eius affectis secundum volumen Epistolarum sit editum, §. XXVIII. Dubium esse, tempus editi voluminis secundi Epistolarum, utrum ante an post breue papale publicatum sit, §. XXIX. non tamen istud volumen secundum editum esse ad ludificandum breue papale, §. XXX. Confundere D. Maium Lamentationes Obscurorum virorum cum volumine II. Epistolarum §. XXXI. 4. quod quidem Erasmus pro autore Epistolarum venditauerunt §. XXXII. §. quod ipse Reuchlinus in Lamentationibus obscurorum virorum se excusauerit, non esse autorem Epistolarum, §. XXXIII. Causa cur Vlricus Dux Wurtembergicus Iohannem Huttenum interemerit, §. XXXIV.

§. I.

E Pistola obscurorum virorum superiore seculo insigniter placuerunt eruditis, quod in illis inscitia ac barbaries æui superioris lepore mirifico depingeretur.

§. II. Occasionem illis pariter & argumentum præbuit certamen illud, quod Ioanni Reuchlino seu Capnioni paulo antequam Lutherus Ecclesias repurgaret, cum Monachis intercesserat: De quo legatur vita Capnionis ap. Melch. Adam, in vitis philos. p. 42.

K 5

§. III.

§. IV. Martinus Crusius *Parte III. Suen. Annal. c. 16. f. 536.* eadem commemorans ita pergit: *Res ita exagitata fuit, ut ad Parisienses etiam deduceretur, qui & ipsi Reuchlino infesti erant. Pontifex vero Romanus & Cardinales, qui fauebant eruditioni Reuchlini, non acceptabant accusationem Iacobi Hochstrati, qui Colonia Romanam ob illum oppugnandum profectus erat. Hinc natus est facetus ille libellus, qui inscribitur: Epistola obscurorum Virorum: quibus mirifice barbaries Colonienfium professorum exagitur.*

§. V. Quis eas epistolas confinxerit, in eo non omnes consentiunt. Multi existimant, ipsum Reuchlinum earum esse autorem, in qua sententia etiam est Val. Andreas Desselius *p. 412. Bibl. Belg. & Opmeerus, Chronogr. pag. 749.*

§. VI. Sed nos Iouii verba proferamus ex elogio Reuchlini: *Circumferuntur etiam prae-ter graviores libros, quanquam suppresso nomine ex eius officina obscurorum Virorum Epistola, admirabili facietiarum lepore condita, quibus ad excitandum risum cucullatorum Theologorum, ineptissime atque ideo ridicule latina lingua scribentium stylus exprimitur. Vlescebat enim infestam nomini suo turbam iucundissimo Satyra illudentis genere, quum maligna cucullatorum conspiratione, tanquam Iudaeis parum aequus hostis, ac ex animo plane recutitus impietatis accusaretur.* Hic liber

liber auidē cōemptus & euulgatus adeo grauitē calumniatores eius ordinis percussit, ut coniurationis princeps Hogstratus letali dolore sauciatus interierit, & reliqui aestuantes a Leone suppliciter impetrauerint, ut editto diuendi atque inprimi vetaretur. Sed editi Maiestatem Reuchlinus falso ingenio ludificatus secundum Epistolarum volumen tanquam ex titulo minime vetitum altero quidem aculeatius impressoribus tradidit, ita ut cucullati misere cum hydra luctantes animos in ea lite desponderint.

§. VII. Hæc e Iouio totidem penē verbis transtulit in Catalogum suum Illustrium Germaniæ scriptorum Cornelius Loos Callidus *p. m. 66.* sub Reuchlino, sed illud de Hogstrato (sic Sleidanus & alii passim vocant) quem Iouius narrat præ dolore obiisse omisit. ^{a)} Et vero falsum illud est: diu enim post vulgatas obscurorum virorum Epistolas anno videlicet 1527. ^{b)} obiit Hogstratus, teste Valerio Andrea in *Bibl. Belg. p. 413.* (qui eum vocat Hoochstratanum) Bucholc. in *Chronol. pag. 512.* & Budæo in *Savatoz. pag. 37.*

§. IIX, Neque illud idem satis ex vero Iovius quod e præcedente sequitur, mortuo de-

a) Imo sub Hochstrato *p. m. 41.* haud obscure illi contradicit.

b) circa annum 1527, Cornel. Callid. *p. 42.*

demum Hogoftrato reliquos a Pontifice editum contra Epistolas obscurorum impetravisse. Id enim Hogoftrato viuo factum est, Anno 1517. mense Martio. *Vide lament. obje. vir. p. 12.* vbi apographum habes Pontificiæ condemnationis.

§. IX. Eodem anno ad Vlrichum Huttenum sic scribit Bilib. Pirckhaimerus (Epistolam vitæ Pirckhaimerii operibus eius præmissæ inseruit Rittershusius f. 24. 25) *Hogoftratus cum ex capitulo per Nurenbergam iter fecisset, revulit quibusdam, silentium ambabus partibus inditum esse: Id si ita esset, victoria quoque nostræ existeret. Ostendit obiter Breue, ut appellant, Apostolicum, non tamen in forma autentica, quo excommunicantur ementes, vendentes & legentes obscurorum virorum epistolas. Mutandus itaque titulus, & pro obscuris clari viri erunt inscribendi, ut rursus Nebulones pecunias dilapidare cogantur. Plane enim confessi sunt, ob Breue illud belle auro se emuntos esse.*

§. X. Ex eadem epistola cognoscimus, Vlrichum Huttenum, ad quem scripta est, auctorem illarum Epistolarum habitum fuisse. Sic enim postea Bilibaldus: *Nec dubites fratres illos, qui te auctorem obscurorum esse clamitant, illum contra te insigare.*

§. XI. Atque hunc eundem auctorem, nominavisse nobis aliquando memini Nobiliss.

liff. Casp. Barthium, cum diceret multis se moueri rationibus, quamobrem Hutteni potius hunc esse partum crederet, quam Reuchlini, certe directorem fuisse operis Huttenum: etiam hoc addens, aliquando Halæ Saxonum (si bene memini) obuiam fuisse factum Hogoftrato Huttenum, & equo desilientem homini improbo gladium intentasse, vt ab eo vindictam exigeret scelerum: Hogofstratum postratum in genua, rogauisse Nobilissimum Heroem, si quid intercesserit inimicitiarum, id calamo potius, quam ense prosequeretur, homini iam imbelli parceret: sic placatum Huttenum ac misertum, non afflixisse ipsum quidem, sed gladio tantum obliquo aliquoties verberauisse.

§. XII. Hæc ita Barthius in cœna, cui A. 1645. die 6. April. vna cum ipso me, admoerat B. And. Riuius. In qua hoc etiam a Nobilissimo viro audiuisse annotaui, Thomæ Campanellæ commercium fuisse cum Dæmone, ipsum Thomam truci hominem aspectu fuisse (nam oculis ipsum suis vsurpauerat) labiis pene ad auriculas vsque extensis.

§. XIII. Redeo ad epistolas obscurorum virorum. Quarum autorem denique, non defuerunt, qui Eobanum Hessum crederent. Mich. Sonleutnerus Orat. *de success. stud. per Germ.*

Germ. quæ annexa est Parti II. Inst. dial. eius p. 102. Magna illi (Capnioni) concertatio fuit cum Monachis de libris Hebræorum non comburendis, de qua facetus quidam libellus titulo virorum obscurorum ab Ulrico Hutteno, aut ut alii malunt, ab Eobano Hefso conscriptus, quo mire exagitantur Monachi.

§. XIV. Tres ergo hac de re sunt opiniones: vna Epistolas illas confinxisse Reuchlinum; altera Huttenum, tertia Eobanum.

§. XV. Ego hic accedo sententiæ Nobiliss. Barthii de Hutteno, ita quidem ut existimem plerarumque autorem fuisse, cæterarum directorem.

§. XVI. Primum enim aliquo modo nos huc ducit Epistola Bilibaldi. Deinde sunt coniecturæ non leuēs, sâne constat partibus Reuchlini (cuius negotium præcipue in his epistolis geritur) impense fauisse, qua de re historiam vide apud Titium in Theol. Exempelb. p. 1669. n. 81. edit. A. 1657. Ao memorat Gesnerus inter libros Hutteni intercessionem quoque ad Cardinalem Hadrianum pro Capnione. Quis autem nescit, quam probe passim in scriptis suis peruersos seculi sui mores defricare solitus fuerit Huttenus. Porro Conciliabulum Theologitarum, quod in pasquillorum Tomis extat, & a Gesnero ad Huttenum autorem refertur, tam simile est

est his epistolis, vt ouum ouo non possit magis.

§. XVII. Quid verbis opus est? Extra dubitationis aleam omnem ponit hanc causam ipsa Hutteni confessio in expostulatione cum Erasmo, vbi sic scribit: *Cum nata essent obscurorum Epistola, maxime omnium laudabas & applaudebas auctori, prope triumphum decernebas, negabas vnquam excogitatam compendiosorem illos insectandi viam, hanc denique optime initam esse rationem barbare ridendi barbaros. Itaque gratulabaris hanc nobis felicitatem. Et cum nondum excusae essent nuge, tua manu quasdam describebas, vt amiculis (inquiens) meis in Angliam & Gallias mittam. Paulo post cum vehementer commotam cernereres vniuersam Theologistarum colluisionem, ac furere ubique irritatos crabrones & perniciem minari, trepidare coepisti, & ne qua in te suspicio daret se, quod vel auctor ipse esses, vel inuentum certe probares, scripsisti epistolam eodem illo candore tuo. Coloniam^d) qua volebas praevenire famam, ac omnino praeter te ferebas, quasi qui illorum doleres vicem, & cui valde displiceret res, multa interim & in ipsum negotium, & in auctores increpans. Hoc tum inimicis nostris telum dabas contra nos acerrimum.*

d) Legitur haec epistola p. 18. *Lament. obsc. Vir.* Est autem scripta ad Caesarium postridie assumptae virginis A. 1517.

§. XVIII. Dum extremis verbis autores numero pluratio audimus nominari patet, vno plures eos fuisse ^e). Cætera facile persuadebunt, coryphæum omnium atque huius ludi choragum fuisse Huttenum.

§. XIX. Plures etiam Epistolarum auctores esse indicat Ortuinus Gratius in *Lamentationib. obsc. vir. p. 116.* inquires: *Notum est & publicum, ubi illorum epistola impressæ sint; noti etiam autores.* Idem *pag. preced. & 123.* & alibi vocat eos Reuchlinistas.

§. XX. Cæterum Epistolæ istæ pleræque omnes inscriptæ sunt Ortuino Gratio. Id ideo factum, quia in gratiam Colonienfium Theologorum scripserat Apologiam aduersus Reuchlinum, vir alioqui literis humanioribus non perfunctorie tinctus, *Vide Aub. Mira. Part. II. Biblioth. f. 33. & Val. Andr. Desfelsius Bibl. Belg. p. 708.*

§. XXI. Hac de re iudicium Erasmi hoc legitur in *epistola quadam ad Bilib. f. m. 234. & in operib. Bilib. f. 271.* *Quid venit in mentem Gratio, ut suas literulas turpiter seruire vellet quorundam stultitiæ. seu potius ambitioni, cum eo videatur ingenio præditus, ut si vero iudicio iustam operam adiunxisset, inter eloquentes ac literatos*

(4)

L

babe-

^e) nominat eos Comitum, Nuenarium, Huttenum, Reuchlinum, Buschium ex Hammelmanno Placc. *append. Anonym. p. 129. 136.*

*haberi potuisset. Nunc non alio facinore notus est nisi quod calumniatus est Reuchlinum & huius amicos, quodque quorundam infanti malitia mercenarium ciboque conductum rhetorculum prae-
buisse videatur.*

§. XXII. Epistolis obscurorum opposuit Gratius Lamentationes obscurorum virorum Coloniae primum anno 1518. impressas; quod & Miræus ac Desselius obseruarunt. Eas ego citavi hætenus ex alia quæ penes me est editione Colonienfi anni 1649.

§. XXIII. Idem Gratius, Miræo & Desselio testibus, in fasciculo rerum expetendarum & fugiendarum, edidit Epistolas clarorum virorum Anno 1535. Nescio an credamus eum sic voluisse aliquid opponere ^{f)} vel obscurorum virorum Epistolis, vel Epistolis etiam Illustrium Virorum ad Reuchlinum, quas Hagenox æo. 1519. (quam quidem editionem

f) Omnino nulla est illarum epistolarum Gratiæ cum vel clarorum vel obscurorum epistolis connexio. Sic autem habet: Fasciculus ille rerum expetendarum & fugiendarum continet tractatus in vniuersum LXVI. & in his Epistolas quasdam clarorum virorum: inter alias ipsius Hutteni ad Leonem X. quæ præfatur in declamationem Laur. Valla contra donationem Constantini, quæ legitur ibi f. 64. Nec ipse in titulo operis clarorum sed summorum virorum epistolas vocat, his verbis. *Insunt præterea huic operi summorum aliquot virorum Epistole, libelli tractatus & opuscula numero ni fallor LXVI.*

ditionem nondum fuisse primam apparet,
e præfatione ad Lectorem) impressas
habeo.

§. XXIV. In epistolas obscurorum extat,
epigramma Samuelis Rosenbomii *Part. I. Poëm. l. 2. n. 99. p. 156.* qua ob styli barbariem,
vetat earum lectionem, ne contagio noceant,
 sæpe repeti. Sed nimirum nec scriptæ sunt
illæ iuuentuti in scholis ad imitandum, ve-
rum literatis ad recreandum animum. No-
lim tamen in illis iocos, qui miscentur inter-
dum, blasphemos approbare.

§. XXV. Hactenus schedæ Iacobi Tho-
masii locutæ sunt, ex quibus adeo perspicu-
um redditur, quænam sint illæ rationes de,
quibus in præfatione ad Manutii Epistolas
dixerat, quod certa fide exploratum haberet
Huttenum esse autorem Epistolarum obscu-
rorum virorum, ad quam eius fidem etiam
prouocauit doctissimus Maius *in vita Reuchli-
ni p. 425.* ac insigne Belgii literati decus, Pe-
trus Bælius *in Dictionar. Critico sub artic. Hoch-
straten.*

§. XXVI. Simul vero ex hactenus dictis
patet, qua ratione quædam emendari possint
quæ de Epistolis obscurorum virorum attu-
lit laudatus Maius. Primo enim a Iouio de-
ceptus *in oratione de vita Reuchlini pag. 48. 46.*
Reuchlinum autorem fecit libelli sæpius me-

morati, quod tamen ipse postmodum in *annot. p. 425. & 427.* quodammodo destruit.

§. XXVII. Secundo, cum Iouius in loco supra descripto memoret Hochstratum dolore ex libro isto concepto interiisse, quod falsum esse, ibi simul ostensum fuit, Maius tamen eundem Iouii errorem secutus falsam de Hochstrateni morte sententiam & orationi *d. p. 46.* & annotationibus *p. 424.* inseruit, notatus iam propterea a Bælio *d. l.*

§. XXIX. Tercio Bælius *ibid.* & alium errorem annotauit in loco Iouii, quod nempe falsum sit, quod Reuchlinus post impetratam ab Hochstrati parte Breue Apostolicum secundum Epistolarum Volumen tanquam ex titulo minime vetitum, in elusionem edicti Pontificii ediderit. Ego sic intelligo Bælium quasi non solum falsum sit, quod Reuchlinus istius secundi voluminis autor sit, sed & quod vel eiusmodi secundum volumen extet, vel si extet, quod id a Reuchlini affectis ad eludendum Breue Papale sit editum. Nihilominus tamen D. Maius & hac parte Iouium defendere sustinuit in *annot. p. 424.* *Est mihi, inquit, ad manus prima primi voluminis editio Venetiis impressa in Aldi Manutii officina in 4. Alterum volumen in Germania excusum habeo hoc insignitum titulo: Lamentationes obscurorum virorum non prohibita per sedem Apostolicam.*

§. XXX.

§. XXIX. Iam quid nos ad istam probationem Maii? Ita quidem est: Sunt duo volumina Epistolarum obscurorum virorum. Vtrum vero ista duo volumina simul sint edita, an vnum post alterum, dicere exacte non possum, vtor enim editione nouissima, in 12. quæ ac si Londini impressa esset, mentitur, anno præteriti seculi 89. vbi secundum volumen incipit p. 225, eique editioni lamentationes obscurorum obscurorum virorum tanquam volumen tertium iunctæ sunt. Videtur tamen secundum volumen primo in secunda forte vel tertia editione esse adiectum si quis consideret *errores obscurorum virorum*, qui se Reucliniſtas esse gloriantur, qui adiuncti sunt, *lamentationib. obscur. vir. p. m. 187. seqq.* vbi sæpe mentio fit primi operis & primæ editionis. Postea additur p. 191. *Quas obsecro putamus in additionibus eorum nequitias contineri, & in aliis etiã Epistolis a primis (de quibus modo mentionem fecimus) longe differentes.* Tum mentio fit secundi voluminis. Adde & p. 224. *ipsarum Epistolarum obscur. vir. verbis: Finis se opus egregium &c.* Magis dubius sum, an volumen secundum post publicatum breue papale sit editum. Sane edictum, quod insertum est *Lamentationibus obscur. vir. p. 12. seqq.* datum est Romæ d. 15. Martii 1517. Errores autem obscurorum virorum modo citati, in quibus

secundi voluminis fit mentio, scriptæ sunt Colonia cal. Sept. 1518. vti videre est ex *p. vlt. Lament. obsc. vir.* sed ex hac circumstantia verosimile aliquid in neutram partem assumi potest.

§. XXX. Id tamen videtur valde probabile volumen istud secundum, quandocunque etiam fuerit publicatum, non compositum esse. vt Iouius volebat, ad ludificandum breue Pontificium, neque in titulo præ se tulisse, quasi id sit minime vetitum. Nam in toto volumine secundo, quantum in cursoria lectione deprehendere potui, ne minima quidem mentio fit illius edicti Pontificis, & titulus voluminis illius *p. m. 225.* eodem modo conceptus est, vt titulus voluminis primi nec ibiquicquam de licentia impressionis memoratur.

§. XXXI. Neque Iouii causam adiuuat, quod D. Maius dicit, se volumen illud secundum non solum vidisse, sed & in titulo legisse, quod Lamentationes istæ obscurorum virorum non prohibita sint per sedem Apostolicam, ad quæ verba haud dubie etiam respexit ipse Iouius. Nam & Iouius & D. Maius in eo decepti sunt, quod putauerint, Lamentationes istas a fautoribus Reuchlini fuisse editas, cum potius, vt iam *supra* §. 22. monitum est, auctor harum lamentationum sit Ortu

tuinus Gratius, easque contra Reuchlinistas scripserit, vt ex toto volumine illo patet, & præprimis ex Epistola Gratii ad lectorem, item ex epistola eiusdem apologetica, quæ leguntur in fine lamentationum *p. m. 141. seq. & p. 145. seq.* Et si enim in nouissima editione verba tituli solum ponant: *Lamentationes obscurorum virorum*, neque illa reliqua, quæ D. Maius memorat, (*non prohibita per sedem Apostolicam*) in hac editione appareant, tamen & de aliis Lamentationibus quam illis Gratii non constat, & D. Maium non alias, quam illas in mente habuisse ex illo certum est, quod quæ paulo post *p. 425. & 427.* ex illo libro excerpt, claris verbis leagntur in Lamentationibus a Gratio editis. Accedit quod Gratius ista verba, *non prohibita per sedem Apostolicam* verosimiliter primæ editioni suarum Lamentationum apponi curauerit, partim ne confundernetur ab incautis Lamentationes istæ cum Epistolis obscurorum virorum, partim, vt vel in titulo pungeret Reuchlini fautores, quorum scilicet epistolæ per sedem Apostolicam erant prohibitz.

XXXII. Pergit D. Maius *p. 425.* fuisse etiam qui Erasmo has epistolas tribuendas, tanquam vero auctori censerent, in quos ille etiam grauitè inuehitur in illa epistola, quæ in lamentationibus obscurorum virorum le-

gitur, *p. m. 22.* & cuius iam supra mentio iniecta est §. 17. At si quis ea quæ supra *d. §. 17.* ex Hutreni expostulatione cum Erasmo excerpta sunt, conferat cum illa Epistola Erasmi, patebit, Erasmus se saltem purgare voluisse, quod non approbet Epistolas obscurorum virorum nec iis faueat, non quod quisquam eas Epistolas Erasmo tanquam auctori tribuerit. Scilicet inseruerant auctores Epistolarum posterioribus editionibus dialogum qui in nouissima editione legitur *p. 200. seq. voluminis primi*, in cuius interlocutoribus non solū comparebat nomē Erasmi, sed & *p. 201.* Erasmus tanquam fautor Reuchlini aperte traducitur, & *p. 209. seq.* cum Reuchlino colloquens Erasmus inducitur tanquam causam Reuchlini contra Magistros Colonienſes agens. Seduxerunt autem haud dubie D. Maium ad hunc errorem, verba in Epistola Erasmi, quæ apponamus. *Iam illud est omnium molestissimum quod mihi famulus meus Iacobus narrauit, apud plures haberi Colonia libellum nescio quem in Iulium Pontificem, quod mortuus exclusus sit celo per Petrum. Ceterum admiror, esse qui suspicentur, tam insignem ineptiam a me profectam; opior ob id, quod sermo fortasse sit paulo latinior, &c.* Hic putauit D. Maius, per tam insignem ineptiam, intelligendas esse Epistolas obscurorum virorum: cum tamen contextus ostendat E-

rasmum per hæc verba intelligere fabulam, de Iulio Pontifice, quæ tamen non legitur in Epistolis obscurorum virorum.

§. XXXIII. Denique & in eo non parum a verò aberrasse videtur D. Maius, cum *p. 427.* scribit, non verosimile esse quod Reuchlinus sit autor Epistolarum, quia similem in modum se purgauerit, vt Erasmus, in epistola quadam Lamentationibus inserta ad Iohannem Pelsflickerium, quam & totam apponit. Ersi enim verum sit, Reuchlinum autorem, non esse, idque satis per dicta superius sit demonstratum, ratio tamen D. Maii nihil probat. Nam illa Epistola Reuchlini, ad quam prouocat, & quæ legitur in Lamentationibus *p. m. 34.* nequaquam a Reuchlino fuit conscripta, sed vt reliquæ omnes ab Ortuino Gratio conficta. Induxit autem D. Maium in hunc errorem, quod Lamentationes illas pro nouo volumine Epistolarum obscurorum virorum habuerit.

§. XXXIV. Antequam finem huic observationi imponamus, non iniucundum erit, etiam circa ea aliquid annotare, quæ scripta deprehendimus in Dictionario Critico Celeberrimi Bælii in artic. *Hutten.* Nimirum dum vir laude nostra maior ex Melchioris Adami vitis quædam, quæ iste ex oratione Hutteni contra Ulricum Ducem Wurtembergicum,

adducit, excerptit, ad interfectionem Iohannis Hutteni pertinentia, subiungit, verosimile esse, istum Iohannem Huttenum a Duce Wurtembergico ea ex causa esse interemtum, quod cum suspicatus fuerit amare Ducissam. Et fateor coniecturam istam a vero non videri absimilem, si quis saltem ista verba, quæ Melchior Adami ex illa oratione adduxit, consuleret, nec inspiciat ipsas orationes Hutteni. Et has quidem non legisse Bælium eius annotata ostendunt, vti etiam rarius inveniuntur hodie illæ orationes. Ceterum recordor, me, dum ante aliquot annos eas mihi ad lectionem commodaret amicus quispiam, ibidem deprehendisse, quod Vlricus Huttenus ibi diserte accusauerit præfatum Ducem, quod Iohannem Huttenum ideo interfecerit, quod ipse Dux uxorem Hutteni amauerit, & etiam post necem Hutteni in ipsius amore hæserit, ac aliam causam iræ adversus interemtum publice prætenderit, quam quidem ipse Vlricus Huttenus non diserte memorat, verba tamen eius quantum recordor, satis monstrant, longe alium fuisse Ducis prætextum, quam illicitos amores inter Huttenum & Ducis coniugem.

OBSERVATIO X.

ANTITHESIS CHRISTI ET ANTICHRISTI FIGVRATA , CVM ADNEXA FRATRVM CANDEL- BURGIORVM HISTORIA.

SVMMARIA.

§. I. **E**cclēsia semper fuit orthodoxa, quæ sibi
adrogauit dominatum. §. II. Variis figu-
ris olim templorum parietibus insertis cleri nota-
bantur abusus §. III. Fratrum Candelburgiorum hi-
storia, qui in cœnaculo suo Christi & antichristi an-
tithesin exhibuerunt. §. IV. Recensio codicis ma-
nuscripti qui Candelburgiorum istam antithesin ex-
hibet. §. V. Vltior recensio Codicis §. VI. Aliam
antithesin exhibebit Simon Rosarius apud Wol-
phium §. VII. Alia latine & germanice prodiit.
§. VIII. Ista ab Andrea Osiandro edita §. IX. Qua-
draginta figura in cimeliarchio Gothano similem
praferunt antithesin. §. X. Harum inscriptiones
referuntur. §. XI. Ista figura ad priorum imita-
tionem efformata:

§. I.

A Longis retro seculis commune,
in ecclesiam irrepsērat malum ,
vt aliqua semper esset, quæ domi-
natum sibi quæreret, & pro or-
thodoxa vnice haberi vellet, singulos cum
ea

ea non sentientes pro hæreticis habens & peruersis. Transiit hoc malum per secula ad ea tempora, (ne dicam ad nostra) quibus totus orbis mirabatur pontifici Romano se esse subiectum. Romana erat ecclesia quæ varios abusus suos sub pallio veræ & ab apostolorum temporibus ita continuatæ ecclesiæ contegere solebat, & vera mater haberi volebat, sed peruersus erat Status, fides nulla, doctrina a Christi & apostolorum diuina simplicitate aliena, ordines ecclesiastici corrupti, horumque præ sic dictis laicis dominatus; scandala ybique, immo tota religio magis ad splendorem spectans quam ad vitæ interiora. Quamuis peruersus autem ecclesiæ esset status, seruauerat tamen sibi Deus suos, qui vitæ integritate Deo viuentes, hanc ecclesiæ corruptionem bene perspiciebant, sed illi ne hiscere quidem audebant, ni igne atque ferro persecutionem pati vellent.

§. II. Factum inde, vt cum isti ore propagandam veritatem testari non auderent, scriptis id facerent & figuris. De priori longum testimonium veritatis adducit catalogum Matthias Flacius; dicemus ergo nunc de altero. Videmus tales figuras Cleri Romani abusus detestantes, tum in templorum parietibus, tum in manuscriptis codicibus, tum libris etiam impressis: De Aldersbacensi quidem mo-

monasterio, quod apud Bauaros a Comitibus de Sultz, Alberto Comite a Löwenstein & Baronibus ab Hausen fundatum est, testatur Ioannes Wolphius * quod in eius templo pictura reperiatur, cleri falso sic dicti ignorantiam, ignauiam, auaritiam & in conscientias tyrannidem arguentes. Videtur ibi versus ad Citharam, cui inscriptum, *vagus in ludo*: lupus stola sacra indutus ex libro legens, cum inscriptione, *ferus in rapina*: Candelabrum cum cereo, cui inscriptum, *peccasti, quiesce*: adstat agnus cum cruce in humero dextro, cui inscriptum, *agnus innocens*. Inde figura hominis procumbentis ad pedes abbatis in sella sedentis. Versus figuras hasce explicantes satis declarant, quid denotent. Aliam figurarum descriptionem Romanam idololatriam designantium, quæ in primario Argentoratensium templo ex aduerso suggesti, iuxta adytum in lapides præcipuarum columnarum sunt incisæ, exhibet idem Wolphius *. Videtur in prima figura porcus & hircus portantes vulpeculam dormientem, canem subtus latente. His præfert versus amphoram cum ad spergillo, lupus crucem, lepus facem. Aliud ad-

* *lectionum memorab. Cent. XI. p. m. 312.*

* *Cent. XIII. p. m. 551. & cent. XVI. p. m. 909. & Iacobus Heerbrand in refut. defensionis assertionum Iesuiticarum.*

additum est simulacrum repræsentans asinum ante calicem celebrantem missam: & aliud, asinum lectoris munus agentem libro capiti simiæ superposito, quibus missa pro defunctis sine dubio notatur. Reliquarum figurarum interpretationem habet ipse Wolphius. Alias figuras Romanam ecclesiam sub figura scorti Babylonici repræsentantes ex cathedrali templo Wormatiensi adducit idem. ** Si omnia examinare velimus templa prioribus temporibus extructa, vix reperiemus ex maioribus ullum, in quo non tale quidpiam animadvertere liceat. Sic in templo cathedrali Magdeburgensi in cathedris Canonorum ligno incisam videmus figuram monachi in straminis fasciculo monialem in monasterium ferre gestientis, diabolo aperiente portam. Arnstadti visitur pictura, vbi concionatorem auiculæ audiunt, monachi vero dormiunt. In Ducatus Wurttembergici templo quodam vidisse me memini diabolum, vbi Christum tentat, sub figura Capucini. Vt alia taceam, quibus veritatem sub figuris inter ipsa mendacia testari voluerunt veteres.

§. III. Alia ratione cœnaculi parietes istiusmodi figuris ornauerunt alii. Testatur id fratrum Candelburgiorum historia, quam
ex

** Cent. XVI. p. m. 869.

ex martyrologio Bohemorum in historia sua vniuersali adducit Boxhornius.* Verba quæ ex martyrologio adducit, hæc sunt. Anno MCCCCIV duo Angli, Theologiæ Baccalaurei, Iacobus quidam & Conradus Candelburgius, Pragæ venerunt, alioque academia inscripti, publice controuersias de Papæ primatu similibusque mouere cæperunt, paullo post tamen publico interdicto id facere prohibiti. Illi igitur, ut quod hominibus non licebat,liceret parietibus in cænaculo habitationis suæ, hospite consentiente depingi curant; altera quidem parte passionis Christi historiam, ex opposito autem pompam aula Papalis Cardinaliumque. Cuius pictura cum Ioannes Hus in concionibus faceret mentionem, tanquam vera Christi & Antichristi antitheseos, confluebat eo subinde populus spectaculi causa. Plenius hæc martyrologii verba in Chronico suo Bohemiæ explicat Wenceslaus Hagecius, ex quo omnis Candelburgiorum historia clarius patebit. Verba itaque eius cum omnem rem declarent, hic adducemus.

An-

* p. m. 913. & historia persecutionum ecclesiæ Bohemicæ ab anno 894. ad annum 1632. anno 1648. impressa cap. VIII.

Anno 1404. sind aus Engelland zwey
 Männer zu Prag ankommen/ die gaben vor/
 daß sie daselbst studiren wolten/ einer mit
 nammen Iacobus, der selbe gab sich vor einem
 Baccalaureum der Heil. Schrift aus, der an-
 dere hieß Conradus von Randelburg/ welches
 in Engelland eine vornehme Stadt ist. Dies-
 se beyde ließen sich in album Academix schrei-
 ben/ kamen auch viel und oftmals ins Audi-
 torium, wo man die Heil. Schrift zulesen ge-
 pfloge / und theten an die andern/ so in der
 Heil. Schrift geübt/ viel Quæstiones und
 Fragen. Unter andern waren auch diese
 vorgefallen: Ob der Papst mehr Macht ha-
 be/ dann ein anderer schlechter Priester?
 Item, ob das gesegnete Brodt/ oder der em-
 pfangene Leib des HErrn/ bey des Papsts
 Messe mehr Krafft habe/ als bey eines an-
 dern schlechten Priester Messe? und was der-
 selben Fragen und Artickel mehr gewesen
 sind: wann man sie derentwegen zu rede setz-
 te/ gaben sie zur Antwort: Daß sie es/ von
 wegen der Befestigung im Glauben theten.
 Auf eine Zeit/ trat M. Leonhardus Duka-
 herfür/ und sprach zu ihnen: Ihr Söhne von
 wannen seyd ihr? Sie antworteten: wir
 sind von wegen des studii aus Engelland
 hieher kommen. Er sprach: Dieweil ihr da-
 selbst ausgegangen/ so gibt es allda (wie wir
 be-

wie wir berichtet) viel sectisten, vielleicht
 seydt ihr auch irrig / wie wir es dann aus eu-
 ren Fragen vernehmen können/ derentwegen
 wil ich euch/ von wegen meines Ampts gebo-
 then haben/ daß ihr forthin unser Lectorium
 mit diesen euern Irthümen meiden sollet. Da-
 fern ihr euch aber hierinnen ferner einlassen
 würdet/ so müßtet ihr/ vermöge Kayser Carls
 hochlöblicher Gedächtnuß Statuten und Pri-
 vilegien, mit Feuer verbrennet werden. Also
 verhieschen sie es zu unterlassen. Nichts des-
 stoweniger haben sie mit ihren Fragen und
 Glauben viel junge Böhmische Magistros, bes-
 onders aber M. Ioan. Hus, welcher ein from-
 mer/ andächtiger/ doch der neuen Dinge bes-
 gieriger Mensch gewesen/ eingenommen. Dies-
 se vorgenandte Engelländer/ als Iacobus und
 Conradus/ hatten ihr Losament in der Neuen
 Stadt Prag/ genandt bey den schwarz Seng-
 sen/ auffm Graben/ gegen der Alt Städter
 Pforten über/ wo man es Wpcolomenen-,
 oder im Durchbruch nennet/ und ihr Wirth
 hiesse Lucas Welensky. Denselben bathen
 sie/ daß er erlauben wolte/ damit sie ihnen
 den Saal mahlen ließen. Solchs der Wirth/
 wegen seines Hausses Zierde/ erlaubete.
 Also ließen sie auff der einen Seiten des
 Saals/ unsers HERRN CHRISTS
 Einzug zu Jerusalem und seine Passion und

(4)

M

auff

auff der andern Seiten des Papsts Wandel
 annahmen. Erstlich/ wie der Papst in gülden
 den Stücken/ und die Cardinal (deren Ross
 mit köstlichen Decken gezieret/) zu Rom herr-
 lich einziehen. Auff der andern Seiten das
 gegen aber/ wie der Herr Christus auff ei-
 ner Eselin demüthig zu Jerusalem einreitet/
 und seine Jünger ihm barfuß nachfolgen.
 Wiederumb/ so hat der Papst eine güldene
 3fache Krone/ der Herr Christus aber das
 gegen eine Dornenkrone auff seinem Haupt/
 und war des dings dem Papst zur Schmach/
 viel angenehmet/ wiesen es dem einfältigen
 gemeinen Volcke/ und brachten ihrer das
 durch viel vom Gehorsam und der Christli-
 chen Ordnung. M. Ioannes Hus aber/ wel-
 cher diesen zweyen Engelländern/ als Iacobo
 und Conrado, so wohl auch des Wickleffens
 Lehre (doch nicht öffentlich) anhinke/ thet
 von diesem Maaltwerck in seinen Predigten
 viel Meldung/ sagende/ daß dieses eine rech-
 te figur wäre. Das gemeine Volck/ deme
 diese Ding unbekandt/ ließ es ihm sehr wohl
 gefallen/ ehliche aber ärgerten sich drüber/
 und fiel zwischen dem Volcke viel Disputa-
 tion und Zant vor/ denn der Papst war von
 etlichen gelobt/ von den andern aber geschent-
 det. M. Iohann von Huss in elz/ M. Hieronymus von Prag/ und diese zweyne Engels-
 läns

länder aber/sind fast wie vor einen Mann ge-
standen.

Zacharias Theobaldus in bellum suum Hus-
siticum pleraque transsumsit ex Hagecio, ni-
si quod ex hoc sequi videatur vnicam tan-
tum in vno latere fuisse figuram, cum ex Ha-
gecio pateat, plures in eo pariete fuisse figu-
ras, singularum vero oppositum in altero ,
quibus thesis & antithesis Christi atque anti-
christi repræsentata fuerit.

§. IV. Quod si coniectare licet, hasce Can-
delburgiorum figuras seruari videmus in Co-
dice manuscripto, quem bibliotheca nostra
Salana possidet. Auro eleganter est distin-
ctus & variegatis coloribus pictus. Antiqui-
tatem præfert duorum seculorum & dimidii.
Titulum talem habet: *Bobuslaus de sue causa
memorie manu propria me fecit: cui litteris mi-
nusculis subscriptam est: antithesis Christi &
Antichristi.* Sequitur præfatio, quæ lingua
scripta est Bohemica, & dialogus est duorum
inter se de communione sub vtraque. Se-
quuntur statim picturæ, quæ abusus & corru-
ptelas ecclesiæ Romanæ declarant & redar-
guunt. Videmus ibi pontificiorum avaritiam
ac Simoniam depictam, tyrannidem & vitia
alia. Maxime vero thesis & antithesis Chri-
sti atq; antichristi ex figuris hisce sæpius pa-

tet. Videmus ibi a sinistro libri latere Christum crucem ferentem, atque semita incedentem angusta, cum addito dicto: *arcta est via que ducit ad vitam & pauci ambulant per eam*; a latere dextro, Pontificem cum triplici corona Reges Cardinales, episcopos equis & mulis insidentes videmus, cum inscriptione: *Via autem que ducit ad perditionem est ampla & benetrata & multi ambulant per eam*. In alio videmus Christum in ostio stantem, ab altera parte Mariam. Videmus ab vno diabolum cum triplici corona stipatum variis monachorum ordinibus & gentilium philosophis; ab altero Christum cum sanctis. Videmus ab vno Christum sub crucis onere sudantem cum spinea corona, crucem gestante simul Simone: ab altero Pontificem habitu pontificali indutum, equo insidentem, præferente crucem Cardinali & subsequente eundem omni Cardinalium choro. Videmus Christum sanguinolentum virgis crudelissime cæsum: ex opposito pontificem culcitris insidentem. Videmus Christum Petri & apostolorum lauante pedes: e contrario pontificem bisellio insidentem, duobus monachis eiusdem osculantibus sandalia. Subsequitur figura Ioannem Hussum in cathedra verba ad populum facientem repræsentans; & alia Hussum ad palum ligatum in flammis, adstante omni clero. Singulis sineis multa

multa quædam sunt inscripta, sed lingua Bohemica. Adnexæ sunt epistolæ varix, vel ab ipso Hussio paullo ante obitum scriptæ, vel ab aliis descriptionem mortis atque constantiæ Ioannis Hussi & Hieronymi Pragensis continentes; quibus accessit & Poggii Florentini ad Leonardum Arctinum epistola constantiam Hussi laudans eximie. Impressæ sunt hæ epistolæ Constantiæ anno 1486. Ex iis autem quæ diximus satis patebit, figuras hæc antithesin Christi & antichristi representantes, desumptas esse ex Fratrum Candelburgiorum cœnaculo. Easdem enim quas memorat in Chronico suo Hagecius, figuras in hoc depictas videmus codice, licet ab auctore Bohuslao plures fuerint additæ, quæ corruptos pontificiorum mores arguerent.

§. V. Plures figuras videmus additas post dictas epistolas quæ thesin & antithesin doceant morum prisce ecclesiæ Christianæ, cum hodiernis pontificiorum corruptelis. Inter quas optima mihi videtur, quæ a latere sinistro exhibet vndecim viros genu flectentes atque orantes, adstantibus iis a facie duobus aliis; per quod auctor sine dubio apostolos notare voluit, in locum Iudæ duos candidatos cum precibus Domino offerentes. Ab altero latere Cardinalem videmus sceminæ pontificalem coronam imponentem. Precibus enim eligebantur apostoli; ex poli-

ticis rationibus hodiernum pontifices. Subsequuntur dein varia scripta, hinc inde minoribus figuris exornata, quæ tamen lingua Bohemica sunt exscripta, cuius interpretem nostra academia non habet ; vti tamen ex figuris coniecto de communione sub utraque potissimum agunt. Si interpretem reperire licet, & in eo quædam reperiantur notatu digna, separatim ea quoque exhibebimus.

§. VI. Aliam antithesin de præclaris Christi & indignis antichristi facinoribus Simon Rotarius sub medium seculi decimi sexti exhibuit, prout eandem Wolphius* lectionibus suis memorabilibus inseruit. Quis Rosarius fuerit non constat, nec & a Wolphio notatum videmus, præmisit autem versus sequentes :

*inuenias ex parte bonos, ex parte malignos,
in quouis vite, lector amice, statu.*

*Sic sacer ordo lupos nutrit falsosque prophetas,
qui Curios simulant, diripiuntque gregem.*

*Qui malus est scriptis sese putet bisce notari:
tangitur hic nemo, quem sua vita probat.*

*Qui bonus est, mystasque malos defendit, is una
criminis ipsorum se facit esse reum.*

Antitheses sequuntur octodecim, ex vita & gestis Christi cum pontificum collatis petita, quarum quædam cum figuris nostri Codicis conveniunt, pleræque tamen sunt diuersæ. Sub singulis aliquot traduntur disticha figu-

* Cent. XVI, p. m. 711.

ras explicantia, quæ satis tersa sunt & eleganter composita.

§. VII. Aliam adhuc editam vidimus antithesin, cuius talis est titulus: *antithesis figurata vite Christi & Antichristi*; cum hisce distichis:

*Quam male conueniant cum Christi pectore
Iesu*

Pontificum mores: iste libellus habet.

*Hæc lege: qui vera pietatis amore moueris,
hoc pius: & lecto codice, doctus eris.*

Exhibet figuras cum priori maxime conuenientes, & sub singulis dictum ex sacra scriptura conueniens. Sub pontificis vero antithesi loca ex canonibus desumpta, quibus summam suam auctoritatem, aliaque quæ sibi adrogant, adstruere nituntur, breui semper addita epicrisi. In fine libri hæc scripta habentur: *Cum autem famosus libellus dici non possit, nisi complectatur in se crimina & maleficia, manifestum est hunc libellum pro famoso haberi non posse, neque sub edictis contra famosos libellos editis prohibitum esse. Cum omnia quæ in hoc insunt libello, in pontificio spirituali iure, non solum tanquam licita, sed etiam tanquam leges & canones inueniantur. Est autem hic libellus hoc potissimum nomine editus, tantum ad notificandum breuiter fundamentum spiritualis carnalis iuris*

*præcipue pro communi & publica utilitate totius Christiani orbis. Hæc æqui bonique consulite, breviora sequentur. Eisdem figuræ cum subscriptis in germanicum versis, paullo post prodire sub titulo: *Passional Christi und Antichristi*.*

§. VIII. Istæ antitheses eisdem forsân sunt, quas in catalogo testium veritatis commemorat Flacius *: *edita sunt, inquit, ab Osiandro quadam prophetica figura cum scholiis germanice & latine, ante 20 annos, quæ ut eius præfatio testatur, ferme ante 300 annos ab aliquo pio pictæ fuerunt. Ea, ut facile quivis animadvertere potest, indicant tum impietatem ingentem Papa, qui a Christo defecerit: tum & interitum pœnasque eiusdem. Andreæ ita Osiandrum harum editorem facit, qui tamen antiquiorem facit auctorem, quam ipsa ratio suadet. Tales enim figuratas antitheses ultra initiû seculi decimi quinti non extendimus, iis exceptis quæ templorum parietibus sparsim insertæ; & facile coniecto, Candelburgios fratres iis primam dedisse originem, cum ante horum tempora eiusmodi sortis nihil réperimus.*

§. IX. Ultimo loco non prætereundas duodecim figuras istas quadraginta, quas servat splen-

* n. CCXCV. sub titulo *figura prophetica p. m. 738.*

splendidissima Bibliotheca & cimeliarchium Gothanum. Figuræ istæ mira arte & coloribus iuste mixtis, seruata vbique mensura, debita, in ligno depictæ sunt, antiquitatemque præferunt, vt mihi quidem videtur, sesqui seculi, ante reformationis initia enim, easdem fuisse efformatas vix crederem, cum lingua germanica versibus addita admodum sit pura, & orthographia satis iusta. Antithesin æque Christi & antichristi istæ repræsentant, vt semper figura figuræ ex opposito respondeat. Vtramque antithesin hexameter semper facit, cuius prior pars inscripta figuræ de Christo, altera figuræ pontificis addita vbique interpretatione Germanica.

§. X. Operæ pretium erit, vt singulas inscriptiones pro ordine suo hic exhibeamus, cum res curiosa sit, consideratione æque atque admiratione digna. Hæ autem sunt inscriptiones, ex quibus de ipsis figuris quoque satis patebit.

1.

Regna fugit Christus, Christus fleucht weltlich Königsreich;
Sibi vendicat omnia Præsul, die sich der Pabst zuueignet gleich.

2.

Spinosam Christus; Christus trägt einen Kranz von Dorn /
Triplicem fert ille coronam, der Pabst von Gold eine 3fache Cron.

^{3.}
Abluit ipse pedes, Christus wäscht seiner Jünger Fuß/
Reges his oscula figunt, dem Pabst man seine Küssen
muß.

^{4.}
Pascit oves Christus, Christus seine Schäflein weiden
thut/
Luxum fouet ille superbus, Pabst lebt im Sang und
Übermüth.

^{5.}
Christus adest humilis, Christus zeucht ein sanftmüthig
thiglich/
Præful cum diuite pompa, der stolze Pabst ganz prächt
iglich.

^{6.}
Hic idola verat, der Herr kein Gößen leiden kan/
Hic dicit: pronus adora, der Pabst gebeut sie zu bes
ten an.

^{7.}
Rauulat ipse crucem, Sein Creuz gedultig trägt der
Herr/
Cum fastu fertur at ille, Den Pabst tragen seine
Schmeicheler.

^{8.}
Nubat hic omnis ait, Christus die Eh' will haben frey/
Cleros at ille repellit, der Pabst verbeut der Ele
risen.

^{9.}
Hic tribuit fidei; Christus durch den Glauben selig
macht/
Meritis dat Papa salutem, der Pabst die Werck viel hös
her acht.

^{10.}
Vendentes pepulit templo, Rauffteut treibt Christ zum
Tempel naus/
Quos allicit iste, die zieht der Pabst ins Gottes-Haus.

11.

Dat sua Cæsaribus, Christus dem Kaysen das seine gibt/
 Pedibus quos conterit iste, Welchen der Pabst mit Füssen
 tritt.

12.

Vestigal soluit, Christus der Herr gibt selbst den Zoll/
 Cleros hic eximit omnes, Sein Pfaffen freyt Er allzus
 mahl.

13.

Hic prece peccatum, Christ gibt sein Gaben aus ums
 funst/
 Precio sed Papa remittit, die der Pabst verkaufft um Geld
 und Gunst.

14.

Vitam restituit, Christus die todten auferweckt/
 Sanctos crudeliter vrit, die Heiligen der ins Feuer steckt.

15.

Sanguine nos Christus, Christ durch sein Blut all' Sünd'
 abwäscht/
 Mentito hic expiat igne, dargu der Pabst ein Fegfeuer
 dacht.

16.

Distribuit cunctis coenam, Sein Nachtmahl gibt Christ
 unzertrennt/
 Quam mutilat ille, der leidig Pabst es stümpelt und
 schändt.

17.

Se extenuat Christus, Christ wie ein Knecht sich nie/
 driget/
 Papa se super omnia tollit, der Pabst sich über all' er-
 hebt.

18.

Spernit Christus opes, Christus acht weder Geld noch
 Gut/
 Papa quas corradit auarus, der Pabst saugt aus der ar-
 men Blut.

19.

19.

Hic hominum commenta vetat, Christus verwirfft all
Menschen tandt/
Quæ papa tuetur, damit der Pabst beschwert all' Land.

20.

Ascendit Christus, Christus der Herr gen Himmel fuhr/
Descendit ad infera Præsul, In Abgrund die Babilo-
nisch' Hur. 1c.

§. XI. Ad priorum ita imitationem etiam
hæ figuræ efformatæ, cum figura secundâ, ter-
tia, quinta & septima cum picturis nostri Co-
dicis & Candelburgiorum conueniant, reli-
quæ vero in plerisque cum Rosarii antithe-
fi a Wolphio exhibita coincidunt.

OBSERVATIO XI. HERTII OPVSCVLA VARIA IV- RIDICA.

SUMMARIA.

Titulus operis eiusque commendatio, §. I. Ex-
cerpta ex dissertatione de tutela regni §. II.
seq. Tutela testamentaria in regnis patrimoniali-
bus locum esse contra Grotium, §. III. Tutela ma-
terna & legitima in his regnis, §. III. Ratio tutela
in regnis non patrimonialibus, §. IV. De annis mi-
norennitatis regia, de potestate tutorum regiorum
§. V. Dissertatio de hominibus propriis. De ser-
vorum ac servitutis ortu & progressu in Germania
Media valde notabilia, §. VI. Interitus servitutis

in Germania & ortus hominum propriorum aliter ac vulgo fit expositi. §. VII. Iura hominum propriorum hodiernorum lacinias esse iuris Germanici antiqui, in seruos variis speciminibus ostenditur. §. VIII. Hominum propriorum ex nobilibus ortus & occasus. Origo Baronum. §. IX. Dissertatio de fide diplomatum Germania Imperatorum & Regum. Varia observationes de lingua, litteris, sigillis, formulis, subscriptionibus Diplomatum, §. X. Differentia inter Diplomata Regum & Imperatorum Germania, §. XI. Dissertatio de lege, clausula ne abrogari possit munita. An expressa derogatione clausula illius opus sit in lege subsequente? item an lex expressa per consuetudinem contrariam possit abrogari? quid iuris in lege iuramento vallata? §. XII. De fatis Legum hac clausula munitarum. §. XIII. Dissertatio de uno homine plures sustinente personas. Regula quatuor de concursu plurium personarum, vtra alteri cedat, §. XIV. Exempla plurium personarum, diuersa, diuerso respectu iura tribuentium ex iure vniuersali secundum naturam diuersarum societatum, §. XV. Alia exempla ex iure publico. §. XVI. Et ex iure priuato. §. XVII. Commendatio operis Hertiani, §. XVIII. Index dissertationum Tomi primi, §. XIX. secundi §. XX. & tertii §. XXI. Libri tres paræmiarum Iuridicarum, §. XXII. Commendatur rara Autoris eruditio in Antiquitatibus Germania. Causa communis ignorantia mo-
rum

rumpatriorum, §. XXIII. etiam intuitu Iuris publici, §. XXIV. Commendantur restauratores Antiquitatum Germanicarum ad Iurisprudentiam pertinentium, Schilterus, Dattius, §. XXV. Cocceio, Hertius, §. XXVI. Indicantur dubia ad distinctionem notitiam personarum secundum mores Germaniae pertinentia, §. XXVII. De Servis Germanorum, operis Rusticorum, iurisdictione patrimoniali &c, §. XXVIII. de ciuibz Germanorum, Bürger/ de libertis, von Schöppen baarsfren Leuten/ de opificibus &c. §. XXIX. de nobilibz, §. XXX. de militia Germanorum, de differentia inter ius feudale & Prouinciale, de feudis & allodiis, de septem clypeis militaribus §. XXXI. Conclusio, §. XXXII.

§. I.

Prodiit anno præcedente tractatus iusti voluminis, cui titulus : *Ioannis Nicolai Hertii Icti & Antecessoris Giffoni commentationum atque opusculorum de selectis & rarioribus, ex Iurisprudentia vniuersali, publica, feudali & Romana, nec non historia Germanica, argumentis, tomi tres. Francfurti ad Menum. Sumptibus Davidis Zunneri, MDCC. in 4to. Liber multum a multis desideratus, eo quod semel atque iterum catalogis nundinalibus promissum frustra expectauerant, quibus salua ex aliis Celeberrimi Autoris dis-*

dissertationibus mota erat, hinc nouissimis autumnalibus prodiens exemplo suo comprobauit, optimæ rei non esse diuturnam, nimis expectationem. Cum igitur haud vulgaris argumenti Dissertationes plures contineat, nec tamen instituti nostri ratio singulas permittat recensere, vnam alteramue tantum nunc delibabimus, sed breuiter ac strictim.

§. II. Placet igitur ex Tomo I. Dissertationem *de tutela regni, siue regnis sub tutela constitutis* propius accedere. In hac postquam Excellentiss. Autor breuibus monuit, curam atque tutelam in regnis eodem iure censendas, quin & olim Romanis legibus subinde, permittas, adeoque iuris positiui non naturalis, quoad differentiam esse, aggreditur, species tutelarum iure Romano constitutas, & imprimis testamentariam, quam alii in regnis plane non, Grotius nonnisi in patrimonialibus, locum habere affirmant. Huius sententiam a regnis non patrimonialibus tutelam testamentariam absque causa remouentem, ratione destitui ex eo ostendit, quod generaliter in eiusmodi regnis iudicandum sit ex eo quod populus præsumptiue voluit: At vero, cui summa reipubl. delata, eidem & facultatem de tutela disponendi collatam, merito existimari, tum & regnatoris interesse

se, ubi populus semel viam hereditariam elegerit, ne damnum in posteritate forte patiatur; populi vero reservatum hic abs re præsumi, quia scilicet hic in idoneum tutorem plane repellere, improbum rationes poscere queat. Subiungit mox exempla, Caroli Sapientis in regno Galliarum, Alexandri in Macedonia, Henrici II. in Anglia, Philippi II. in Hispania, qui testamento de tutela disposuerint, tum & recentiora Danicæ ac Suevicæ Regum, quorum illi libera facultas a populo relicta, quam regiminis rationem, minorenne regni herede futuro observari velit, hic (Carolus Gustavus (ipso testamento tutelam filii in reginam & quinque Viros cum consilio Senatus contulerit.

§. III. Inde porro in regno patrimoniali tutelæ testamentariæ locum esse confirmat, isthoc argumento: Si pactum in utilitatem regni comparatum, mortuo etiam rege perdurat, quid ni valeret ultima voluntas circa tutelam? Et si non valeret, posse regem cum alio pacisci de tutela liberorum suorum post mortem suscipienda, cui pacto robur haud dubie inesse putat. Intestato rege decedente, legitimam tutelam tribuit matri, propter tenerrimum erga natos affectum, nec non propter potestatem ex iure naturæ in liberos competentem patre mortuo. Eiusmodi

modi tutorii regiminis exempla affert ex historia Turcica, Hispanica, Portugallica, Polonica, quin & Imperii nostri. Ad propinquos vero non nisi deficiente matre, extendit legitimam tutelam, licet proximam spem succedendi habeant, cum tutela ad eorum qui commissi sunt, non ad eorum, quibus commissa est, utilitatem (Cicerone teste) instituta sit, nec humanæ leges semper successionis emolumentum, sed pietatem & affectum, ut in tutela materna, respexerint.

§. IV. Porro in regnis non patrimonialibus tutelam quidem testamentariam obtinere docet, ita tamen ut populo ob graves causas ab ultima voluntate recedere integrum sit: & hoc memorabili exemplo Ordinum Sveciæ illustrat contra testamentum Caroli Gustavi, Adolphum Ioannem Palatinum ex numero tutorum atque omni parte regiminis excludentium, teste Pufendorffio. Matri ad tutelam in his regnis adspirare non permittit, nisi lex vel consuetudo mulieres successionis capaces pronunciet, nam per hoc etiam a tutela non exclusas intelligi putat; pari modo agnatis legitimam tutelam hic non competere, cum a iure naturæ nullam habeant, prærogatiuam & Iure Romano tantum propter successionis emolumentum tutelæ onus iis deferatur. Denique si regem captiuitate

vel alio quouis modo impediri contingat, instar tutelæ administrandum regnum asserit, nec capienti cum persona regis iura simul atque regnum acquisita censenda esse; itaque filio tutelam eo casu cedere ad exemplum Iothami, cui superstitis Ozix lepra laborantis anni in sacra historia non tribuantur, indicio, Iothamum (filium) vicario nomine regnum administrasse.

§. V. In Sect. 2. de annis curatelæ, intra quos regni administratio, regi minori non committenda, diversorum diuersas assertiones ac præceteris Grotii assertionem amplectitur, scil. ex probabilibus coniecturis, quas in regno patrimoniali penes domum regnatricem, in non patrimoniali penes populum sit diiudicare, rem omnem esse æstimandam, imprimis cum Leges Romanæ in hac materia vix attendantur: euitandis tamen controuersiis ac disidiis optimum factu fore, vt expressa legis determinatio quoad annos accedat, Galliæ, Sueciæque exemplo. Dein disputat contra Grotium, an summa potestas competat regni tutoribus, & cum Bæclero aliisque id regulariter negat, quoniam pupillo regi ius ac dominium omne saluum sit *ἐν πτήσσει* licet non *ἐν χηρείσσει* & quod ad tempus cesset, non pro extincto reputandum; Grotii tamen sententiam

tiam ornatur exemplo historiæ Gallo Byzanti-
næ valde notabili. Ultimo notatur autoritatis
aliquam diuersitatem quoad regiones & priua-
torum tutores, siquidem illorum pacta cum
extraneis inita rex minorennitatis obtentu
infirmare non possit, alias enim secure cum
tutoribus regis nunquam pacta iniri, modo
tamen mala fides absit, nec si ipsorum auto-
ritas a concilio aliquo suspendatur, huius ra-
tihabitio sit neglecta. De cætero quicquid a
regibus ut priuatis gestum, in eo beneficium
restitutionis in integrum obtinere, consen-
tiente Grotio concludit.

§. VI. In tomo 2. habetur dissertatio de
hominibus propriis non minus lectu digna. Pri-
ma sectione Vir Excellentiss. Seruorum in
Germania vetustissimam originem post ea
quæ Tacitus iamdum de seruitute memora-
uit, a victoria Francorum contra Alemannos
& translatione Saxonum in Galliam & Bel-
gium auspicio Caroli M. facta deducit, ubi
scil. ii qui in solo natali relictæ seruili condi-
tione viuere cœperint, adeoque falso sibi quis
persuadeat, a Carolo M. seruitutem penitus
fuisse sublatam. Ortas de hinc varias distin-
ctiones servorum in casatos, seu glebæ addi-
ctos (quos & colonos LL. Boiariæ appelli-
tent) unde Cossaten Gûter hodiernum in ter-
ra Saxonica superesse ex Zieglero probat, &
N 2 non

non casatos siue ministeriales, qui in domum recepti, alio nomine Gasindi iuxta Bignonium dicti fuerint, sicut nostri famuli das Gesinde: Ab his vero priuatorum mancipiis olim discretos fuisse fiscales seu fiscalinos h. e. ad ipsos reges pertinentes & Ecclesiasticos, qui Ecclesiæ & regibus dono dati; priorum vestigia quærit in Chronico Nassouiensi an den Reichsleuten/ die die Græffen von Nassau in ihren Graf- und Ritterschaften haben. Slaus nouum genus seruorum accessisse putat Autor noster seculo X. postquam ab Henrico Leone Sax. Duce & Alberto Urfo Marchione Brandenburgico ob Iatrocinia in vicinos Christianos, a quorum religione discesserant, magnam partem extirpati vel in seruitutem detrusi fuerint, ut adeo per totam Europam sparsis gentile nomen in seruilce cesserit. Circa manumissionem notat §. 7. eam vel plene, vel minus plene contigisse. Plenæ qua nexu seruili serui penitus exsoluebantur, ceu signum olim adhibitas fuisse, portas apertas liberam abeundi facultatem ostendentes, & hinc vocem Passport descendere. Minus plenam manumissionem sub conditione certi seruiti vel obsequii datam, qui modus manumittendi Episcopis vel Abbatibus valde solennis, simulque causa fuerit tot differentiarum inter homines in mo-

na-

naſteriis & Epiſcopatibus viuentes, litos quippe, ſeruitores, Saxones, Slauos, colonos tributarios vno terrarum ambitu numeratos legi apud Browerum in Antiquit. Fuldicis cap. II.

§. VII. Secunda ſeſtione gratis dicta videntur Auctori Noſtro, quæ Conringius de ſeruitute per vniuerſam Germaniam poſt annum Chriſti 900 penitus ſublata pronunciat; contrarium enim ex diplomatum poſt conditorum tenore ac tot. tit. X. de coniugio ſeruorum, Bartoli, Baldi atque Bodini teſtimonio luculenter probari. Igitur ſenſim in Germania ac maxime ſub Sueuicis Imperatoribus id contigiſſe arbitratur, ſub his etiam inualuiſſe, vt qui antehac ſerui, nunc homines proprii dicerentur: ac de hominibus propriis fatetur, paſſim per Germaniam ſuperſeſſe tales, qui tamen alibi propius ad naturam ſeruorum accedant, alibi nonnihil ab eadem recedant, inde in vniuerſum fluctuans hominum genus inter liberos & ſervos merito dicendi.

§. VIII. Tertia porro ſeſtione recenset aliquot reliquias ex iure ſeruorum antiquo in hominibus propriis hodiernum extantes. Huiusmodi ſunt 1) quod proprii homines a ſervis ortum ducant, adeoque nullatenus de iniquiore ſorte ſua conqueri debeant 2) quod

ius circa homines proprios vt olim ita & hodie non fluat ex summa potestate siue Iurisdictione aut superioritate territoriali; posse enim aliquem aliquo iure proprietatis ad hunc, iure superioritatis ad alium pertinere. 3) quod libera voluntate homo proprius quisque fieri possit, vti olim; imo ad Imperatorem in quibusdam regionibus pertinuisse spurios, Königs-Kinder inde appellatos, quales in Marchia Badensi Carolo Marchioni Fridericus III. Imperator donauerit anno 1468. 4) quod in Pomerania & vicinis locis homines proprii sine consensu dominorum matrimonia inire haud valeant, 5) quod plerumque ad seruitia vel operas præstandas teneantur, Frohn-Dienste/ vbi simul connotat, hanc vocem a primitiuo Frohn/ sacrum quid significante iuxta summarium Speculi Sax. deriuari; cui conueniant Frohnleichnam/ Frohnfaste/ Frohnaltar/ primitus ergo istiusmodi operas locis sacris destinatas, dehinc latius extensas fuisse, 6) quod Dominis suis aliquid singulis annis, puta gallinam aut nummos pendere soleant, 7) quod in alios pacto vel testamento transferri possint & hoc subiecto exemplo satis declarat, 9) quod in Marchia Brandenburgica, Megapolitano Ducatu aliisque inferioris Germaniæ locis domino

minorum iure non suo prædia possideant, & hinc absque iniuria expellantur. 9) quod domini præcipuum quid ex hereditate hominum priorum sibi asserant *Hauptrecht / Erbrecht*. 10) quod a Dominis rei vindicatione repetantur. Contra hoc (olim daß *Befähigungs Recht*) multas ciuitates priuilegio cæsareo sese muniuisse, imprimis Northusanz vrbis priuilegio clare testatur. 11) quod dimissi homines proprii accipiant Codicillos manumissionis, *Laß-Brief / Mannrecht*. 12) quod præstationes aliquas post manumissionem hominum priorum sibi reseruauerint domini, vnde feuda rustica a Besoldo non incongrue deducta. Concludit tandem, vtut legum Romanarum in hac materia sit aliquis vsus, attamen pleraque hactenus dicta Germaniæ nostræ seruitutis quasilacinias esse.

§. IX. Sectione quarta aliud genus priorum hominum ex nobilium ordine in scenam producit, ministeriales olim vocatos (diuersos tamen a vasallis fuisse ostendit in *Dissert. de subiect. territ. §. 11.*) *Dienstleute / item Edle Ruedhte* nec eosdem cum militibus & famulis confundendos docet, quorum crebra in chartis mentio fiat: horum enim characterem omnibus etiam summi ordinis nobilibus communem & cum persona extin-

Etum fuisse, at functionem ministerialium,
 in sexto tantum nobilitatis clypeo constitu-
 tam & in heredes transitoriam. Occasionem
 huius conditionis in ministerialibus refert,
 Autor ad natiuitatem vel specialem traditio-
 nem sui quasi ex pacto, prout videre est ex
 allegatis exemplis Alberti von Steinau de
 anno 1331. & fratrum de Bramstede, qui Ec-
 clesie Bremensis ministeriales facti, ille vero
 Henrici senioris Ducis Bauariæ. Plurima quo-
 que cum hominibus propriis communia ha-
 buisse §§. subseq. ordine docet, dominis
 scil. competiisse potestatem ita restringendi
 matrimonia ministerialium, vt extra termi-
 nos regionis suæ vxorē quærere haud licue-
 rit, itemque potestatem vindicandi illos, per-
 mutandi, præcipuum ex hereditate defuncti
 ministerialis capiendi & manumittendi; quo
 refert originem vsitati hodie moris in pueris
 nobilibus *das wehrhafft machen*: a nobili-
 bus vero sæpe distingui in chartis, quod & i-
 psi quidem ministeriales nobiles, at inferioris
 ordinis fuerint, hinc alios respectu eorum
κατ' ἐξοχήν nobiles dictos iudicat. Postremo
 desisse hos ministeriales circa medium se-
 culi XIV. cum cœpisse deprehendantur secu-
 lo XI. In fine annexa est obseruatio de Ba-
 ronibus in imperio nostro, scil. nobiles illos,
 qui nulli Domino se mancipassent, liberos
 au-

audiisse, hincque factum ut nobilium filii primum, postea optimates omnes Barones vocarentur, Principes vero & Comites ex functione propriis titulis splenderent, ut Baronum titulus apud liberos; nobilium, qui olim generalis fuerat, apud ministeriales resideret.

§.X. Eodem Tomo agmen claudit Dissert. *de fide Diplomatum Germaniae Imperatorum & Regum*. Prima sectione in genere circa diplomata caute æstimanda tam ratione exter-
norum quam internorum aliquot traduntur observationes; secunda sectio in specie de regis diplomatis & quomodo ab Imperatoriis discernenda sint, agit. Initio igitur ad externa diplomatum refert linguam & non aliam nisi latinam usque ad Rudolphum I. in conficiendis tabulis adhibitam esse discrete asserit. Licet enim Francico siue Theodisco sermone scripta monumenta alia ex Carolina ævo supersint, ac insuper Schilterus Francici imperii populos (germanicæ originis) sua lingua scriptas leges habuisse tradat, nondum tamen proferri potuisse teutonico sermone scriptum diploma ante Rudolphi I. tempora: hunc autem (quicquid in contrarium de constitutione ab ipso anno 1274 edita alii obiciant) & successores eius æque latina ac germanica lingua diplomata condi-
N 5 disse.

disse vsque ad Fridericum III. sicut hodiernum
vtramque in negotiis publicis vsurpari vi-
deamus. Porro linguæ genium attendisse,
plurimum ad detegendam chartarum falsita-
tem conferre notat, eaque occasione obser-
vat, titulum Maiestatis etiam Francicos Re-
ges primæ & secundæ stirpis, vt & Saxonicos
Imperatores sibi aliquando, quamuis raro,
tribuisse. Tertio docet literas Germanicas
Friderici II. Imperatoris tempore demum
inuentas, hinc diplomata ante illum latinis
literis, licet vernaculo sermone, exarata in
autographis deprehendi. Literarum ductum
variassse & abbreviaturas iam sub Merouin-
gis & Carolingis vsitatas fuisse, v. g. Dni. D.
Ihu. Xpi. Scti. nri. pro Domini, Dei, Iesu,
Christi, Sancti, nostri. Vsum cifrarum pro-
babiliter seculo XII. & XIII. cœpisse, cum
Autore der Monatl. Unterredungen de an-
no 1693. m. Iunio consentit. Monogram-
mata a Carolo M. vsque ad Fridericum III.
viguissse, de quibus Anton. Mathæi ex inspe-
ctione chartarum a seculo 12. obseruauerit,
nullum si bulla diplomati appensa, mono-
gramma adhibitum reperiri. De sigillis no-
tat, Merovingicos plerumque vsos annulis
solo titulo NN. Rex Francorum & imagine
ad collum vsque protensa ornatis, gemmeo-
que diademate, præter Carolidarum effigies,
quæ

quæ thoreaceatæ , variis inscriptionibus & laureo diademate circum caput cinctæ in nummis conspiciantur : ad hæc sigilla fuisse affixa olim non pensilia (quanquam sub Suevicis demum Imperatoribus pensilia i. e. bullas introductas esse Leubero concedere Auctor nolit) & in his aquilam bicipitem vsurpasse primum Ludouicum Bauarum, post Carolum IV. Scripturam atro liquore (interdum aureo) in membrana, rarissime in charta vulgari, licet annis abhinc 500. inventa, exaratam. Hactenus externa Diplomatum. Ad interna refert principium diplomatis, vbi de formula Dei gratia, titulis ab antiquo præmissa, itemque de titulo, semper Augustus, Cæsar Augustus &c. varia memorat. De medio diplomatum notat, imprimis sub Saxonibus Imperatoribus, nunquam obseruari, eos in concedendis diplomatis scitu, consilio aut assensu Procerum Imperii vfos fuisse. Denique circa calcem Diplomatum de subscriptione regis & referendarii, imo (nouo more Seculo XII. inducto) restium aliquot, annotatione item loci & temporis, ac tandem de diuersitate Sigillorum erudite quidem disputat ac multorum de hisce rebus sententias ex genuinis historiæ fontibus excutit, sed nostrum iam non est fin-

singula transcribere, quia maximam partem exemplis & ritibus ista nituntur.

§. XI. Secunda sectione enumerat Autor aliquot notabiles differentias, quibus diplomata regum ab Imperatoriis distinguenda. Ex his prima est quod rex olim ante inaugurationem Pontificis semper audierit, qui post eam obtentam Imperator Augustus fuerit, appellatus. Secunda quod in subscriptione diuersa fuerint ab Imperatoriis regia monogrammata, quodque subsignationem aliam Imperatores adhibuerint atque Reges, quandoquidem hi ante coronationem Romanam non bulla sed sigillo vti fuerint, in quo effigies regia, non imperiali, corona & aquila, non biceps sed vniceps apparet. Ultimo in notatione temporis Imperatoribus, qui reges fuerant, solenne fuisse notat, ut & regni & imperii tempus exprimerent, quæ omnia inductione haud paucorum exemplorum corroborantur.

§. XII, Tertium tomum operis Hertiani euoluenti mox in fronte occurrit elegans dissertatio *de lege clausula, ne abrogari possit, munita*. In prima sectione disquirat quousque sese extendat huiusmodi clausularum, vis, cum sint diuersæ ab inuicem opiniones, non quidem an licita sit talis legis abrogatio, sed an necessum sit, eam expresse reuocari. I-
nitio

nitio autem Bartoli sententiam profert, indistincte sentientis, posterius statutum non valere, nisi expressam reuocationem prioris contineat, argumento a materia testamentaria ad LL. ducto: vbi quidem monet Auctor noster, videri omnino declarasse istam, protestationem antecedentem, quod voluntas statuendi in sequente defuerit, & præsumi, non sponte factam legem, sed alterius suggestionem extortam, quemadmodum delirare Canonico quoque secundum rescriptum contra primum non sustineatur, nisi huius in illo mentio fiat; attamen his non obstantibus accedit sententiæ Baldi existimantis, si quando dispositio præcedens deroget potestati, clausulam illam nihil operari, cum legislator potestati statuendi, quippe quæ sit iuris publici, renunciare nequeat; si solennitati, secundam dispositionem non valere, neglecta forma in priori præscripta; si voluntati, posterius euertere prius, clausula nempe generali tantum firmatum: non obstante aliquo contrario. Sed & his notabilem addit limitationem, si summus imperans certæ formæ in LL. ferendis sese alligauerit: vti enim ex I. 8. C. de legibus (vbi Theodosius ait: Scitote patres conscripti, non aliter imposterum legem a nostra clementia promulgandam, nisi supra dicta forma fuerit observata

vata) & Nov. 152. (vbi Iustinianus constituit, vt nulla Sanctio pragmatica de causis publicis concepta, robur habeat, priusquam præfecto Prætorio insinuata & ab eo probata fuerit) clare pateſcat, summum Imperantem temperamentum potestatis suapte voluntate omnino inducere posse, ita quoque non dubitandum, si v. g. Rex nolit quidquam valere, nisi quod senatus approbauerit, irritum fore actum ea approbatione destitutum, qualis declaratio voluntatis non adimat ipsi potestatem. Cæterum postquam obiter de Rescriptis Principum obseruauit, ea huc non pertinere, vtpote priuatorum negotia spectantia, mouet quæstionem de consuetudine, quatenus hæc post legem derogatoriam, introducta valere possit: Et respondet, non valere, si lex ei expressa resistat aut deroget, falso enim a quibusdam doceri, quod ad legem obseruantia, siue vt usu sit recepta, requiratur. Interim consuetudinem, ait, vim suam exferere in illis legibus, quæ non directo præcipiant, sed varietatem arbitrii tantum excludant; item vbi lex aut legis ratio non sit contraria, vel hæc ambiguitate laboret, cuius consuetudo optima interpret. Vltimo, si iuramento lex vallata, quod ipsum quoque clausulæ derogatoriæ vim habere vulgo tradant, existimat cum Grotio, ne quidem

dem publicæ vtilitatis causa a talibus legibus recedendi ius esse, quoniam & de suo ciuitas cedere potuerit, & verba possint esse ita aperta, vt nullam exceptionem admittant, si tamen singuli iurassent, se legem seruatu- ros, haud dubie a collegio eam tolli posse.

§. XIII. Sectione secunda de fatis Legum quæ hac clausula munitæ, acturus Autor tum ex Codice Theodosiano, tum ex Iustini- niano multas huiusmodi leges recenset, speciminis loco etiam secundum praxin ho- diernam examinat L. hac edictali C. de se- cund. nupt. tum ex Aurea bulla, quæ hac clausula sæpissime vtitur, octo mutationis circa illam factæ capita ex mente Limnæi, su- binde tamen adiecta censura sua, repetit, si- mul & occasione quæstionis, vtrum A. B. o- mnium Statuum consensu mutari debeat, vtriusque partis argumenta de nono Electo- ratu acriter disputata ordine exponit. Sed ista hic inferere prout iacent, non est instituti nostri, imprimis cum apud alios frequens eorum tractatio occurrat. Sectio Tertia continet explicationem l. 19. ff. de Decurion. & applicationem eius ad præsentem mate- riam, quatenus scil. immunitatibus ab oneri- bus publicis & donationibus rerum ad fiscum delatarum haud raro clausula adiici solet, quod hac lege non obstante irreuocabiles es- se

se debeant; sed huius clausulæ exiguam in tali negotio vtilitatem probe declarat.

§. XIV. Aliam adhuc non ignobilis argumenti Dissertationem superaddere placet, cui rubrum : *De vno homine plures sustinente personas*. Distincta & hæc in aliquot sectiones. Prima sect. traduntur quædam regulæ, ex quibus intelligas, cuius personæ iura attendenda sint, sicubi plures in vno homine occurrant, quod fieri haud absurde posse; tum ex principiis moralibus, tum ex ipso vocabulo personæ docet, quippe cuius e scena ad munia vitæ ciuilis vsus fuerit translatus. Prima regula est; cum iura duarum personarum in vno coeant homine, idem seruari in vno, quod alias obtineat in duobus; sic ergo plurium officiorum compotem, quibus singulis coniuncta salaria vel priuilegia, his perinde gaudere ac plures officia illa administrantes. Sic exercentem duas artes, quæ diuersis subsint statutis, ad obseruationem vtriusque artis statutorum obligari ex Card. Tuscho concludit, nisi tamen vtriusque personæ eadem sit ratio, vel sibi inuicem eadem repugnent, v.g. iudicis & aduocati, vel denique conuentione aut lege aliud statutum sit. Secunda regula est: Quoties actus a duplicem personam gerente vnus tantum contemplatione fit, huius tantum iura attendun-

duntur. Vsum regulæ in materia præcedentiæ insignem prædicat, simulque connotat, ab aliis eum ita concipi: Quatenus quis ex persona vnius ius eligit, eatenus illius vicem sustinet, sed male; cum ius eligendi non semper competat ex arbitrio nostro. Namque vnius ecclesiæ Episcopum & alterius simul Canonicum in hac, vbi Canonici munere fungitur, Episcopales honores minime prætereundum esse, sic & magistratui illatam iniuriam non mox vt magistratui illatam æstimari, quia minimū in delictis semper præsumatur. Hinc tertiam producit regulam: Quoties nulli fit præiudicium, is eligit, qui duplicem personam gerit, quam personam velit respici; id quod exemplo Imperatoris nostri declarat, qui qua Archidux Austriæ legatos ad Turcarum Imperatorem mittat, liberaque, vi Capitulationis, potestate gaudeat, cum exteris sub eodem respectu fœdera pangendi (quanquam istud magis restrictionem quam electionem arguat, præsertim si Capitulationis tenorem inspicias). Quartæ regulæ is est sensus: quoties non constat, quo intuitu quid agatur & vnus homo duplicem sustinet personam maiorem & minorem, maioris tantum ratio habetur. Ex hoc capite legatum Principi relictum Principis morte non expirare legibus nostris recte de-

cisum putat, in dubio enim illi, qua Princeps est, illud relictum videri, non qua ciuis rei-publicæ. Vtcrius quoque vsum huius regulæ recentiori exemplo disceptationis, circa duplicem personam inter illustres anno 1687. coram Imperialis Cameræ iudicio institutz, comprobatur.

§. XV. Secunda sectione producit Autor varios casus ex iure naturali potissimum, quibus demonstret duplicem personam sustinentes duplici etiam iure gaudere. Sic patrem familias in domo segrege respectu aliarum domuum in statu naturali viuere putat, adeoque fœdera cum aliis aut bellum facere posse, quo refert Abrahamum, Isaacum & Iacobum ex historia sacra: respectu vero partium domus suæ aliam ipsi tribuit personam vxoris, aliam liberorum, aliam seruorū intuitu. Et in vxorem quidem proprie dictum imperium competere contra Pufendorfium defendit, ita vt ob grauiora crimina seuerius in eam animaduertere possit, itemque potestatem in liberos recte distinguere in patre, qua pater est, & qua caput familiæ, at huius fundamentum non ex pacto tacito patrisfam. & liberorum, verum potius ex pacto, quod inter maritum & vxorem intercedit repetendum videri, dum enim recipiat, vxorem in domum suam maritus animo libe-

beros gignendi adiumento & propugnaculo sibi futuros, etiam citra horum consensum, eousque durare patris potestatem, quousque commodum ei visum fuerit, ex quo olim factum, ut segreges familiarum paulatim in parua regna coalescerent, teste propemodum omnium populorum historia. Circa potestatem in seruos iterum abita sententia Pufendorfii existimantis, qui ultroneo consensu se seruum alteri fecerit si delinquat atrociter in Dominum eiusque familiam, non ex iure imperii sed tanquam hostem morte affici, opponit enim, cum pacto illo haud dubie imperium in alterum transferatur, concessa simul intelligi omnia sine quibus illud consistere non potest. Pariter eundem patrem fam. postquam in ciuitatem concesserit, non tantum ut caput familiarum sed etiam ut ciuem & subditum considerari debere, adeoque iura illa quæ cum imperio ciuili simul stare non possunt v. g. ius cædis in delinquentes seruos, filios &c. amittere statuit. Quoad summum Imperantem obseruat, eum respectu exterorum in statu naturali viuere, sed in ciuitate, vel qua talem; vel qua pars ciuitatis est, respici, unde progeniat Ictorem illud: Reges in contractibus uti iure communi; sicut e contrario in actibus mere regijs nihil impediatur, reges sibi metipsis, testimonium perhibere

O 2

bere, quale quid in Anglicanis Legibus legisse se testetur Scipio Gentilis ad L. 3. de donat. inter vir. & vx. Interdum quoque regem in vno regno diuersas personas sustinere, si nimirum ipse partem summi imperii habeat, partem alteram populus aut Senatus vt in mixtis rebus publ. vbi secundum Grotium Regi in partem non suam inuolanti iusta vis opponi possit, quia eatenus imperium non habeat. Porro Magistratus in ciuitate huc refert, quod ratione inferiorum & quia iudices publicæ sint personæ, at ratione superiorum & in causa propria priuati. Tandem addit plurium ciuitatum ciues, quatenus nõ dubitandum, obligationes inde susceptas simul stare posse, maximè cum etiam peregrini in ciuitate ratione actuum, quos ibi celebrant, imperio eius ciuitatis subesse teneantur, licet suæ ciuitatis personam haud deposuerint.

§. XVI. Tertia sectione pertractat Autor aliquot species eorum, qui diuersas personas gerunt in Imperio Romano Germanico. Ac primum quidem Imperatorem ostendit, vel vt Romæ & Prouinciarum ad eam spectantium Imperatorem considerari, (qua occasione contra Monzambanum copiose probat, Carolum M. & postea Ottonem successores-
que

que multo plus consecutos fuisse titulo Imperatoris, quam ius defensionis & Aduocatiæ sedis Romanæ, idque tum ex proposito Pontificis populi que Romani in constituendo Imperatore, tum ex modo quo se ei obligarunt, tum ex iuribus ipsis quæ ab Imperatore exercita) vel vt Regem Italiæ, vbi diuersos ciues & peculiaria olim iura habuerit, vel vt Archiducem Austriæ, quo respectu Carolus V. duplici formula Ferdinando fratri iura competentia confirmauerit, als Römischer Kaysers an unser und sein selbst statt und unsern löbl. Hauff Desterreich/ idemque sibi metipsum mandasse legatur: vel vt Ecclesiarum quarundam Canonicum, vti imprimis Ecclesiæ collegiatæ Aquensi nouissime Rom. Regem adscriptum ex solennitatibus Coronationis eius narrat. Deinde breuib. etiam in Statibus Imperii duplices personas reperiri demonstrat, quatenus aut diuersæ conditionis territoria possidentes diuersis Statuum Collegiis accenseantur, aut qui simul Electores, multa præcipua iura exerceant, aut alii sub Ecclesiasticorum charactere vi superioritatis territorialis seculares Principes agant.

§. XVII. Sectione quarta subiungit ex iure priuato exempla nonnulla duplicem personam sustinentium, scil. ex l. 3. ff. de ad-

opt. si consul sit filius. posse eum apud semetipsum emancipari vel in adoptionem dari: quam dispositionem cum Doctoribus extendit ad omnia negotia voluntaria iurisdictionis. Ex §. 4. l. de inoff. test. si tutor nomine pupilli ex testamento patris sui inofficioso legatum acceperit, posse nihilominus eum suo nomine de inofficioso testamento patris agere. Item notarium qua talem, publicam testamento fidem conciliare, simul & inter 7. testes connumerari, imo proprium testamentum in instrumentum publicum redigere posse. Similem casum ex Euerardi Locis legalibus allegat his verbis: reliquit aliquis testamento cuilibet fratrum Prædicatorum 10. scutatos, & Priori Biblia: hic Prior 10. scutatos habebit vt vnus ex fratribus & Biblia vt Prior. Vltimo dubii nihil habet quod cuius administratori duplicem personam assignat Autor v. g. tutori, procuratori, officiali: cum ex Legibus haud paucis constet, huius generis homines vt tales, non de sua, sed eius cuius nomine contrahunt, pecunia solutionem promississe censi, nec deposita administratione amplius obligari.

§. XVIII. Haftenus excerpta quarundam dissertationum Hertianarum ab Amico transmissa. Mihi omnes & singulae placent, non quod in omnibus cum ipso sentiam, (ea enim est

est ratio Iurisprudentiæ nostræ, vt consensus ICtorum in omnibus sperari non possit, nec adeo dissensus modestus alterutri dissentientium dedecori esse debeat) sed quod vbiq̃ue deprehendantur multa lectio & autorum quidem optimorum ex antiquitate pariter ac nouioribus, & modernis temporibus; coniunctio item philosophiæ & Historiarum cum Iurisprudentia, duorum videlicet luminum omnis disciplinæ, sine quibus in tenebris ambulat, quotcunq̃ue Iurisprudentiæ sacra adire & aliis viam monstrare aggrediuntur, etsi plurimi & pene innumeri. Accedunt selectus materiarum, iudicium singulare, ac modestia rara & laudabilis, quoties Noster ab aliis dissentit, & rationes sui dissensus exponit. Vt non possim non dissertationes Hertianas iis qui iuri dant operam insigniter commendare, etsi alias de disputationibus Academicis (quarum pretio quidem nihil detraho, nec eas vilipendo,) ne meis quidem exceptis, varias ob rationes, non adeo magnifice sentire solem, iisque curtam esse arbitrer eruditionis supellectilem, qui vltra disputationes nihil sapiunt, aut quorum bibliothecæ præter myriades disputationum nihil lectu dignum ostentare possunt. Sed nulla regula præprimis apud ICtos est sine exceptione. At exceptionem illam postulat.

rara eruditio, quæ in dissertationibus Hertianis ubique & absque ostentatione quidem se conspiciendam præbet.

§. XIX. Ut igitur maiorem adhuc salivam moueam Lectoribus, placet dissertationum indicem huc transcribere. Diuisit autem Vir Celeberrimus lucubrations suas in tres tomos, in quorum primo continentur meditationes ad iurisprudentiam vniuersalem pertinentes, secundus dissertationes iuris publici & tertius selectiores materias iuris priuati exhibet. In primo agit de iurisprudentia vniuersali, de socialitate, primo iuris naturalis principio, de Collisione legum, de lytro, de literis commeatus pro pace, de commeatu literarum, de matrimonio putatiuo, de modis constituendi ciuitates, an summa rerum semper sit penes populum, ac denique de tutela regni.

§. XX. Tomo secundo differit de Notitia singularis Reipublicæ, de iudicio Reuulsorio, de specialibus Romano - Germanici Imperii Rebuspublicis, earumque diuersis nominibus & figuris, de hominibus propriis, de superioritate territoriali, de subiectione territoriali, de consultationibus, legibus, & iudiciis in specialibus Romano - Germanici Imperii Rebuspublicis, de Electione ArchiEpiscopali Colonienfi, de Feudo Nobili, de feudis

disoblatis, ac de fide diplomatum Germaniz Imperatorum & Regum.

§. XXI. Tomus tertius sistit discursus de lege, clausula, ne abrogari vnquam possit, munita; de transiitione priuilegii personalis ad alios; de vno homine plures sustinente, personas; de conuentionibus dominii translatis; de pacto ne dominus rem suam alienet; de ordine causarum in iudicio tractandarum; de seruitute facto constituta; de conditione indebiti ciuilitur, debiti naturaliter; de obligatione mandantis & mandatarii, contemplatu tertii; de societate facto contracta: de fructuum persecutione in actionibus personalibus; de quasi possidente probante; de inspectione oculari; de herede occisi vindice; de prælegatis; de iure superficiario; de electione ex obligatione, alternatiua debitori debita; & de obligatione alicui datorum factorumue.

§. XXII. Adiecti sunt huic Tomo libri tres Paræmiarum iuris Germanicarum, antea disputationibus publicis expositarum, quarum singulas Autor Consultissimus sic explicat, vt originem pariter & vsum earundem tradat. Libro primo centum & viginti paræmias proponit ad ius priuatum pertinentes e. g. Juristen böse Christen; Es ist besser ein magerer Vergleich, als ein fett Ur-

theil; Hand muß Hand machen; Was die
 Ege bestrichen/ und die Hacke bedeckt hat/
 folgt dem Erbe; Wer recht schweret/ betet
 recht; Wagen gewinnt/ wagen verliert;
 Rauff geht vor Miethe; Ein jeder Rauff-
 mann lobet seine Wahr; Einen geschendten
 Gaul/ siehet man nicht ins Maul; Kinder und
 Narren reden die Wahrheit; Borchart ist
 Lehnharts Knecht; Ein alter Mann/ ein jun-
 ges Weib/ gewisse Kinder; Wer einen Hel-
 ler erbt/ muß einen Thaler bezahlen; Der
 Todte erbt den Lebendigen; Wer säet/ der
 mäet; Herren und Heiligen gehen über al-
 les; Lang geborgt ist nicht geschendt; Man
 hängt keinen/ man habe Ihn denn; Herren
 weinen nicht; Viel Handwercke verderben
 den Meister &c. Liber secundus & tertius, il-
 le viginti quatuor, hic octo paræmias ad ius
 publicum & vniuersale spectantes sistunt,
 v. g. Wenn der Kaysers stirbt/ setzt sich der
 König in Sattel; Schirms Gerechtigkeit
 giebt keine Obriqkeit; Ein Ritters Weib
 hat Ritters Recht; Bürger und Bauer
 scheidet die Mauer; Worte brechen kein Ge-
 leidt; Wer darff jagen/ darff hagen; Am
 Geding ist keine folge; Das Hemdbeist ei-
 nen näher als der Rock; Viel Köpffe viel
 Sinnen &c.

§. XXIII. Etsi vero singulares istæ virtutes supra memoratæ, ingeniũ & iudicium Autoris demonstrantes magnificiendæ sint; præprimis tamen æstimanda est eius rara & in studio Iurisprudentiæ vtilissima notitia antiquitatum Germanicarum, quæ passim & potissimum in Tomo II. atque in supra relatâ dissertatione de hominibus propriis se conspiciendam exhibet. Laborauimus hætenus isto defectu, quod in studio Iuris Historiam Germaniæ nimium quantum neglexerimus. Glossatores primi Iuris Romani omni notitiâ antiquitatum destituebantur. Post Alciatos, Balduinos, Hotomannos, Duarenos aliosque Iurisprudentiæ restauratores defectum illum, qui impediēbat, quominus ius Romanum erudite explicari possit, vt cunque emendauimus, sed ista emendatione effecimus, vt ignoremus iura & antiquitates patriæ nostræ. Nec errabimus si dicamus, post introductionem iuris Romani & studii quod vocatur bonarum artium in Germaniam, nos peregrinos plane in patria fuisse effectos. Præterquam enim quod euidentis sit, bonas artes vniuersali pene consensu ad studia Latii & Græciæ solum referri, & fere adhuc pro piaculo haberi, si quis audeat doctrinam cuiuscunque disciplinæ in idiomate Germanico proponere; vel Glossator

tor Speculi Saxonici ostendere potest, quam inconcinne iura Patria ex iure Romano exponantur. Et nihil aliud effecit Glossator, iste Glossis suis & interpretationibus Iuris Saxonici, quam ut nihil intelligamus de textu speculi. Nec dissimile mihi videtur istud genus commentandi, ac si quis iura Principum Germaniæ Evangelicorum circa sacra, ex arcana quadam ordinatione Turcica de officio & potestate Mussi & iure Imperatoris Turcici in religionem Turcicam, commentatione quadam explicare intendat. Postquam ergo glossis eiusmodi obscuratum esset, Ius Germanicum, ambitiosa huius Glossatoris imitatione, & nimio amore erga Ius Romanum eiusque contorta applicatione ad causas subditorum Germaniæ effectum est, ut Ius patrium, quod olim plerisque de plebe etiam notum erat, plane ignoremus & nos torqueamus iure, quod nec ad statum reipublicæ Germanicæ olim nec hodie, nec unquam aptari potuerit. Certus enim sum ex mille negotiis, quæ in foro tractantur, quæque non ex moribus communibus Gentium (quorum multa capita quidem in iure Romano recensentur, sed tamen non ideo in usu sunt, quia ibidem continentur) sed ex peculiari acciuali ratione definienda sunt, vix decem esse, quæ non ex legibus patriis longe

longe melius quam ex Iure Romano possint deduci, etsi ignorantia illius nos cogat ad Ius Iustinianum recurrere, & exinde argumenta legum sæpe longissime quæsitâ petere, vel denique, si pudor aliquis saltem nobis restat, fateri, quod ea non habeant vsum.

§. XXIV. Quemadmodum autem iam a longissimo tempore & ab ipsa Academiarum introductione ICI ob infauftum illud Iuris Iustiniani scrutinium putarunt, piaculum esse, si vltra glebam illam, cui adscripti erant, quicquam scaperent, adeoque prudentiam omnem ciuilem neglexerunt, & solum ad causas priuatorum intricandas se applicuerunt, aut, si forte inter ipsum Imperatorem & Status Imperii horumque subditos quæstio ageretur, vlna ista sua impertinente eam metiri aggressi sunt; ita simul euenit, vt & statum publicum Germaniæ, eiusque insignes mutationes, a quarum cognitione tamen genuina legum Germanicarum interpretatio pendet, ob negligentiam illam strenue ignoremus, adeoque cæci antecessores cæcos iuvenes post nos ducamus.

§. XXV. Debetur tamen & hoc, præter insignia alia bonitatis diuinæ testimonia, providentiæ summi numinis, quod crescente quotidie magis magisque studio veræ sapien-

pientiz & genuinæ eruditionis, etiam ex
 ICris quidam nostris diebus a Deo destinati
 fuerint, qui postquam Contingius Medicus
 ruborem prius nobis excusserat, & ex somno
 quasi expergefecerat, insignem operam de-
 derunt, mores patrios & historiam Iuris Ger-
 manici qua priuati, qua publicæ tenebris i-
 terum in lucem protrahendi. Iohannis Schil-
 teri ICri Clarissimi diligentia iam diu nota
 est, & loquuntur eximia eius commentaria,
 ad Pandectas, & Speculum Iuris Sueuici,
 quantum ipsi Germania debeat. Iohannes
 Philippus Datt vnico de Pace Imperii publi-
 ca Volumine edito, ibique potissima quæ ad
 intimiorem notitiam status publici in seculo
 XII. XIII. XIV. & XV. pertinent, quæque
 antea longe aliter concipiebantur, explican-
 do, insignem lucem legibus publicis & re-
 cessibus Imperii accendit, cui quemadmo-
 dum res publica literaria pro egregie nauata
 opera multum debet, ita gratum animum
 non melius testari poterit, quam si illustri
 Autori a Diuino numine vitam longæuam &
 vires ac otium precetur, quo & reliqua, quæ
 in nunquam satis laudando illo opere hinc
 inde promittit, & ex quibus publicum non
 minorem vtilitatem sibi pollicetur, quam pri-
 mum edere valeat.

§. XXVI. Sunt quidem minores tracta-
 tus

tus, si chartæ quantitatem spectes, quibus illustres Duumviri Henricus Cocceius, & Hertius noster, ille potissimum in Iurispublici prudentia, hic in volumine secundo dissertationum, Iurisprudentiam publicam ornaverunt sed eo vastior in iis latet eruditionis apparatus, si quis partim incognita hætenus asserta historica ex antiquitate Germanica eruta, eorumque insignem usum in abiiciendis & refutandis præiudiciis, quæ hætenus cathedras Academicas occupauerant, partim multifariam lectionem optimorum autorum qui ubique citantur, consideret. Si ex Cocceii Iurispublici prudentia vel sola capita de Historia septem Prouinciarum Germaniæ & de quatuor archiofficialibus regni, conferantur cum doctrina communi, quæ hætenus regnauerat, apparebit, in quantis tenebris hucusque ambulauerimus. Et si ex Hertii dissertationibus vel sola de hominibus propriis conferatur cum notissima illa triga tractatum de hac materia, Bonacostæ, Hufani, & Stammii, quos omnes exscribunt & allegant, nemo non videbit, quid distent æra lupinis, & quam nihil solidi & eruditi hætenus de hominibus propriis docuerimus.

§. XXVII. Mihi, cum in hoc studiorum genere non liceat esse tam felici, vt, obcur-
tam

tam supellectilem lectionis Historiarum, veritates Historicas inueniam & detegam, in id tamen incumbo, vt quacunque occasione exhibita, eas sincere quæram, & ab aliis inventas amplectar ac foveam, iisque in exterminandis erroribus communibus vtar. Non tamen diffiteor, me hinc inde adhuc hære in multis, cuius rei defectum potissimum adscribo; quod multa capita de origine & progressu statuum in regno Germanico horumq; differentia vel a statu personarum in aliis regnis, vel prout is hodiernum in Germania se habet, adhuc lateant in obscuro, vel certe nondum satis perspicue sint exposita. Prima diuisio personarum est in liberos & seruos. Liberi sunt vel ignobiles vel nobiles. Nobiles vel nobiles in specie vel maiori nobilitatis genere fulgentes. De singulis mallem vt a Viris antiquitatis patrias callentibus dubia nonnulla mihi eximantur.

§. XXVIII. Ac de seruis & hominibus propriis quidem præter ea quæ ab Hertio eruditissime sunt tradita, dignum foret scire, an plane verum sit, quod communiter traditur, in Germania seruitutem esse abrogatam. Video ipsum Hertium ea de re dubitare & rationes dubitandi afferre, ac tetigi ea de quaestione nonnulla alibi, vbi de iure dandi ciuitates statibus imperii competente, egi, sed me-

meretur tamen res vltiorem disquisitionem, neque puto in vniuersum procedere, quod sub Imperatoribus Sueuicis sensim ser-
vorum conditio sit sublata, etsi ab illis tem-
poribus hominum propriorum *Eigen Leute* mentio fiat. Nam homo proprius vel natu-
ra vocis est homo qui est in proprietate & do-
minio. At hic reuera seruus est. Non nego
multos ex instinctu Episcoporum esse manu-
missos, nego quod omnes ne quidem succes-
sive manumissi sint. Multa sunt litigia etiam
hodie circa præstationem operarum rustica-
rum, & de distinctione earum in operas de-
terminatas & indeterminatas. Arbitror, in iis
locis, vbi adhuc hodie sunt homines proprii,
ignorari determinationem operarum. In aliis
prouinciis vbi distinctio illa viget, credo
determinatas operas esse indicium manu-
missionis, indeterminatas autem rudera an-
tiquæ seruitutis. Credo quod hi rustici inde-
terminatas operas præstantes habeantur pro
liberis hominibus, non manumissioni deberi,
sed errori Iure Consultorum, post introdu-
ctum in Academias Ius Iustinianæum stulte
quærentium, an homines proprii sint serui,
eamque quæstionem non ex principiis do-
ctrinæ politicæ & historiæ patriæ, sed ex prin-
cipiis Iuris Romani ad statum Germaniæ non
quadrantis, stultius negantium. Credo ru-
sticos citius pro liberis hominibus haberi co-
pisse

piſſe iis in locis vbi Academia citius floruerunt: Credo iis in locis, vbi adhuc hodie iidem ſunt homines proprii ſeu ſerui, Ius Romanum non eſſe receptum, vel certe multo ſerius. Credo huic errori Iſtorum originem debere Iuriſdictionem patrimoniam, Iuri Romano plane incognitam. Credo hanc Iuriſdictionem reuera, quoad originem, nihil aliud eſſe quam poteſtatem domeſticam, deſiderantem in iuriſdictionis aliquam ſpeciem, quæ a perſonis quæ in patrimonio ſunt (talis autem nemo præter ſeruos eſt) patrimonialis dicta fuit, &c.

§. XXIX. Hinc vaſtus ſe campus aperit diſquirendi, de iure Germanorum in ſeruos manumiſſos, & de diuerſis conditionibus, ſub quibus manumiſſiones fiebant, deque diuerſis libertorum ſpeciebus. Ante extructas cum cura ciuitates ſi qui manumitterentur, puto manſiſſe ruſticos cum operis tamen determinatis, vel etiam cum impoſito cenſu. Cum autem Epiſcoporum ſuaſu multi multos vt in formula erat, pro ſalute animæ ſuæ manumitterent, ab his libertis ciuium der Bürger fundamenta eſſe iacta alibi monſtraui. Præſtaret igitur de origine & progreſſu ciuium, horumque a ruſticis differentia quoad mores & viuendi genera, per ſæcula mutationes & augmenta docere, vti Hertius fecit in hominibus propriis.

Et

Et cum inter ciues etiam sint diuersæ conditiones, & vnum viuendi genus altero honestius haberi soleat, v. g. mercatura artibus manuariis, professio liberalium artium mercatura &c. ex antiquitatibus Germanicis, sepositis alienis doctrinis iuris Romani, explicandum foret, quid sint in legibus Germanicis eigene und freye Leute / Bauer gülden / Pflughafften / Laffen / Zinsleute / Erbzins Leute / Schöppenbaar freye Leute / Ruchlose Leute &c. Nam hi termini sæpius in Iure Germanico occurrunt, & credo v. g. per doctrinam de emphyteusi Romanorum, doctrinam der Zinse und Erbzinse seu Censuum in Germania magis esse confusam & obscuratam quam expositam. Et quod attinet homines liberos ad scabinatus aptos, Schöppenbaar freye Leute / quorum sæpius in Iure Germanico fit mentio, puto per eos intelligi digniores ex ciuibus, qui in vrbibus, quæ non erant sub regimine Nobilium der Geschlechter / ad regimen admittebantur. Credo enim primos liberos ab Episcopis in ciuitates translatos cauponandi arti dedisse operam, vnde in Germania coëctio cereuisiæ das Bierbrauē est modus viuendi ciuilis, ist eine Stadtnahrung / tum successu temporum hospitiorū mercenariorū & mercaturæ vsus a libertis illis fuit introductus. Quod vero o-

pificia manuarum attinet, eorum ante extructas ciuitates fuit usus in pagis, ergo rustici erant opifices. Sed postea, cum nobiles illi propriis qui aulam sequebantur, etiam in ciuitatibus habitare inciperent, simul seruos suos opifices ex pagis in vrbes deduxerunt, ut adeo primis temporibus isti opifices in vr-
bibus ob seruilem conditionem mercatoribus & hospitibus fuerint postpositi, nec ita, ad Scabinatus admissi. Sed & hic multa de origine & augmento opificiorum ex antiquitatibus Germanicis erunt eruenda, quæ intacta reliquit Adrianus Beierus, cuius alias laudabilis est labor, quem in concinnando iure opificiario adhibuit &c.

§. XXX. Etiam de nobilibus multa nondum ad euidentiam deducta ex antiquitate, eruenda restant. Ut enim alibi ostendi, verosimile est, eos quos hodie nobiles appellamus, olim fuisse omnes ingenuos, i. e. rusticorum dominos seu domicellos Jungherna nobiles vero antiquos seu etiam Adelingos dictos fuisse illos ex ingenuis, qui strenue rem gesserant in militia & digni erant quibus officia ducum & comitum conferrentur. Posteaquam vero ciuitates extruerentur multis ciuitatibus gubernandis præponebantur nobiles, qui in vr-
bibus habitabant, & ad differentiam reliquorum appellabantur

Ge

Geschlechter. Apparet etiam ex dictis ratio cur nobiles Germaniæ abhorreant a mercatura, quia mercatura primitus in Germania exercebatur a libertis. Porro cum postea, Henricus Auceps multas vrbes extrui curaret, & torneamenta instituerentur, & alia civium & alia nobilium augmenta & requisita fuere introducta. Illud etiam disquisitionem meretur, quid factum, ut cum antiquitus, prout ostendit Hertius de hominibus propriis, nobiles qui se seruitiis principum addixerant, pro servis aliquo modo fuerint habiti, & qui ab aula essent remoti pro liberis dominis, successu temporis aulici dignitatibus præcedant reliquos qui in libertate manent, remoti ab aula, &c.

§. XXXI. Lucem etiam ex his observationibus accipiet doctrina de militia selecta, veterum Germanorum, & imo totum ius Feudale Germanicum, quod æque per ius Longobardicum est corruptum hodie, ac ius provinciale per ius Iustinianæum. Nam puto rusticos tanquam servos ad militiam non fuisse admissos, sed solos ingenuos seu nobiles militasse. Imo puto ciues tanquam libertos demum successu temporis in militia fuisse usurpatos. Vnde puto ius Germanicum feudale esse ius Nobilium, ius provinciale esse ius Nobilibus & ciuibus commune. Vti

vero nobiles omnia sua bona in feudum accipiebant, ita & inuestiebant rusticos suos potissimum manumissos bonis, ita tamen ut non præstarent seruitia militaria, sed operas determinatas aut censum. Imo ipsi ciues in ciuitatibus de bonis inuestiuntur adhuc hodie, idque in plerisque locis fit pileo tanquam antiquo signo libertatis. Non absurda ergo foret opinio quorundam Doctorum, qui putant bona nobilium præsumi in dubio feudalia, etsi id ex principiis iuris Longobardici falsum est. Sola enim bona ciuium & rusticorum manumissorum videntur olim fuisse allodialia, in quibus omnes heredes succederent, quia pro iis non præstabantur seruitia militaria sed aliud quid. In ipsa autem militia nobilium fundabantur diuersæ dignitates eorundem, secreta diuersis clypeis. Vnde doctrina iuris Germanici de septem vel octo clypeis militaribus, quam qui probe intelligit, & quid denotent diuersi gradus libertatis der frenen / mittelfrenen / semper frenen / item der Ritter und Knechte / ille dimidiū & plurimas partes iuris Germanici intelliget. Neque enim sufficere hic videntur ea, quæ Schilterus in expositione iuris Feudalis Alemannici quoad explicationem clypeorum militarium attulit. Et doctrina de

de valuaforibus & valua finis rem magis ob-
scurat, quam clariorem reddit.

§. XXXII. Sed hæc omnia quis melius il-
lustrare & demonstrare posset, laudatis supra
Duum viris? quos adeo publice rogamus, vt
hunc honorem faciant moribus patriis, at-
que, cum nemo præter ipsos, quos sciam,
melius instructus sit apparatu lectionis ad
hanc rem necessario, & iudicio subactò & e-
xercitato, rem & iucundam pariter & maxime
utilem ac proficuum in noscendo iure, cuius
conclusiones infinitæ se quotidie offerunt,
frustra ex iure Iustiniano deducendæ, ag-
grediantur, atque adeo sitim & expectatio-
nem omnium, qui patrios mores amant, ex-
pleant. Hoc enim demum pacto, quod in-
ter maxime desiderata in studio iuris pru-
dentia refero, habebimus tandem aliquando
iustum commentarium vel certe perspi-
cuam periphrasin & speculi Saxonici &
Sueuici.

OBSERVATIO XII.

CONTINVATIO OBSERVATIO
NIS XXI. TOM. I. DE GVILIEL-
MO POSTELLO.

Σύνοψις.

ORdo dicendorum, §. I. Male audit Postellus ob Virginem Venetam, §. II. Defenditur tamen a Florimundo Ramundo, §. III. IV. Επίκρισις, §. V. Prima eius hypothesis inter precipuas, veritatem & mysteria Christianæ religionis ex ratione demonstrari posse, §. VI. Altera hypothesis, animam Christi ante conditum mundum creatam & τῷ λόγῳ unitam esse, §. VII. Tertia eius hypothesis de Alphabeto cælesti §. VIII. A Postello eam sumsit Gaffarellus, pluribusque fuit communis, §. IX. Inepte probatur a Gaffarello, §. X. Quousque admitti possit, §. XI. Quarta eius hypothesis de mundo sex annorum millia duraturo, §. XII. Quinta eius hypothesis de rerum omnium restitutione, §. XIII. Ex dictis iudicium de Postello formatur, §. XIV. Ex Richardi Simonis Epistola quadam hætenus dicta illustrantur, & confirmantur. §. XV. Libri eius indicantur, §. XVI.

§. I.

PErsequemur nunc ea quæ de Postello dicenda restant. Primo autem de Virgine Veneta quam tantum non ut idolum aliquod coluisse dicitur, differemus, tum præcipua doctrinæ eius, in quibus seorsim ab aliis ire videtur capita indicabimus.

§. II.

§. II. Gabriel Prateolus in elencho omnium hæresium inter libros quibus Postellum infanda in orbem euomuisse scribit, hunc etiam refert, quem de *Veneta Virgine* edidit. Matthias autem Flacius in epistola *Tom. I.* harum obseruationum inserta, cum retulisset Postellum Venetiis libellum de *Veneta Virgine* velut alterum Montanum de sua *Priscilla & Maximilla* edidisse, tantos in eo errores & furores asseri addit, vt cloacam Sætanæ id scriptum & eum hominem merito vocare posses. Sed notius est quam vt pluribus a nobis confirmari debeat, quod vel ob hunc ipsum libellum, & assertiones quasdam de *Virgine Veneta*, aliis eius scriptis inspersas, tantum non apud omnes pessime audiat.

III. Nihilosecius defendere in hoc quoq; capite ac purgare Postellum aggressus est *Florimundus Ramundus*, siue potius cuius stylo vsus est *Ludouicus Richeomius Soc. Ies.* in opere de *ortu, progressu & interitu hæreticorum huius temporis*, quod opus cum Gallice, latine & germanice prodierit, nobis tamen Germanica, tantum versione vti licuit. Sed tota ista quam *part. II. c. XV. p. 322.* vbi de Mennonistis & Deistis agit, instituit, narratio de Postello ita comparata est, vt omnino locum hic sibi vindicet. Primo itaque Postellum auctorem.

Deistarum esse diserte negat ; magnam illi inferre iniuriam pronunciat, qui de illo eiusmodi quid affirmet. Atque ut innocentiam viri demonstraret, se commotum dicit ad vitam eius paulo accuratius exhibendam. Primo itaque commemorat quod in Normannia natus, in Academia Parisiensi bonis litteris eruditus singularem linguæ latinæ, Ebraicæ, ac Græcæ sibi comparauerit notitiam; hinc in Italiam eum profectum tandem venisse Venetias, ubi in notitiam venerit piæ atque honestæ Virginis, quæ rerum omnium inopis sumtus ad studia continuanda suppeditauerit. Hanc itaque matris nomine insigniuit, sicut illa vice versa Postellum filii instar habuit. Interim cum variæ circa religionem, coortæ essent dissensiones, cum aliis Postellum quoq; eo adductum esse dicit Raimundus, ut aliquandiu incertus dubiusque haret, ad quam accederet partem. Per varias itaque orbis gentes peregrinatus, non apud Christianos modo sed Turcas etiam atque Iudæos veritatis quæsiuit vestigia: variique generis libros hanc ob causam summa diligentia perscrutatus est. Romam tandem delatus, inque hæreseos suspicionem adductus, Venetias remigrare coactus, ubi tamen a iudicio inquisitionis captus iterumque Romam abductus & in carceres coniectus est,

ex

ex quo quo pacto euaserit, in priori iam a nobis dictum est obseruatione.

§. IV. Post varia ergo fata in Galliam rediit, ut porro Raimundus docet, ibique magno omnium applausu docuit, librumque istum de Virgine Veneta tandem edidit. Mox fama percrebuit Iohannam illam Venetam a Postello pro Redemtrice feminarum venditari, uti Dauid Georgius pro ipso Christo se venditasset. Ast summam hoc ipso Postello factam iniuriam Auctor iste aperte contendit. Rationes sunt 1) quod fieri vix possit, ut vir tam excellenti doctrina præditus, ad istum dementiæ peruenerit gradum: 2) quod ex eius scriptis nihil eiusmodi colligere liceat: 3) quod ipse Postellus cachinno exceperit stultitiam hominum eiusmodi sententiam illi tribuentium. Interim in honorem virginis istius Venetæ librum illum a se scriptum non inficiatus est, quam quod matris nomine insigniuerit, nemini mirum videri posse, quippe cui plus quam matri suæ debeat, cum ab hac vitam equidem, ab illa autem media veram sapientiam sibi comparandi, consecutus sit. Multa alia idem Raimundus de Postello affert, quæ partim in priori obseruatione iam commemorata sunt, partim huic non pertinent. Præcipue id evincere annititur, eum misso omnibus pere-

gri-

grinis opinionibus nuntio, bona fide ecclesiæ Romanensis dogmata iterum amplexum esse, in iisque constantem ad vitæ vsque finem permanuisse.

§. V. Ego Postelli librum de Virgine Veneta nec vidi nec legi, adeoque non id mihi sumo, ut meum interponere iudicium audeam. Quod si tamen ex iis quæ in aliis eius scriptis hac de re observaui, quæque alii narrant, colligere liceat, quæ maxime videntur verosimilia, ita de toto hoc negotio pronunciare nullus dubito. Primo existimo Postellum in encomiis quibus virginem illam Venetam ornauit, omnino modum excessisse: id quod minime equidem laudandum: interim nec verba eius strictius hac in re capienda sunt, ut absurda saltem inde varia colligantur. Postulant hanc æquitatem a lectoribus suis & auditoribus oratores, ut hyperbolicis ac exaggerationibus, quibus haud raro vtuntur, dent veniam; eamque a plerisque impetrant. Cur ergo ea denegabitur Postello, studio gratum animum declarandi ad hyperbolicas laudes in Virginem Venetam conferendas abrepto? Ne quid autem dissimulem, hac ratione nonnulla equidem, non tamen omnia quæ de Veneta Virgine dixit, excusari possunt: cuiusmodi illud est, quod in epistola ad Schwenckfeldium extat: *Mater*

itaque mundi que Christus in sui parte inferiori est, restituit omnia. Quin omnes prius damnati quam nati nesciunt quid faciant. Ipsa est sacrosanctus ille spiritus & corpus celeste siue spirituale per quod sine externo ministerio infunditur vera ac rationalis naturalisque cognitio sui & Dei summa. At dubito an hæc & similia omnino ad virginem Venetam referenda sint, licet prima fronte ad eam referenda esse videantur. Etenim sub hisce similibusque Postelli locutionibus συμβολικόν τι latitare videtur, vt quicquid de celesti Eva & matre mundi differit, ad naturæ restitutionem adumbrandam ab eodem referatur. Simile quid in Valentino Veigelio deprehendi, qui itidem tres videtur statuere Euas, vnâ celestem, quæ filium Dei peperit, alteram quæ Christum, & tertiam denique quæ ecclesiam, *part. II. Postill. p. 286, & part. III. p. 74. it. p. 76.* quæ ἀλληγορικῶς intelligenda esse nemo dubitauerit. Aperte autem Postellus, *Euam nouam restituta natura auctorem* vocat *in sponso suo, sicut ipse fuit restituta gratia.* Quicquid fit, συμβολικῶς hoc similiaque eum intellexisse valde est verosimile; adeoque magna grauissimarum accusationum pars, quibus Postellus tantum non obruitur, sua sponte corruit.

§ .VI. Sed de ceteris accusationum capituli.

tibus vt nunc eo rectius statui queat, summā doctrinā Postellianā per pleraque eius scripta disperſit, eundo per præcipua momenta, paucis designabimus. Primo in omnibus fere scriptis ſuis id agit, vt religionis Chriſtianæ veritatem ex rationis rectæ ſcitis demonſtret. Dixerim non immerito hunc præcipuum ac primarium ſcopum eſſe, quem Poſtellus in omnibus ſuis ſtudiis & commentationibus ſuis ſibi præfixerit. In eo tamen negotio ita ſe gerit, vt non excludat ab eo ſcripturam, ſed rationem cum ſcriptura coniungat. Eum in finem concinnauit iſtam Trinitatis ex lumine rationis demonſtrationem, quam iam in obſervatione priorē §. XII. ex libro eius de *natiuitate mediatoris vltima* p. 205. attulimus. Eandem tamen iam uſurpauerat in libro *de orbis terre concordia* l. c. c. 3. & iterum repetiit in libro *de rationibus Spiritus* S. l. I, c. I.

§. VII. Deinde altera hypotheſis regnans & cui doctrina Poſtelli inſtititur, eſt Cabbaliſtica illa de humana anima Chriſti ante conditum mundum a Deo creata & cum τῷ λόγῳ coniuncta, per quam vt creatio rerum omnium, ita & earum reſtitutio peragatur. Huc omnia fere tendunt quæ in libro de *natiuitate mediatoris vltima* diſſerit. Statuit enim ibi quatuor ſpirituum genera, Spiritum
Dei

Dei immobilem, Spiritum Christi mobilem & per quem omnia producta sint, hoc est, vt ego capio, animam humanam iam ante mundum conditam, cum τῷ λόγῳ coniunctam, spiritum angelicum, & spiritum humanum. Hinc itaque quatuor mediatoris natiuitates asserit p. 103. seq. Primam namque eam intelligit, qua filius Dei ab omni æternitate a patre genitus est: quam dum explicat, repetit eam Trinitatis demonstrationem, cuius antea iniiecimus mentionem. Per secundam natiuitatem sapientiam creatam, verbum creatum, veritatem creatam, vitam creatam & ceteras perfectiones finitas vnitas esse & coniunctas cum infinitis. Nimirum hoc nifallor est, quod Cabbalistæ etiam docent, ex quibus sua hausisse videtur Postellus. Mentem illorum ita edisserit Henricus Morus in Expositione Visionis Ezechielis siue Mercaur, quæ extat Tom. I. Opp. Philos. p. 482. *Animam Messie in mundo Aziluthico tantum profecisse, & tam arcto amore ac vnione cum diuino intellectu siue aeterno logo coaluisse, vt tandem summo plane gradu Aziluthico vel potius hyperaziluthico & si scholastice loqui liceat hypostatico cum eo vnitus esset, adeo vt anima Messie vel diuinus logos vna fieret* פֶּרַצְרִי i. e. vna persona (vt anima & corpus vnus homo) quæ recte appellanda esset filius Dei. Per tertiam nati-

vi-

vitatem Christum hominem factum asserit, eamque sine opera masculi fieri debuisse dicit per suum spiritum iam olim a Deo productum, & mobiliter de cœlo descendentem, carnemque nostram in anima & corpore ex purissimo sanguine & harmonia Virginis decerptam, assumendo. Quod autem talis natiuitas iterum rationi non repugnet prolixius probare annuitur *p. 117*. Quartam natiuitatem constituit ipsam sacrosanctissimam, ut loquitur, synaxeos confectionem seu factitationem, in qua sola sit ipse Iesus pure & sine ullis exterioribus accidentium inuolueris per solum verumque substantiæ modum. De modo singularum originum aut natiuitatum in sequentibus multa subtiliter & obscure disputat: sed id tamen præcipue tum in hoc libro, tum alibi quoque, innuere videtur, Spiritum Christi esse spiritum mundi & totius vniuersi rerumque omnium semen, a quo ut facta sunt omnia, ita & per eundem omnia esse tum in spiritualibus tum in naturalibus restituenda. Notissima hæc est theosophiæ ac cabbalisticæ philosophiæ hypothesi, in scriptis etiam Postelli fere regnans.

§. VIII. Memoratu quoque digna est Guilielmi Postelli sententia de Alphabeto cœlesti, pluribus exposita a Iacobo Gaffarello in *Curiositatibus inauditis c. XII. §. V. p. 268*. Etenim

tenim cum isEbræos veteres ceu peritissimos admodum callentissimosque artis characteres in cælo descriptos legendi & interpretandi, & modernos etiam quosdam non plane rudes eius artis professus esset, inter hosce tamen Postello nostro palmam tribuit. Affert ad illud comprobandum verba Postelli ex commentario eius in librum Iezirah : *Si dixerō, inquit ibi, me vidisse in cælo in ipsis linguæ sanctæ characteribus ab Esra primum publice expositis ea omnia quæ sunt in rerum natura constituta, ut vidi non explicite, sed implicite, vix vllus mibi crediderit, tamen testis Deus & eius Christus, qui non mentior.* Recte autem coniicit Gaffarellus, Postellum hanc artem vel hæc commenta, potius ab Arabibus accepisse. Certe Postellus in eodem commentario in librum Iezirah testatur, apud Ismaelitas maxime huius artis se deprehendisse vestigia. *Decreti itaque sunt, inquit, demum delineati suisque figuris adumbrati igne diuino in aquis cæli scilicet expresso, sancti characteres & tanta virtute in cælis expressi, ut possit etiam futurorum veritas haberi, cuius scientie adhuc vestigium in Monacho ex multis aliis Ismaelitarum ciuitatibus, licet sint apud eos admodum deprauata & adulterata figura sanctæ.* Ex his itaque fontibus cum ista hausisset Postellus, ut arcana hæc eo feliciori cum successu cum Europæis communicaret, librum suum

de *configuratione signorum cœlestium* scripsit, in quo demonstrare annisus est, constellationes cœlestes non animalium, sed figurarum quadratarum potissimum species repræsentare, indeque sibi persuadebat figuras illas facile pro litteris hebraicis habitum iri, quod pleræque earum ad quadratam figuram accedant. Refert id Gaffarellus qui & hoc addit, hoc tractatu præmissio animum fuisse Postello telam quam exorsus erat in commentariis suis super Zohar pertexere, atque hæc scripturæ cœlestis arcana penitus manifestare: *In quibus, ita loquitur Gaffarellus. cum tot recondite eruditionis specimina præter ea edidisset, ut ex libris eius impressis videre est, non mirum quod tanta cura eius operis editionem heredibus commendaret.* Nos nec commentarium Postelli in librum Iezirah, nec librum eius de configurationibus signorum cœlestium vidimus: an etiam commentarius eius in librum Zohar prodierit, nescimus: accepimus tamen a viro fide digno in Anglia apud Medicum quendam varia opera M^{sta} Postelli latitare. In catalogo Bodleiano allegatur signorum cœlestium vera configuratio & significationum expositio: Parisiisque ibi editus dicitur. A. 1553. in 4to.

§. IX. Is quem sæpius laudaui Iacobus Gaffarellus hanc sententiam de Alphabeto cœle-

cœlesti nescio serione an ingenii ostentandi gratia, certe vt omnia, magno eruditionis apparatu defendit. Imo vt defenderet, auctor illi exemplo suo fuit Postellus noster, si credimus *Georgio Michaelis in notis ad Gaffarellum*, in quibus quicquid potuit eruditionis ostentandæ causa congescit. Sed pleraque sine iudicio. *Guilielmus Postellus*, inquit p. 456. *Gaffarello nostro imposuit, qui ex Arabibus huiusmodi nugas de characteribus cœlestibus compilauit, & orbi doctiori quem pueriliter credulum præsumerat, obtrudere voluit.* Affert ad hoc comprobandum verba Postelli ex commentario eius in librum Iezirah, sed eadem quæ iam protulerat Gaffarellus, vnde facile hoc labore supersedere potuisset. Sed Gaffarellus tamen præter varias Ebræorum doctores laudat *Captionem* quem primum in seculo barbaro de hac arte aliquid disseruisse autumat. Addit huic *Mirandulanum Comitem*, cuius inter problemata qu. LXXIV, hoc quoque legatur: *utrum in cœlo sint descripta & significata omnia scienti legere?* His porro *Cornelium Agrippam*, *Pierium Valerianum*, *Vignesium*, *Borellum*, *Robertum Fluddium* subiungit: *Georgius autem Michaelis* illis annumerat *Cicum Esculanum*, & quod de Roberto Fluddio dixerat, Gaffarellus, vltius confirmat.

§. X. Ex his itaque patet non fuisse solum Postellum qui eiusmodi quid orientalium populorum disciplinam secutus asseruerit; consentientes enim hac in re secum habet alios clarissimos & ingenio doctrinaque præstantissimos viros. Sed si de re ipsa quid sentiam, mihi dicendum esset, oppido quidem ieiuna, imo ridicula fere videtur illa argumentandi ratio, qua Gaffarellus vtitur ad euincendum, iam in Scriptura S. huius artis occurrere fundamenta, & prophetis sanctissimisque gentis Israeliticæ viris exploratam eam fuisse atque perspectam. In Scriptura sacra nimirum cum cælum liber vocetur, vt *Esa. XXXIV. 4. complicabantur sicut liber cæli*, concludit, cum liber non sit sine literis & characteribus, cælo quoque litterarum figuras atque characteres inscriptos esse. Nul- lum quoque mihi dubium est, quin Origeni, Augustino, aliisque perperam hanc sententiam tribuat. Ex eo enim quod docent ex astrorum positu atque configuratione futurorum documenta capi posse, nondum statim sequitur eos existimasse pictas in cælo esse litterarum figuras atque characteres. Sed pluribus forte hæc discusfit qui Gaffarelli librum ex instituto, teste *Petro Balio in v. Gaffarellus, refutauit, Sorellus* Georgium n, Mi-

enim Michaellem sedulo hoc egisse nemini dubium esse potest.

§. XI. Existimo tamen diligentiorē rem istam mereri inquisitionem. Gaffarellus causam prodidit, bona miscendo malis, certa incertis. Georgius Michaelis quicquid carpit ac refutat, ideo refutat, ne nihil refutasse videatur. Postellus, Gaffarellus ceterique ex æquo illi vapulant. Sed quicquid huius sit, litterarum characteres ac figuras in cœlo concipere, æque mihi facile videtur, quam nescio quas animalium hominumque figuras. Certe lineæ & figuræ Mathematicæ, quibus fere Alphabetum Hebræum respondet, longe conuenienti9, vt ego puto, ad aliquid significandum adhibentur, quam imagines animalium & aliæ quæuis figuræ arbitrariæ. Porro istæ figuræ Astronomorum Græcis, ni fallor, originem debent. Idque vel inde constat, quod in plerisque mythologiæ Græcanicæ rudera atque vestigia lateant. Ast in fiderum scientia rebusque omnibus traditioni quæ innituntur, orientalibus plus tribuo quam Græcis. Purior enim apud illos mansit traditio quam apud hos. Antiquissimi nimirum mortalium a primis parentibus cum multa aliâ, tum de fiderum quoque vi, efficacia, & significationibus nonnulla sine dubio acceperunt. Hæc autem,

ut eo felicius propagarent, figuras quasdam & characteres literarum ex fiderum positu resultantes animo conceperunt. Deinceps cum in varias gentes diuisum esset humanū genus, propagata cum aliis artibus fideralis quoque scientia fuit, sed ut quælibet gens pro libitu alios ad idem significandum adhiberet characteres. Sic Arabes litteras Arabicas pro Hebræis substituerunt, Græci imagines bestiarum & hominum; quos & reliqui Europæi hoc in capite secuti sunt. Ast quo crebriores fuere istæ mutationes, quas fiderum scientia subiit, eo facilius corrumpi etiam & deprauari potuit, cum qui varia signa excogitarunt, aut non satis assecuti sunt valorem & genuinam priorum signorum significationem, aut alia substituerunt, quæ non satis vim priorum signorum exprimerent. Ergo si quid certi statuendum est de efficacia & significatione fiderum, ad eos recurrendum apud quos purior hæc doctrinæ pars remansisse videtur. Dolendum vero quod antiquorum Ebræorum monumenta hæc aliaque philosophiæ priscæ capita exhibentia, ad nos non peruenerint. Scripta enim Rabbino- rum quæ hodie extant hoc equidem indicant, priscis Hebræis in pretio fuisse Astronomiam & Astrologiam, longeque aliam in hisce disciplinis tractandis eos tenuisse rationem

nem, quam nos qui Græcorum vestigia premimus: sed tam leuia sunt ista veteris sapientia quæ apud eos comparent, rudera, tot, insuper commentis fœdata, tot ambagibus obscurata, vt vix certi quid & firmi hac de re ex iis hauriri queat. Equidem quod Gaffarello eique similes tradunt, cælum litteris ita conscriptum esse, vt ex illarum compositione formari voces rerum omnium indices queant, a ratione alienum est, nec vllò idoneo argumento comprobatur, Ebræos veteres simile quid vnquam docuisse: ast quod pro figuris animalium alios adhibuerint characteres, & iis siderum efficaciam & significationes indicauerint, id cum ex Iudæorum commentariis hoc colligere liceat, & a ratione etiam, non alienum fit, cur admitti nequeat, nullam plane video causam.

§. XII. Quemadmodum autem Postellus pleraque in quibus seorsim ab aliis abiit, ex Iudæorum philosophia Cabbalistica accepit, ita ex eadem etiam hausit sententiam de mundo sex annorum millibus duraturo. Neque hoc diffitetur, sed innuit aperte in libro cui titulum fecit: *Alcorani seu legis Mahometi & Euangelistarum concordia*, vbi p. 117. & sequentibus hanc sententiam defendit: *Referunt, inquit, vetusti & qui ante tempora Christi scripsere Mystici Hebræorum Doctores, quos Cab-*

balistas vocant, Eliam diuinitus inspiratum hominem a spiritu accepisse posterisque tradidisse, mundum sex annorum millibus duraturum, bis mille annis sub naturali & deprauata hominum natura, bis mille sub emendatoria lege, & totidem sub instauratione i. e. sub Christo. Duae periodi inuentutis & virilis consistentisue ætatis iam conueniunt dictis Elie. Si enim veritatem Ebraicam sequamur, anno circiter bis millesimo Abramus a Deo est inspiratione ad emendationem nequitie humane inuitatus, cui data est legis diuina promissio & arrabo. Ab eo ad Christum sunt paulo minus bis mille anni, unde conicere licet, cum veritatem duobus illis temporum articulis attigerit Elias, etiam tertio loco verum prædixisse. Multis porro rationibus adducor in eam sententiam, quas subiungere illi prophetice non pigebit &c. Disputatum de hac sententia varie fuit inter eruditos. Ego si meum quoque mihi interponere iudicium liceat, hanc sententiam ita comparatam censeo, vt nec reiicere eam nec approbare proum sit. Multæ pro ea pugnant rationes, verosimiles equidem tantum, fateor, non apodicticæ interim neutiquam contemnendæ. Etenim 1) ab antiquissimis iudæorum hæc sententia promanauit, qui sine dubio eam a maioribus suis hauserunt. Certe vt aliquid quicquid demum sit, occasionem tam constanti gentis Ebrææ traditioni præbuerit

buerit, necesse est. 2) id cumprimis notandum, aduersari hanc sententiam e diametro sententiæ Iudæorum de aduentu Mesfiæ adhuc expectando. Vnde omnis suspicio corruit post Christum demum natum eandem excogitatam esse. Quis enim crederet Iudæos eidem adstipulatueros fuisse, nisi nonnulli, ob continuatam, & a maioribus per multa secula ad se vsque propagatam traditionem velut necessitatem quandam illi subscribendi sibi impositam esse vidissent. Accedit 3) quod a multis veteris ecclesiæ doctolibus eadem fuerit approbata, vt a Iustino Martyre, Irenæo, Lactantio, Hilario, Hieronymo, Augustino aliisque quos allegat *Otto Casmannus in Cosmopæia & Vranographia Christiana c. V. quest. VII. p. 242.* qui tamen vt eandem suo calculo approbaret, a se impetrare non potuit. Scio equidem veritatem ex testimonio Patrum non esse æstimandam, ast hoc quoque scio, in iis quæ ad traditionem pertinent, eorum testimonia non esse negligenda. Hoc enim inde saltem euincitur, antiquissimam receptissimamque apud Iudæos pariter ac Christianos esse hanc traditionem, de mundo 6 mille annis duraturo. Præterea autoritas patrum apud illos, quibus veneranda valde videtur, hoc efficiet, vt multo tolerabiliorem hunc Postelli errorem, si

modo error est, censeant, quam si solus aut saltem recentioribus aliquot, heterodoxias itidem suspectis, stipatus, hanc sententiam defendisset. Ineptum vero plane est, quo se nonnulli deterreri patiuntur, quominus huic sententiæ subscribant, quod Christus nos ignorare voluerit diem extremi iudicii, & quo destruenda sit hæc mundi quam conspicimus, moles. Etenim ista quam innuimus traditio, generales saltem oeconomiae diuinæ periodos designat. Iam cum temporum rationes valde obscuræ sint & impeditæ, præsertim si ad momenta specialiora descendamus, incertus nihilominus & incognitus nobis manet dies ille qui finem huic nostro, quem inhabitamus, orbi allaturus sit. Rursus alii, ne quid desit quod obiciant, hoc ipsum incertas scilicet impeditasque temporum rationes obtendunt, itidem non expedientes posse omnes chronologorum dissensiones contentionesque cum hac traditione consistere, quippe quæ generatim periodos saltem regni diuini nos conducet. Et quid si dicerem Chronologorum dissentientium systemata ad hanc ipsam traditionem esse emendanda? Nihil sane assererem quod non multis comprobare possem rationibus. Rursus instant, Cabbalistas traditionisque huius defensores non inter se con-

fen-

sentire : aliis sex, aliis septem mille annis mundum duraturum asserentibus, quod perinde est ac si dicerem, nonnullos Sabbathi diem ex numero dierum reliquorum eximentes affirmare hebdomadem sex constare diebus, alios autem eum addentes, affirmare septimum esse hebdomadis diem, & contenderem hos ita inter se dissentire, vt conciliari nullo modo possent. Et eiusmodi tamen similibusque argumentis pugnat *Georgius Michaelis in notis ad Gaffarellum* p. 175. hoc nomine tamen laudandus, quod Rabbinorum aliorumque Auctorum huic opinioni patrocinantium testimonia diligenter conuectaverit. Videri & ipse *Gaffarellus* poterit *cap. II. §. VI. p. 44.*

§. XIII. Denique inter singularia Postelli placita referenda quoque est eius sententia de speranda rerum omnium restitutione. Christianus Gottlieb Kochius dum in ἀποκαταστάσεως solida & orthodoxa, vt vocat, expositione Sect. I. Art. III. ἀποκαταστάσεως defensores tum veteres tum recentiores recenset, nec Postelli obliuiscitur, sed mentem eius hac de re ex libro cui titulum fecit *absconditorum & constitutione mundi clavis* ita complectitur: Postquam inquit, de creatione non,, nulla dixerat, quatuorque ecclesiæ ætates,, pueritiam nempe, iuuentutem, virilem æ-,,
ta-,,

„tatem & senectutem finxerat, pergit nu-
 „gando, eiusque senectuti non solum o-
 „mnia bona cumulata adscribit, sed etiam
 „restitutionem & tempora refrigerii pro-
 „mittit, in quibus quicquid per Adamum
 „amissum erat, posterius eius cum fœnore re-
 „cipiunt, ita ut reuera non sicut delictum
 „ita & donum, sed omnes in hac vita docibi-
 „les Dei quod nondum factum, longe latius
 „patentem ecclesiam & Spiritus S. gratiam
 „quam vulgo putatur, efflagitent. Siqui-
 „dem Deus omnes omnino homines ex to-
 „to terrarum orbe nullis exceptis saluos fieri
 „velit, ad quam voluntatem exsequendam,
 „opus erat mediatore Deo & homine, ut si-
 „cut summum bonum est, ita & bonitatis
 „lege omnino dispensabili & ad nostras mi-
 „serias accommodata esset, perfecta que pec-
 „catorum remissione, mors a peccato orta
 „destruatur & aboleatur, quippe quæ non
 „nisi victa destructaque morte obtineri po-
 „test. Quæ omnium hominum salus o-
 „mnino necessaria est, ni maximus & primus
 „spiritus baptismus ipseque sacramentorum
 „usus esset frustraneus, quæ Christus omni-
 „bus omnino populis præter Synaxin, in la-
 „tenti dat, hanc autem resurrectioni reser-
 „vat. Quæ piorum multis ante iudicium
 extremum seculis principio nouissimi diei,
 sed

sed longo interposito spatio, Sabbatho nempe Sancto fiet, in qua adhibito omni humanæ carni non antea communicatæ sacro-, sancti corporis & sanguinis sacramento, in, vnum summa & ima ad gloriam Christi &, Dei in inferioribus concurrat usque ad extremum iudicium ita quidem vt Pater filium suum in inferioribus prius agnosci & ab, omnibus eius crucifixoribus in loco supplicii plangi colique, quam sibi Christoque sibi subiecto æternam laudem dari velit., Posthæc perfecta omnium piorum vna fiet, communio, non tantum in bonorum meritum a Deo datorum participatione sed &, in corporis Christi perceptione, impios autem certissima manet extirpatio, quorum, vt Esau, Amalec &c. spolia Deo eiusque, cultui dicare æquum est. Meritis autem, piorum in vnum cumulum congregatis, vnus in orbe erit Pontifex, imperator, dux, Iudex primarius instar Adami, cuius sedes, est vbi Christus fuit, vna lingua, vna mens, vnus cultus, vnus solus per Iesum adorabilem Deus. His tandem finitis die octauo, vita appropinquat æterna, quæ licet in sabbatho iam æterna sit, nondum tamen immortalis fuit. Hæc Postellus & ex eius mente Kochius quæ tamen obscuriora fere sunt, quam vt liquido de eius mente constare inde

de queat. Hoc satis inde liquet, cum ἀ-
 ποκατάστασις inquamdam asserere: neque id mi-
 rum cum ex Iudæorum philosophia, cui peni-
 tus addictus fuit Postellus, hæc quoque sen-
 tentia fluxerit, fatente quoque Kochio & ad
 Menasse h ben Israel prouocante. Video
 tamen alibi Postellum hanc sententiam rei-
 cere, saltem æternas improborum pœnas di-
 ferte adstruere. Operæ pretium fuerit pro-
 ferre hac de re locum ex libro eius de *ratio-
 nibus Spiritus S.* vbi l. I. cap. VIII. ita disse-
 rit: *Pœnas esse propositas perniciosis huius mundi
 cinibus si quis negat, is Deum negat. Eum enim
 iniustum facit qui eos homines qui in naturæ to-
 tius perniciem aliorumque hominum & maxime
 bonorum cladem fuere semper intenti, inultas re-
 linquat. Ille homo necessario est immortalis, ne-
 cessario etiam loco nequitia ex animo amata æter-
 nas iunget eternitati suæ pœnas. Nam alioque
 nulla esset iustitia Dei, nec esset præstantissimus,
 cui æternæ iustitiæ usus deesset. Non potest ita-
 que fieri ut moderatio Origeniana usquam contin-
 gat. Nec potest habere locum impietas Almari-
 ci & aulicorum Ceneuangelistarum ullum infer-
 num esse negantium. Nam negant esse Deum &
 demones & peccatum & malos ullos, cum non esse
 Deo iustissimo ultionem dicunt. Non tantum
 hic pœnas æternas impiorum adstruit, sed
 Originem etiam & alios secus sentientes re-
 fellit. Quæ qua ratione inter se conciliari*

possint non video, nisi dicamus *clauem absconditorum* prodiisse demum post hosce de rationibus Spiritus S. libros, suamque adeo Postellum ut in aliis quibusdam, ita in hoc quoque capite mutasse mentem. Certe si stilum & contenta libri de rationibus Spiritus S. considerem, facile ut hoc credam adducor, quibus accedit animus commotior in protestantes quos Ceneuangelistas vocat, quem in hoc quoque libro prodidit. Interim post eius reditum ex itinere orientali eum scriptum esse, ex his eius quæ statim subiicit, colligitur verbis: *Ego antequam adirem partes orientis, conueneram ceneuangelistas primarie fame & potentia quorum infernus erat tum in animo, sed cum rediissem omnino euannerat.*

§. XIV. Si ergo nunc tandem quæras, quid de Postello sentiendum sit, paucis ita habeto: Fuit Postellus citra controuersiam probus & honestus scelerumque purus, & qui Atheismi suspicionem non nisi apud imperitissimos aut summe maleuolos rerum suarum existimatores subire poterat; fuit etiam excellenti, ut omnes fatentur, ingenio præditus, penetrauitque in intimos orientalis philosophiæ recessus, cuius multa in scriptis suis prodit arcana: idem tamen ob summam ingenii vim interdum iudicii expertus est defectum, imprudenterque ex orientalium sci-

tis

tis arripuit & infeliciter cum Christianorum scitis coniunxit quæ accuratiori prius subii- cere examini debuisset. Errores varios & paradoxas opiniones in eius occurrere scri- ptis nemo inficias iuerit, quo ipso tamen fa- tum omnibus magnis ingeniis commune ex- pertus est. Atque ad excedentem imagi- nationis impetum illud quoque refero, quod reuelationes interdum & angelorum com- mercia commemorat, vtpote cum in libro de *Natiuitate Mediatoris* se myſteria quædam ab Angelo Raziële, quem & Adami præcepto- rem faciunt Ebræorum magiſtri, edoctum eſſe profiteatur. Conceptuum præterea, qui- bus ingenium eius abundabat, copia & re- rum, quas ex multorum librorum lectione hauſerat, multitudo obſtabat, quominus or- dine & diſtincte cogitationes ſuas propo- neret, indeque inſuperabilis illa obſcuritas, quæ in plerisque eius ſcriptis deprehenditur, orta eſt.

§. XV. Hæc jam ſcripſeram, cum in manus meas inciderent epiſtolæ Richardi Simonis, in quarum XXI. cum de Poſtello ex institu- to diſſerat, nonnulla, quæ ad hætenus dicta aut illuſtranda aut confirmanda, aut ſup- plenda etiam ea, quæ forte a nobis præter- miſſa ſunt, facere videbuntur, paucis decer- pemus. Primo itaque refert, a variis hære- ſeos

feos illi notam inuſtam eſſe, & hoc nomine etiam ex decreto Iudicii inquisitionis, quod Romæ eſt, in carcerem eum coniectum fuiſſe: deinceps tamen a Venetis inquisitoribus cum ſe ſponte ſua ad purgandum ſe ab obiecta hæreſi ſtitiffet, pro homine mentis non ſatis compote, minime autem hæretico fuiſſe declaratum. Conſentiunt hæc cum iis, quæ obſeruat. prior. §. 1. commemorauimus. Auctor autem ex ipſa Poſtelli apologia, quæ manuſcripta Pariſiis in bibliotheca Regia extet, vltorius hæc confirmat. Et hanc quidem apologiam eum compoſuiſſe docet, vt accuſationibus cuiusdam Matthæi Antonii ſub quo nomine Viretum latitare ſuſpicatus ſit, obuiam iret, in qua tamen ſubinde ſua placita denuo defendat, tantum abeſſe vt obiecta diluat. Præcipuum eius errorem eum fuiſſe contendit, quod cum Gnoſticis Apoſtolos pro hominibus rudibus & literarum expertibus habuerit, ſibi que perſuaſerit, ſe naturali rationis uſu omnes omnino homines multum ſuperare. Ex verbis Poſtelli, quæ Simonius adducit putes, hæc eum velle, Apoſtolos fide donisque gratiæ reliquis omnibus præſtare, aſt exiſtere tamen poſſe, qui donis naturalibus uſuque rationis Apoſtolos vincant. Hinc & illi cum primis propoſitum fuiſſe reducere orbem vniuerſum

sum ad verum vsum rationis. Hunc in finem etiam A. 1544. eum ad Jesuitarum se contulisse societatem, vt hac ratione eo facilius voti sui compos fieret: miraturque Auctor, Ignatium Lojolam hunc hominem per multos annos inter suos tolerasse. Hæc autem, quæ de vfu rationis naturalis revocando Simonius observavit, rursus confirmant ea, quæ & nos supra §. 6. jam iudicauimus, institutum Postelli præcipuum fuisse Christianorum dogmata ex ratione demonstrare, & ita ductu rationis omnes a Christiana religione dissentientes, nostræ doctrinæ veritatem conducere. Pergit Simonius ad Virginem Venetam & elogia, quibus Postellus eam cumulavit, refert, dicitque impressum eum librum Parisiis esse A. 1553. quo in loco multos sui admiratores habuerit Postellus. Matthæum istum Antonium occasionem hinc arripuisse addit, obiiciendi Postello, quod exemplo Muhammedis, Apollinis, Numæ, cum matre Iohanna nouam cudere vellet religionem, quod tamen ita a se amolitus sit Postellus, vt sancte testatus sit, nihil vnquam eiusmodi in mentem sibi venisse: Iohannam insigni rationis naturalis vfu fuisse præditam, ab ea se plurima edoctum, nihilque amplius sibi constitutum esse, quam argumentis ex ratione depromptis debellare

dis-

dissentientes a religione christiana, & ad huius veritatem agnoscendam eos adigere. Fatur autem Simonius, se nullibi in scriptis Postelli inuenisse quod asseruerit, Iesum Christum tantum mares saluasse, Iohannam autem esse redemptricem fœminarum, quod tamen multi audacter Postello imputant: imo diserte negare Postellum, quod vnquam asseruerit, fœminas a Christo non esse redemptas. Nec tamen dissimulat occurrere in eius scriptis nonnulla, quæ eo trahi queant. Atque hoc etiam est, quod & nos docuimus supra §. IV. Sed cum primis placet quod porro docet Simonius, vnde fabula quod Postellus videri voluerit, ac si a mortuis resurrexisset, quam & nos observ. l. §. I. attigimus, orta sit. Nimirum & Matthæus ille hoc illi obiecit, vt imposturæ conuinceret. Ast respondit Postellus, se quidem dixisse, quod resurrexerit, ast non a mortuis, sed ab errorum prauarumque opinionum tenebris, postquam præeunte Iohanna, maiori quodam lumine intellectus sui persusus sit. Resurrectionem itaque metaphoricam mentis, non propriam corporis Postellus indigabat. Atque hoc dum refert Simonius ὡς ἐκ παρόδου simul addit, agnouisse tandem Postellum, quod in laudanda euehendaque Iohanna ista, modum excefferit. Philosophiam

Postelli ex Averroistica, Platonica & Cabbalistica Iudæorum compositam fuisse pronuntiat, quæ interdum in errores eum induxerit. Extare quidem in bibliotheca Regia retractationem eius, ipsius manu scriptam, ast non omnia dogmata sua eum retractare, sed quædam, cum primis sententiam de sapientia creata seu anima mundi acriter defendere. Ex quo rursus intelligitur, quousque admittendum sit, quod §. II. ex Ræmundo attulimus, eum bona fide Ecclesiæ Romanæ dogmata iterum esse amplexum, simul confirmatur, quod §. VI. autumavimus, inter præcipuas eius hypotheses, hanc fuisse, animam Christi ante conditum mundum creatam, & cum τῷ λόγῳ unitam esse. Quæ Postelli de trinitate personarum mens fuerit, indicavimus in observ. prior. §. XI. XII. Nempe, quod eam adeo non negaverit, ut ex ratione etiam demonstrare annisus sit. Idem observat Simonius; sed addit tamen, cum subinde paradoxa huic dogmati admiscere, asserendo præter Trinitatem intelligentiam quandam, quæ omnes humanas & angelicas intelligentias complectatur. Forte per hanc intelligentiam nihil aliud designat, quam animam Messæ, quam & animam mundi esse statuit, qua de re iam supra dictum. Hæc & alia minime probantur Si-

monio, qui tamen negare nequit, multa scitu dignissima in Postelli scriptis occurrere. Primum eum inter recentiores fuisse dicit, qui Samaritanorum & Pentatevchi Samaritani iniecit mentionem. Per eum etiam innotuisse sectam Caraitarum, quæ inter Iudæos est. Franciscum I. Galliarum Regem eius opera ad MSta orientalia conquirenda vsum fuisse. Ferdinandum Imperatorem, tum quidem Regem Romanorum Viennam eum euocasse ad Academiam Viennensem pristino vitori restituendam, & ad N.T. lingua Syriaca edendum. Namque Postellum primum exemplum N.T. Syriaci ex oriente iecum attulisse. Imo & euangelia Arabica eum ex oriente attulisse, quæ ab eo conficta esse Geneuenses equidem asseruerint, at perperam. Causam Postelli diserte hic agit Simonius. Vt vero isti imposturæ perperam reum egerunt Postellum; ita non minus peccauit, vt recte idem Simonius docet, cum asseruit librum de tribus impostoribus Cado-mi a Caluini discipulis editum fuisse. Certe acerbior, quam decebat, in Protestantes eum fuisse iam in observ. prior. demonstravimus. Finit epistolam addito epitaphio Postelli :

Postellus postquam peragrauit plurima
passus

Propietate polos Parisiis petit

Obiit 6to Septembris 1581.

Mærens ponebat Adrianus Tertrier ,
Medicus.

§. XVI. Non abs re fuerit, librorum Postelli, qui ad nostram peruenerunt notitiam, hic subiicere catalogum :

De Magistratibus Atheniensium. Basileæ ex officina Io. Oporini A. 1543. in 8.

De orbis terræ concordia, duas vidi editiones, vnā in folio, alteram in 8, vtramque sine loci & temporis mentione.

Alcorani seu legis Mahumeti & Euangelistarum (Euangelicorum) concordia liber, in quo de calamitatibus orbi Christiano imminuentibus tractatur : additus est libellus de vniuersalis conuersionis iudiciue tempore, & intra quot annos sit expectandum, coniectatio, ex diuinis ducta auctoribus veroque proxima. Parisiis A. 1543. in 8.

De rationibus Spiritus S. Parisiis A. 1543. in 8.

Sacrarum Apodixeon seu Euclidis Christiani libri II. Parisiis A. 1543 in 8.

De Etruriæ regionis quæ prima in orbe Europæo habitata est, originibus, institutis, religione & moribus, & imprimis de aurei seculi

culi doctrina & vita præstantissima, quæ in diuinationis sacræ usu posita est. Florentiæ A. 1551. in 4.

De Natiuitate mediatoris ultima nunc futura & toti orbi terrarum in singulis ratione præditis manifestanda, opus in quo totius naturæ obscuritas, origo & creatio ita cum sua causa illustratur exponiturque, ut vel pueris sint manifesta quæ in Theosophiæ & philosophiæ arcanis hætenus fuere, auctore Spiritu Christi, exscriptore Guilielmo Postello, Apostolica professione sacerdote: sine loci ac temporis mentione, in 4.

Πανθενωσία Compositio omnium dissidiorum circa æternam veritatem aut verosimilitudinem versantium, quæ non solum inter eos qui hodie infidelium, Iudæorum, hæreticorum & catholicorum nomine vocantur orta sunt & vigent, sed iam ab admissis per peccatum circa nostrum intellectum tenebris fuere inter ecclesiæ peculiaris ac communis membra, scriptore Elia Pandochæo, sine loci & temporis mentione in 8.

Abconditorum a constitutione mundi clavis, qua mens humana tam in diuinis quam humanis pertinet ad interiora velaminis æternæ veritatis, Guilielmo Postello ex diuinis decretis exscriptore, una cum appendice pro pace religionis Christianæ, edi-

tore A. Franc. de Monte S. (Abrahamo de Franckenberg) Amstelodami A. 1646.

His porro ex catalogo Bibliothecæ Bodleianæ addi possunt.

De Phœnicum litteris seu de origine Græcæ & Latinæ linguæ. Paris. 1552 in 8.

Signorum cœlestium vera configuratio & significationum expositio Paris. 1553. in 4.

De Originibus seu de Hebraicæ linguæ æ gentis antiquitate, deque variarum linguarum affinitatē Paris. A. 1538. in 4.

Duodecim linguarum characteres & legendi ratio. lib. in 4.

De la republique & religion de Turcs & de l' Empire Turc, & l' Histoire de l' origine de Tartares, Persiens, Arabes, Turcs. ibid. in 4.

Liber de causis seu principiis & originibus Naturæ utriusque Ibid. A. 1552.

De Uniuersitate seu de Cosmographia præsertim Terræ S. lb. in 8.

Præterea a Clarissimo Arnolde in Historia Hæreseon Tom. I. p. 318 commemorantur

Liber de Monarchia.

Doctrina seculi aurei vel de Euangelio regni Iesu Christi Regis, gallice.

Liber de æterno Christi in inferioribus regno.

De

De VII. sigillorum libris ab agno apertis.

De ostio operto æterni mysterii.

De Euangelio æterno seu de naturæ & gratiæ coniugio.

Clavis scripturarum.

De formidando Eliæ aduentu.

De forma Eupolitiæ, seu opus reformationis ad aurei seculi vitam restituendam.

De Satanæ Monarchiæ destructione.

De filio perditionis.

Ipse tamen profitetur multos inter eos quorum ibi catalogum texit, nondum esse impressos, sed manu saltem scriptos ceu cimelia in bibliothecis asseruari.

OBSERVATIO XIII.

De

SORTIBVS SACRI CODICIS, VIRGILIANIS ET HOMERICIS.

SVMMARIA.

§. I. **N**oab sorte terrarum orbem diuisit inter liberos. §. II. Bocharto contradi-
centi respondetur. §. III. Ex ista sortium ra-
tione, diuinaria orta. §. IV. Sortes Virgi-
liane & Homericæ quæ. §. V. Virgilianarum
exempla. §. VI. Homericarum exempla. §. VII.
Inde Christianorum sortes orta, apostolorum
dictæ & sanctorum. §. VIII. Modus harum

R 5

for-

sortium quis §. IX. Psalterium & euangelia maxime euoluebant.. §. X. Libros etiam prophetarum. §. XI. Græci ligno in codicem inserto sortem capiebant. §. XII. Ex verbis diaconi quæ ex codice sacro legebat, sortes capiebant. §. XIII. Hasce sortes quoque in episcoporum electione adhibebant. §. XIV. Sortes quoque in episcoporum vita & factis consulebantur, quæ dicebantur prognostica. §. XV. Ipsi nouiter consecrati sortes capiebant. §. XVI. Prognosticon episcopato obtinuit apud Græcos. §. XVII. Clerici ab hac sorte dicti. §. XVIII. Mos hic a ritu imponendi consecrandis euangelia, ortus. §. XIX. Mos imponendi euangeliorum librum ab apostolorum temporibus male ducitur, eiusque ratio. §. XX. Obtinuit idem & in ecclesia Græca. §. XXI. Obtinebant & sortes in consecrationibus Canoniorum. §. XXII. Sortes per breuia quæ fuerint. §. XXIII. Interdictum hisce sortibus fuit per varios conciliorum canones. §. XXIV. Sortes in genere quomodo diuidantur. §. XXV. Sortes si sponte oblate adprobande sunt. §. XXVI. Sortes etiam quesitæ licitæ sunt, si modo rite consulte, quod ex Augustino probatur. §. XXVII.

Quid

*Quid ut fors iusta sit requiratur. §. XXIIIX.
Firmatur sortis iudicium auctoritate & ex
emplis sacra scripturæ. §. XXIX. Melius es-
set si tales sortes introducerentur iterum.
§. XXX.*

§. I.

Res antiqua est sortis iudicium eo tempo-
re nata, quo dominia distingui cæpe-
runt. Notum enim est ex sacris historiis,
dispersos fuisse in omnem terrarum orbem
Noachi posteros, quod sortis iudicio factum
fuisse adserere non dubitat Epiphanius *
dum ait: Νῶς γὰρ σωθεὶς ἀπὸ τῆ κατακλυσ-
μῆς καὶ ἡ αὐτῆ σύμβλητος σὺν τοῖς τρισὶν υἱοῖς
αὐτῆς, καὶ τρισὶ νύμφαις, μόνος διαμερῶν τὸν
πάντα κόσμον τοῖς τρισὶν υἱοῖς αὐτῆς τῷ Σημὶ
καὶ χαμ καὶ Ιάφεθ διέδωκε, βαλὼν τὰς κλήρας ἐν
ΡΙνοκορῶροις, ὡς καὶ ἡ ἀκολουθία ἔχει, καὶ ὁδὲν
κενόφωνον, ὁδὲ παραπεποιημένον. Noe a dilu-
vio cum uxore tribusque filiis, ac totidem nuri-
bus servatus, orbem terrarum universum solus inter
tres liberos, Sem, Cham & Iaphet partitus est, ia-
ctis apud Rhinocorurorum oppidum sortibus: uti
consentanea fama vulgatum est, cui nihil va-
num subest, aut temere confictum.

§. II. Contradicit quidem Bochartus, **
vero non esse simile putans, in certum locum

ex

* Heresi LXVI. §. 23.

** Phaleg lib. I. c. XVI.

ex pacto conuenisse, vt mundum sorte diuiderent, postquam linguarum diuersitas illos sibi mutuo barbaros reddidisset. Potius ergo credit, hanc secessionem factam fuisse impetu quodam *Θελάτω*, illo ipso spiritu, qui nouas linguas inspirauerat, eodem agente arcano motu in orbis partes remotissimas. Sed licet in eo quod Rhinocoruram definit Epiphanius, eidem non adsentiamur, cum eandem urbem in Aegypti & Syriae confiniis sitam, longe post hæc tempora fuisse conditam ex Diodoro Siculo constet, forsitan tamen in regione non aberrat, certe ad patrum traditionem se refert. Neque hoc sortis iudicium post confusionem demum linguarum factum fuisse sequitur, sed statim post diluuium factum innuit Epiphanius. *Nōs enim inquit, σωθεὶς ἀπὸ τῆ κατακλυσμῆ βαλὼν τὰς κλῆρας.* Licet enim gentium dispersionem post linguarum confusionem demum fuisse factam certum sit, illud tamen sortitionem ante factam non excludit. Sortitio post diluuium statim facta, post confusionem uero secundum sortitionem dispersio. Nec per sortem hancce diuinæ derogatur directioni, cum & in sorte lateat *Θεήλατ*, quod exemplis multis ex sacris patet, & infra demonstrabitur pluribus.

§. III. Ex isto priorum temporum dominia distinguendi more sortem quoque posteriora tempora in familiæ herciscundæ & communi diuidendo iudicium introduxerunt. Atque ex ista ratione sortium vsus ortus est, definiendi hominum fata. Hæc enim hominum est insanes, ut de præsentī parum solliciti, in ea tantum inquirant, quæ futura. Ad hæc vtebantur gentes modis variis per tabulas, talos, mensam magicam, micabant digitis, euocabant animas & quæ alia sacra erant nefaria, de quibus alibi dictum.*

§. IV. Inter hæc non minimæ in vsu privatorum erant Virgilianæ atque Homericae. Moris enim erat, vt antequam rem aliquam adgrederentur de euentu quis futurus, solliciti Homerum atque Virgilium pœtarum patres, euoluerent, ex uersibus qui primo statim intuitu obueniebant, iudicium sumentes ad propositum, quam diuinationis speciem σοιχειμαντεΐαν, παψωδομαντεΐαν & παψωδομαντινὴν vocabant Græci.

§. V. Exempla huius sortilegii apud scriptores historiæ Augustæ reperimus varia. De Adriano quidem testatur Aelius Spartianus*, quod cum de Traiani erga se iudicio
fol-

* *Synagm. antiquit. Rom. de ritibus sacris cap. VI.*

p. 298.

* cap. II.

sollicitus esset, Virgilianas sortes consuluerit, forte ex Virgilii sexto Aeneadum ** ita excidente :

*Quis procul ille autem ramis insignis olivæ,
Sacra ferens? nosco crines incanaquementa
Regis Romani : primus qui legibus urbem
Fundabit, Curibus parvis, & paupere terra
Missus in imperium magnum.*

Quod Adriano præsagium imperii fuisse arguunt scriptores. Alexandro Seuero cum parentis hortatu animum a philosophia ad musicam aliasque artes traduceret, Virgilii versus imperium prædixisse putat Lampri-
dus. * Tales autem sunt ex eodem sexto Aeneidos. **

*Excudent alia spirantia mollius ara,
Credo equidem, viuos ducent de marmore vultu
Orabunt caussas melius : Cælique meatus
Describent radio, & surgentia sidera dicent.
Tu regere imperio populos Romane memento,
[hæ tibi erunt artes] pacique imponere morem.
Parcere subiectis & debellare superbos.*

Claudius Gothicus † cum de se sortes con-
suleret, incidit in versum Virgilii:

*Tertia dum Latio regnantem viderit æstas
nec ultra biennium imperavit: cum de po-
steris :*

His ergo nec metas rerum nec tempora pono.

At-

** E. 7. 98.

* c. ap. XIV. ** E. 837.

† Trebellius Pollio in Vita c. X.

Atque has Virgilianas sortes antiquos Gallos quoque fuisse imitatos testatur Stephanus Pascasius, ** qui & laborum vxoris parturientis finem, recens nati vitam atque fortunam eo modo se inquisiuisse profiterur, licet & ipse tali diuinationi nullam tribuat fidem.

.VI. Sic non minus utebantur fortibus Homericiis. Socrates quidem in carcere audiens recitari Achilleum illud apud Homerum:

ἡματί κεν τριτάτῳ Φτιὴν ἐρεβερτον ἐκοίμην,
Aeschini se post triduum esse moriturum, prædicebat. Brutus ††† de successu prælii Pharsalici sollicitus, in hunc Patrocli versum apud Homerum incidit:

Ἄλλὰ με μοῖρ' ὅλοη κ' λητῆς ἔκτανεν υἱὸς
Opilius Maerinus an ad imperium peruen-
turus, sciscitans, in hos incidit Homeri ver-
sus:

ὦ γέρον ἦ μάλα δὴ σε νέοι τέρρασι μαχηταί,
σύ δ' ἐβίη λέλγεται, χαλεπὸν δ' ἐγῆρας ὀπαί-
ζει.

Consulebant non minus aliorum poemata. Sic Onomacritus † ab Hipparcho Pisistrati filio Athenis eiectus fuisse dicitur, quod de-
prehensus fuerat inter Musæi sortes hanc et-
iam

** *Estienne Pasquier lettres à Mr. Bigot lib. II. p. m. 92.*

††† *Valerius Maximus lib. I. c. V. ex. 7.*

† *Herodotus Polymn. ε. VII.*

iam inferuisse, fore vt insulæ Lemno adiacentes mari submergerentur.

§. VII. Hunc gentium ritum moremque imitati fuere Christiani mediæ temporis; non quidem paganorum sequentes pœmata, sed sacrorum euoluentes codicem. Exempla huius rei apud ecclesiasticos scriptores extant varia. Vocabantur istæ sortes apostolorum. De quo Augustinus†; *Sors enim non aliquid mali est in dubitatione humana diuinam indicans voluntatem: nam & sortes miserunt Apostoli.* Et Petrus Blesensis ex Isidoro sortilegi sunt, qui sub nomine fictæ religionis superstitiosa quadam obseruatione rerum pollicentur euentus. Quod genus sortes apostolorum & prophetarum & diuidentium continet: inspectio tabellæ quæ Pythagorica adpellatur: obseruatio quoque cuiusque casus, id est rei de qua queritur significatione sub eo continetur. Adpellat Blesensis etiam sortes diuidentium, cum & sors mediæ æui scriptoribus diuisionem notet.†† Isidorus sortes sanctorum vocat ††† concilium item Agathense & Pœnitentiale Romanum.†††† In concilio Veneto * diuinationis scientia sub
no-

† Conc. II. Psalmi XXX.

†† origg. lib. VIII, c. IX.

††† Can. XLII.

†††† apud Rheginonem Prumiensem de disciplina ecclesiastica lib. II. c. CCCLVIII.

* can. XVI. vid. Henr. Linck, de sortibus sancti. c. II.

*nomine conficta religionis per sanctorum sortes dicitur. Rationem adpellationis ex Beda & Torreblanca variam adducit Henricus Linckius: * mihi videtur potissima, quod ex inspectis sanctorum atque apostolorum libris ita fuerint denominata. Id quod etiam probat Petrus Blesensis, ** qui eas sic dictas ait, vel quod Pauli apostoli epistola, vel quod euangelii ab apostolis descripti codices inspicerentur, vel denique quod ab apostolis missas sortes constet.*

§. VIII. Modus fortis talis erat, ut si de re aliqua dubii essent, de voluntate Dei, vel etiam de futuris fatis solliciti, ad ecclesiam vel sepulcrum sancti cuiusdam pergerent, preces ad Deum mitterent, ut voluntatem suam ipsis declarare velit, sæpe & missæ præmitterent solennia; atque tunc aperto sacro codice, ex verbis primo loco obuiis auspici-um caperent, quod de voluntate Dei interpretabantur. Videmus id in vita S. Confortiæ virginis, * ubi dicitur: *si vultis, pergamus ad ecclesiam, agatur missa, ponatur euangelium super altare, & communi oratione præmissa, codice patefacto, inspiciamus Domini voluntatem ex illo Capitulo quod primum occurrerit.*

(4)

S

§. IX.

* Henricus Linck de fortibus sanctorum cap. II. §. 2.

** apud Carolum du Fresne Soc. sortes sanctorum.

* cap. IX.

§. IX. Libros quos euoluebant, psalterium præ cæteris erant atque euangelia. Andronicus quidem senior, * cum Constantinum Despotem in carcerem coniecisset, & nunc quid agendum, dubius hæreret, psalterium aperuit, decisionem exinde quaerens, ἀντίξεν ἐκρίνε δὲ ἐν ψαλτηρίῳ τὸ πρόβλημα τῶν οἰκιῶν ἀποριῶν: cui statim oblatum est verius, *dum cælestis dissociat reges, niue conspergentur in Selmon.* Gregorius Turonensis, ** cum a Leudaste insidias multas aliaque mala experiretur, de seipso: *Hæc ego audiens, dum in domo ecclesiæ residerem mæstus turbatusque ingressus oratorium, Davidici carminis sumo librum, ut sci.licet apertus aliquem consolationis versiculum daret. In quo ita repertum est: eduxit eos in spe, & non timuerunt, & inimicos eorum operuit mare.* Euangelia autem aperuisse Heraclium testatur Cedrenus, * sortem ex iis petens an apud Albanos hybernaret, & inuenit ea sic concedere. Simile exemplum, nulla tamen addita scriptoris autoritate adducit Berneggerus, ** cuius hic adducemus verba: Langfranci in Cadonensi cænobio auditor Gandulphus cum condiscipuli ludendo dice-

rent,

* Nicephorus Gregoras lib. VIII. p. m. 162.

** Histor. lib V. c. XLIX.

* p. m. 412. ed. Paris.

** obs. histor-polit. XXVIII, p. 305.

rent, experiamur reuolutione foliorum (librum forte evangeliorum in manibus habebant) quis nostrum sit futurus episcopus? quis abbas? Gandulphus inuenit locum: fidelis seruus & prudens, quem Deus constituet super familiam suam. Waltherus vero: Serue bone & fidelis, intra in gaudium Domini tui. Tertio autem in minus gratum locum incidente, exortus est cachinnus, cuius causam, ubi Langfrancus, Cantuariensis postea factus episcopus cognouit, Gandulphum episcopum, Waltherum Abbatem, tertium vero sordidæ artis hominem futurum prædixit, cui prædictioni paullo post respondit euentus. Addit & aliud exemplum monachi Galli, qui verbis Apostoli monitus monasterium deseruit, veræ religionis gustum secutus.

§. X. In extremis necessitatibus, & quæ publicæ rei statum concernerent, ex omni sacri codicis parte, sortes petebant. Sic Gregorius Turonensis de Merouæo, quod, cum patris Chilperici iram experiretur, ad basilicam sancti Martini fugerit, * & cum Pytho-
nissa illi regnum prædixerat, cui adserto non credens, rei tamen incertus, *tres libros super sancti Martini sepulcrum posuit id est psalterii, Regum, Evangeliorum: & vigilans tota nocte, petiit*

S 2

vr

* hist. lib. V. c. XIV.

ut sibi beatus confessor, quid eueniret ostenderet, & utrum possit regnum capere, an non, ut Domino indicante cognosceret. Post hæc continuo triduo in ieiuniis, vigiliis atque orationibus, ad beatum tumulum iterum accedens, reuoluit librum qui erat Regum. Versus autem primus pagine quam reuerauit, hic erat: pro eo quod dereliquistis Dominum Deum vestrum, & ambulastis post Deos alienos, nec fecistis rectum ante conspectum eius, ideo tradidit vos Dominus Deus vester in manibus inimicorum vestrorum. Psalterii autem versus hic est inuentus: Veruntamen propter dolositatem posuisti eis mala: deiecisti eos, dum adleuarentur. Quomodo facti sunt in desolationem? subito defecerunt: perierunt propter iniquitates suas: In euangeliiis autem hoc est repertum: scitis quia post biduum Pascha fiet, & filius hominis tradetur ut crucifigatur. In his responsionibus ille confusus, flens diutissime ad sepulcrum beati antistitis, adsumto secum Guntheramno duce, cum quingentis aut eo amplius viris discessit. Hæc verba Turonensis. Aliud exemplum, quod Diuione contigit, idem narrat Turonensis: * Erat ibi, inquit, tunc sanctus Tetricus episcopus, positis clerici tribus libris super altarium, id est prophetiæ, apostoli, atque euangeliorum, orauerunt ad Dominum, ut Chramno quid eueniret ostenderet: aut si ei felicitas succederet, aut

* lib. IV. c. XVI.

aut certe si regnare posset, diuina potentia declararet. Simulque vnā habentes conuiuentiam, ut vnusquisque in libro quod primum aperiebat, hoc ad Missas etiam legeret. Aperto ergo primum omnium prophetarum libro, reperiunt: auferam maceriem eius, & erit in desolationem: pro eo quod debuit facere vnam, fecit autem labruscam. Reseratoque apostoli libro inueniunt: ipsi enim diligenter scitis fratres, quia dies Domini sicut fur in nocte, ita veniet. Cum dixerint, pax & securitas, tunc repentinus illis superueniet interitus: sicut dolores parturientis, & non effugient. Dominus autem per euangelium ait: qui non audit verba mea, adsimilabitur viro stulto, qui edificauit domum suam super arenam: descendit pluuia, aduenerunt flumina, flauerunt venti, & intruerunt in domum illam, & cecidit & facta est ruina eius magna. Simile quid videmus apud Ionam in vita S. Huberti. * Ad amica inquit, sibi subsidia se vertentes orationi atque ieiunio sese triduo mancipauere. Utque voluntatem super negotio Domini nosse possent, ab eo totis visibus poposcere. Ac tertio tandem ieiunii die instante, duos libros super altare deposuere, quorum vnus sacratissimum euangelii retinebat textum, alter vero benedictiones atque consecrationes, quibus missarum peragitur sacramentum: scilicet ut a diuinis libris addiscerent,

S 3

que

quæ sibi de his agenda forent. Reſeratum autem euangelium hanc primum legenti ſententiam obtulit: ne timeas Maria, inueniſti enim gratiam apud Dominum. Liber etiam ſacramentorum in ſui apertione hoc primum videnti obiecit: dirigi viam famuli tui.

§. XI. Aliud genus ſortium reperimus in epiſtola Nicolai Papæ ad Bulgaros, vbi Græci codicem accipientes in manibus clauſum vnus ex iis accipiens paruiffimam particulam ligni, hanc intra ipſum codicem condit, & ſi vndicunque aliqua vertitur ambiguitas, per hoc adfirmant, ſe ſcire poſſe quod cupiunt.

§. XII. Nonnunquam ex verbis diaconi, quæ dum templum ingrederentur, efferebat, ſortes omenque captabant. Singulare hac dere exemplum adducit Auguſtinus de Antonio, quod ex euangelica lectione, cui forte ſuperuenerat, admonitus fuerit, tanquam ſibi diceretur, quod legebatur: vade vende omnia, quæ habes & da pauperibus & habebis theſaurum in cælis, & veni ſequere me, & tali oraculo conſeſtim ad Chriſtum eſſe conuerſum. Simile exemplum reperimus in Gregorio Turonenſi * de Childeberto Francorum rege: *nam in die ſancto Paſcha ſtante fratre meo Sygiberto in eccleſia, procedente dia-*

co.

* *Confeſſ. lib. VIII. c. XII.*

* *hiſt. Franc. lib. VIII. c. IV.*

cono cum sancto euangeliorum libro, nuncius regi aduenit, vnaque vox pronuntiantis lectionem euangelicam, ac nuntii dicentis, filius natus est tibi: unde factum est, ut omnis populus in vtraque adnuntiatione proclamaret pariter: Gloria Deo omnipotenti. Frequens id fuit Cypriano de quo Metaphrastes in Octobri: ** εἰσιὼν τοῖνυν εἰς το κύριακὸν δεξιὸν ἐποιεῖτο σύμβολον τῆς εἰς τὸν ναὸν εἰσόδου, εἰ τῷ σκοπῷ αὐτῷ, καὶ τὰ τῆς ἀκροάσεως ῥήματα συμβαίνοντα ἔξοι. εἶχε δὲ παραδόξως καὶ τὸν Διάκονον ταῦτα δὴ τὰ τῷ Αποστόλῃ διατρανῶντα. Χριστὸς ἡμᾶς ἐξηγόρασεν ἐκ τῆς κατάρης τῷ νόμῳ. Ingressi in Dominicum, sive ecclesiam, dexterum & felix omen fecit ingressus sui in templum, si verba lectionis congruentia cogitationi suae haberet. Habuit autem ex inopinato diaconum hec apostoli verba expresse recitantem: Christus nos redemit ex maledicto legis ipse pro nobis factum maledictum. Eadem ratione Diogeni * Imperatori clades fuit prædicta. Cum enim is aduersus Azanem Sultanum expeditionem suscepisset, Priennius Dux hostium multitudine pressus ab Imperatore petebat subsidium: Imperator hostium ignorans potentiam Priennii reprehendit formidinem. Accidit

S 4

au-

** adducente locum Iulio Cæsare Bulengero *erudi. o tractatu de fortibus lib. I. cap. I.*

* Zonaras III. *Annal. circa fin.*

autem, ut sacerdos eo tempore euangelium recitans, hæc verba casu legeret: *si me persecuti fuerint, persequentur & vos Iob. XV. v. 20.* Nec multo post, cum Nicephorus Basilacius [cum Priennio cum parte copiarum missus esset subsidio) tum Imperator ipse infelici pugna viui in potestatem hostium venerunt. Aliud fortis exlectione sacri codicis oblata exemplum plane singulare in historia reperimus Francica. Clodouæus equidem Francorum rex, cum aduersus Alaricum Visigothorum regem Arrianum bellum gereret, & iam agrum Turonensem cum exercitu transiret, missos aliquot ad basilicam Sancti Martini viros attendere iussit, num auspiciū aliquod victoriæ cernerent. Ac, datis muneribus, quæ offerrent, dixit: *si tibi Domine cordi est, ut ego hanc gentem impiam, & nomini Tuo inimicam ultiscar, fac, ut signum aliquod tuæ eluceat voluntatis.* Nuncii vero, qui missi erant, basilicam incuntes primicerium incinentem hanc antiphonam audierunt: *precinxisti me Domine virtute ad bellum, & supplantasti insurgentes in me subtus me, & inimicorum meorum mihi dedisti dorsum, & odientes me disperdidisti, idque persolutis donis regi ipsi renunciarunt.* Cum autem lætus ille propterea motis castris Gothorum exercitum adortus est, atque ipso Alarico rege occiso, ingen-

gentem de iisdem reportavit victoriam. ** Aliud exemplum ex Garimberto adducit Berneggerus, *** de Petro Benchio patricio Veneto, qui accepto oraculo *Petre sequere me*, curiam Romanam relicta republica sequi cœpit, donec ad Cardinalatum adscenderet. Quod tamen inter spuria potius retulerim.

§. XIII. Alius sortium mos obtinuit quoque in ecclesia, circa episcoporum electionem. Res antiqua erat & Hebræorum ecclesiæ non infrequens, ut per sortem summus eligeretur pontifex, quam & prima Christianorum ecclesia in constituendo in Iudæ locum apostolo secuta fuit. Istæ sortes piis præmissis precibus ideo institutæ, ut de voluntate diuina certi nutum sequerentur Dei omnipotentis. Hunc primum ecclesiæ morem secuta est ea sequioris temporis. Cum enim duo adessent episcopatus candidati, in re tali dubia sortes consulebant apostolorum. Concilium quidem Barcinonense can. III. idem adprobat, ut duobus aut tribus, quos ante consensus cleri & plebis elegerit, Metropolitani iudicio, eiusque Cœpiscopis præsentatis, quem fors præeunte episcoporum ieiunio Christo

S 5

Do-

** Sigonius *de regno Occidentali lib. XVI. ad ann. 506.*

p. m. 274.

*** *obseru. histor. polit. XXVIII. §. 12.*

Domino terminante, monſtrauerit benedictio conſecrationis adcumulet. Licet & hoc in Hiſpaniam nunquam fuiſſe praxi receptum contendat Gontzalerz * ſed huic per concilium Toletanum abrogatum. Rationem in eccleſiaſtica hierarchia adſignat hanc Dionyſius Areopagita, ** pontifici non competere motu proprio ſacros ordines conferre, ἀλλ' ὑπὸ Θεῷ κινουῦντι τὰς τας ἱεραρχικῶς καὶ οὐρανίως πελεσιουργεῖν ſed iſtos inſtinctu Dei hierarchice & diuinitus perficere. Exemplum habet vita Aniani epiſcopi Aurelianenſis, in qua totum huncce morem clare videmus deſcriptum verbis ſequentibus: *cumque varia electio populi fieret, ille eos paterno adfectu caſtigans, eiſdem dixit, ſi vero paſtorem vultis electum a Domino fratrem & compresbyterum meum Anianum noueritis in meo conſtitui loco. Atque ut id ipſum diuina electionis clareſceret, cum triduanum ieiunium more eccleſiaſtico indixiſſet, breuius & libris ſuper altare poſitis, nec dum loquentem paruulum adferri praecepit, ut ipſe breuius ab altari ſubleuaret. Tunc vero Chriſti operante virtute, cum puer manum inieciſſet altari, mox ut breue tetigit, vox inconfueta nouella verba prodidit, teſteque populo, proclamauit Anianus, Anianus, Anianus iſtius ciuitatis a Deo Pontifex eſt inſtitutus. Mox ut verba compleuit, etatis tem-*

pora

* alioq III. de ſortileg. p. 391.

** cap. V. §. V.

pora lingua recognouit. Sed ut votis omnium fieret satisfactum, aperto psalterio, versum quem primum inuenerunt legentes, dixerunt, Beatus quem elegisti &c. Prolato quoque Apostolico codice, in primo reppererunt sermone, fundamentum aliud nemo potest ponere &c. Sed & in euangelii pagina hanc primam reppererunt sententiam: super hanc petram edificabo ecclesiam meam &c. His ergo virtutum insignibus in Cathedra Aurelianae ecclesiae sanctus institutus est Anianus. Sic in electione Martini Turonensis episcopi cum obsisterent quidam, tali sorti res fuit commissa, uti Venantius Fortunatus † rem declarat, dum canit:

Accidit ut Turonum praesul peteretur ad urbem.

Nec tamen educi possit de limine cellae:

Ruricius quidam, simulata febre ingalis,

Obtinet egressum sancta ad vestigia supplex:

Vrbibus ex reliquis noua conciliabula currunt,

Latificata simul sanctam se ferre rapinam.

Ne tamen effugit, iustum custodia vallat.

Interea, paucis tunc obsistentibus, in conseligitur, trahitur, sacrat & arce locatur.

Aemulus vnus erat Defensor Episcopus, obstans ne Martinus oues pastor curaret alendas.

Nec mora, iudicio Domini, lectore canente

Versiculo psalmi Defensor sponte notatur;

S 5

Ex

† lib. I. cap. II. de vita Martini

*Ex ore infantum & lactentium perfecisti laudem,
Nunc Defensorem qui sic bene destruis, inquit.
Mox fragor astra petit, clamor vagus atria
complet.*

Et docet ille fauor de Defensore reatum.

Addictusque vir est, se iudice, teste propheta.

Clarius adhuc dicta Fortunati verba explicat Sulpitius Seuerus, dum in eiusdē Martini vita ita ait: *Inter episcopos qui adfuerant, precipue Defensor quidā nomine, dicitur restitisse: unde animaduersum est, graviter illum lectione prophetica tunc notatum. Nam cum fortuito lector, cui legendi eo die officium erat, interclusus a populo defuisset, turbatis ministris, dum expectatur qui non aderat, vnus e circumstantibus sumto psalterio, quem primum versum inuenit, arripuit. Psalmus autem erat: ex ore infantum & lactentium perfecisti laudem propter inimicos tuos, vt destruas inimicum & defensorem, quo lecto clamor populi tollitur, pars diuersa confunditur. Atque ita habitum est, diuino nutu psalmum hunc lectum fuisse, vt testimonium operis sui Defensor audiret, quia ex ore infantum atque lactentium in Martino Domini laude perfecta, & ostensus pariter & destructus est inimicus. Quare & inter crimina Valdenses imputata hoc quoque refertur, * cos laicos, qui sorte sanctos eligunt in altari, deridere. Ex quo etiam videmus, vsque ad seculum decimum quartum huncce morem du-*

† Rainerus de Valdenses c. V.

durasse. Licet iam antea hunc in episcoporum electione fortis usum Honorius III. perpetua prohibitione damnauerit. ††

§. XIV. Alia diuinationis erat species, quam postquam iam consecrati erant episcopi, adhibebant, non ut in re dubia, sed de episcopatus administratione, episcopi fatis, & vitæ fine. Vocant illam diuinationem scriptores prognosticon. De quo libellus supplex capituli Aurelianensis ad Alexandrum III: *apertæ sunt cataractæ cæli ut credimus, & de cælestibus stillat indignatio; & apostolica manus fortitudinem induantur, ut denudetur iniquitatis fundamentum usque ad collum & finem iniquitatis sortiatur, quem in die sue promotionis sermo diuinus ei prognostica significatione proposuit: aperto enim sicut moris est, euangeliorum libro, sermo qui primus occurrit, sic erat: adolescens autem relicta syndone nudus profugit ab eis.* Sic & Guilielmus Malmesburiensis* de Lanfranco episcopo Anglo dicit: *aiunt eius prognosticon: date eleemosynam & ecce omnia munda sunt vobis. Quo ille ab adclamantibus bilabivultu ad Dominum direxit: certemus ergo mutua vicissitudine tu dando, ego dissipando.* Ritus constabat in eo, ut inter consecrandum ab episcopis super candidatum apertus teneretur euangeliorum codex, & post peractam consecrationem, verba obuia auspici-

†† cap. III. X. de sortileg.

* lib. I. de pontif. Anglic. p. m. 214.

cium datura inspicerentur. Patet id ex eodem Malmesburiensi † qui de Anshelmo: *inter sacrandum pro ritu ecclesie, codex euangelii ab episcopis super eum apertus tenebatur. Consecratione autem peracta, cum codex inspiceretur in pagine summitate hac sententia est reperta: vocauit multos & misit seruum suum & ceperunt se excusare. Licet & hæc apertio codicis sacri atque diuinitio, antequam archiepiscopo præsentaretur ordinandus, locum haberet. Docet id Aegidius monachus aureæ vallis de Alberto episcopo Leodiensi, dum ait: * cum autem a duobus episcopis ante euangelium missa, sicut sancti Patres sanxerunt, ordinandus in episcopum Archiepiscopo præsentaretur, Archiepiscopus librum, qui ei erat oblatus, aperiens, in prima parte libri legit: Misit Herodes Rex & tenuit Ioannem & vinxit eum in carcerem. Et postea sequitur: & decollauit eum in carcere. Statim archiepiscopus fremens in semetipso spiritu contrito, quasi lacrymando intuens in eum dixit: Fili, accedens ad seruitutem Dei sta in iustitia & timore & prepara animam tuam ad tentationem, tu enim martyr es futurus. Ita & Guibertus † de se in Abbatem Nouigenti electo: cum obuiam mihi procedere pa-*
ra-

† p. 219. et Matthæus Parisiensis ad ann. 1093.

* cap. LXIV

† lib. II. de Vita sua cap. III.

rarent, textum euangelii ex industria super altare hac attentione aperuit, ut quod capitulum oculis primum occurreret, pro mei auspicio haberet. Mox: aperuit ergo librum, cui iuxta morem extrinsecus labra depresseram. Plura exempla suppeditat du Fresne in glossario suo † & qui ex eo habet venerabilis Abbas Ioannes Andreas Schmidti in sua de cultu euangeliorum dissertatione. † †

§. XV. Obtinebat quoque, ut ipsi, qui noviter consecrati, euangeliorum librum aperientes, occurrentem fortuito versiculum pro more legerent. Exemplum in Metropolitano Chersonesi habet Syluester Scyropulus in historia concilii Florentini: † † *cum sacra ait, euangelia manibus Patriarchæ sibi tradita prehensaret, & casu librum aperiret, ut occurrentem fortuito versiculum pro more legeret, proiecit in hæc verba: si cæcus cæcum ducat, ambo in foueam cadunt: Hæc observabant nonnulli, & in non minus durum omen trahabant. Omen forsan nimis certum, quod & hodie si contigerit in simili casu, forsan non falleret.*

§. XVI. Eadem episcopalis prognostici species obtinuit etiam apud Græcos, de quo testatur Pachymeres: † ὡς δὲ ὁ καράκαλος Νικομηδείας ἔζυγόν τ' εὐαγγελίᾳ ἐτίθει, καὶ ἥδη

† *boce sortes sanctorum*

† † §. VIII. & IX

† † *scd. XII. c. IV.*

† *lib. V. c. XV.*

† θεῖον χρησμὸν ἔμελλεν (Φέρουσι γὰρ τι καὶ τῶτων ἐπὶ τοῖς τελευμένης οἱ πολλοὶ πίσεις. καὶ ἐκ ἀναγκαῖα ἢ ἐπισήμανσις) τὸ εἰς κόλασιν ἀπόφημον ἐν τῷ ἱερῷ εὐαγγελίῳ ἐνεφανίζετο, τὸ δὲ ἦν, τῷ διαβόλῳ καὶ ἀγγέλοις αὐτῶ.

Vt vero Caracalos Nicomedie iugum euangelii imponeret, & iam diuina consulturus esset oracula (multi enim de consecrati fati aliqua ducunt argumenta, licet non necessarius sit significatus) infaustum quidpiam atque ad vindictam in sacro adparebat euangelio, quod erat: diabolo & angelis eius.

§. XVII. Videmus inde, cur isti qui sacris præsunt, dicti fuerint clerici, a Græcorum κληρος, quod sortem notat. Quod & quodammodo innuit Augustinus, * dum ait: *Cleros sors grace dicitur, & sortes ex promissione Dei partes hereditatis vocantur, quæ populo sunt distributa. Nam & clericos & clericos, hinc adpellatos puto, qui sunt in ecclesiasticis gradibus ordinati: quia Matthias sorte est electus, quem primum per Apostolos legimus ordinatum. Clericus enim dicitur a κληρος id est sorte, quia sorte in sortem domini adsciscitur. Quod ex Augustino quoque hausit Isidorus.* Sic & Hieronymus ** clericos quasi sorte ele-*

* in psalm. LXVII.

* Orig. lib. VI. c. XII.

** ad Nepotianum ep. II.

electos dicit. Licet & alibi*** eos ita dictos velit, quia Dominus ipsorum fors siue pars est. Quibus male clerici nostræ ætatis sic dicti abutuntur, quasi ipsorum solum fors sit dominus, alios omnes excludentes; cum Petrus alias *καληρον***** vocet omnem populum Christianum. Omnes ergo Christiani sunt clerici, quorum fors est dominus. Ea tamen ratione qua sorte electi, (utinam non per matrimonium vel per Simoniam) clericorum adpellationem illis solis lubenter relinquimus.

§. XVIII. Bruno quidem Signiensis episcopus excusare quodammodo conatur has in episcoporum consecratione sanctorum sortes atque prognostica, dum ait: *non ad sortes inquirendas, ut stulti opinantur, euangeliorum liber eiui, qui consecratur, humeris imponitur; sed ut per hoc intelligat, cui labori & oneri subiiciatur, & pondus euangelice predicationis eum circumquaque ferre non pigeat.* Sed ex locis supra adlegatis satis clare patet, pro auspicio id factum, quare & prognosticon illud dictum. Non tamen diffiteor, prognostica hæc sensim irrepsisse ex ista euangeliorum codicis impositione. Vti enim ipsa fides corruebat per tempora, sic & ex ista consuetudine im-

(4) T nen.

*** de Vestimentis episcop. cap. cur fiant prognostica in consecr. episc.

**** I Pet. V. 6. 3.

nendi consecrandis apertum euangelii codicem ortum est, vt ex verbis primo loco ob-
 viis omen caperent, quasi diuinitus datum.

§. XIX. Ritus autem hunc imponendi euangelia ab Apostolis quidem ducit Iacobus Goar, † ea ex ratione, quod inter constitutiones apostolicas, †† quæ Clementi Romano collectori attribuuntur, eiusdem ritus quoque fiat mentio his verbis : τῶν διακόνων τὰ θεῖα εὐαγγέλια ἐπὶ τῆς χειροτονουμένης κεφαλῆς ἀνοιγμένα κατεχόντων, *diaconis diuina euangelia super ordinati caput aperta tenentibus.* Constat tamen inter eruditos has constitutiones nec Clementis esse, nec ad apostolorum tempora attingere. Nihilominus antiqua res est, quam ab aliis comprobata videntur ecclesiæ scriptoribus. Dionysius quidem Areopagita † idem testatur : ὁ ἱεράρχης inquit, ἐπὶ τὴν ἱεραρχικὴν τελείωσιν προσαγόμενος ἄμφω τῶ πόδε κλίνας ἐπίπροσθε τῆ θυσιαστηρίᾳ ἐπὶ κεφαλῆς ἔχει τὰ θεοπαράδοτα λόγια, καὶ τὴν ἱεραρχικὴν χεῖρα. *Pontifex ad initiationem Pontificiam suscipiendam accedens, utroque genu flexo ante altare, super caput habet diuinitus tradita verba imposita, et Pontificiam manum.* Nec tamen ex hoc adlegato loco

CO

† notis in Euchologium Græcorum p. m. 3 2.

†† lib. VIII. c. II.

† de eccles. hierarchia c. V.

co probare licebit, ab apostolorum statim temporibus hoc ita obtinuisse, quod inter patres apostolicos alias referatur Areopagita. Cum certum sit hæcce scripta non esse genuina, nec a primis patribus recepta, sed sæculo quinto demum innotuisse. †† Potius probari poterit, circa Carolina primum tempora huncce morem inualuisse, vti ex fragmentis Caroli M. de ritibus veteris ecclesiæ a Wolfgango Latzio editis patet, verbis sequentibus: † *illud vero, quod episcopi tenent codicem evangeliorum super caput eius & uno fundente super eum benedictionem, reliqui qui adsunt episcopi, manibus suis super caput eius tangunt, non reperitur in auctoritate veteri, neque noua, sed neque in Romana traditione.* Rationem autem cur hoc fiat, exponit Chrysostomus, †† vt scilicet argumentum sit ipsum esse potestati subiectum, dum ait: ἐν τῇ ἐκκλησίᾳ ἐν ταῖς χειροτονίαις τῶν ἱερέων τὸ εὐαγγέλιον τῷ χριστῷ ἐπὶ τῆς κεφαλῆς τίθεται. ἵνα μάθῃ ὁ χειροτονούμενος, ὅτι τὴν ἀληθινὴν τῷ εὐαγγελίῳ τίαν λαμβάνει. καὶ ἵνα μάθῃ εἰ καὶ πάντων ἐπὶ κεφαλῇ, ἀλλ' ὑπὸ τῆς πρᾶττει τῆς νόμου, πάντων κρατῶν, καὶ τῶν νόμων κρατούμενος. πάντα νομοθετῶν, καὶ ὑπὸ τῷ νόμῳ νομοθετούμενος,

T 2

διὰ

†† *Eid. Ittigii dissertat. de patribus apostolicis p. m. 151.*

† *p. m. 71.*

†† *orat. ὅτι τῆς παλαιᾶς καὶ καινῆς διαθήκης εἰς ὁ νομοθέτης Tomo VIII p. m. 711.*

διὰ τῆτο γενναῖος τις τῶν ἀρχαίων, Ἰγνάτιος ἦν ὄνομα αὐτῷ. ὅτος ἱερωσύνη καὶ μαρτυρίῳ δια-
πρέψας, ἐπιστάλων τινὶ ἱερεῖ ἔλεγε μηδὲν ἄνευ
σε γνώμης γινέσθω. μηδὲ σὺ ἄνευ γνώμης θεῖ
τὶ πράττει. τὸ τοίνυν ἔχειν ἀρχιερέα τὸ εὐ-
αγγελίον σημεῖόν ἐστι τῶν ὑπ' ἐξουσίαν εἶναι.
*In ecclesia, in ordinationibus episcoporum euan-
gelium Christi, eorum capiti imponitur; ut discat
ordinatus, se veram evangelii tiaram accipere: at-
que ut discat etiam si omnium sit caput, his tamen se
subiici legibus: Et in omnes quidem habentem im-
perium, sed legibus servientem: omnia legibus
moderantem, sed legi esse suppositum. Quapro-
pter ex antiquis quidam ignatius nomine, sacerdo-
tio Et martyrio illustris: scribens ad quendam e-
piscopum, aiebat: Nil sine tua voluntate fiat, ne-
que tu sine Dei voluntate quidquam agas. Quod
igitur habeat Pontifex euangelium: argumentum
est, eum esse potestati subiectum.*

§.XX. Quare & hæc euangeliorum codi-
cis impositio apud Græcos quoque in epi-
scoporum ordinatione recepta fuit. De quo
Euchologium: * καὶ ἀναπτύσσων ὁ ἀρχιεπίσκο-
πος εὐαγγέλιον, ἐπιτίθουσιν αὐτὸ ἐπὶ τὴν κεφα-
λήν αὐτοῦ, καὶ τὴν τραχηλὸν, παρεσώτων καὶ ἄλλων
ἐπισκόπων, καὶ ἐφαπτομένων αὐτῶν καὶ ἁγίis εὐ-
αγγελίis, Et acciens archiepiscopus euangelium,
imponit super eius caput Et collum adstantibus Et
aliis

*aliis episcopis, & ipsis sanctum euangelium tangen-
tibus.* Atque hoc in ordinationis statim initio,
quod circa manuum impositionem repeteba-
tur denuo, ita ut super caput apertus tenere-
tur codex, ut est in Euchologio: †† εἰς δὲ τὸ ἀρ-
χιερέων, ἥ γαρ ὁ πρῶτος λαμβάνει τὸ ἅγιον εὐ-
αγγέλιον, καὶ τῷτο ἀνανεύξας τίθησιν αὐτὸ ἐξ-
άπινα ἐπὶ τὴ κεφαλῇ αὐτοῦ, ἐπὶ προσώπῳ κρα-
τῶντες αὐτὸ, οἱ ἕτεροι ἀρχιερεῖς ἐνθεν καὶ κειθεν.
*unus vero pontificum nimirum primus san-
ctum euangelium accipit & aperiens illud
confestim ponit super caput ipsius. Te-
nebant ergo codicem ἐπὶ προσώπῳ in pri-
ma parte, quæ aperta, ex quo sine dubio ortū,
ut verba primo loco statim obuia auspicii lo-
co notarent.*

§.XXI. Similes autem sortes non in episco-
porum duntaxat obtinebant electionibus cō-
secrationibusque, sed & in Canonicorum.
Adducit enim du Fresne formam recipiendi
Canonicum in ecclesia Bononiensi in Mori-
nis, quam extare dicit apud Iacobum Petitū
post Pœnitentiale Theodori, in qua hæc ha-
beantur: *Decanus uel eo absente Præsident, pro
missa legens, indutus Stola, adspersit aquam be-
nedictam super Canonicum receptum, & a singulis
secundum ordinem admittitur ad pacis osculum:
deinde aperto codice euangelico capite primi folii*

T 3

que

qua scripta reperit, & verba adnotantur ad memoriam sua receptionis.

§. XXII. Ad fines hisce sortibus codicis sacri erant sortes per breuia, quarum & supra in electione Arriani mentionem factam videmus: *breuibz & libris super altare positis, nec dum loquentem paruulum adferri praecepit, vt ipse breuia ab altari subleuaret. Tunc vero Christi operante virtute, cum puer manum inieciſſet altari mox vt breue tetigit, vox inconſueta nouella verba prodidit &c.* Modustalis erat, vt duas pluresue epistolas seu schedulas sub altaris palla confuſe poſitas, quibus vel nomina eligendorum vel affirmatio vel negatio negotii inſcripta erant, quæque poſt ſolennes preces ac ieiunia indiſta capienti occurrebant, ea pro indicio habebantur diuino. Illuſtrat hunc modum contentio, quæ de corpore S. Leodegarij fuit, quod ſibi vindicabant epiſcopi Piſtauenſis, Auguſtodunenſis & Atrebatenſis, de qua Baldericus: † *Donec ex ſententia caterorum pontificum tribus epistolis, horum trium nominibus ſubſcriptis, & confuſe ſub palla altaris obieſtis, factaque in commune oratione, Piſtauenſi epiſcopo ex indiciis ſanctum corpus deberi declaratum eſt.* Qualem sortem etiam priuati de rebus ſuis conſulebant, vt exemplum adducit Gregorius

† lib. I. *Chronici Cameracenſis* cap. XXI.

rius Turonensis, †† dum ait : *Tunc pro hospitio quoddam breuibus conscriptis posuit super altare, vigilans & orans tribus noctibus, ut quidei dominus iuberet, dignaretur manifestissime declarare. Sed pietatis diuina incluta miseratio, quæ cum præsciens eremitam esse decreuerat, breuem illum accipere iubet, ut eremum properaret.*

§. XXIII. Sed licet hæ sanctorum sortes nō inter priuatos solum, sed & in ecclesias frequenti vsu essent introductæ, interdictum tamen hisce fuit per varia conciliorum & canonum decreta. Concilium Venetum †quidem quod tempore Leonis I. seculo V. fuit habitum eum clericum, qui detectus fuerit consulere vel dicere tales sortes, ab ecclesia iubet esse extraneum. Suffragatur concilium Agathense, quod sub Symmacho Papa anno 506. institutum plane prohibet: Canon enim XLII. ita decernit: *ac ne fortasse id videatur omissum, quod maxime fidem catholice religionis infestat, quod aliquanti clerici, siue laici student auguriis, & sub nomine fictæ religionis per eas, quas sanctorum sortes vocant, diuinationis sententiam profitentur, aut quarumcunque scripturarum inspectione futura promittunt. Hæc quicumque clericus, aut laicus detectus fuerit, vel consulere, vel docere, ab ecclesia habeatur extraneus.*

T 4

Quem

†† de vitis sanctorum cap. IX.

† Can. ult.

Quem canonem in suum etiam Decretum compilauit Gratianus. † Sic & canon XXX. Concilii Aurelianensis primi, ab ecclesiæ communione pellit, *qui diuinationes & auguria obseruant atque sortes mentiuntur sanctorum.* Antissiodorensis concilii canon IV. præscribit: *non licet ad sacrilegos vel auguria respicere, nec ad caracteres, nec ad sortes quas sanctorum vocant, vel quas de ligno aut de pane faciunt, adspicere, sed quacunque homo facere vult, omnia in nomine domini faciar.* Si quis autem tali sortilegio fuerit vsus, pœnitentia præscribitur. Pœnitentiale quidem Theodori atque Romanum † ita habet *In tabulis, vel in codicibus sorte futura non sunt requirenda, aut nullus in psalterio, vel in euangelio, vel in aliis rebus sortiri presumat, nec diuinationes aliquas in aliquibus rebus obseruare. Quod si fecerit, XL dies pœniteat.* Eundem canonem decretalibus inseruit Gregorius, †† qui tamen ex Pœnitentialis verbis emendandus. Pro tabulis tamen alii ††† legunt in taleis, quale sortilegium priscis olim Germanis non ignotum. †††† Quidnam vero sit pœnitentia XL dierum explicat c. IX. de accusationibus scilicet in pane & aqua, quod carenam vocabant. Immo & ex com-

†† c. 26. qu. 5. c. 6.

† tit. VI. c. VII. †† c. IX. de sortileg.

††† Cironus lib. I. obseru. c. III. Gonzaletz ad d. 8.

†††† Linck de sort. sancti, cap. I. §. II.

communicationis fulmen vibrabant in eos, qui hæc obseruarent fortes, ita tamen ut pœnitentiæ locus sit. De quo Regino ex pœnitentiali: *auguria vel sortes, quæ falso dicuntur sanctorum, vel diuinationes, qui eas obseruaverit, vel quarumcunque scripturarum, vel vota uouerit, vel persoluerit, ad arborem, vel ad lapidem, vel ad quamlibet rem, excepto ad ecclesiam, omnes excommunicentur. Si ad pœnitentiam uenerint, clerici annos III laici unum annum & dimidium pœniteant.* Ita & Carolus M. in Capitulari tales sortes plane prohibet, *ut nullus vel in psalterio, vel euangelio, vel in aliis rebus sortiri presumat, nec diuinationes aliquas obseruare.*

§. XXIV. Sed dubium forsan esse possit, an hæc sortium species licita sit, atque legitima? Disputatum de eo iamdum fuit inter Thomam Gatackerum, Gisbertum Voetium & Guilielmum Amesium, licet præcipua inter hosce controuersia fuerit, de sortibus ludicris, an illæ ad licitas diuisorias sint reducendæ; quas cum Danæo, Voetio & Amessio plane damnamus. Aliæ sortes contradicente licet Gatackero, diuiduntur in diuisorias, consultorias & diuinatorias. Nostra, quæ ex sacro codice petuntur, vel consultoriæ sunt vel diuinatoriæ, de quarum nunc dis-

T 5

qui-

† Capit. com. gen. can. 4.

quiremus iustitia. Neque tamen de aliorum solliciti erimus sententia, sed nostram potius explicare conabimur.

§. XXV. Adprobamus quidem omnes sortes quæ sponte oblata. Sæpius accidit, ut dum vel in statu quodam peruerso viuamus, vel in re dubia quid agendum, simus nescii, codicem dum euoluimus sacrum, non ut diuinam exploremus voluntatem, sed sine vlla tali cogitatione; sub primum statim adspectum verba cadant, quæ de diuina certiores nos faciant voluntate. Nonnunquam altiori quodam instinctu ad lectionem sacri codicis ducimur, atque tum oracula videmus obuia, statui nostro quam maxime accommodata. Exemplum præbet Augustinus, † qui cum dubius esset vxoriamne vitam an cœlibem ageret, audiuisse se ait de vicina domo, vocem canentis & crebro repentis tolle lege, tolle lege. Qua voce diuinitus sibi iuberi putabat, ut aperiret codicem & legeret, quod primum caput inuenisset. *Arripui, inquit, aperui & legi in silentio capitulum quo primum coniecti sunt oculi mei: non in commensationibus & ebrietatibus, non in cubilibus & impudiciis, non in contentione & emulatione, sed induite Dominum Iesum Christum & carnis providentiam ne feceritis in concupiscentiis.* Quo ipso

† lib. VIII. Confess. c. XII.

ipso se vt cœlibem vitam ageret, dicit esse admonitum. Ipse noui hominem, Christum, nunc serio anhelantem, qui cum ante aliquot annos Hamburgi viueret, vitam tum agens naturalem, tamen decoram. Huncce Deus per varios ductus ad se ducere tentabat, sed frustra. Ex improuiso tamen quasi diuinitus monebatur dicto Ioannis : *iam securis ad radicem arborum posita est, omnis ergo arbor, qua non facit fructum bonum excidetur, & in ignem mittetur.* Quibus verbis ductus, de meliori vita agere & magis pia cœpit.

§. XXVI. Quod si autem sortes nostræ non oblatae quærentur, licitæ sunt, si modo rite consultæ. Augustinus quidem sortes hæc condemnare videtur, dum ad Ianuarium † scribit : *hi qui de paginis euangelicis sortes legunt, etsi optandum est, vt id potius faciant, quam ad demonia consulenda concurrant; tamen ista mihi displicet consuetudo, ad negotia secularia & ad vitæ huius vanitatem, propter aliam vitam loquentia oracula velle conuertere.* Sed abusum damnat & sortes diuinatorias, quas æque reiicimus, non consultorias. Alio enim loco Augustinus, si tollatur abusus, sortem tanquam rem licitam laudat atque commendat. † Sic enim ait : *sors non aliquid mali est in dubitatione humana diuinam indicans volun-*

† ep. CXLX.

† psalmo XXX. conc. II.

luntatem: nam & sortes miserunt apostoli. Quæ & eiusdem verba Gratianus † in decretum suum digessit. Rationem vero qua id fiat, senex ille medicus, qui Augustino suasor fuerat, vt diuinatoria illa & astrorum iudicia, quibus antea deditus, abiiceret, ab Augustino interrogatus, qua ex caussa fieret, vt multa inde vera pronuntiarentur: †† respondit ille vt potuit, vim sortis hoc facere in rerum natura usque quaque diffusam. Si enim de paganis poetæ cuiuspiam longe aliud canentis atque intendentis, cum forte quis consulit, mirabiliter consonus negotio sæpe versus exiret: mirandum non esse dicebat, si ex anima humana superiore aliquo instinctu, nesciente quid in se fieret, non arte sed sorte sonaret aliquid, quod interrogantis rebus factisque concineret. De ipsa tamen ratione, qua fors in naturalibus eueniat, alibi vbi de naturæ effectibus agemus, pluribus dicemus.

§. XXVII. Vt dicam quod res est, sortem modus facit vel licitam vel plane illicitam; sæpe & impiam atque christiano homine indignam. Licitas putamus sortes omnes in re dubia pie quæsitæ consultorias. Mens tamen oportet, adsit pia, intentio iusta, & ab omni respectu humano aliena, animus simplex diuinam voluntatem pro norma habens, solum quærrens quod Dei est, non quod

† c. 1. c. 26. qu. 2. †† Confess. IV. c. III.

quod nostrum. Atque tum si hæc ita sint, sortes obseruemus in sacro codice obuias, de diuina persuasi voluntate. Parrhesia tamen quoque vt adsit, necesse est, & ea, quæ filium decet, erga Deum patrem nostrum fiducia. Nec enim sibi persuadeat homo, inquit Iacobus, † qui dubitat, se accepturum esse quidpiam a Domino.

§. XXIX. Firmari id ipsum poterit variis ex scriptura sacra petitis locis atque exemplis. Prouerbiorum quidem scriptor † *sortes mittuntur*, ait, *in sinum, sed a domino temperantur*. Hebræus textus omne sortis iudicium a Deo esse dicit, ita vt Deus sortem dirigat ad explorandum eius iudicium. • Dependet ergo a prouidentia diuina, quæ humana regit. Quare & tot sortis consultæ in sacris reperimus exempla, quæ satis hoc prouerbiorum dictum comprobant, sortis iudicium a Deo fieri. Primum quidem sortis iudicium in Leuitico †† occurrit, vbi super duos hircos sortem mittere iubetur sacerdos. Quo vero id modo factum, scriptura tacet. Ebraei tamen duas sortes in vasculum fuisse projectas autumant, in quarum vna scriptum *לעזאז* in altera *ליהוה*. Exporrecta itaque dextra sortem adripiebat sacer-

† cap. I. §. 7.

† cap. XVI. §. ult. †† cap. XVI. §. 8.

sacerdos, cui ליהוה inscriptum, & ille sacer Deo habebatur, alter vero ad sinistram in desertum mittebatur, cum populi peccatis. Porro sorte vsus est Iosua† in explorando furto de anathemate, modumque ibi servatum prolixè explicat Tostatus. Idem Iosua sorte vsus in distribuenda terra Canaan. †† Sorte utebantur in eligendo rege populus Israel, † atque in assignandis officiis inter filios Aaron. †† Sortis adhibebant iudicium ad explorandos eos qui peccauerant, † ac denique per sortem in locum Iudæ eligebatur Matthias Apostolus. †† Hæ omnes sortes erant consultoriæ, nullæ diuinatoriæ de rebus fatisque futuris. Hæ autem quas recensuimus, sortes, diuini quidpiam in se habuisse euentus fatis clare monstrat. Quod si igitur apud Israelitas tales sortes diuinitus concessæ, quidni etiam apud Christianos, nisi per ἀπιστίαν nostram a Deo simus alieni.

§. XXIX. Saluæ ergo sunt tales sortes atque Christianis licitæ, nec male ageremus, si in iudicia nostra tum ciuilia tum criminalia, (ni tam essent corrupta) introduceremus
for-

* cap. VII. §. 14.

** cap. XVIII. §. 10.

* I. Samuel. X. §. 20. 21.

** I. Paralip. XXIV. §. 5. & XXV. §. 8.

† I. Samuel. XIV. §. 41. 42.

†† Act. I. §. 26.

sortis iudicium; ita enim melius decidi possent lites, quæ prauorum iudicum aduocatorumque nequitia sæpius in infinitum protrahuntur: melius indagari possit veritas, quam quæstionibus atque torturis, quæ innocentes sæpe condemnant, & e Christianis rebus publicis plane relegandæ, vt alia taceam.

§. XXX. Damnamus vero cum beato parente † omnes sortes diuinatorias, quibus Deum tentamus; siue ex sacro codice, siue ex astris, geomantia & aliunde sint petita. Dum enim de matrimoniis, diuitiis, officio publico & fatis reliquis disquirimus, fiduciam illam, quam in Deum, patrem nostrum, habere competit, relinquimus, cum hæc a directione dependeant diuinæ. Et licet quidem astris suos non denegemus effectus, vti alibi demonstrauius, sortes tamen inde petitas, tanquam illicitas reiicimus; cum Christiano homini indignum sit inquirere in ea, quæ solius sunt prouidentię diuinæ. Quare etiam pleraque exempla superius adlata haut adprobare velim. Ita potius viuamus, vt diuinæ nos linquamus voluntarij; & sic certi sumus, omnia nostra fata esse in manu Dei, nec nobis posse accidere, nisi quæ salutaria: hoc pium est & Christianum.

OBS.

† Scruue *de inuocatione nominis diuini aph. XXXVII.*

p. 221.

De
DIFFERENTIA MIXTI, AG-
GREGATI, INDIVIDUI.

Synopsis.

Veteres & recentiores iugiter negligunt mixti & texti differentiam. §. I. Dignam tamen consideratu. §. II. propter confusionem principiorum alias solennem, §. III. Mixtum quid nobis sit. §. IV. Et modus mixtionis §. V. Negligendo veterum opinionem. §. VI. Complectimur hic sub mixto etiam compositum. §. VII. Textum quid nobis sit. §. VIII. Et e quibus constet §. IX. Differentie. §. X. Magnitudo mixti exilissima §. XI. texti spatiosa §. XII. Constitutiva mixti numero pauca, §. XIII. Texti numerosa. §. XIV. Illius heterogenea, huius etiam homogenea. §. XV. Mixti figura absolute insensibilis. §. XVI. Texti contra. §. XVII. Mixti combinatio intima §. XVIII. Texti laxa. §. XIX. Mixti nullus finis organicus notus. §. XX. Texti contra. §. XXI. Textum & aggregatum differunt. §. XXII. Aggregatum etiam speciose concinnatum, in nullum finem hoc habet. §. XXIII. Texto specialissima constructio essentialis est. §. XXIV. Siquidem aggregata talia nullum, texta certum habent
fco-

scopum organicum. §. XXV. Differentia indiuidui physici & aggregati. §. XXVI. Vana diuisibilitatis acceptio. §. XXVII. Verior. §. XXVIII. Instrumenta requirens proportionata. §. XXIX. Et nullum essentia detrimentum. §. XXX. Reiiicitur diuisibilitas linearis & puncticularis veterum & recentiorum. §. XXXI. Vtilitas harum differentiarum. §. XXXII. Cuius defectu hodierna physica frustra a chymicis mutuatur. §. XXXIII. Quae alienis & minus certis nominibus efferat. §. XXXIV. Numerum vero partium constituentium ita absolute nescit. §. XXXV. Imo materialis consideratio, praerogatiuam efficaciae certorum mixti constitutiuorum spondet, alteri hypothesei imperscrutabilem.

§. I.

Vetus videri poterit querela, quamvis a non ita multis demum lustris coorta, si Aristoteli rerum physicarum male tractatarum dicā scribere suscipiamus: Interim nouam hanc potius apparituram arbitramur, si non aequē ipsi Aristoteli, quam recentibus quoque eius in hac materia censoribus, communem notam incutiamus

mus; Quod quidem non possumus euitare, vbi de differentia mixti atque texti agere nobiscum constituerimus. Certe enim nusquam, quantum nobis quidem innotuerit, non magis apud recentiores, quam Aristotelicos, hoc negotium condigne euolutum prostat.

§. II. Quanta vero sit eius dignitas, ex eo præcipue innotescit, quod ex huius differentia neglectu, aut minore quam par erat, consideratione, innumeræ confusiones affectionum mixti simpliciter, texti simpliciter, & vivi, ab omni, ad minimum ab Aristotelis, æuo, in hodiernum vsque diem perennent; Quin etiam nulla inde spes supersit, summe necessariam illam, *mechanismi* simpliciter, & *organismi* differentiam, recte constituendi, quamdiu præsens hoc discrimen defecerit.

§. III. Imo, videtur nobis huic eidem fundamento inniti, solennis illa confusio, quæ apud recentiores vigere videtur, inter principia *mixtorum* & *compositorum*, *proxima* & *remota*, *materialia* & *formalia*, *mechanice* & *physice* considerata. Vnde tot diuersis, sed tamen vndique consideratu dignissimis respectibus, tanto magis inducimur, ad rem hanc tanto exquisitius respiciendam.

§. IV. Quod dum aggredimur, ante omnia necesse erit, ipsarum illarum rerum, de qui-

quibus agere suspicimus, indolem describere, vt hinc omni ambiguitati obex ponatur. Intelligimus itaque primo per vocem *Mixtum*, corpusculum, ad sensus nostros comparando, ita *minimum*, vt hos plane subuerfagiat atque fallat, neque nisi *numeroſo agmine* factò, iisdem demum perceptibile euadat; Concretum nihilominus, e *numero pluribus* adhuc minoribus corpusculis, diuerſæ *mobilitatis*, propter differentem tam *magnitudinem*, quam *figuram*, & præterea *mouentium* aliorum proportionatorum, maiorem vel minorem copiam.

§. V. Consentimus interim recentioribus, quod *mixtionis*, (*mixtionis* inquam, non *mixti*) causa materialis, proprie sit proportionata *conuenientia figuræ & magnitudinis*; causa *instrumentalis* occurſus *motuum*, ab aliis in motu constitutis corpusculis: causa *formalis*, exquisitissima inter se inuicem *applicatio & implicatio*. Et hæc quidem mixtionis *in genere*; Mixtionis vero *in specie* causa materialis, præter dicta, etiam numerus certus.

§. VI. Ita, vt hac ratione non faciamus cum intricata illa Veterum opinione, quod mixtio partium constituentium, talem penetrationem inuoluat, vt hæ, partes inquam, constitutiæ, propriam suam *formam*, sub nouæ illius mixtionis coalitu, penitus exuant:

Ex quo conceptu sterilis illa spéculatio de *Privatione*, in negotio generationis, ortum suum duxit. Sed potius agnoscamus, quod etiam in *statu mixtionis principia* mixti constitutiva, nihilominus essentialem suam *magnitudinem, figuram*, & ab his pendentem *mobilitatem*, retineant; Non nisi exquisita iusta *positione, applicatione*, & interdum *implicatione*, & *motu rerum ambientium*, cohæreant: & si iusta *instrumenta*, & iustæ *directiones* proportionatorum motuum, adhibeantur, e mutuo hoc sui *nexu* dimota, antiquas suas & proprias affectiones denuo exhibeant & exferant.

§. VII. Imo vero, accipio hoc loco nomen *Mixti*, etiam latius, ut sub illo & *compositum* comprehendam; utpote quod ipsum, licet non immediate e *simplicissimis* minimis, coa-luerit, sed e talibus, demum *mixtis*, numero pluribus & specie diuersis: Nihilominus ipsum quoque eius *tenuitatis* atque teneritudinis est, ut in *individo*, imo vero nisi *numero-sa* aggregatione, omnes *sensus* nostros externos eludat.

§. VIII. *Textum* vero, non *generalissimo* illo sensu hic accipimus, quo simpliciter omnem *combinationem* & *implicationem*, etiam paucissimorum quorumlibet constituentium principiorum, denotare posset; Sed v-
timur

timur hoc vocabulo sensu magis proprio & recepto, nempe de *aggregato*, plus minus individualiter etiam, in *sensus* nostros incurrente: Formato per admotionem, compositionem, *coordinationem*, constructionem, siue magis *fortuitam*, siue plane *destinatam*, & ad vltiorem & nobiliorem *finem* ita directam, vt nisi hæc textura, ita & non aliter, coordinata fuisset, *finis* ille obtineri non valeret, cuius hæc textura, hac ratione, verum atque solidum *instrumentum* hoc ipso agnosci debeat.

§. IX. Hoc sensu acceptum *Textum*, eminentissime, & vere *αυγλως*, occurrit in corporibus reuera *viuentibus*; Tanto magis vero *sentientibus*, & *locali motu* instructis: quæ omnia, quantula vel quanta demum cunque mole consent, coagmentata vtique sunt, & *numerossimis*, imo innumerabilibus, *mixtorum & compositorum* corpusculorum *indiuuis*, in vnâ, & ordinatissimam quidem illam *struem*, non solum aggregatis, sed exquisitissima proportionē coordinatis: Adeoque pro materialibus sui principiis, non habent immediate corpuscula illa *primordiali*, *simplici* figura atque magnitudine determinata: sed & *numero* & *specie* multiplici diuersa, & non nisi admodum mediate, imo difficillime, in prima ista sui principia reducenda.

§. X. Ex his ipsis descriptionibus, potest quidem iam sic satis dilucescere, quantum, imo vero quomodo, inter se differant, *mixtum* atque *textum*, si utræque inter se mutuo comparentur. Interim placet nobis huius quoque laboris lectori compendium facere, & differentias has, & quæ forte aliæ propius ab hisce proficiscuntur, ob oculos exponere.

§. XI. Prima *Mixti* affectio, in ordine ad sensus nostros, essentialis, perpetua, & inseparabilis, est, quod sit molis ita summe *exigua*, ut sensus nostros quosuis absolute effugiat, neque vnquam nisi in *aggregato*, longe maximum *numerum* eius generis corpusculorum comprehendente, his occurrat aut ab illis animaduertatur.

§. XII. *Textum* contra (si a nuda illa, *combinatione*, quæ inter numero plura corpuscula mixtim complicata, aut quacunque aggregatione inter se congregata, coalescunt, nomen hoc abstrahamus,) non modo indifferenter se habet, ad spatiosam etiam magnitudinem atque molem; sed & fere in diffusiore quantitate, tanto plus formalis suæ constitutionis, nempe *texture* eo ipso habeat & exhibeat: tanto magis si, quod fere fit, non in vniuersum homogeneous ordo atque situs corpusculorum, e quibus constructum seu contextum est illud *textum*, subsit, (quod
fortasse

fortasse aliquis pro aggregato textorum habere & interpretari posset) sed ita dispar, ut notabilis diuersitas vel ipso sensu discerni possit: Interim tamen etiam disparis ordinis textum, illam habeat harum sui partium συζυγίαν, ut ad *unum* aliquem *communem* effectum conspirent; vel ad diuersos quidem, attamen illi *uni* eidemque texto, competentes.

§. XIII. Proxima mixti affectio est, quod *e diuersis* numero & specie differentibus, *paucissimis* licet, coaluerit. Vnde quidem sensu suo facile abundare patimur, quicunque ingeniosam *Democriteorum*, & inter hos primatis *Cartesii*, considerationem, de *figura* primordialium corpusculorum, ad *innumeras* species extendunt; Sed eo ipso nihil, nisi opiniones & speculationes, non vero verarum & actualium rerum certitudines atque scientiam, in physicam inferunt; adeoque a posteriori deinde, ne leuissimarum quidem realium demonstrationum, circa *numerum & speciem* principiorum primorum, compotes sunt: Nos vero, arte & experientia duce, *paucissimas* numero esse *species* primordialium corpusculorum seu *mixti principiorum*, satis certo scimus.

§. XIV. *Texti* contra, dum necessario *aggregatum* aliquod est, vera indoles, poscit o-

mnino, vt e *numerofis* conftituentibus corpusculis conftituatur.

§. XV. Porro cum Mixtum, vt modo dictum, neceffario e *specie* quoque pluribus feu *diuerfis* componatur; *Textum* indifferenter fe habet ad hanc circumftantiam, & poteft etiam ex *homogeneis* formari.

§. XVI. *Mixtum* non habet *visibilem*, aut alio fenfu determinabilem, fed conceptibilem tantum in genere, *figuram*; Eam tamen neceffariam, fcilicet e figuris & mutua proportionem illorum *primordialium* corpusculorum, e quibus ipfum coaluit, resultantem.

§. XVII. *Textum* vero, habet etiam plus minus *fenfibus* dignoscendam certam figuram; Sed non tam *necesfitati figura* corpusculorum, e quibus conflatum eft, respondentem, aut ex eiusmodi *arctiffima* illorum vnione proficifcentem: Sed potius e nexu, & *implicatione* verifimilius quam undique exquisita *complicatione* prognatam, quæ magis *flexilitati*, aut variæ mobilitati, nempe *organico* vfui atque destinationi ipsius texti, quam alteri causæ, adaptata fit.

§. XVIII. *Mixti* denique conftitutiuiorum corpusculorum vnio feu mutua applicatio & combinatio, ita exactiffima & vndiquaque *exquisita* eft, vt propterea non nifi difficillime, tenerrimis atque affiduis *motibus*, & pau-

paucissimis plane, quæ nempe proportioni vnus vel alterius constitutiuus mixtorum principii (quæ pauca esse iam monuimus) respondeant, *instrumentis*, ex hac vnione, iterum dimoueri possint: Quod quidem vix facilius succedit, quam si in *nouam* aliquam *mixtionem*, e pristina illa, transuman- tur, ac veluti abripiantur.

§. XIX. *Texti* contra constitutiuorum, corpusculorum *laxa* cohesio & infirmus nex- us, dilucescit præcipue, e facili & expedita illa *dimotione* atque resolutione, cui ita obno- xia sunt, vt fere singularibus *conseruatoriis* artificiis indigeant, quæ spontaneam velut illorum fatiscientiam, & promptum a se in- vicem secessum, operose arceant.

§. XX. *Mixtum* denique, directe & pro- prio veluti fine, vix vlli alii *scopo* destinatum esse intelligi potest, nisi illi solum, vt inser- viat, vel potius specie plura mixta, inserui- ant, pro materia, plurium inde progignen- dorum *compositorum*; Quod præstant, magis *indiuiduali* sui concursu: Vel vt inseruiant pro materia aggregatorum atque textorum, quod præstant *numero*so accessu. Habent sese vero hic magis pure *mechanice*, vt nem- pe quantum *figura* ipsorum subire potest, nouas tales *combinationes* admittant, iisque accedant.

§. XXI. *Textorum* vero, quotquot præsertim e diuersorum generum corpusculis conflata fuerunt, & non nudum, magis fortuitum, plus minus homogeneum, aggregatum exhibent, habent *destinationem*, atque scopum communiter magis *organicum*, ut vel certis, vel variis, *vsibus*, circa aliorum aggregatorum *congregationes* aut *disgregationes*, inferuire possint.

§. XXII. Sunt hæc *potissima* differentię quibus *mixtum* a *texto* discrepat; Non alienum erit, etiam diuersitatem *Aggregati* simpliciter & *texti* paucis attingere. Consistit vero illa in eo, quod *aggregatum* simpliciter habeat quidem hoc cum *texto* commune, ut e *numerosis* corpusculis minoribus formetur: Interim nullum specialem alium *situm* atque *positum* horum requirat aut supponat, quam qui ex ipsa *proportione* corpusculorum illorum inter se inuicem, aut habitudine illorum ad res ambientes, inter quas ipsa coalitum suum nacta sunt, resultat.

§. XXIII. Adeo, ut licet interdum appareant plane *singularem* structuram nacta esse varia aggregata; Quale quid v.g. in mineralium quorundam concrementis, in certas quasi figuras angulosas distributis, sese exerit: Nihilominus nullum penitus, ne vlla quidem suspicione attingendum *finem* hic ordo

ordo indigitet, sed indifferens potius sit, si-
ve in molem & massam conspicua tali coor-
dinatione destitutam confluxisset, siue in
hanc struem otiosius coaluerit.

§. XXIV. *Textie* contra, *strictiore* nostro
sensu sumpti, talis specialissima, qualem
conspiciendam exhibet, structura, habet hoc
utique eo sensu inseparabile, ut nisi præcise
hanc, & non aliam, coordinationem partium
sui constitutivarum obtinuisset, *effectuum* illū
cui specificè inferuire debet, non magis
quam quodlibet aliud forte fortuna coacer-
vatum assequeretur, nulli hinc speciali vsui
idoneum esset.

§. XXV. Quemadmodum autem hac ra-
tione *aggregatum* simpliciter, & *textum* stri-
ctiore sensu, proprie ita differunt, ut *ordinata*
illa structura, quæ in ipso etiam huiusmodi
aggregato oculis occurrit, ad summum a *ma-*
teria necessitate dependeat; in *texto* vero stri-
ctioris sensus, nequaquam *necessitatem mate-*
rie sequatur, quæ potius prompte varios, &
longe alios, positus atque situs subire, apta
nata deprehenditur: Ita conspicuum satis
quam communissime est, quod utique hoc
sensu *textu*, evidentem aliquam habeant *uti-*
litatem, ad vltiores quosdam effectus, *in-*
strumentali energia perpetrandos, cum nudis
talibus *aggregatis*, e sola *materia necessitate*,
quan-

Quantumcunque etiam *speciose* concretis, nulla vndique probabili ratione, tale quidquam attribui posse compareat.

§. XXVI. Evidentissima omnium merito esse debebat differentia inter *Individuum* & *aggregatum*, sicut etiam confido me minimum negotii ad hanc designandam habiturum; illud vnum tamen necessarium inuenio monere, quod *individui* nomine, proprie hoc loco *physice* utar, pro tali *indiuisibili*, e quo si aliquid auferretur, siue illud *diuideretur* seu separaretur, confestim *essentia eius* periret: Quod quidem veteres *physici*, Aristotele in hoc genere perspicaciores, hoc eodem nomine græco, videlicet *ἀτόμῳ*, notauerant. Intelligitur vero utique *indiuisibilitas* etiam, vel ad minimum maxima diuidendi difficultas, vel denique diuidendi *salua Concreti essentia* impossibilitas, *physice*. De quo negotio non abs re erit, duo verba monere.

§. XXVII. Alieno videlicet plane sensu interpretatur *diuisibilitatem* corporum physicorum Aristoteles, quando *mathematicam* illam diuisibilitatem, absurdis hypothesibus superstructam, iisdem tribuit; quod nempe, cum omne corpus naturale sit *materiatum*, omne materiatum *quantum*, omne quantum *extensum*, omne extensum habeat *partes extra partes*, quod propterea ita omne *materia-*

tum fit diuisibile in infinitum. Quam quidem stolidam in *physicis* assertionem, etiam acutis nostris recentioribus placere adhuc potuisse merito mirari liceret, nisi causa sic satis liqueret, quam tamen ne odiosus sim, non edissero.

§. XXVIII. Interim *physica* diuisibilitas, ficti circa subiectum versatur *corporeum*, ita non fit vsquam *immediate*, ab *immateriali* quocunque, *immanente* aut *emanante*, interno inquam aut externo, principio, & abest sane hinc quam longissime otiosus ille *motus essentialis* internus, *insitus*, immanens, seu vt vocant, *nisus*, *vis*, & quibus aliis venditur nominibus. Sed eget diuisio, quæcunque *physice* hic institui debet, *instrumentis* non minus *corporeis*, quæ non *insitum* illum *motum* (qui sunt modernæ philosophiæ flosculi) nude suscitent, sed sane eundem potius *adferant*, & *diuidendis* illis atomis, imo illorum *partibus* intimis, inferant & *communicent*.

§. XXIX. Sicut autem inter *instrumentum*, & rem cui adhibetur, *proportio* aliqua requiritur; Eaque in nostro negotio in eximia prorsus *subtilitate*, etiam solum ad attingendum, nedum ad penetrandum, sita esse apparet; quid proinde mirum, si diuisibilitas etiam respectu huius circumstantiæ, videlicet *instrumentorum* ad diuisionem necessaria -

tiorum deficientium, difficillima fit: adeoque *atomus* etiam denotet tale corpus, quod non facile *actualement* diuisionem subeat, seu actu diuidi soleat.

§. XXX. Interim non negamus, nobis etiam ipsis potiore videri illam *atomi*, seu *indiuisibilitatis* acceptionem, qua corpus tale, præcipue *salua sua essentia* diuidi non posse vltius, intelligitur. Cum vero essentia corporis naturalis, ad minimum *materialiter* non consistat, nisi vel in *mixtura*, vel in *textura* determinata; *Mixtura* vero proprie in coniunctione, aut *contiguitate intima* constitutiuerum corpusculorum: Facile sane, quicumque non nimium quam turbulenti est conceptus, comprehendere valuerit, quid sit, vltra per corporea instrumenta diuidi non posse, quin ad *solutionem constitutiuerum* corpusculorum, adeoque *essentie*, seu vnionis principiorum intime contigua, deueniatur.

§. XXXI. Vbi quidem ego (nisi quidem omnia me fallunt, non immerito) aspernor illam diuisibilitatem Aristotelicam, in qua libet *puncta* & lineas, de toto mixto portunculam *integrantem, mixtam* & ipsam, & infinito quidem numero, rescindere compotem. Aspernor inquam, re prorsus eandem, solis vero vocabulis diuersam, iuniorum, *abrasionem* atque

atque *detritum* per *lineas physicas* & *puncta physica*: Quæ vtraque, nulla historica aut experimentalis veritas nobis adumbrat, nedum suadet aut persuadet, sed contra *experientia* testatur, quod mixtorum etiam solum *indiuidualis*, ex aggregatis suis, diuisio seu solutio, communiter ita comparata sit, vt non temere ita prompte, aut multis atque variis modis, sed vix vno aut altero, sic satis commode perpetrari possit: *Essentialis* vero illa dissolutio adeo summe difficilis, vt *sinceriora mixta* dissoluere, talis labor & operatio sit, qui promptis illis phantasticis diuisoribus, ne in mentem quidem facile veniat, a manibus vero illorum, quantum cælum a terra, distet & absit.

§. XXXII. Interim hæc sane differentia, inter *ἀτομον* ita intellectum, & *aggregatum*; nec non inter mixtum & textum, quantum in antiqua & recenti physica negligatur, & quantitas, in vltiore scrutinio *materia mixtorum*, *numeri principiorum*, *resolutionis* & *transformationis* mixtionum, tenebras & lacunas relinquunt, nemini vni innotescere potest, nisi illi solum, qui & ingenio, & studio præpotens & distinctionis huius iugi memoria compos, species mixtorum ad hanc amussim examinare, cordi habuerit: Neque illud vero per vanas speculationes, aut absurdos canones im-

imperitorum & otiosorum hominum : Sed sane per *operationes* partim sponte in macrocosmo fientes, partim arte tam *chymica*, quam *chymico-mechanica*, in variorum opificum officinis, perpetrandas. Vbi, si præiudicia vulgatarum traditionum theoreticarum superauerit, & a *simplicioribus* ad intricatiores progredi cordi habuerit, longe sane alia rerum mixtarum principia hinc colliget, quam *simplices* illas particulas, non nisi *nuda figura* inter se inuicem distinctas: Aut sane, si maxime formam velut horum corpusculorum, *magnitudine & figura* præcipue absolui, consentiat, *materialiter* tamen sub aliis schematibus aut nominibus, ad suam certe rem commodius illas agnoscet atque deprehendere, discet, vnde easdem variis experimentis petere, colligere, atque in vsum suum vertere valebit.

§. XXXIII. Certe enim odiosum prorsus hoc est, hodiernæ philosophiæ physicæ scandalum, quod nisi *chymica* artis aliquo subsidio, nempe a nuda experientia, nusquam vilius suppositæ figuræ corpuscula aut principia odorari vel venari possit; Interim, cum ipsa etiam chymia immensum quantum adhuc absit ab experientia etiam mediocri solum, circa *mixta*, & vix corticem circa *composita* lambat, in aprico est, quomodo hic etiam
cæcus

cæcus cæcum ducat. Adeo, ut si verum inde colligere valuerimus, nihil hinc certius, quam id vnum tandem effecerimus: Cum Chymia hætenus vſitata, nihil quicquam circa *mixta*, ſed vix circa *compoſita*, plurimum autem circa ſola nuda *aggregata*, perfecit; *Aggregatorum* vero principia, *compoſita* demum & *mixta*, ipſa quoque adhuc e *diuerſis* aliis conflata, exiſtant; Quod hinc ſane quam ridicule phyſica noſtra ita cito ad nominanda principia rerum talium *figuralia* prolabatur, tanquam *prima* magis & ſimplicia: Ignara videlicet penitus *proximorum* & ab illo gradu ultra *ſecundam* aut *tertiam* ſeriem remotorum.

§. XXXIV. Quod tanto magis inutile, imo abſonum eſt, quandoquidem ſuppoſitæ talis *figura* nullam *ſpecificam* ſuſpicionem, nedum certitudinem, expromere poſſunt; adeoque temere ſane *materialia* principia, quæ *uſitatoribus* nominibus, æque ac penuaria illorum designare valerent, ſilentio prætereant, atque negligent.

§. XXXV. Imo vero, omnem illorum ſuſpicionem fallit atque fugit, *Numerus* ſpecierum, quæ ad conſtituendam talem aliquam *Mixti* aut *Compoſiti* ſpeciem, concurrant; Unde quidem emolumentum hæud le e capiunt, ex *confuſione* aggregati, & atomi ſeu

Individui Physici : Siquidem de aggregato aliquo *maioris* molis, minus odiosum est audire, conflatum illud esse, e Corpusculis *numerosis* *simis*, variarum figurarum, & forte plerarumque *πολυγώνων*, quæ in conceptum cadunt, iisque præterea *solidissimis*, *impenetrabilibus*, *mobilissimis*, & vi sese mouendi & omnia impedimenta eluctando vincendi, instructis: At vero, si de *Individuo* adeo subtili, ut omnes omnino sensus eludat, nœnias has occinere audeant, nemo tam simplex sit, qui temere credat.

§. XXXVI. Quod quidem consideratu tanto dignius est, quia ex hac *materiali* notitia non raro satis euidenter apparet, quod variæ tam dissolutionum quam combinationum rationes, tam *promptitudinis*, quam *firmitudinis* intuitu, manifesto pendeant ab vno aliquo constitutiuiorum; Adeoque si secundum *formalitatem* hanc *mechanicam*, figuralem, loqui placeat, ex vno certo *latere* figuræ, non vero ab ipsius vniuerso ambitu, dependeat: Quid magis ad scientiæ similitudinem accederet, quam talia disertius & distinctius denotasse, & si maxime latus ipsum, eiusque *dimensio*, determinari non possit, ad minimum *rem ipsam*, quæ illud *latus* ex hypothesi constituit atque efformat, tantisper denotare. Sed quis hæc expectet a plerisque phy-

physicis, nisi chymicis, neque tamen profecto etiam his quibusuis.

OBSERVATIO XV.

NOTITIA ORBIS ANTIQVI

siue

Geographia plenior ab
Ortu Rerum publicarum ad Constanti-
norum tempora Orbis terrarum fa-
ciem declarans.

CHRISTOPHORVS CELLARIVS

EX Vetustis probatisque
monimentis collegit & Nouis Tabulis
Geographicis singulari cura & studio
delineatis illustrauit.

Lipsiæ impensis GLEDITSCHI, Senioris
A. M. DCCI.

CONSPECTVS.

§. I. **V**eteres non multum prestiterunt in Geo-
graphia. §. II. hinc utilis eorum opera,
qui antiquam illustrant. §. III. & IV. Iudicium
de Strabone, Mela, Plinio &c. §. V. item de An-
tonini Itinerario & Stephani Byzantini libro de
Vrbibus. §. VI. Historicorum & Poetarum anti-
quorum Lectio commendatur. §. VII. qui ta-

men grauitè saepe errarunt. Curcius maxime.
 §. VIII. pauci enim Polybium & Diodorum Sicu-
 lum imitantur. §. IX. Nepos Mycalem frustra op-
 pidum Cyprifacit. §. X. Refutantur, qui eum
 defendunt. §. XI. Praiudicium est, Classicos Scri-
 ptore non errasse. §. XII. Contrarium ostenditur
 e Floro, Virgilio, Petronio Manilio &c: Arriano.
 §. XIII. Salmasius præ reliquis Criticis laudatur.
 §. XIV. & XV. quorum methodus ut inconcinna
 reiicitur. §. XVI. Sabellicus Danos cum Dacis
 confudit. §. XVII. Erasmus Studii Geographici
 parum peritus. §. XVIII. Hinc Senex propemodum
 Tabulis Geographicis incubuit. §. XIX. Hominum
 imperitorum obiectio. §. XX. Ea soluitur.
 §. XXI. Veteres sine adminiculo Geographia non
 percipiuntur. §. XXII. Erasmus multa non intel-
 lexit. §. XXIII. Merceri & Adrichomii in Geo-
 graphia Sacra errores attinguntur. §. XXIV. Cha-
 zellius laudatur. §. XXV. Itineraria Terra san-
 cta cur fabulis plena? §. XXVI. Guilielmus San-
 son notatur. §. XXVII. Quenstedius, item Bau-
 drandus. §. XXVIII. Naui in Geographia recen-
 tiori crassiores. §. XXIX. Galli hic maxime im-
 pingunt. §. XXX. Ostenditur Germanos aduersus
 Gallorum obrectationes retorsione uti posse. §.
 XXXI. Qui tamen nolunt. §. XXXII. Insigne πα-
 γόγραφα eius qui Bongarsii literas vertit. §.
 XXXIII. Ludouici Moretti. §. XXXIV. Pontie-
 rii, Malleti. §. XXXV. Scuderia. XXXVI. Feri.
 §. XXXVII.

§. XXXVII. *Ludouici Iacobi.* §. XXXVIII. *Puisegurii.* §. XXXIX. *Christophori Cellarii Notitia Orbis antiqui commendatur.* §. XL. *Media, quibus perfecerit, indicantur.* §. XLI. *Votum adicitur. &c.*

§. I.

Non ita rudis atque barbara fuit, antiquitas, vt omnibus ad Geographiam pertinentibus subsidiis destitueretur. Dedit, quantum potuit; elaborauit, quantum sciuit; effinxit, quantum tum temporis sat fuit, perfectionem relictura posteris, aut saltem maiorem diligentiam, sed quam ad nostra vsque tempora desiderauimus, longiusque desideraremus, nisi altiori instinctu Viri in quauis elegantiori literatura versatissimi concitati, hic etiam, quod suarum est partium, peragerent.

§. II. Itaque quorariustales conatus effuluisse certum est, eo magis utilis eorum opera æstimanda venit, qui inter densissimas tenebras aliquam lucem adfectarunt, doctorumque iudicio non nihil laudis adepti sunt. Eram enim hucusque, & adhuc forte sum in ea sententia, Geographiam quæ nostri temporis orbem illustrat, non æque antiquioribus illuminandis sufficere; tum quod im-

mutata hodie omnia, motisque prouinciarum finibus confusa cernantur, tum quod idonei duces, defint, aut apta media deficiant, quibus superare obuenientes difficultates liceat, aut vincere impedimenta, quæ tantum non videntur innumera.

§. III. De antiquis Scriptoribus non opus est, vt sim multus. Exiguum est, quod ab eorum manibus accepimus; Læta *Strabonis*, *Mela*, *Plinii*, *Ptolomæi* nomina sunt; sed si libere velimus loqui, sitim magis excitant, quam restinguunt, fabulis sæpe abundant, erroribus non carent, suspecti sunt, parci interdum, interdum sine ratione diffusi, audaces, ita vt parum solatii in lectores redundet, nisi quidem ex *Ioachimi Vadiani*, *Elie Veneti*, *Iosephi Moletii* commentariis, ac notis sapere velint, qui plus sæpe obscuritatis, quam lucis adfundunt.

§. IV. Reliqua, quæ præstare adhuc aliquam vtilitatem possent, aut temporum iniuria deprauata sunt, aut librariorum incuria corrupta, aut hominis imperiti opera in peius mutata.

§. V. De *Antonini* quod vocant *Itineraria* loquor, quod infinitis pene mendis scatet; itemque de *Stephani Byzantini* libro de *Vrbibus*, vt communiter appellant, qui inscitia *Hermolai* Grammatici, nulliusque iudicii hominis

nisita deformatus est, vt ea quæ hauriri inde comoda potuissent, ad minutias fuerint redacta; licet *Sigonius*, *Causabonus*, *Scaliger*, *Salmasius*, *Holstenius* non parum laborauerint, vt qualemcunque nitorem ei restituerent.

§. VI. Historicorum igitur monumenta si tollas, & Poetarum hinc inde dispersa loca, magnum sane subsidium tolles, quo Viri eruditissimi his temporibus vsi sunt, iunctis simul Geographis antiquis, quos indicauimus partim, partim veluti notos posuimus.

§. VII. Vbi tamen monitos velim quoscunque, ne hanc etiam viam satis tutam arbitrentur; salebrosa est, & scopulis sæpe abundat. Longis ambagibus opus foret, si quosuis notare errores, & antiqua omnia excutere ἀπορήματα velimus. Ἀγεωγράφητος sit oportet, qui cum *Curtio* Caucasum montem apud Indos quærat, aut Caspium mare cum Euxino confundat, aut Euphratem in Mediam releget, aut in Lybia miram cæli temperiem fingat. vid. *Clerici ars Critica* Vol. II. part. III. sect. 3. cap. 2, §. 7. seq.

§. VIII. Tantum hoc velim scias, paucos nobis *Polybios* esse, qui antequam manum historiæ suæ admouerent, Africæ, Hispaniæ, Galliæ fines perlustrarunt, vt antiquorum i-

gnorantiam corrigerent; nec plures Diodoros Siculos reperiri, qui, ne cum vulgo scriptorum peccarent, Asiæ & Europæ partem peragrarunt.

§. IX. Ipse *Nepos* in *Cimone*, cap. 2. minus hac parte cautus est. Persarum & Cypriorum classem *apud Mycalen* deuictam esse dicit, contra reliquorum Scriptorum omnium fidem, qui *Eurymedontem* fluuium designarunt. Hinc nisi *Mycalen* oppidum Cypri facias, quod tamen falsum est, inter ancipitia hærebit *Nepos*, nullumque remedium adoratoribus eius reliquum erit, quam ut verba: *apud Mycalen* a sciolo quodam inserta fuisse adfirmet, ne cultissimo, ut aiunt, Scriptori crassus adeo error impingatur. vid, *Iob. Andr. Bosii not. ad illum loc.*

§. X. At enim vero quid opus est hisce pigmentis? aut cur inuitis omnibus M Scriptis talia excogitantur? Dic, quæso, *Cornelium Nepotem* errasse; habebunt nihilominus ludimagistri, quod in eo laudent; Latinitas satis tersa est. Hoc ob *παράγωγα* a pulpitis scholarum non remouebitur; persistetque eius auctoritas; licet etiam in *Hannibalis* cap. 4. §. I. *Rhodanum cum Eridano* ab eo fuisse confusum adseras.

§. XI. Sed est hoc a teneris stabilitum præiudicium; Autores Classicos nolumus facile

facile falli: Inde tot latebras quærimus; tot noua loca confingimus; tot vrbes exstruimus non nisi in cerebro vmbraticorum hominum reperiundas.

§. XII. Quare rectius meo quidem iudicio agunt, qui Veteres in Geographia graui-ter esse hallucinatos contendunt. De *Floro*, *Virgilio*, *Ouidio*, *Petronio*, *Manilio*, *Lucanores* clara est, qui omnes immani errore miscuerunt *Philippos Phiotidis in Thessalia* urbem, vbi *Cæsar* & *Pompeius* de imperio dimicarunt, cum *Philippia* Macedoniæ vrbe, vbi *Brutus* & *Cassius* ab *Antonio* & *Cæsare* victi sunt. Quod ipsum iam *Lipsius* obseruauit ad *Velleii Paterculilib.* 2. cap. 70. §. 3. & ex *Luca Holstenio Ioh. Clericus art. Crit. part. 1. cap. 1. n. 2.* *Arrianus* multo rudior est, dum Veteres Germanos ad Ionium mare collocat, & *Telmessum* Lyciæ urbem cum *Termesso* Pisidia confundit. vid. *Dictionaire Critique* de Mr. *Baiyle* in voce *Telmessus* lit. F.

§. XIII. Magnus *Salmasius* in exercitationibus *Plinianis* pag. 784. eum propterea in viam reducit; non tamen ea methodo, ac ratione, qua cæteri Commentatores vtuntur, qui vbi *Curtius* lapsus est, vbi *Nepos* cæcutiit, vbi *Virgilius* titubauit, ex vano in veteres scriptores amore omnem lapidem mouentes, alia plane ac diuersa vocabula substitu-

unt, ne ii, quos admirantur, accuratioris scientiæ naufragium faciant.

§. XIV. Quæ consuetudo, vt absona, & inconueniens, ita breui adeo mutare, quos habemus scriptores potest, vt alia longe facies, alius contextus, alia forma resultet, quam ipsi non agnoscerent in vitam reduces, nisi Interprete Grammatico vterentur, aut vestigiis inanissimi Critici insisterent.

§. XV. Sed bene est. Constat Veteribus sua laus, constant etiam navi, quos tantum abest, vt correxerint posteri, vt potius eos multis modis adauxerint. Ad barbara adscendere secula, non est animus. Ea in tenebris suis merito relinquuntur, & profunda ignorantia, quæ Bacchanalia sua tum temporis celebrasse dicitur, suosque ludos.

§. XVI. Hoc vero vt miremur necessarium pene est: *Marcum Antonium Sabellicum* resurgentibus literis Danos cum Dacis miscuisse, qui tamen de situ *Venetiarum*, de vetustate, *Aquileia*, de *Vicentia* ortu commentari multa ausus est, quiue excusari nullo modo poterit, nisi imperite dixeris, hæc eum scripsisse, cum iam morti proximus, lue Venerea laboraret.

§. XVII. *Desiderium Erasmus* nemo ferme est, qui non amet: Ille elegantiores Musas in scholas reduxit; innumera complexus est, facundia polluit, eruditionis laude floruit;

at

at in Geographicis turpiter adeo se dedit, vt concipere vix possis, hominem πολυίστορα tam pueriliter labi potuisse. *Mitylene Lesbi Insulæ* Vrbs facile alias distinguitur a *Melita* Insula, vbi Paulus naufragium fecit. Interim hæc ab illo videas confusa; quemadmodum & *Rbegium* ciuitatem *Siciliæ* maritimam dixit, cum tirones norint esse *Italiæ*. *conf. I. Cler. art. Crit. loc. cit.*

§.XII. Vnde facile inducor, vt credam, *Erasmus* iam ingrauescente ætate tabulis Geographicis summo studio incubuisse (testem cito *Vallemontium dans ses elemens de l'histoire edit. Paris. p. 142.*) vt inscitia, quam in hac disciplina sentiebat, deposita, aduersariis suis omnem cauillandi ansam præriperet. Neque enim dubium est, quin acerrimus eiusdem aduersarius, (*Iulium Cæsarem Scaligerum* intelligo) qui eum mordacissimo stilo obres nihili lacerauerat, multo grauius insurrecturus fuisset, si eas *Φάλματα* rescuisset.

§.XIX. Quapropter hoc nobis monitum merito seligimus, nunquam eo esse deueniendum, vt Geographiæ etiam antiquæ studium negligamus. Stulta vox est, quæ non nisi e bouis ore, aut imperitissimi hominis faucibus prouenit: Hæc omnia ad Pædagogos pertinere; illorum esse videre, vbi *Ecba-*
tana sita fuerit, vbi *Hellespontus*, cui verbera

Xer-

Xerxes inflixerit : Homines politos, quibus nihil cum puluere Scholastico commercii sit, tricis illis omnibus tuto carere posse. Hæc inquam non hominis vox est.

§. XX. Nam si veteres scriptores sine insigni literarum mansuetiorum detrimento contemni non possunt, si connexionem historiarum ut recentis, ita antiquarum habere expedit; aut si denique nihil contigisse dicendum est, quod non aliquo loco vel tempore contigerit prius; ego sane non video, quomodo antiqua urbium denominatio, regionumque situs ac positus; vno verbo: Geographia Veterum aut parui haberi queat, aut nihili.

§. XXI. Non enim nisi confuse intelliges, quæ a te in illis monumentis leguntur. Habebis de *Alexandro M.* quem Vniuersa ferme antiquitas miratur, ideam aliquam imperfectam; sæpe etiam falsam; cum possibile non sit, animo comprehendere tot expeditiones, tot prælia, tot expugnationes, nisi prius accurate cognoueris *Granicum*, *Archipelagum*, *Lydiam*, *Ioniam*, *Cariam*, *Pamphylia*, imo ipsos Indos, ad quos penetrasse *Alexandrum* communis consensus est.

§. XXII. Hinc certus pene sum, *Erasmum* multa non bene percepisse in lectione veterum, ne dum Apostolorum Acta intellexisse, vbi

vbi diuersæ *Pauli* peregrinationes occurrunt, quæ sine Tabulis distincte animo proponi non possunt, aut accuratiori Veteris Geographiæ cognitione discerni.

§. XXIII. Reliqua, quæ in scripturis reperiuntur, iam non attingo. Errorum satis est, quos Geographiæ inscitia inuexit; * *Iohannes Mercerus* admisit, *Adrichomius* stabilivit, qui licet operi suo totis triginta annis insudauerit, multa tamen falsa, & minus accurate dimensa a *Bonifacio* in *Onomastico urbium & locorum Scripturæ Sacræ* notata reliquit: vt de ** *Chazellio* Regiæ Societatis Mathematicorum Parisiensium membro nihil dicam. Huius enim sententia si vera foret, & *Prolomai* auctoritas labasceret, qui *Alexandria* patriæ suæ situm minus exacte designasse dicitur; & reliquorum omnium fides titubaret, qui *Palaestina*, marisque mediterranei descriptionem nobis dederunt.

§. XXIV. In quo vt assentiar ei vix est quod me impediat; maxime cum tot Instrumentis Veteres caruerint, quæ nos hodie habemus, nec Iouis satellites detecti fuerint; nec horologium oscillatoriū inuentum, nec, fere quod notandum probe est, vlla hodie urbium vestigia supersint, de quibus apud antiquos, &

præ-

* vid. Bocharti Phaleg p. 92.

** conf. Bernhardi Lamii apparatus Geographicus vbi plura huc pertinentia, &c.

præcipue sacros scriptores mentio iniicitur.

§. XXV. Nam quæ in recentioribus Itinerariis leguntur, maximam partem falsa sunt, a Monachorum narratiunculis profecta, qui minus recte se officio suo functos arbitrentur, nisi peregrinantibus in *Palestina* mille mendacia suppeditarent, ad Europæos summa credulitate deportanda. Exempla e *Burcardi Itinerario*, aliisque suppeterent, nisi frustra foret, in re notissima esse prolixum. vide interim *Autorem Bibliothecæ Vniuersalis Tom. XIV. p. 115.*

§. XXVI. Magnus ergo adhuc restat campus, in quo exspatiari virorum doctorum diligentia possit. Nondum omnes superatæ sunt difficultates, nondum sublatis scopuli. Hæserunt hic sagacissima pectora; impexit * *Guilielmus Sanfon Nicolai filius, Gangram Paphlagonia* Urbem longissime ab *Haly* fluuio remouens, quæ tamen, uti recte vult *Labbeus*, proxime ad *Halyn* sita est.

§. XXVII. Nec felicius processit *Wittenbergen* Theologus *Iob. Andreas Quenstedius*, dum e *Longobardia* ad *Aegyptios*, e *Francia* ad *Græcos* orthodoxo saltu transmigravit;

cœ-

* *adi Wolffg. Gundlingii annot. ad Concil. Gangrense p. 2.*

** *vid. Baillet dans ses Jugemens des Sçavans Tom. II. p. 15.*

cœcutiit item *Baudrandus*, qui *Azotum* urbem *Palæstinæ* Episcopalem prius sub Archiepiscopo Cæsariensi, deinde sub *Hieronymo* municipium inuerso ordine dixit; Errarunt denique alii, & adeo quidem ridicule, vt cum Legato illo Magnæ Britanniæ Regis comparari possint, qui Fortunatas Insulas Britannicas credens, indignabundus *Roma* abiit, vt Regi suo periculum nunciaret, quod e donatione Papæ *Clementis VI.* vniuersæ Britanniæ immineret. Dedit enim hic Insulas Fortunatas *Ludouico* Comiti Clari Montis, *Alphonso de la Cerda* filio: de quibus ineptam sibi ideam proponens Legatus vniuersorum ludibrio merito se exposuit.

§. XXVIII. Sed demus tamen hæc illorum infirmitati, nec ad amissum adeo omnia exigamus. In veteri Geographia subsidia non erant, doctores deficiebant, non tabulæ habebantur, non libri extabant, e quibus sufficiens hauriri cognitio potuisset. At cum de recentiori quæstio incidit, nullus veniæ locus est, nulla excusatio. Quid enim est quæso, quod non abunde discendi cupidis ad manus sit? An tabulæ? Sed optimæ omnium in quouis forte genere inueniuntur. An itineraria? Sed totum iam, vt credimus, orbem peragrauimus. An libri? sed infiniti pene reperiuntur, vt plaustris opus sit. Itaque

que qui nunc errat, aut summæ accusari negligentia porest, aut tanti stuporis est, vt veluti profanus a liberalium artium mysteriis debeat arceri.

§. XXIX. Gallorum genti bene alias cupio ob dexteritatem atque solertiam, quæ in illa summa est, & eruditionem, quam sæpe ostendit non vulgarem. At cum ad Geographica studia oculos intendo, horresco pene, ac incertus sum, an ad vltimos referre eos necesse sit, aut an medius locus eligendus, in quo collocandi.

§. XXX. Sane, si ea nobis intemperantia foret, quam in *Bailleti & Boubourii* stiloprehendimus, possemus forte non inepta retorsione vtī, & quemadmodum prior inficere admodum scripsit: *les Alemans sont tousiours Alemans*, non difficile credo foret, applicare has argutias ea ratione, vt *les François* essent *tous jours François*, si de accurata, etiam recentioris orbis cognitione id intelligeretur.

§. XXXI. Verum nolumus eam imitari methodum, quæ non tantum insipida videtur esse, sed etiam iniqua. Non est, non est vniuersæ nationi imputanda labes, quam in vno aut altero eiusdem membro reperimus. Habet Germania viros imperitos, stupidos, habet doctos & elegantes. Viuunt in Gallia caudices ac asini, sed sunt etiam ibi viri
Eru-

Eruditi, & in quavis disciplina versatissimi.

§. XXXII. Nouimus *Bo. bartos*, *Sarsonios*, *Mazellios*, sed nouimus etiam eum qui literas *Iacobi Bongarsii* in Gallicum sermonem, conuertit, Academiam *Aldorsinam* suo stilo *Monfieur Aldorf* appellasse, errore immani, sed quem *Thuanus* ei eximere potuisset, qui multa præclara de illa Academia memoriæ prodidit.

§. XXXIII. Cuiure addimus *Ludouicum Morerium*, qui *Arole* in Heluetia fluuiio ortum suum ad *Rhodani*, & *Padi* fontes adsignauit, cum nemo non norit, *Padum* & *Rhodanum* L. miliaribus Gallicis distinctos esse, vt præteream Ducatum *Wurtembergicum* cum *Wittebergæ* in Saxonia confusum, aliosque defectus, de quibus nouum aliquod posset confici Lexicon. adde *la Bibliothèque Vniuerselle Tom. IV. p. 71.*

§. XXXIV. Id miror *Gideonem Pontierium* non ita pridem *Erfurtum* vnum in Thuringia Electori Saxonie attribuisse; Archiepiscopo Moguntino alterum; *Malletum* vero in sua descriptione vniuersi Comites Ruthenos ad Megalopolitanum tractum relegasse, qui errores adeo crassi sunt, ac pingues, vt suum Bæoticum vincant.

§. XXXV. Nam si in his adeo titubant, quæ in confiniis sunt, quoue omnibus de-

bus sine molestia licet excurrere, quid fiet, tandem de locis longissime a nobis remotis? *Curtio* ante exprobrauimus errorem, quo *Pontum Euxinum* cum mari *Caspio* confudit; sed nobilissima * *Fœmina Scuderia*, nisi penitus fallor, similiter impingit, & præfectum militiæ Turcarum, quem *Bassa* vocant, ita loquentem inducit, vt cum *nauibus suis Constantinopoli soluens intra XX dierum spatium in Mari Caspio se appulsurum dicat*. Egregius saltus, quem nec alata Argonautarum nauigia imitari apta forent.

§. XXXVI. At enim vero insulsius multo est, quod in tabulis * *Feri* Geographi apud Serenissimum Galliarum Delphinum satis celebris obseruatur. Videns enim ille in *Tartaria* a *Witsenio* notata loca deserta, animum statim, nescio quo fato, induxit, hoc proprium quoddam nomen esse; adeoque infelicitè admodum vertit: *les deserts de Loques*. Insigne *παρόραμα*, quod homini Germano non condonarent Galli, nisi prius eum bene depexum inter mille iniurias ac facetias destituissent.

§. XXXVII. Illi vero quicquid agunt, pul-

* *conf. M. Vallemont dans ses Elemens de l'histoire*
p. 145.

* *vide les nouuelles de la Republique des lettres Mense*
April. a. 1071, p. 454.

pulchrum est: Nos cum erramus sacrilegum cum Catilina nefas ſtruimus; hinc extirpandi. Nos cum hallucinamur, ſtulti ſumus, hinc ridendi; at illi non labuntur, ſed ſenſim ad terram declinant; nec ſtulti ſunt ſed inaduertentes. Lingua latina iis nauci eſt; hinc *les deſerts de Loques*; hinc Inſula *Vſpian** detecta in America. Germania ab iis contemnitur, hinc *Mons. Altdorf, & Ludouici Iacobi a S. Carolo* Articulus *Alſchmalcaldus*: nec ſcio an felicius multo in ipſius Galliarum deſcriptione verſentur.

§. XXXVIII. Noui enim *Puiſegurium* Inſulam *Ream* prope *Rupellas* cum Inſula *Ria* confuſiſſe, duasque diſtinctiſſimas, quas *Subiſius* accepit clades, in vnā conſaſſe. In hoc *Petrus Bélius* mihi teſtis eſt, ad quem eos maxime remitto qui in vniuerſum magnifice adeo de Gallorum ſolertia ſentiunt. voyez *ſon diſtionaire Critique* in voce *Soubiſe lit. C.*

§. XXXIX. Minimum id adfirmare audeo, non habere Gallos, quem CHRISTOPHORO CELLARIO noſtro, Viro in tantum laudando, quantum induſtria intelligi poſteſt, opponere queant. Non id mihi nunc propoſitum eſt ſcribere Panegyricum, aut laudare immodice eum, cuius fama ſuper æ-

Y 2 therā

* voyez *les memes nouelles de la Republique des lettres Menſ. Jul. p. 113.*

thera nota est, & chara apud externos simul, ac eos qui nobiscum habitant. Inde reliquos quos produxit ingenii fœtus lubens omitto, ne mihi multitudine rerû obruto, de ultimo quem suscepit in Geographicis labore tacere diutius sit necesse. Laudarunt eruditi compendium, quod ab eo vidimus Geographiæ Veteris; commendarunt de meliori nota, sed id quod nunc habemus opus, quodve *notitiam Orbis antiqui siue Geographiam pleniorẽ abortu Rerum publicarum ad Constantinorum tempora declarat*, attenta exspectatione desiderarunt. Habuimus huc vsque *Agathodæmonis* Tabulas ad *Ptolomæi* ductum descriptas, & illam *Peutingeriauam*, aut si mauis *Augustanam*; Sed habuimus vna multa mendâ; errores non paucos; quos dispellent credo Tabulæ a nostro CELLARIO maximâ diligentia formatæ, ita vt *Ortelii*, *Prierii*, *Cluveri*, *aliorumque* conatus, si hunc æstimare, noris laborem, tanti amplius nequeant putari.

§. XL. Magnum sane est quod præstitit, & pene dixerim stupendum. Pauca, vti supra monuimus, ad veterem Orbem illustrandum subsidia sunt; & tamen id quod cernimus, affabre elaboratum est, accurate, doctè. Si quæris qua ratione, quoue medio? Scriptores, dico, Veteres ipse legit, relegitque;

cum

cum iudicio contulit, loca ex historia illustravit; vigilavit, sudavit, vidit, revidit, correxit, donec tandem prodiret aliquid, quod & Academia Hallensis gloriam, & Germanorum adaugere splendorem non parum aptum sit.

§ XLI. Quod reliquum est Deum precamur, ut Doctissimo quem celebravimus Auctori, sufficientes vires largiatur, ut Tomus alter Asiam & Africam complectens felicibus auspiciis prodeat; & Mediæ tandem, ac Novissimæ Geographiæ plenior descriptio in Reipublicæ literariæ commodum eodem successu perficiatur. Dederunt enim dapēs primæ mensæ suavem adeo gustum, ut ea quæ restant fercula enixissime anhelemus.

OBSERVATIO XVI. nescire PHILOSOPHOS ADHVC QVID SIT IGNIS.

Argumentum.

§. I. **A**ugustini dictum de tempore ad ignem accommodatur. §. II. Ignorantia Philosophorum circa ignem probatur testimonio Du Hamel, & Scharssii. §. III. A testimonio itur ad argumenta. §. IV. Probatur My-

T 3

tibi-

thicos nesciuisse quid sit ignis? §. V. Aegyptios non quidem inepte; obscure tamen descripsisse quod sit animata belua. §. VI. Persas non recte Deum putasse. §. VII. Aethiopes eius usum diu ignorasse. §. VIII. Anaximenum stulte definiuisse aërem rarefactum. §. IX. Pythagoram & Ocellum Lucanum obscurum per aequae obscurum explicuisse. §. X. Item Eleaticos. §. XI. Platonem hic suam confessum esse ignorantiam. §. XII. Aristotelem non ausum definitionem ignis tradere. §. XIII. Neque Theophrastum. §. XIV. Peripateticos sibi metipsis non constare; plerosque tamen definire, quod sit Elementum calidissimum, siccissimum, levisimum. §. XV. Probatur hanc definitionem obscuram esse & falsam. §. XVI. Ostenditur ignem non esse elementum. §. XVII. eo quod non sit corpus. §. XVIII. non corpus simplex. §. XIX. non corpus homogeneum. §. XX. Non corpus ex quo res concreta primo componuntur. §. XXI. Non corpus in quod res concreta ultimo resolvuntur. §. XXII. Non corpus calidissimum. §. XXIII. neque vrere. §. XXIV. non corpus esse siccissimum. §. XXV. aut levisimum. §. XXVI. Epicuræos cum Cartesianis sentire, §. XXVII.

§. XXVII. *Stoicorum sententiam nos ignorare.*

§. XXVIII. *Cartesianos autem rem acui non tetigisse.*

§. I.

QUod Augustinus de tempore dixisse fertur ; Si nemo ex me quærat, quid sit tempus, scio, si quærenti, explicare velim, nescio: id fere de rebus omnibus naturalibus debere dici, tam manifestum est, ut animi pendeam an quicquam possit esse manifestius. Etenim ut alia exempla iam tacitus præteream, quæ nostram hanc hypothesin, quam solidissime confirmant, quis est qui non interrogatus naturam ignis se ignorare existimet? & tamen si quis ex eo quæsiuerit; *quid sit ignis?* profecto istud se scire cum ignarissimis comperiet.

§. II. Nam licet hic in se fortassis sit lucidissimus; tamen respectu nostri tam tenebricosus est, ut vespertilionum oculi non magis ad solis iubar cæcutiant, quam mentis nostræ acies ad eius fulgorem declarandum. Quod quidem non solum vir Φυσικώτατος Ioh. Baptista DuHamel Physic. Gen. Tr. I. c. 2. p. 74. attestatur quando scribit; *Naturam ignis quidem vulgo haberi notissimam, Philosophisque nullum esse exemplum paratius,*

quo formarum eductionem & generationem rerum omnium explicant; Attamen si rem acriori animo perpendamus, nihil fere aque inuolutum & explicatu arduum quam ignis ipsius genesin, naturam & Phenomena; Sed & Ioh. Scharffius in Physic. recognita l. i. c. 6. p. 494. ubi ait: Naturam ignis perfecte non scimus & p. 495. Forma ignis specifica ignoratur, nec ullus hominum illam habentis aut dare aut explicare valuit; adeo cecutimus in hac vita etiam in Physicis & naturalibus rebus indagandis.

§. III. Sed ne solis auctoritatibus munire nos velle videamur; agite per omnes Philosophorum sectas ibimus, & quam parum vel nihil de ignis natura sciuerint & sciant adhuc ὡς ἐν συνόψει commonstrabimus.

§. IV. MYTHICI, licet PYRODEM primum e filice ignem excudisse; PROMETHEVM primum in ferula conseruasse; PROTOGONVM primum ex attritione lignorum scintillas eliciuisse scribant; (vid. Maioli dies Canic. p. 374.) tamen si accuratiorem πυρολογίαν ab iis desideres, cupiasque naturam huius elementi explicari profundius; pallent & ora color albus inficit. Ut taceam latere in occulto adhuc an, & qui ille Pyrodes, Prometheus & Prothogonus fuerit?

§. V. ÆGYPTII & speciatim ii, qui non longe a Macrobiis extremâ Egypti ora ad occa-

ceanum habitarunt, ante aduentum EVDOKI
(qui tempore Socratis floruit ante C. N.
400.) adeo ignorarunt ignem, vt amplecti
etiam flammās & ardentia sinu abdere, donec
noceret, maxime libuerit. l. c. Et licet reliqui
eius vsum citius perspexerint & sua sapientia
per vniuersum Orientem egregie eluxerint
Actor. 7. tamen naturam ignis vix perspexis-
se videntur. Quippe in eam opinionem,
pedibus concesserunt; Ignem *ἑμπύον ζῷον*
ἐμψυχον animatam esse beluam. Stobaeus serm.
123. p. m. 604. Masculum quidem, qua ardet
flamma, & foeminam, qua lucet innoxia ta-
ctu. *Senec. Quest. Nat. l. 3. c. 14. p. m. 771.*
Quod quidem *παράδοξον* vtut in se fortassis
non adeo absurdum sit, prout plerisque vi-
detur, dum constat ignem non secus ac be-
luam viuentem generari, nutriri, crescere &
mori; tamen in eo hallucinatur, quod ob-
scurum per æque obscurum explicat dicitq;
ignem esse animatam beluam, cum æque pa-
rum constet quid belua, quidue anima?
quam quid ignis sit?

§. VI. PERSAE quam cæcutierint in ignis
natura inuestiganda exinde satis constat,
quod eum DEVM esse existimarunt adeo-
que mortuos comburere prohibuerunt,
quia iniustum esse putabant, cadauer Deo
offerre, Stobaeus l. c. Et esto antiquiores eo-

rum Philosophos meliorem de Deo conceptum habuisse; ut docet Zioldus in der *Einleitung zur gründl. Kirchen-Historie* c. 2. §. 14. p. 78. Et Zoroastrum sub Abrahami auspicio ad ipsum Trinitatis Mysterium penetrasse, quod placet Francisco Patricio in præfat. *Zoroastr. p. m. 29.* tamen ad ignis naturam penetrasse non leguntur.

§. VII. ÆTHIOPEs nonnulli teste Plinio *L. 6. H. N. c. 30.* ignem ignorarunt vsque ad tempora Ptolomæi Lathuri i. e. annum ante *C. N. 100.* Ex quo quidem tempora eius vsum, non vero naturam cognoscere cœperunt. Hæc enim illis adhuc hodie est ἀπὸ κευφός.

§. VIII. Sed nec GRAECI in ignis natura evoluenda feliciores exstiterunt. IONICI enim & speciatim Anaximenes cum aerem commune omnium rerum principium esse contenderit, ignem quoque ex aere exortum esse existimavit. Sic enim Cicero *Qu. Acad. l. 4. Tom. 4. Operum p. m. 47.* *Anaximenes infinitum aera, sed ea quæ ex eo oriuntur definita credidit. Gigni autem terram, aquam, ignem, tum ex his omnia.* Quamobrem in ea fuit hæresi ignem nihil aliud esse, quam aerem rarefactum vid. Schmidii *Physiol.* Anaximen: *p. m. 35. & 19. seq.* Quod quam ineptum sit & quam parum cum ipsius Anaximenis prin-

principiis cohæreat, vel ex eo conicere poteris, quod AERA DEVM esse voluit. l.c.

P. 24.

§. IX. ITALICI & quidem α) PYTHAGORAS præterquam quod ignem *περεὶν σῶμα* seu corpus solidum dixerit, teste Laertio l. 8. p. m. 582. vix quicquam de natura eius videtur tradidisse. Quamquā & hic obscurum per æq; obscurum explicuit. Non enim min9 obscurū est quid corp9 sit, quā quid ignis, in primis si istud cū Pythagora ex numeris & mathematicorum initiis profectum supponas. Laertius l. c. β) OCELLVS LVCANVS p. m. 30. de *Vniuer. Nat.* tunc quidem opportune ignem *ὑπερβολὴν θερμότητ* seu *exuperantiam caloris* descripsisset, si declarasset prius vel declarare potuisset quid calor sit: sed quia in antecedentibus de eo nihil dicere potuit amplius quam esse ignis *facultatem*, simplex sit & omni iudicio destitutus, qui Philosophiā hanc carbonariam admittat. Quæso enim te qualis hæc est definitio? si quis interrogatus quid ignis sit? Respondeat: Esse caloris exuperantiam; & iterum interrogatus, quid calor sit; reponat: esse ignis facultatem. Sanè si hoc non est committere circulum, nescio quid demum sit.

§. X. ELEATICI & quidem α) PARMENIDES ignem quidem elementum esse dixit, si fides Laertio l. 9. p. 641. (Pererius enim de *Princip. Corp.*

Corp. Nat. l. 3. p. 116. scribit, elementi seu τῷ στοιχείῳ vocem a Platone primum excogitatam esse) sed vereor ut ipse, quid elementum sit, perspexerit. Nam si Laertium l. c. inspexeris, tam male Parmenidis hypotheses coherere deprehendes, ut peius vix possint. β. HERACLITVS ex igne constare omnia & rursus in eum resolui cuncta dixit, Laertio teste l. 9. p. 631. sed quia nusquam explicatum legimus, quid per ignem intellectum voluerit, ex eo libro hanc eius hypothesin excerptam abstrahimus, quem Darius Histaspis δυσνόητον & δυσεξηγήητον appellauit. Vid. Laertium l. c. p. 639.

§. XI PLATO, citante Stobæo *Sermon. 77. p. m. 466.* false ridet Physicos sui temporis qui de igne tanquam de re quadam nota tam audacter differere conarentur, in suis Institutionibus, cum reuera nihil sit ignotius. Verba eius hæc sunt; *Naturam ergo & passiones ignis, aque, aeris, generationem cæli præcedentes consideremus. Nullus profecto ad hoc usque tempus eorum generationem ostendit, sed quasi notum sit IGNIS & reliqua, sic de illis verba facimus, eaque mundi primordia constituimus, cum nec syllabarum quidem, nedum Elementorum vicem tenere apud homines mentis quoquo modo compotes debeant. Nos vero in presenti nihil de principio Vniuersorum, seu principis, seu quomodocunque aliter*

aliter appelletur, dicendum putamus. Cui quidem disputationi nihil aliud impedimento est nisi quod difficile sit presenti disputandi modo, quæ de his videntur, exprimere. Neque igitur vos id expectabitis, neque ego mihi persuasabo recte me tantum opus aggredi posse. Quod autem ab initio dixi verisimilitudinis vim seruabimus, studebimusque in rationibus verisimilibus circa hæc assignandis nulli cedere; atque & singula & vniuersa a principio exponemus.

§. XII. ARISTOTELES quam parum naturam ignis habuerit perspectam, vel ex eo constare poterit, quod definitionem eius nusquam tradere annisus est. Et licet eius sectatores in suis Systematis & Compendiis Physicis subinde ad *l. 2. de Gen. & Corrupt. c. 3.* prouocare lectoribusque fucum facere soleant; ac si ignis *c. 1.* ab Aristotele definitus sit; *αὐτοψία* tamen docet contrarium, monstratque eum de nulla re minus quam de definitione ignis cogitasse. Vt vel inde appareat, quam malæ fidei testes hodierni Aristotelici sint, & quam procul a Præceptore suo, cum in aliis omnibus, tum maxime in *πυρολογία* discesserint;

§. XIII. THEOPHRASTVS ille Peripateticorum post Aristotelem princeps peculiarem quidem de igne scripsit librum, qui est in eius operibus Hanouæ 1605. Gr. & Lat. editis.

Sed

Sed præterquam quod confusa in eo sunt omnia & male ordinata; tantum abest ut ignis naturam in eo aperuerit, ut potius ipse an elementum sit & an ignis eiusmodi elementaris simplex & ἀμικτὸς reperiatur usquam vehementer dubitauerit.

§. XIV. PERIPATETICI ut in varias sectas diuisi sunt, ita non una ratione ignem definire solent, ut omnes γνησίως Aristotelici videri discupiant. Quidam enim dicunt esse *Corpus simplex cui per se & primo conueniat calor & siccitas* ut Bouin. in *Phil. Scoti Part. 2. Phys. Q. 1. p. 564.* Quidam; *Elementum calidum & siccum* ut Prucknerus in *Comp. Phys. cap. 2. p. 33.* Quidam *Elementum calidissimum, leuissimum & siccum cholericæ complexionis idoneum* ut Velcurio in *Comment. ad Phys. Arist. l. 2. p. 104.* Quidam; *elementum calidissimum, & siccissimum & leuissimum & subtilissimum* vid. Sturmii *Phys. Conciliat Part. Spec. Sect. 2. c. 1 §. 3. p. 102.* Quidam nescio quid aliud, adduntque adeo definitioni aliquid, vel detrahunt, vel plane immutant edocti ex Aristotele; *Veritatem esse adæquationem rei ad intellectum*: die Sachen müßten sich nach ihren Concepte richten. Interim ut definitio est maxime πολυδύλλητος quam habet Magirus l. 3. *Physiologia Peripatetica c. 3. p. 176.* quæ dicit: *Ignem esse elementum calidissimum siccum & leuissimum*; Ita pretium fortassis erit

erit operæ vidisse an veritati conueniat & ignis naturam, sicut fas est, aperiat.

§. XV. Vereor autem, vt istud faciat. Nam vt de obscuritate eius nihil dicam in præsentî, quæ tanta est, vt in hunc vsque diem nondum clare & distincte explicari potuerit quid *elementum*, quid *calor*, quid *siccitas* & *leuitas* sit; quis quæso paulo altius in naturam rerum intuens de eius veritate non dubitaret? Ego sane, quoties in hanc definitionem intueor, toties tot mihi in ea occurrunt dubia, vt iis eximendis vix mihi ipsi sufficiam. Et vt ordine ac via hæc nostra procedat obseruatio, agite faciemus Aristotelicis hanc veniam, & nostra cogitata in forma syllogistica proponemus.

§. XVI. Sic autem mecum differo. Cuiunque non conuenit definitio, illi non conuenit definitum. Atqui igni non conuenit definitio elementi, Ergo. Maior est canon philosophicus adeoque instar exactissimæ trutinæ atque regulæ, secundum quam de reliquis omnium vel fidelum vel infidelium conclusionibus libere iudicatur, ipsam vero aliunde iudicari minime fas est. Minor probatur h. m.; Quicquid non est corpus simplex homogeneum, ex quo res omnes concretæ primum componuntur & in quod vltimo resolvuntur, illud non est elementum. Atqui Ignis &c. Ergo Maior est definitio Ele-

Elementi Peripatetici, quam nemo sine heterodoxias notare reicere potest. Sed quia Minor est περὶ ἀκωλῶς, probandum erit, Ignem (1) non esse corpus (2) non esse corpus simplex (3) non esse corpus homogeneum (4) non esse corpus ex quo res concretæ primo componuntur (5) non esse corpus in quod res concretæ ultimo resolvuntur.

§. XVII. Quod verc ignis 1) non sit corpus tum ex eo constare arbitror, quod iuxta Aristotelem *l. 2. de Gen. & Corrupt. c. 3.* tantum ὑπερβολή seu excessus caloris est, adeoque gradu tantum a calore differt, tum etiam ex eo liquere existimo, quod expers materiæ & formæ videtur. Materiæ quidem, quia est tantum in materia ut accidens in subiecto, vel si mauis, ut spiritus in corpore esse solet, & quia materia materiæ superaddita auget eius quantitatem, quod in igne non procedit. Quamobrem anonymus ille Philosophus, cuius Thomas Braun in *ψευδοδοξία Epidemica* meminit, non male colligit ignem spiritualibus potius quam corporeis rebus esse accensendum. Sic enim scribit; daß das gemeine Feuer mehr unter die Art der Geistlichen als leiblichen Dinge gehöre / lehret gleichfalls die Vernunft. Denn wenn es leiblich wäre / so würde es für sich selbst so wohl einen eigenen von andern unterschiedenen ;

nen Körper haben/als die Erde/das Wasser/
die Luft/ und andere sinnliche Naturen, die
ihre eigene Leiber haben und damit un-
schränket sind/ und in denenselben und durch
dieselben ihr Wesen haben/ ihre Kräfte vol-
bringen/ und sich denen Sinnen vorstellig
machen: Das Feuer aber hat keinen eigenen
sichtbaren Leib/ und hält sich nur in andern
auf/ denn die Kohle ist ja kein Feuer sondern
ein feurig Holz/ auch ist die Flamme nicht
Feuer/ sondern ein angezündeter Rauch/
auch endlich frisset dieses Rauch: Wesen nur
allezeit etwas frembdes auf/ und lebet bloß
vom Rauche/und wenn ihm dieser ermangelt/
verlischet es/ weil es vor sich nichts hat / da-
von sichs nähren könne. Über dieses auch /
wenn ein Körper zu den andern gethan wird/
so vermehret er desselben Größe/ wenn aber
das Feuer in das Holz oder in den Rauch
gebracht wird/ so geschieht solches nicht/ son-
temahl weder das Holz noch der Rauch/ wen-
gleich das Feuer dazu komt/ der Größe nach
verzehret wird: Daraus zur Genüge abzu-
nehmen / daß vielmehr ein Geist als ein feü-
riger Leib das Holz oder den Rauch ange-
fasset. Auch ist daher genuasam zu schlies-
sen/ daß auch das Feuer des Wetter: Strah-
les eine geistliche Natur habe/ daß solches ei-
nen Regen zerschmelzet ohne Verletzung der

Scheide und die Knochen zerschmettert ohne Verfehrung des Fleisches/ wenn sie von dem feurigen Pfeile des Blitzes getroffen werden. E. corpus non est ignis, quia corpus non potest penetrare corpus) daß aber das Feuer nicht gar unförperlich sey/ ist gleichwohl auch zu bekennen/ denn es hat gar eine subtile materie / durch welche es der umstehenden Luft anhänget/ daher es / wenn dieselbe etwas dicke ist/ in selbiger sichs sichtbar enthält. Doch muß man ihm mehr den Nahmen eines Geistes als eines Körpers lassen/ weil es keine kennbare Größe hat / auch nicht zu erkennen ist/ wenn sichs nicht in einen frembden Leib begibet. Formæ autem, expers esse vel inde patet, quia forma esse nequit, vbi materia adest.

§. XVIII. Fingamus autem ignem corpus esse; nunquam tamen probari poterit esse (2) CORPVS SIMPLEX. Nam primum oppositum hoc est in appposito, quia omne corpus ex materia & forma est compositum iuxta ipsorum Peripateticorum sententiam. Tum experientia testatur ignem ex variis particulis componi, adeoque non magis esse simplicem quam pharmacopolarum *mixtura simplex* aut aliud quodcunque corpus.

§. XIX. Neque est quod ARISTOTELICI obiciant, vocari ignem simplicem eo quod
corpus

corpus sit homogeneous & in partes heterogeneas resolui nequeat. Nam & hoc quoque falsum est (3) ignem esse corpus HOMOGENEUM. Cum enim extra controuersia aleam positum omnino sit, ignem particulas v. g. ligni, straminis, candelæ &c. suas facere & in naturam suam quasi conuertere, aut dicendum erit eas esse heterogeneas aut fatendum hæc corpora ex partibus homogeneis constare, adeoque esse simplicia. Quod posterius cum perabsurdum sit; sane prius concedendum erit. Et quid si diceremus particularum ὁμογένειαν non statim corpus simplex constituere? Sane si aurum, argentum, gemmas & huius commatis corpora alia intuemur, particulas quidem homogeneas in iis deprehendimus; sed an propterea simplicia vocari possint, illi ipsi iudicent, qui corpus simplex sic describunt. Accedit quod definitio hæc vel ταυτολογίας vitium incurrat, si corpus simplex idem sit ac corpus homogeneous, vel ἀντιλογίας crimen subeat, cum simplex esse non possit, quod ex particulis homogeniis conflatum est.

§. XX. Quod cum ita sese habeat, quis quæso cum Peripateticis confirmet (4) IGNEM ESSE CORPVS EX QVO RES CONCRETÆ PRIMO COMPONENTVR? Resolui res concretas igne videmus; sed componi ex igne videmus

demus nusquam. Et si vel maxime concurrat ad generationem viuentium, ibique calidum cum humido componat, digerat, attenuet, misceat, formamque inducat; tamen propterea non magis elementum vocari poterit quam scriniarius, qui mensæ formam impertit. Extrinsece enim ad eam producendam concurrit, intrinsece eandem non constituit. Atque ea propter non inepte scribit Helmontius *tr. de Element. p. m. 53: Vanum est ignem confluere materialiter ad corporis misturam. Nusquam aliquid de creatione ignis legitur, nec igitur illum inter elementa agnosco nomenque meum paganismo recusato.* Cui quidem non inuiti subscribimus, etsi non ignoramus, Gallos hæreseos damnasse non neminem & e finibus suis eiecisse, qui confirmare volebat, *Ignem non esse elementum.*

§. XXI. Damnent autem per nos & eiciant quemcunque velint, nos tamen quintum adiicimus *παράδοξον* dicimusque (5) **IGNEM NON ESSE CORPVS, IN QVOD RES CONCRETÆ VLTIMO RESOLVANTVR.** Nam cum in id resolui tantum possit aliquid ex quo componitur, in ignem res concretæ resolui non poterunt, quia ex illo non componi iam euidentissime monstratum est. Et quia sic primum allatæ definitionis conceptum deleuimus probauimusque; *Ignem non*

non esse Elementum nunc demum ad alterum
progrediendum erit & porro ostendendum ;
Non esse calidissimum, siccum & levisimum.

§. XXII. Vt autem a calore faciamus au-
spicium, quid potest dici ineptius quam i-
gnem esse calidum ; cum pridem a recentio-
ribus probatum sit calorem non in obiecto ,
sed in subiecto, h. e. non affectionem ignis
esse, sed sensationem quandam per ignem vel
aliu[m] quemcunque motum in nostra mente
excitatum ? Sane si calor in igne esset vel in
materia ipsius inesset, (κατ' ἀνθρώπων dispu-
to) vel in forma vel in utroque. Sed non est
in materia ; quia materia ignis sunt particu-
lae terrestres, quae in se potius sunt frigidae
quam calidae ; Non in forma ; quia forma i-
gnis est motus, qui in se spectatus neque ca-
lidus est neque frigidus. Non in utroque,
quia quod in neutro est, in utroque esse ne-
quit. Neque est quod dicas ; hoc *sensibus*
contrariari : nos enim tactu calorem ignis
percipere. Hoc ipso enim confiteris calo-
rem non in igne sed in te esse, qui sensibus es
præditus. Et quid ? si frigus recte defini-
tur quod sit qualitas congregans homoge-
nea & heterogenea ; non repugnabit ignem
dici frigidum. Constat enim experientia
eundem v. g. ceram, picem, gummi, resi-
nam aliaque huius commatis homogenea &

heterogenea tam belle congregare, vt amice in vnam massam confluant.

§. XXIII. Equidem iam videor videre Presbyterum quendam Aristotelicum qui barba sollicitè demulsa & faucibus ad rauim, vsque perpurgatis, hoc syllogismo me impet-
 tat; Quicquid vrit, illud est calidum. Ignis vrit. E. sed R. α) ad Maiorem. Vrtica v-
 rit neque tamen est calida. Et si dicas di-
 stinguendum esse inter vrere proprie & im-
 proprie; exponas mihi quæso quid sit pro-
 prie vrere, & eris mihi magnus Apollo. β) di-
 stinguo inter id quod calidum est per se seu
 formaliter & ratione effectus. Non enim se-
 quitur: Ignis vrit. E. est calidus in se; potest
 enim esse calidus tantum ratione effectus.
 Plane vt acus dolorem affert effectiue, quem
 formaliter in se non habet; vel sicut mel ti-
 tillationem in lingua excitat, quam formali-
 ter non comprehendit. γ) ad Min. Neg. Ignis
enim elementaris, vt ait Senertus l. 2. c. 3. Nat.
Scient. p. 193. per se non vrit; Quod vero apud
nos vrit, causa est quod condensatur & inhaeret
crasse materie, vnde partes eius condensatae &
coarctatae maiorem vim habent, seu vt Scaliger
Exercit. 2. sect. 2. loquitur, vrendi vim habet a
partium propinquitate, frequentia, coagmenta-
tione, cohesione, unione. Cuius rei documentum
esse potest ferrum ignitum, in quo ignis vis ob par-
tium

tium condensationem maior est quam in stipulis, quæ constant ex rariore materia. Idem patet si spiritus vini incendatur. Nam per eum sine aliqua læsione & per supremam flammæ partem digitum transmittere possumus, quod in ferro candenti non licet. Idem ignis per se non conspicitur ut nec aer: ut nec lucet nisi in materia densa excipiat. Quod idem docet Alstedius Encyclopædiæ Phys. l. 13. Part. 2. c. 6. p. 695. Et Keckermannus l. 2. system. Phys. c. 10. p. 127. 4]. Quibus si velis Maiolum p. 375. Dierum Canonic. adiungere, deprehendes sane ignem etiam non elementarem reperiri, qui facultate vrendi sit destitutus.

§. XXIV. Sed video te expectare quid extincto calore ignis, de *siccitate* eius existimem? Et sane diffiteri non possum mihi rem in limine statim suspectam videri, quod inter ipsos Peripateticos nondum convenit, an *siccitas* in summo gradu igni, an vero terra tribuenda sit? Et si deinceps definitionem ficci intueor, videoque *Siccum* dici id, quod propriis terminis facile continetur, alienis difficulter, non terra tantum cum Peripateticis aliis, sed omnibus elementis reliquis ignem minus esse siccum, & Sturmio & veritate teste confiteor. Mera enim deceptio est & inadvertentia quod creditum est flammæ visibilis & pyramidalis terminos ipsi proprios esse. Et si vel maxime de flammæ

boc verum esset, ad elementum ignis id accommodari nec posset nec deberet. Sturmius l. c. p. 118. Adde quod ignis magis humidus quam ficus appellari debeat, si definitionem humidi admittas quam Peripatetici in suis compendiis inculcare consueverunt.

§. XXV. Quod vero ad *leuitatem* ignis attinet, ea non tantum rationi sed etiam experientiae videtur contrariari. Rationi quidem, quia hæc omne corpus esse graue dicitur. Experientiae autem, quia teste Sturmio Exercit. 4. Phil. Elef. c. 1. p. 195. *hodie indubius experimentis constat, ignem etiam nostrum culinarem & vulgares flammæ quascunque suum habere pondus & grauitatis expertes haud esse.* Et si vel maxime ad sacram Syllogismorum anchoram confugas, & ita contra nos argumenteris; Quicquid tendit sursum, illud est leue. Atque Ignis; E. tamen fulgur ex pelui est, quod non timemus. Nam α) unde tu certus es, quod cælum versus tendere sit tendere sursum? Sane si dicam cum Copernico, solem esse huius vniuersi centrum; ignis non sursum sed deorsum tendit, adeoque est elementum grauisimum, quia grauitas est peripateticis qualitas ad centrum vergens vel mouens. Et quid si β) negem, ignem sursum tendere? Profecto si ignis motus ex motu caloris iudicandus est, non

non minus deorsum quam sursum feretur, quia calor æque deorsum ac sursum diffunditur, vt experiri licet in cupri lamina si igni supponatur. Est tamen eundem tendere sursum, nonne γ) plumæ etiam in altum eniti solent? Sed tamen dicunt Germani nostri; Ein Pfund Federn ist so schwehr als ein Pfund Blei. Scilicet tendit sursum non quod in se sit levis, (tale enim corpus non datur) sed quia minus grauis est quam aer. Hinc enim supernatare vult. Neque magis propterea requirit sphæram igneam (ad quam nullus neque peruenit neque peruenturus est vnquam) quam oleum requirit, sphæram oleagineam, quod aquæ immersum ad superficiem superiorem euolat. Et tantum de Peripateticis hęc tempore dictum habeo.

§. XXVI. EPICVRÆI dum Gassendo teste de V. & M. Epic. part. 1. p. 169. volunt ignem esse congeriem atomorum exilium, rotundorum & motu celerium; in eo quidem a Cartesianis differunt, quod motum hunc atomis esse congenitum existimant, quem Cartesiani a subtili quadam & ætherea substantia dimanare arbitrantur; sed quia in reliquis ex asse cum iis conueniunt, vna fidelia duos dealbare parietes, & in vna periodo vtriusque nostra dubia proponere poterimus.

§. XXVII STOICI quid per ignem intellexerint, & an illum ipsum Deum vel saltem Dei sedem esse putauerint, neque Lipsius diligentissimus ille Physiologiae Stoicæ rimator satis exploratum habuit, ut ex inscriptione Dissert. 12. p. 99. constat, neque nos habemus. Adeoque satius existimamus de iis tacuisse quam temere iudicasse. Hoc tamen dicimus videri eos, si vera sunt, quæ a Lipsio *c. l.* & Vosio *Cap. 19. de Sect. Phil. §. 7.* narrantur, a Spinofismo non procul abfuisse, atque adeo naturam ignis omnium pessime intellexisse.

§. XXVIII. CARTESIANI ut clare & distincte res naturales cognoscere & explicare posse Philosophi esse proprium existimant; ita naturam ignis clarissime & distinctissime describi posse arbitrantur, quod sit: Congeries particularum terrestrium celerrime motarum. Vid. *Le Grand Instit. Part. 6. Artic. 17.* sed ut non dicam esse obscurissimum adhuc, quid *motus*, quidque *terra* secundum hypothesin Cartesii sit; dum *motus* definitio sic comparata est, ut etiam ad quietem accommodari possit; Natura autem terræ tam est ἀπὸ κενού, ut eius regionem intimam & mediam a nobis ignorari, supremam autem ex particulis incertas figuras habentibus constare Cartesiani ipsi fate-

an-

antur : quis quæso sibi persuaderi patiatur hanc definitionem naturam ignis exprimere, cum rebus tot diuersis & heterogeneis adaptari queat? Ego sane quoties puluerem a turbine commotum intueor eiusque particulas citissime per aerem discursitare video, toties mecum tacitus cogitare soleo ; EN IGNEM CARTESIANVM! Porro si corpus ignitum conspicio congeriem particularum terrestrium citissime motarum deprehendo, & tamen ignitum corpus ab igne mirum quantum differre certus sum. Tum non concipio, qui ignis *elementum primum* a Cartesio vocari possit, si ex particulis terrestribus componatur, adeoque elementum prius agnoscat. Denique ne illud quidem cum Ioh. Baptista du Hamel *Phys. Gen. tr. 1. c. 2. p. 75.* exploratum habeo, an motus ille particulis connatus sit, quod Epicureis probabatur, an vero iis a quadam substantia subtili & omnia permeante communicatus, quæ mens est Cartesii. Et cum adeo natura ignis a nulla Philosophorum secta clare & distincte explicari posuerit, lectori iudicandum relinquo, quid in cæteris naturæ partibus præstare: & an de iis tot tantaque Systemata contexere potuerint? Sapienti pauca.

OBSERVATIO XVII.

De

PROCESSV IVDICIARIO IVDICII
HALLENSIS QVATVOR-VIRALIS.

SVMMARIA.

Varii modi citationum. §. I. Modus citandi & Processus in iudicio quatuorvirali Hallensi receptus. §. II. Origo huius iudicii quatuorviralis. §. III. Processus fori Germanici ex variis iuribus compilatus. §. IV. Iustitia Processus quatuorviralis. §. V.

§. I.

Processum iudicarium Romanum, & illum qui moribus Germanorum passim introductus est, si inspiciamus, oppido patet, pro diuersitate temporum diuersam indolem & habitum præsertim circa modum citationis & prouocationis illum induisse: Legibus XII. Tabb. obtorto collo sine præscitu iudicis licuisse reum in iudicium trahere, ex Brissonio *L. 5. de formulis* & aliis scriptoribus edocemur, postea illum modum violentum expirasse offendimus, ita tamen vt absque præscitu iudicis per apparitores citationes fierent; Tandem tempore Iustiniani cum apparitores cum actoribus colluderent, & calumniis ansa præberetur, cautum, ne sine præscitu iudicis apparitores quem
in

in ius vocarent *Nou. 112. c. 2. Nou. 96.* Sed & peculiarem modum nonnulli populi excogitabant, & per duos testes seu vicinos reum citabant ad iudicem: *Schilt. Exerc. ad π. 7. §. 4. & in not. ad §. 7.*

§. II. Diuerso hoc modo citandi aliquatenus adhuc vtuntur nostri Hallenses in peculiari illo iudicio, quod vocatur *das Riez Herrn-Ambt.* Scilicet vbi ciuis ciuem ad hoc iudicium vocat, non prius veniam impetrat a iudice, sed apparitores adit, & postulat vt ad proximum diem iudicium citent reum, oretenus, apparitores hanc citationem in album suum describunt, reum citant, & die iuridico adueniente, album suum seu catalogum citatorum iudicii Directori exhibent, comparente reo partes admittuntur, & causa a iudice de plano deciditur; Quod si reus confitetur vel delictum vel debitum, (nempe causæ quæ hic deciduntur, sunt vel debita vel iniuriæ reales & verbales) statim sine vltioribus ambagibus condemnatur, si delictum negat, statim testes producuntur & summariter audiuntur. Si debitum vero negat, vel exceptiones altiore indaginem requirentes affert, deque illis actori iuramentum defert, ad iudicium Regium Ciuitatis, die *Bergerichte* partes dimittuntur. Si non apparet reus, contumacia eius accusatur o-
re-

tenus & protocollo inscribitur, nouaque citatio impetratur; quod si tertia vice in contumacia persistit, vel iudicato intra 14 dies non paret, petit actor vt reus realiter & ob torto collo citetur. Sed hæc posterior citatio, quamuis per apparitores fit, tamen sine iussu Directoris iudicii fieri nequit: Sed & ante plurimos annos alius modus obseruabatur, nempe non poterat quis ciuem ad hoc iudicium trahere, nisi prius per duos vicinos amicabiliter hortatus fuisset ciuem debitorem vt ipsi satisfaceret, qui mos ante paucos annos desit.

§. III. Origo huius iudicii inde cœpit, quod Clerus, ceu alibi de Palatio Regio dictum, etiam Halæ mirum in modum sæuaret, causis secularibus promiscue se ingereret, litigatores ad forum suum traheret, & sub prætextu, quod animabus illorum, ne litigando illas perderent, consulere vellet, ipse causas, pro illo quo capiebatur affectu, terminare volebat. Quod si ciues eiusmodi sententiæ morem gerere & ad arbitrium Cleri iure suo cedere nollent, Banno Ecclesiastico illos feriebat & a communione ecclesiæ & vsu sacræ Synaxeos arcebat. Ægre id habuit Saxones nostros Hallenses, ieruitutis impatientes, & libertatis sæpe vltra modum vindices, itaque ceu ex proœmio huius ordina-
tio-

tionis patet, vt anſam calumniandi præſcinderent Clero, obicem Cæſaro-Papiz Romanæ ponere volebant, erigendo tale iudicium, in quo absque omni ſubterfugio celerrime partes ius inuenire poſſent; Verba præmii ſic ſonant, quæ allegare non pigebit: Um viel und mancherley Bannes/ derhalben Gottesdienſt Legunge/ um Geldſchulde / und andere wertlichen Sachen ſo unfere Bürger mit einander zuthun haben/ zubewahren / und davor zu ſeyn / daß der Gottesdienſt ſo leichtfertiglich und gerinze nicht dürffte geleget werden/ und daß unfere Bürger nicht recht los bleiben dürfften und ihr einer den andern / was er ihn von Geldſchulden oder ſonſt pflichtig iſt / abez mahnen und erfordern/ Ihr jegliche auch ſo viel ihme von rechtswegen noth ſeyn wird/ an den andern bekommen möge/ haben unſer Herr ꝛc. Quod & ex epilogo ordinationis dictæ clarius eluceſcit, vbi grauitè prohibetur, ne in cauſis ſecularibus ciues conciuſes ad eccleſiaſticum iudicium Præpoſiti Noui operis deſ Probiſſi zum Neuen Wercke traherent, inſimulque patet, veteres Hallenſes inſignes oſores fuiſſe Proceſſus iudiciarii, qui in ſcriptis celebrari ſolebat.

§. IV. Quamuis itaque non negandum, nostros Hallenſes iure Saxonico antiquo a pri-

primis incunabulis vsos fuisse, tantumque abest, vt credamus ante tria secula iuris Romani illos peritos fuisse, vt potius vbiuis vestigia reperiamus simplicis modi procedendi Teutonibus & Saxonibus familiaris, attamen nec hoc inficiandum, exterioris Processus ratione iam seculi 13. lapsu a pristina simplicitate deflexisse Veteres, ac ad regulas Iuris Pontificii, quod ex Iure Romano multa in suos Decretales transtulerat, se quoque composuisse, vt sic cinnus factus sit Processus Saxonicus, in quo præter Pontificum Decretales, ciuile ius eiusque Interpretum opiniones dominabantur, multa quoque ex priscis institutis reseruata fuerint, ceu pluribus exponit Conradus Sincerus *de German. Leg. Vet. ac Rom. Iur. in Republ. nostr. orig. p. 52.* hinc factum quod & præter opinionem Hallenses nostri quasdam ex Iure Quiritario circa Processum iu fora sua introduxerint, præsertim cum æquitatis & simplicitatis rationem circa ipsum inuenirent.

§. V. Etenim iustitia Processus huius iudiciarii, dum celerrime cuius ius dicitur, nihil in scriptis admittitur, vt lites insignem sæpe summam concernentes intra quatuor septimanas, nisi prouocatione ad Illustre Regimen retardentur, quod raro fit, palam celebratur, & temperamentum circa ipsam citation-

tionem & executionem sententiæ æquitate palpabili nititur. Quippe sola illa citatione quamvis ab apparitore sine iussu iudicis fiat, nihil præiudicii reo affertur, cum ipsi integrum sit exceptiones liquidabiles aëtori opponere, quod & conuenire videtur Magdeburgico iuri, de quo in Weichbild *art. 34.* reperitur, quod circa citationem solius Nuntii mentio facta: Ast circa executionem sententiæ alia ratio apparet, cum illa realis citatio non parum incommodi secum trahat, hinc recte non nisi præscitu iudicis fieri potest, qui prius examinat an citationes legitimæ præcesserint, an reus reuera contumax fuerit, an res iudicata adsit, sed & si rei sint paulo honestioris conditionis, prius director iudicii rem ad senatum defert eiusque iussum & approbationem exquirat, an reus custodiæ tradi debeat; quæ ipsa vero incarcerationis antiquum morem Saxonum sapit, qui debitores confessos vel iudicis vel partis custodiæ tam diu dabant, donec vel fideiussores constituerent, vel debitum soluerent, vel præstando operas manuaras creditori satisfacerent, Weichbild *art. 27.* Quamvis in hoc mores nostri discrepent, quod in iudicio Hallensi non attendatur, an quis possessionatus sit an non, (quæ tamen differentia de iure Magdeburgico obtinuit; Weichbild *art. 33.*) sed

(4)

A a

sola

sola æquitatis vox: Solue quod debes, hic præualeat.

OBSERVATIO XVIII.
DE FESTO SOLENNI CRAPV-
LARIO HALLENSI, VVLGO die Knob-
lauch's Mittemoche.

SUMMARIA.

Descriptio huius Festi, §. I. Eius origo non videtur ab Ethnicis deriuanda. §. II. sed a Pontificiis societatibus Calendariorum §. III. IV.

§. I.

MOs solennis Halæ inueteratus obtinet, quo die Mercurii post Festum Pentecostale omnia a curis vacant, opificiarii similisque conditionis homines allio vescuntur, sibi que persuadent, eum, qui hoc die eiusmodi herbis fruatur, bona valetudine vsurum, per integrum annum. Omnes plateæ itaque illo die odore sordido & alliari implentur; dignitate vero qui præcellunt, seu qui hac superstitione non capiuntur, communiter secedunt in hortos & villas, & mutua hilaritate se excipiunt.

§. II. Sæpe a maioribus in originem huius consuetudinis audiui inquisitum fuisse, dum

dum alii huc, alii illuc illam referrent; Incidebat ante plurimos annos, vir quidam elegantioris ingenii, nunc pie defunctus in Gueuarræ *Horolog. Princip. L. 1. c. 4* & dum perpenderet ethnicos ritus, qui quamlibet fere rem pro Deo finxerant, credebatur forsan hunc morem ab antiquis Gentilibus, qui sub nomine Hermundurorum circa has plagas olim vagati sunt, ortum traxisse; Sed cum Halam nunquam Hermunduri infederint, neque Hallenses Saxones, qui ius ciuitatis ab Ottone Saxonico acceperunt, gentiles fuerint, veritati hæc coniectura non conuenit: Papalibus erroribus itaque potius illum morem adscribimus.

§. III. Notum quippe illos ad fastum & dominatum suum fundandum, morem Romanorum imitari voluisse, qui sacerdotibus ius dies fastos constituendi dabant; factum hinc ut & Pontificii ius dies fastos indicendi sibi arrogarent, in quam rem ordinem certum CALENDARIORVM instituebant. Quando hic ordo cœperit, inter eruditos equidem plene non constat; *Christianus Franciscus Paulini Dissert. Histor. 6.* hosce fratres cum sodalitate Rosarii Mariani surrexisse vult, asseritque fuisse societatem mixtam ex compacto spiritualium seculariumque hominum constatum, quorum officium primitus in eo consti-

stitit, vt modum & ordinem sacrorum constituerent, & specialiter, quæ singulis mensibus celebranda forent anniuersaria recolenda, quæ elcemosynæ distribuendæ, quæ ieiunia seruanda, quid pecuniæ elocandum, & qui fructus ex sortibus exigendi: Imo asserit *Iohannes ab Indagine*, hosce *Calendarios a conuenticulis suis ad quæ se vocabant, sua bona spiritualia, fundendo preces, sermones pios neclendo, & se mutuo in charitate corrigendo, coercitione potestatiua, communicarent, nomen sum fuisse.*

§ IV. Ast sicut euenire solet, vt optime instituta sæpe pessimos euentus sortiantur, ita & hisce Calendariis accidit; Nam eorum cœtui admixti primum hypocritæ, qui Curios simulabant & Bacchanalia amabant, facili negotio & alios in suas partes trahebant. Hinc quolibet mense festa mandibilia *Fress Feste* instituebant, vt & eiusmodi festa hypodiaco- nalia prouerbio, *er machet bundte Calender/ ansam* dederint, *B. Feller Diff. de Fratr. Calend.* Cum itaque Halæ ordo *Calendariorum* tempore superstitionis Pontificiæ altas radices egisset (sic vt vestigia horum *Calendariorum* in Curia nostra adhuc reperire liceat, cum

certos redditus quos *Calendarii* fœneratores ciuibus sub vsuris dederant, & hi suis ædificiis imponebant, vulgo *die Calands Zinsen* cessione a *Calendaris* facta Senatus ad se tra-

xerit) probabile est, genio Hallensium ad commestationes & epulas procliui se accommodasse hosce hypocritas, & praesertim temporis dulcedine annuente festum hocce mandibile introduxisse, cum insuper Pontificii eo temulentiae iamdudum prolapsi, vt, die Pentecostes vsque in sabbathum a precibus & orationibus solitis abstinere pro religione duxerint, ne scilicet festiuitatis beatitudo, ceu Hilarius in Prolegom. ad Psalmos ait, ieiuniis & precibus impediatur: Cum stomacho siquidem legimus *distinēt. s. c. 15. de Consecrat.* in quo canone non solum Gregorius suam stultitiam, sed & in Germanos virulentum animum depromit: Optandum itaque, vt veritate Euangelii elucente, superstitiosa illa manducatio iterum ex animis hominum tolleretur.

OBSERVATIO XIX.

Ἀντίχθων PYTHAGORÆOVVM.

SUMMARIA.

Antichton vel terram vel hominem denotat. §. I. De posteriori significato loci Plinii & Solini §. II. item Mela §. III. & Apuleii §. IV. An antipodem denotet, an huic oppositum antœcum, an tertium genus hominum: varia variorum sententia. §. V. - XII.

A a 3

Præ-

*Præter hanc significationem geographicam est
 & alia Astronomica Pythagoræorum, Lexico-
 graphis neglecta. §. XIII. De ea loci duo ex
 Aristotele. §. XIV. XV. Horum summa §.
 XVI. Nouem orbes vniuersi. §. XVII. Py-
 thagoræi solem totum igneum crediderunt,
 circa cuius centrum moueatur terra §. XIX
 XIX. Iisdem antichton est terra circa alte-
 ram partem centri mota nobis inuisibilis. §.
 XX. Illustrantur dicta ex Plutarcho, §. XXI.
 XXII. qui tamen male Philolao Pythagoræo
 adscribit, ac si alium solem præter ignem il-
 lum vniuersi centrum statuerit, §. XXIII.
 XXIV. quæ potius opinio est Empedoclis Py-
 thagoræi. §. XXV. XXVI. Vesta Gentilium
 non terræ, sed solis huius ignei symbolum. §.
 XXVII. Antichton Pythagoræorum diuersus
 planeta a Luna. §. XXVIII. Locus Plutarchi
 expositus. §. XXIX. - XXXII. Simplicius An-
 tichtona Pythagoræorum pro Luna habuit. §.
 XXXIII. quorsum & inclinatur alicubi Plutar-
 chus §. XXXIV. Et Simplicium sequuntur alii
 §. XXXV. statuerunt Pythagoræi Lunam ut
 terram nostram habitari. §. XXXVI. (Scali-
 ger notatus de Luna causa monstrorum &c. I-
 bid. lit. b.) Sed propterea Luna ipsis non fuit
 an-*

antichtbon. §. XXXVII. *Reiicitur ratio Rhodigini* §. XXXVIII. *Sententia Simplicii obstat doctrina Pythagoræorum de numero denario.* §. XXXIX. *Medele Artopæi Vestam h. e. ignem subterraneum substituentis respondeatur.* §. XL.-XLIV. *Alia reformatio orbium cælestium Bodini.* §. XLV. *Antichtbon Pythagoræorum est Planeta ab omnibus stellis & globo terra distinctus.* §. XLVI. *Causa cur Simplicius ex eo Lunam fabricauerit,* §. XLVII. *Pythagoræorum nimius amor in numerum denarium.* §. XLVIII. *Decem partes orationis ex eorum mente* §. XLIX. *item decem proportionales media in Arithmeticis &c.* §. L. *Alius scriptorum Christianorum error* §. LI. *statuentium, Antichtbona Pythagoræorum esse cælum beatorum.* §. LII. *ut Clementis Alexandrini.* §. LIII. *Explicatur locus quidam Hieronymi de sententia Origenis.* §. LIV. *Paradisi & antichtbonis comparatio.* Ibid. lit. d. *Fabula illa de Pythagoræo beatorum cælo ostenditur.* §. LV. *Pythagoras an primus inuenit Antipodas.* §. LVI. *Multa reliquæ Philosophiæ Ethnicæ in doctrina systematica de vita futuri seculi.* §. LVII. *Commendantur Eimmarti contemplationes nouæ de sole.* §. LIX.

§. I.

Aντίχθων Lexicographi exponunt vel terram Antipodum ut Hadr. Iunius, Rob. Constantinus, & Budæus; a) vel eum, qui oppositam pedibus nostris terram incolat, ut Scapula b), h. e. Antipodem.

a) Had. Iun. Lexicon editum habeo A. 1557. Basil. Roberti Constantini A. 1592. Budæi & caeterorum noviss. correctum a Cellario & Honigero. Bas. 1584. Horum omnium eadem sunt verba hæc: Ἀντίχθων *opposita pedibus nostris terra. Antipodum terra opposita nobis: ἀντίχθωνος γῆς, terræ antipodum.*

b) f. m. 1811. cuius hæc verba: Ἀντίχθων οὐ καὶ ἡ, *oppositam pedibus nostris terram incolens, Plin. Lib. VI. c. 22.*

§. II. Prouocat Scapula ad Plinii c. 22. l. 6. ubi hæc verba reperio: *Taprobanen alterum orbem terrarum esse, diu existimatum est, Antichthonum appellatione. Quibus similia loquitur, Solinus c. 66. f. m. 315. Taprobanen Insulam, antequam temperitas humana exquisto penitus mari fidem panderet, diu orbem alterum putauerunt, & quidem eum, quem habitare Antichthones crederentur. Conf. Pompon. Melam lib. III. f. m. 202. de Taprobane agentem.*

§. III, Apud hunc Melam Antichthonum mentionem bis inuenio, semel f. m. 3. *Antichthones alteram, nos alteram incolimus. Iterum f. 55. Quod si est alter orbis, suntque oppositi nobis a meridie Antichthones.*

§. IV.

§. IV. Apud Apuleium quoque vox hæc occurrit. *l. I. metam. p. 406. ed. Elmenb. Indi vel Æthiopes utrique vel ipsi Antichtbones.*

§. V. Communis interpretatio est, Antichtbones eosdem esse cum antipodibus. Quam sequuntur Camers *ad Solinum* a), Vadianus *ad utrumque Mela locum* b) qui tamen *f. 8.* addit, Melam per Antichtbones Antæcos magis intelligere) Faber *in Lexico f. 70. & 71. ed. Buchn.* Fungerus *in Etymologico f. 59.* Goclenius *Lexico philos. græco p. 27.* Micrælius *p. 140. Lexici Philos. & alii passim.*

a) Verba eius *f. 315. -- quos Antipodas etiam vocamus. Sunt enim contra eos positi, quos ἀντίπους vocamus.*

Quod ultimo loco dicit Camers, id cum Capella consentit: Sed ab eo vicissim discedit, quod Antichtbones & Antipodas habet pro iisdem. Locum Capellæ vide §. 8.

b) *f. 8. & 55.*

§. VI. In fragmento scriptoris incerti cum Cenforino edi soliti *c. 2.* hæc legas: a) *Diuisi a nobis circulo æquinoctiali antichtbones vocantur: videntur humiles atque depressi, quibusque antipodes infra sunt. Quod ut posse videatur efficiunt flexus; obliquitatesque terrarum. Antichtbones iidem Antæcoe nominantur.*

a) *p. 149. ed. Lindenb. p. 81. ed. cum Procli Chrestomath.*

§. VII. Ad hæc verba sic commentatur Petr. Io. Nunnescius a): *In Membranis Antischape (pro Antæcæ) quod libenter retinerem detrita*

aspiratione, nisi me noua forma nominis deterret, ut quemadmodum Cleomedes ἀντώμης ab aliis appellatos esse ait & M. Tullius VI. de republ. auersos eosdem non ut vulgo legitur, aduersos nominat: sic antiscapæ dicerentur, quod auersi contrarios polos spectent, qui si in eodem hemispherio sint, autochthones melius certe & verius quā antichthones nominarentur, ut legitur apud Achillem Statium. Nam de nominis nouitate non magnopere laborandum. Hæc Nunnefius qui p. seq. ait, de Antichthonum & Antipodum nominibus quam variæ a scriptoribus vsurpentur, se alibi copiosius. b) Considerandus & locus Origenis II. περὶ ἀρχ. 3. (I. oper. f. 691.) e Clemente: Meminit sane Clemens Apostolorum discipulus etiam eorum, quos ἀντίχθονας Græci nominant: atque illius partes orbis terræ, ad quas neque nostrorum quisquam accedere potest, neque ex illis qui ibi sunt, quisquam transire ad nos: quos & ipsos mundos appellant, cum ait: Oceanus intransibilis est hominibus, & hi qui trans ipsum sunt mundi, qui his eisdem Dominatoris Dei dispositionibus gubernantur.

a) p. 95.

b) an dixisse an dicturum?

§. VIII. Martianus Capella ab Antipodibus pariter & Antæcis distinguit Antichthones, cum ait Lib. VI. p. 196. ed. Grot. Qui nobis
ad-

aduersi, Antipodes memorantur, qui contra illos quos ἀντοίχες dicimus, Antichthones appellantur. a)

- a) Martiani hanc sententiam annotarunt Rob. Steph. in *Elucid.* & Gesn. in *Onomast.* f. 31. vterque voce Antichthones. Citat Martian. & Beroald. ad *Apul.* f. 8. sed verba eius non profert qualia sunt in mea editio-
ne.

§. IX. Probus Grammaticus ad vers. 233. lib. 1. *Georg. Virgil. f. m. 107.* a) dum quinque Zonas cœli interpretatur, Zonam, quæ appellatur χειμερινή, a nobis ait hiemalem dici, quod scil. cum illam sol transcendit, hiemem facit, & breuiores dies agit: Paulo post addit; *Hanc quoque Zonam inhabitari credibile est. Et in hac Zona si qui inhabitant appellantur a nobis antichthones* ὡς τὴν ἐναντίαν χθόνα οἰκῶντες.

- a) al. p. 37.

§. X. Cum Probi locum hunc Beroaldus licet suis potius quam Probi verbis attulisset ad *Apulei. f. 8.* statim subnectit: *Hos alio nomine Græci ἀντοίχες vocant, de quibus multa Macrobius in 2. in somn. Scip.* a) *Ex his colligimus, antipodas non esse antichthones.* - Post pauca & Martiani locum citat.

- a) vide ipsum cap. 5. p. m. 133.

§. XI. Turnebo *Lib. XX. Aduers. c. 11. f. 633.* ἀντίχθων non est alia terra quam America, quam aui nostri patefecere.

§. XII.

§. XII. Isaacus Vossius ad Pomponium Melam p. 2. sic commentatur a) inter alia: Notauerā *Antichtones non ita a veteribus accipi, ut vulgo pro Antipodibus, sed pro omnibus illis, qui oppositam terram australem* b) *inhabitare credebantur, etiamsi in superiori nostro degerent hemisphario. Ita semper ab antæciis & antipodibus distinguuntur.* Eandem sententiam repetit p. 54. Vide & Christian. Schotan. *Bibl. hist. sacr. de secunda mundi at. f. 144. 145.*

a) cum præmississet ab init: *Qui hic annotarunt Pomponium perperam Antichtones vocare qui antomi vel antæcierant dicendi, illi ipsi errant.*

b) conf. quæ Macrobius *differt II. in somn. Scip. c. 5. p. 133.*

§. XIII. Verum nec opis meæ nec consilii est, hanc de Antichthonibus Geographice acceptis litem disceptare. Illam potius ἀντίχθονα, quam astronomica notione usurpata ab ipso toto terræ globo nostro distinguebant Pythagoræi, de qua altum apud Lexicographos Græcos æque ac Latinos, quos quidem lustrauerim, est silentium, quid eam ipsi esse voluerint, indagare libitum est.

§. XIV. De ea duo sunt egregii Aristotelis loci: Vnus *Lib. II. de celo, c. 13. a) f. m. 363. οἱ περὶ τὴν Ἰταλίαν καλέμενοι πυθαγόρειοι ἐπὶ μὲν τῷ μέσῳ πῦρ εἶναι φασί, τὴν δὲ γῆν ἐν τῶν ἄστρων ὕσαν κύκλῳ φερομένην περὶ τὸ μέσον, νύκτα δὲ καὶ ἡμέραν ποιεῖν. ἔτι δ' ἐναντίαν*
ἀλ.

ἄλλην ταύτη κατασκευάζουσι γῆν, ἣν ἀντίχθονα ὄνομα καλῶσιν, ἡ πρὸς τὰ Φαινόμενα τῆς λόγους καὶ τὰς αἰτίας ζητῶντες, ἀλλὰ πρὸς τινὰς δόξας καὶ λόγους αὐτῶν τὰ Φαινόμενα προσέλκοντες καὶ πειρώμενοι συγκοσμεῖν.

a) *al. text.* 72. *Bid. edit. Conimbr. p. 376. Et Auerr. Volum. 5. p. 146.*

§. XV. Alter *lib. I. Metaph. c. 5. f. 647. vbi* cum familia modo auditis præmisisset, Pythagoræos entium elementa numeros putauisse, hisque partes cæli, atque dispositionem vniuersi applicuissse non modo, sed etiam, si quæ deessent, suppleuissse, exempli loco statim subdit: λέγω δ' οἷον ἐπεὶ δὴ τέλειον ἡ δεκάς εἶναι δοκεῖ, καὶ πᾶσαν περιεληφέναι τὴν τῶν ἀριθμῶν φύσιν, καὶ τὰ φερόμενα κατὰ τὸν ἔρανὸν δέκα μὲν εἶναι Φασιν, ὄντων δ' ἐν νεία μόνον τῶν Φανερώων, διὰ τῆτο δεκάτην τὴν ἀντίχθονα ποιεῖσι. *Expresfit hunc locum & Pachymerius c. 3. Metaphys. f. m. 268. a)*

a) ἐ Pachymerio Meursius *c. 12. denar. Pythagorici p. 119. conf. Cigogn. Theat. nat. p. 70.*

§. XVI. Ex his duobus locis hoc intelligere datur, Pythagoræos, cum tanquam indubium præsupponerent, ob numeri denarii perfectionem, in huius vniuersi systemate, præcise quoque decem sphaeras numerari oportere, & vero a sensibus demonstrare plures quam nouem non possent, (qui sunt

videlicet septem planetarum, octaua, in qua stellæ fixæ, nona globi terreni a) decimam licet eam ostendere digitis non possent; ab ingenio confinxisse, & nomen illi dedisse ἀντίχθων hoc est terræ, quæ sit huic nostræ opposita. Enimuero fuisse hanc illis philosophandi methodum, ut hæc sensibilia inflecterent ad normam intelligibilium suorum, non, quod factum contra oportebat, fidem intelligibilium exigerent ad ea, quæ a sensibus demonstrarentur.

a) alii (puto recentiores) sic: septem sphaera Planetarum, octaua Zodiacus, nona ἡ νῆστος vid. LC. 148.

§. XVII. Quod dictum est, non nisi nouem sphaeras seu orbis reuera dari atque a sensibus indicari, ex opinione veterum illorum æstimandum est, qui si terram relinquamus, cæli orbis non amplius octo esse, septem puta planetarum & octauum ἀπλανῆς, statuerunt. Quod passim Autoribus obseruatur a) nam alii plures addiderunt postea, idque certis de rationibus ac longe aliis, quam qualem Pythagoræi ponebant.

a) Vid. *Alsted. Tom. II. Encyclop. f. 387. Bodin. Theat. Nat. p. 455. P. Io. Oliuar. p. 18. in somn. Scip. LC. 148.*

§. XVIII. Ex Aristotelis loco de cælo, illud obseruandum insuper, ignem, quem in centro huius vniuersi locauerint Pythagorei, non
aliu

aliū esse, quam solem ipsum, quem vetustas totum igneum credidit. Neque vero aliter intelligi potest, quod ait Philosophus, arbitratos illos esse diem noctemque fieri conuersione globi terreni circa hoc mundi centrum.

§. XIX. Vtique Pythagoræi inter illos fuerunt, qui circulo moueri tellurem existimarent (quam hypothesin xuo superiore Copernicus restaurauit) *vid. Delr. Comm. in Senec. Thyest. p. 414. Gassend. Tom. IV. Oper. f. 47.* De Philolao Pythagorico expresse Laertius p. m. 443. κατὰ κύκλον τὴν γῆν κινεῖσθαι πρῶτον εἰπὼν, οἱ δὲ ἰκέταν συρακυσίων Φασιν. Quæ verba sic vertenda duxerim: *Aiunt eum primum dixisse, quod terra circulo moueatur, quam hoc alii Hiceta tribuunt Syracusio: non ut vertit Abrosius Camaldulensis p. m. 367. Terram iuxta primum circulum moueri dicit.*

§. XX. Qui ad Aristotelem commentati sunt, addunt, Pythagoræos causam, cur ἀντίχθων a nobis conspici non possit, inde reddidisse, quod circa idem mundi centrum ex altera parte nobis occulta (puto per interiectionem centri Mundani h. e. solis) volueretur. Vide in *Metaphysicis Fensicam p. 238. Hauenreuterum p. 124. Sonerum p. 128. Dreierum p. 65.* Quanquam perperam Hauenreuterus terram quasi ex Pythagoræorum opinio-

nione centrum facit mundi: neque satis clare Dreierus hic loquitur.

§. XXI. Is quæ diximus patrociniū facile commodabit Plutarchus *lib. III. de plac. philos. c. 11. a*) inquiring: *Philolaus Pythagoricus igni medium defert locum, quod sit quasi focus uniuerſi* (τῷ παντός ἐστὶς) *secundum antichthoni, tertium ei in qua nos degimus terra sita ex aduerso, & contrario motu circumuertenti,* (τρίτην, ἣν οἰκῶμεν γῆν ἐξ ἐναντίας κειμένηντε, καὶ περιφερομένην τῇ ἀντίχθονι) *unde fiat, ut qui in una sunt terra, ab iis qui constituti in altera sunt, non cernantur.*

a) *II. moral. p. 32. (in græcol. f. 895. E.)* Plutarcho parallelus est Galenus *Hist. Philos. f. 8.*

§. XXII. Idem Plutarchus Ἀντίχθονος quoque mentionem facit *cap. preced. 9. a*) cum ait: *Oecetas Pythagoræ duas terras esse statuit, nostram & ei oppositam quam antichthona vocat.* b) ubi obiter noto, qui Oecetes (οἰκέτης c)) nominatur Plutarcho, illum ipsum videri, qui apud Laertium legitur οἰέτας (*supra* §. 17.) apud Ciceronem *IV. Academ. p. 131. Nicetas. Vide Turnebum l. 16. Aduers. c. 18. f. 494. Hortibonum* (qui Casaubonus est) *ad Laertium p. m. 251. P. Fabrum in Cic. Academ. p. 85. Gassend. Tom. IV. Oper. f. 47. fac. b.*

a) iisdem paginis, etiam apud Galenum.

b) opponit Plutarchus Oeceten in hoc ipso Thaleti, cui vnica tantum fuerit terra.

c) an legendum οἰέτης?

§. XXIII.

§. XXIII. Verum in hoc vicissim non assentimur Plutarcho, quod illum ignem, quem vniuersi focum Pythagoræus Philolaus appellans in ipso mundi centro ponit, ex eiusdem Philolai opinione distinguit a sole, dum *lib. II. de plac. c. 20. a*) ait, Philolao solem esse discū vitæum, qui resplendescentiam mundani ignis recipiat, δίσκον (vox hæc male abest in edit. Francos. Græcolat. f. 890. A.) ὁ ἀλοειδῆ, δεχόμενον τὴν ἐν τῷ κόσμῳ τῆ πυρὸς αὐτάνυγαν.

a) *II. Moral. p. 24. 25. (græcolat. f. 890. A.) græc. f. 217. cui respondet Galenus in histor. philos. f. 6.*

§. XXIV. Sic in Commentario de animæ procreatione *fol. 1028. edit. græcolat.* a) mundana corpora numerat ex Pythagoricis placitis ignem, antichthonem terram, Lunam, Mercurium, Luciferum (Venerem intellige) Solem: vbi similiter ignis & Sol tanquam diuersa numerantur.

a) *lat. III. Moral. p. 93.*

§. XXV. Verum hoc posterius profectum dixerim ex opinione Empedoclis, qui & ipse a) Pythagoræ discipulus fuit. Vt enim alii Pythagorei duas terras posuerunt: ita hunc e Plutarcho *II. plac. 20.* apparet duos Soles statuuisse, quorum alter sit ignis mundi archetypus, alter huius ignis resplendescentia.

Credo ut alia quadam ratione quam per antichthonem sacro Pythagoræ denario confunderet.

a) teste Reinesf. p. 72.

§. XXVI. Quæ si vera sunt, duæ quasi factiones Pythagoræorum fuerint, una quæ duas terras vnum solem; altera quæ vnam terram, duos soles agnosceret. E posteriore Empedocles, e priore Philolaus, cuius opinionem Plutarchus in illo *c. 20. l. II. de plac.* cum Empedoclis opinione confudisse dixerim. Sane vero totidem prope verbis ibi & a Philolao & ab Empedocle definiri facit ἀντάυγχαν τῇ περὶ τὴν γῆν πυρός.

§. XXVII. Maneamus ergo in sententia Pythagoræorum ignem centalem, eorum, certe qui duas terras agnouerint, esse solem ipsum. Cuius rei vestigium quoddam licebit in ipsis etiam veterum sacris deprehendere. Cur enim amabo perpetuum illum & sacrum ignem Vestæ, a) si contigisset eum casu aliquo extinguï, non aliter apud Græcos quam a Solis radiis accendere licebat? Nimirum quia Vestalis ignis solem repræsentabat. Græci huius ritus ipse meminit Plutarchus in *Numa f. 61. qui f. seq. de Vestæ* apud Romanos templo agens, notanter inquit: *Templum Vestæ rotundum a Numa extru-*
ctum

Etum est, non ut terra, quasiea Vesta b) esset, sed ut vniversi figuram exprimeret, in cuius medio ignem collocatum Pythagorei censent, eumque Vestam & vnitatem c) appellant.

a) Vestam Seruius ex emendat. Vossii *II. Idol. f. 327.* ait in medio mundo libratam sua vi stare, & ignem intra se habere. *conf. & locum Dionys. apud Cluverum. f. 242. Germ. Antiq.* Videnda etiam atque eliminanda, quæ habet Liplius *Synt. de Vesta c. 1.* (ubi Vestam ex quorundam sententia ignem esse) & c. 8. (ignem extinctum e Sole reparatum esse) *Tom. II. Oper. fol. 747. 753.*

b) Vestam alias pro terra matre accipiunt, & a vi stando dictam volunt, quia terra stat in medio immobilis, *conf. Kipp. Antiq. p. 20.* Sed certum est, hoc etymon aberrare cum Vesta dicatur potius quasi **אֵשׁ**

ignis Domini, *Sid. Kipp. d. l. p. 21. Voss. Idol. f. 327.* Itaque plane hoc erat *שְׁוֹדֵגֻנְרֵי*, si quis Vestam interpretaretur terram. Sed errorem inde credas ortum. Vesta Pythagoræis corpus illud erat mundi, quod esset in medio, h. e. ipsorum opinione Sol. Qui ergo terram ponerent in medio Vestam terram sunt interpretati. Male. Neque adeo tres rationes, cur terra Vesta sit apud Vossium *II. Idol. f. 328.* exhibitæ, satisfaciunt.

c) Ignem centralem vnitatem designari, etiam alio loco Plutarchus memorat, *de anima procreatione, f. 1028. B. ed. græcolat.* ubi igni tanquam medio datur vnitatem, Antichtoni 3. Terræ 9. & ita porro vsque ad Solem. Distinguit ibi quidem Plutarchus ignem illum centralem à Sole: Sed si recte inspicias locum, quæ ibi dicuntur, non tam Pythagoreorum sunt, quam Platoniorum, ut opinor, Pythagorica quædam dogmata in rem suam

vertentium. Quos ipsos Platonicos dixerim, dum aliena assumunt, ea vel non intellexisse satis, vel etiam peruertisse. Inde error ad Plutarchum quoque manare potuit. Cæterum hoc ipsum quod scribitur, ignem centrale esse unitatem, argumento esse nobis potest, quod per ignem illum nihil aliud quam Solem, Deum nempe ipsum intellexerint. Monas enim illis principium rerum atque adeo elementum primum. Quod ignem fuisse præcipuis veterum placuit. Qui autem ab igne ut principe elemento cætera deriuarent, ignem hunc Sole præstantiorem profecto non faciebant, saltem ab eo non remouebant Solem quinto gradu, quod male fit eo loco apud Plutarchum. Nisi dicas forte per ignem Deum ipsum ut principium efficiens ab omni materiali principio prorsus distinctum intellexisse. Verum ne hoc quidem procedit. Quomodo enim ignis hic locum habebit inter mundana corpora.

§. XXVIII. Cæterum recte hoc Plutarchus in eo quem §. XXII. designauimus loco, quod Antichthonem Pythagoræorum, distinguit a Luna tanquam plane diuersum ab ea Planetam.

§. XXIX. Idem elici potest ex alio Plutarchi loco lib. II. Placit. c. 29. a) Agitur ibi de lunæ defectu, quem τῶν πυθαγορείων τινες aiunt esse ἀνταύγειαν καὶ ἐπιφραξίν τὸ μὲν τῆς γῆς, τὸ δὲ τῆς ἀντίχθονος. Xylander putauit, locum esse mendosum, recteque adeo legicum Eusebio ἐπιφραξίν τῆς γῆς ἢ τῆς ἀντίχθονος Vid. annotationes eius in Tom. II. Moral. Plutarch. p. m. 609. Locus Eusebii est lib.

XV. de prep. Euang. c. 51. (qui apud Plutarchum legisse videtur : *οἱ μὲν τῆς γῆς, οἱ δὲ τῆς ἀντίχθονος*, & hæc voluisse concisius proferre) ipse autem Xylander p. 27. plane contra & Plutarchi & Eusebii scripturam, vertit, *resplendescentiam & obstructionem profectam a terra, quam antichthonem h. e. oppositam terram dicunt.* Verum nihil in Plutarcho mutandum. Sensus est, Pythagoræorum quibusdam eclipsin lunæ censerī partim *resplendescentiam* esse, partim *interceptionem* lucis, interceptionem quidem a nostra terra, *resplendescentiam* vero ab Antichthone, inter quam videlicet & nostram terram semper solaris intercedit ignis. Atque his simul illa confirmantur, quæ §. 18. diximus, cur Antichthon videri a nobis non possit, causam perhiberi solis interuentionem.

a) fol. 891. ed. græcolat. (græc. f. 218.) latin. II. Moral. p. 27. *Parallelus apud Galenum locus est in Hist. Philos. f. 7.*

§. XXX. Neque rem satis intellexit Iulius Martianus Rota, dum eum locum in Galeni Historia Philosophica (quam epitomen esse constat Placitorum Plutarchi) latine vertit hoc modo f. m. 7. *Pythagoreorum quidam lunam asseuerant reflectere & intercipere lucem, illadque nostra, hoc antipodum terra fieri.* Verendum erat: *Eclipsin lunæ Pythagoræorum*

quidam aiunt esse resplendentiam & interceptionem lucis, hanc quidem a nostra terra, illam vero ab Antichthone.

§. XXXI. Refellit Iulium inter alia, quod putavit cum Græci ὁ μὲν & ὁ δὲ vsurpant, prius illud semper ad remotius, hoc posterius ad propinquius respicere, itaque ὁ μὲν vertit *illud* & ὁ δὲ, *hoc*: tametsi non nego illam quoque de pronomminibus *ille* & *hic* observationem vulgatam non esse perpetuam, vide *notas nostras ad Tursell. de partic. p. 134.*

§. XXXII. Similis error obuenit Aufonio Popmæ in intelligenda latina ῥήσας Quintiliani *lib. IX. c. 2. p. m. 470. Quid tam commune, quam interrogare vel percontari? Nam utroque utimur indifferenter, cum alterum noscendi, alterum arguendi gratia videatur adhiberi.* Popma putavit sensum esse, quod interrogare sit noscendi, percontari refellendi animo quærere: Atque adeo Quintiliani hanc observationem reiicit. *lib. III. de diff. verb. p. m. 160.* sed scire debebat, cum latini pronomen *alter* geminant ut græci ὁ μὲν ὁ δὲ, interdum quod priore loco ponitur ad propius respicere, quod posteriore ad remotius. Clarissimum exemplum hic profero, (plura possem si hoc ageretur) ex Varrone *de re rust. c. 9. p. m. 90. Videndum, ne a Venatoribus aut Laniis canes emas; alteri, quod ad pecus sequendum inertes,*

ertes, alteri si viderint leporem aut ceruum, quod eum potius quam oues sequentur.

§. XXXIII. Redeo in viam. Dictum est, Antichthonem Pythagoræis plane aliud quid, quam lunam sonuisse. Quod confirmat insuper locus Porphyrii de vita Pythagoræ p. m. 194. vbi ἀντίχθων distinguitur non modo a sphaera τῶν ἀπλανῶν sed & τῶν ἐπὶ τὰ ἀστέρα, i. e. septem Planetarum. Quod obseruandum omnino aduersus Simplicium, qui Piccarto teste in *Disp. de Criteriis Scientiarum thes.* 24. p. 470. *Philos. Altorfina*, auctor fuit, Pythagoros per ἀντίχθωνα Lunam intellexisse.

§. XXXIV. Ex eodem fonte putes & illud profectum esse, quod apud Plutarchum, licet non diserte Pythagoreorum sententias recitantem legitur in *commentario de facie in orbe lunæ Parte III. Moral. p. m. 385.* (edit. græcolat. f. 944.) esse cauernas in luna, quarum maxima vocetur Hecates, vbi animæ dent, pœnas fumantque: esse præter hanc alias duas vnā cœlo alteram terræ nostræ obuersam Lunæ partem, illam Elysium campum a) vocari, hanc Proserpinæ & Antichthonis. In Græco est περσεφόνης ἑκαῖντίχθονος. Xylander vt interpretari hoc posset, mutauit ἑκα

B b 4 in

a) conf. quæ Macrob. p. 58. de luna & prope finem de Elysiis campis habet.

in γ b) Non male, ut opinor. Quod si ergo in Luna degentibus terra nostra est ἀντίχθων, sequitur ut luna nobis vicissima sit ἀντίχθων, id quod volebat Simplicius.

b) Ipse hanc mutationem profitetur quasi in notis p. 599. cum ait: περὶ τοῦ ἀντίχθωνος, vide quid sit.

§. XXXV. Simplicium hic sequuntur e recentioribus Cael. Rhodig. *Lib. XXII. Antiq. Lect. c. 14. f. 1242.* & novissime Ioh. Christoph. Artopæus p. 107. *Diatribes Anno superiore 1665. editæ de vera ætate Antichristi*, ad virum quendam clarissimum, quem ipse ibi non nominat quidem, sed esse Theophilum Spizelium Amicum nostrum facile intelliget, qui huius Examen vaticinii Anglicani eodem anno vulgatum inspiciet. a)

a) hunc ita alloquitur statim p. 3. καὶ τίς τὸ θεόφιλος: verbis ex Apostolorum Actis depromptis.

§. XXXVI. Potuit asserto suo Simplicius colorem ex eo quærere, quod Pythagoræi aiunt, Lunam perinde ut nostram terram habitari, ab animalibus quidem, quæ nostris maiora sint decies quinquies, *vid. Plut. II. de Plac. 30. a)* & adde quæ Delrio habet *Comm. in Herculem Furentem Senecæ p. 221. b)*

a) *II. Moral. p. 27. (græcol. f. 892.)* locus Galeni parallelus f. 7. *Histor. Philos.*

b) Hic obiter aliquid addo. Ait Scaliger p. 50. in *Catalectis Virgilii. Omnia mōnstra καὶ τὰ ἔκτομα ἔπρæter naturam aut consuetudinem veteres e Luna demissa putabant, et Leonem Nemaum. Lunam e-*

enim alteram terram putabant &c. Obseruat hoc Scaliger eum in finem, vt doceat Scyllæ quoque matrem fuisse Lunam. Quæquam id ipsum improbat postea. Neque sane satis apte conficeretur ex eo, quod Luna sit genitrix monstrorum, si hoc illi maxime daremus, sic enim esset Luna Genitrix vt terra. Atqui Poeta cum parentes Scyllæ memorat, de alia matre sollicitus fuisse videtur, quam de illa magna quæ sit vel nostra Terra, vel Luna. Porro dubito, an hoc ipsum Scaligero assentiar, credidisse veteres lunam monstrorum matrem; si monstrum intelligimus tale, quale Scylla fuit, h. e. ex pluribus confusum speciebus. Saltem tale quid non probat ille Nemæus Leo: qui vt monstrum diceretur, non varietati seminum confusorum, sed magnitudini vt opinor, habuit imputandum. Neque aliam causam fuisse putem, quod creditus sit e Luna decidisse. Omnia enim in orbe Lunæ animalia nostris maiora credebant Pythagorei, vt modo e Plutarcho audiuius. Videndum an ideo, quod Lunam quoque præimperitia seculi maiorem orbe nostro præsumerent. De cætero memorat Plutarchus eum (de Nemæo enim puto dictum, quod ipse de Leone in Peloponnesum cadente) e Luna ideo decidisse, quia contigerit nimio Lunam impetu agitari; quam alioqui certum sit triplici motu agitari. *III. Moral. p. 375.* Quæ si accipimus, nondum euincitur, nisi alia proferantur documenta, credidisse veteres, omnia monstra e luna decidere. Non magis quam omnia grandia animalia Lunam excutere. Nec enim semper putauerunt eiusmodi concussionem nimiam fieri.

§. XXXVII. Verum efficitur quidem hinc, potuisse Lunam a Pythagoræis dici terram, sicut a Physicis eam vocatam fuisse ætheream

terram testatur Macrobius *Lib. I. in Somn. Scip. c. 11. p. 58*: Atqui aliud est terra simpliciter, aliud Ἀντίχθων h. e. terræ nostræ opposita terra. Curandum enim est, ne illa Ἀντίχθων appellatio nimium recedat ab eo sensu, quo Geographi Ἀντίχθονα terram appellabant nostræ sic oppositam ut conspectum orbis nostri perpetuo effugiat (*vide quæ diximus §. 1. & seqq.*) quod Luna certe non semper facit.

§. XXXVIII. Quare nec illud commentum accipio, quod Rhodiginus in lectiones antiquas suas a) transtulit, Antichthonem dici Lunam, quia ut terra Lunam umbra habet, ita Solem Luna nobis adimit plerumque.

a) loco supra citato.

§. XXXIX. Et omnino reclamatur huic expositioni ipsa machina Systematis mundani secundum Pythagoræos. Quod ipsi ob sanctimoniam denarii nec pluribus volebant nec paucioribus constare corporibus quam decem. Ergo si Luna & Antichthon vnum sunt, non plura conficiuntur, quam novem corpora. Vidit hoc Rhodiginus haud dubie, cum scriberet, mirum esse, Antichthonos nomine Lunarem sphaeram intelligi.

§. XL. Huic obiectioni tacite occurrit Artopæus a), decimam nominans Vestam, quo

quo nomine appellauerint ignem subterraneum in mundi centro situm, vt habeat Plutarchus in vita Numæ. Sed responderi facile potest.

a) loco supra citato,

§. XLI. Etenim est quidem apud Plutarchum in *Numa* f. 62. ignis mentio qui sit in medio mundi, sed subterraneum illum esse altissimo silentio inuoluitur: nos vero monstrauius *supra* §. 26. ignem illum esse Solem ipsum. Itaque per ignem Vestræ centalem non plura nouem sphaeris habebimus.

§. XLII. Ne quidem, si maxime assentiamur Artopæo, ignem Vestæ subterraneum illum esse. Quo enim iure diuelleretur hic a terra ipsa, cum qua & globum vnum constituit & motum sphaericum habere nisi communem non potest.

§. XLIII. Agnouit hoc ipse Artopæus: itaque ob hanc causam quia nempe subterraneus hic ignis non constituit peculiarem globum, Pythagoræorum illam decem sphaerarum explicationem reiicit.

§. XLIV. Vt autem hanc doctrinæ partem reformet, pro Vesta cælum CrySTALLINUM in decem sphaerarum complementum assumit a)

a) conf. decem sphaeras Maimonidis p. 196. *More Ne-
Eoch*, & Kircheri in *Arithmol. Part. VI. c. 5. p. 286*,
288.

§. XLIV.

§. XLV. Non multum abfimilis est reformatio Bodini qui tamen, quid ἀντίχθων esset Pythagoræis rectius intellexit Artopæo, distinguit enim eam a Luna cum ait p. 554. *Theat. nat. Pythagorei præter orbis octo*, (in quibus nempe Planetæ atque in his Luna septenas conficiunt) *ac terram orbem ἀντίχθωνα finxerunt, quia nondum illis perspecta erat & cognita ratio cælestium conversionum.* Probat interim eos, quod hæc denario numero concludi putarent oportere. Facit autem ipse quoque decem sphaeras, non mundi quidem totius (terram enim non annumerat) sed cæli, ac probare hunc numerum nititur tum hic tum in præfatione operis de *Magorum Daemonom.* p. 21. e decem cortinis tabernaculi Mosaici (pro quibus tamen in hoc eodem argumento duodecim video memoratas a Strozio Cigogna lib. I. *Theat. nat. c. 6. p. 56.* a) in ipso sacro textu *Exod. XXVI. 7. & c. XXXVI. 14.* undecim reperiō) quippe quo theatrum hoc figuratum fuerit. Quin & cum Judæis dictum *Psf. 8. v. 9.* vbi cæli vocantur opera digitorum Dei, huc trahit, ut videlicet tam deni cæli, quam digiti intelligantur.

- a) Videndum an in Cigogna sit forte error typographi aut interpretis; an vero cortinarum numerus vere duodenarius fuerit; neque enim alias cælorum numerum exprimit Cigogna; Credo autem esse,

& qui duodecim numerent cœlos. *Conf. quod Casmannus p. 437. Vranogr. negat locum Exodi recte hic a Bodino citatum esse.*

§. XLVI. An recte Bodinus decem cœlorum orbes numeret, an item recte fidem ei rei faciant illa scripturæ loca, viderint Astronomi, Physici, Theologi. Casmannus quidem *cap. 4. Vranogr. q. 7. p. 437.* elumbem illam rationem vocat allegoriis Rabinicis & Origenicis insistentem. Cui forte similis illa sit, si quis dicat, Poetas in eo, quod Apollinem vnum & nouē Musas finxerunt, respexisse ad Solem Pythagoræ, qui Apollinis instar in medio positus vniuersi, nouem circa se tripudiantes habeat reliquos orbes. *Conf. Kircher. d. l. & Porphy. vit. Pythag. p. 194. & Marsil. Ficin. Platon. f. 361. Cæl. Rhodig. XX. 10. f. 1107. C.* Verum nobis hic tantum propositum erat historiam philosophicam de Antichthone Pythagoræorum, nescio an aliis expositam, persequi: In qua rectissime, nisi fallor, ex Aristotele! Antichthonem illam interpretati sumus Planetam ab omnibus stellis pariter & ipso terræ globo distinctum, sed non alibi quam in cerebro natum.

§. XLVII. Quod ex eo Simplicius Lunam fabricauit, vix alia de causa factum, quam quod puderet ipsum immanis insanix, cum aduersus Christianos, qui gentilibus ineptias

pa-

pariter suas & dissensiones obicerent, horum sapientiam & consensum homo profanus evincere laboraret. De quo eius studio lege Pererium *lib. IV. phys. c. 10. p. 239.* Arnisæum *Epit. doctr. Phys. p. 37.*

§. XLVIII. Sed frustra nobis occludit oculos. Pythagoræorum insanus in denarium numerum amor & ex eo natæ ineptiæ susceptæque per vim absurdæ fictiones aliis quoque documentis demonstrari queunt.

§. XLIX. Seruit hic nobis egregie locus Photii *Cod. 187. f. 466. ed. gracolat.* e quo, dum e Nicomachi Geraseni (cuius Autoris scripta plane resipiunt scholam Pythagoræ) theologumenis arithmeticis excerptit, inter alia observat, ut huic Philosophorum generi omnia Decas essent, partes quoque Orationis eos reformasse, cumque non nisi octo eas tradant Grammatici, duas alias nescio quas adiecisse, quas vocabant *προσηγορίαν & παραπλήρωμα.* Nimirum ut præfatur Photius f. 459. *res ipsas ad suam potius speculationem contentiose aptare studebat Nicomachus ille, quam ut ad rerum naturæ mentis suæ cogitata dirigere conaretur.*

§. L. In eadem causa testimonium quoque Boetius commodet nobis, eiusdem Nicomachi Arithmeticen (diuersum hoc opus est a theologumenis, quod manuscriptum græce cum scholiis Philoponi vidimus in Bibliothe-

ca summi viri Thomæ Reinesii) redigens in compendium. Sic autem ille c. 41. *Arithmetici* f. 1352. — *At vero posteri propter denarii numeri perfectionem, quod erat Pythagoræ complacitus, medietates alias quatuor (puta super sex alias medietates, ἀντιλογίαι vocantur in Græco textu, veteribus notas, quæ sunt Arithmetica, Geometrica, harmonica, quarta, quinta, sexta,) addiderunt ut in his proportionalitatibus denariæ quantitatis corpus efficerent. — Inde etiam in Aristotelica atque Archytæ prius decem predicamentorum descriptione Pythagoricum denarium manifestum est inueniri. — Inde etiam decem membrorum particula, (Græce sunt αἱ κατὰ τὰ ἀκροτήρια διαμήσεις) inde alia permulta, quæ omnia persequi non est necesse.*

§. LI. Verum hic aliud nos excipit certamen. Ne enim ἀντίχθων merum esse somnium videatur cerebri Pythagoræi non ex gentilibus modo Simplicius laboravit, verum e Christianis quoque veteribus vnus alterue. Vtrobique in culpa fuit nimius in ethnicam Philosophiam affectus, quam contra Christianam religionem defendere Simplicius, cum eadem conciliare Christianorum aliqui conabantur.

§. LII. Horum autem sententia erat, (nam de Simplicio dictum est hætenus) per ἀντίχθωνα Pythagoræos intellexisse ipsum cælum
bea

beatorum & illi terræ nomen phrasi scripturæ sacræ indidisse.

§. LIII. Satis hoc clarum est e verbis Clem. Alex. Lib. V. Strom. prope finem f. 447. ed. Heinf. a) οἱ δὲ πυθαγόρειοι τὴν ἀντίχθονα καλεῖσιν. ἐφ' ἧς γῆς δὲ Ιερεμίᾳ: τάξω σε εἰς τέκνα καὶ δώσω σοι γῆν ἐκλεκτὴν κληρονομίαν θεῷ παντοκράτορι. b) i. e. interprete Herueto: *Pythagoræ: cælum appellant ἀντίχθονα h.e. terram ex aduerso sitam. In qua terra inquit (DEVS) per Hieremiam: collocabo te in filios & dabo tibi terram electam hereditatem Dei omnipotentis.* Paulo post ait Clemens, satis aperte ostendisse se quomodo fures a Domino dictum esse Græcos sit audiendum. Existimauit nempe, Cælum quoque illud beatorum (de hoc enim Ieremiæ dictum, quod legitur c. 3. v. 19. interpretantur nostri, vt Osiander c) furto quodam fuisse subleatum e Prophetis & nomine ἀντίχθονος designatum. Conf. locum Porphy. in vit. Pythag. p. 194. vbi ἀντίχθονα videtur superiorem sphaeræ aplanæ memorare: sed videtur.

a) 126. ed. meæ latin.

b) hæc est ipsa versio LXX. viralis. vbi vide p. m. 160.

c) in Bibliis fol. m. 133. his verbis: *Promittitur autem Ecclesie sub vocabulis (terra desiderabilis & hereditatis præclaræ) celestis hereditas & vita æterna, ineffabile gaudium & omnium bonorum abundantia.*

§. LIV. Puto etiam a) huc alludere Origene-

genem cuius e libris *περὶ ἀρχῶν* hæc latine profert Hieronymus *Epist. ad Autum mibi 7 om. III. Oper. f. 69. Sphæra illa quam supra appellauimus ἀπλανῆ & quicquid illius circulo continetur, dissoluetur in nihilum, illa vero, qua ἀντιζώνη* [existimo hic mendam esse & legi debere ἀντίχθων *b*] *ipsa tenetur & cingitur, vocabitur terra bona* (forte legendum noua) *nec non & altera sphæra, qua hanc ipsam terram circumambit vertigine & dicitur cælum, in sanctorum habitaculum conservabitur.* Si in re non satis clara locus est coniecturæ, dixerim Origenem decem cælos statuisse, septem videlicet Planetarum, octauum τὸ ἀπλανές, nonum *ἀντίχθονα*, decimum supremum, & his vniuersis elatius: in verbis autem prolatis contineri hanc opinionem *c*) fore, vt post consummationem seculi cæteris abolitis permaneant sphæra nona & decima, nona tanquam terra noua, & decima tanquam cælum nouum. *d*)

a) Res dubia. Locus Origenis, quem vult Hieronymus legitur apud eum I. *Oper. f. 692.* sed ibi nec ἀντίχθονα, nec ἀντιζώνην reperio. Vicissim tamen sciendum, versionem illam Ruffini esse maxima libertate vtentis. Si Origenis ipse liber haberetur in fontibus res clarior foret.

b) Erasmus in notis non sollicitat sed explicat cum ait f. 71. *Antizona vocatur, quæ d' opponatur & respondeat Zona.* Verum Zona non est totus terræ vel orbis, sed aliquis tantum eius tractus, Itaque &

runt & hortum illum extra mundum hunc statuerunt, de quibus Schotan. *p. 312. & 337.* Quā in re Origenem, nostro seculo secutus est Franc. Georgius, *Fid. Lütken. p. 198. in fin. Sixt. Senens. Bibliothec. p. 369.* His ergo Paradisus Adami & Beatorum idem fuerit. Atque hi, si gentiles cum Christianis, Pythagoreos cum ecclesia conciliare volent, dicent *ἀντίχθονα* Pythagoreorum quoque illam esse terram, in quam animæ simul omnes creatæ a Deo repositæ fuerint, & in quam redire piorum animas adeo oporteat. Esse nimirum hanc terram inuisibilem, quia & scriptura oculum non vidisse, quæ Deus præparauerit, esse Campos Elysios, de quibus supra e Plutarcho. Lunam & *ἀντίχθονα* differre ut infernum & cælum Beatorum. In Luna enim torqueri animas noxiorum (*Plut. d. l.*) in cælo gaudere animas piorum: qui mitiores pœnas meriti sint, in hunc orbem tanquam in purgatorium mitti &c. Sed satis est ineptiarum. Perrexant hæc & credant quibus volupe est insanire.

§. LV. Verum quicumque Antichthonem Pythagoram de cælo beatorum exposuerunt, eos a scopo aberrasse vel inde manifestum euadit: quod Antichthoni suæ Pythagoræi locum faciebant a centro mundi ad superiora nitentibus proximum, cæterisque sphaëris vniuersis inferiorem (*supra §. 19. & 22.*) Cælum autem beatorum in supremis potius quam infimis mundi partibus illi veteres locabant. Imo vero cælum illud plane non est $\pi\gamma$ creatum docente B. Hülsema *in op. 267. Brev. Theolog.* Quomodo ergo huic luci cum istis paganorum tenebris conveniet?

§. LVI. Vnum addi poterit, de quo tamen inquirendum vltcrius; An videlicet Pythagoram illi, qui ἀντίχθωα eius non satis intellexerunt, ob hoc ipsum crediderint Antipodas (hos enim eosdem quoque, cum Antichthonis incolas faciunt) primum inuenisse, quod asserunt Scribonius in *præfat. Physf. p. 7.* & Pet. Fab. *ad 1. Acad. Cicer. p. 84.* Ego vero valde dubito, illis temporibus antiquis Antipodas fuisse cognitos. Et illud etiam in hac meditatione probe obseruandum, non ipsum Pythagoram a) sed posteros eius in schola τὴν ἀντίχθωα excogitasse, quod quidem scire hæctenus liceat.

a) Nisi forte obftet, quod tamen non puto, locus Porphyrii in *6it. Pythag. p. 194.*

§. LVII. Hæctenus recensuimus meditationem Iacobi Thomafii quam in chartam coniecit mens. Aprili anni 1666. Ad quam nihil addimus, nisi quod occasione comparationis inter Paradisum duplicem & Antichthonem Pythagoræorū institutæ, nobis in mentem incidat, annon vtile sit, vt ii, quibus tempus superest fabulas a veritate separare, etiam inquirent; annon multæ doctrinæ de vita æterna & inferno in libris systematicis, etiam Protestantium deprehendantur, quæ magis reliquiæ sint Philosophiæ cuiusdam paganae, vel fabularum Rabbinicarum, quam

riuuli ex fonte Sacrarum Literarum deducti. Pauca sane de statu vitæ futuri seculi traduntur in veteri fœdere. Non multa plura in nouo. Ipse Paulus curiosos de hoc statu, etsi iis rationabiliter respondeat, stultos tamen appellat. Quænam ratio? Nimirum Christus vult, nos primum quærere debere ea quæ sunt intra nos, de FUTVRIS autem parce esse sollicitos. At sapientia Pagana & Papistica homines abducit a studio vtilissimo rerum PRÆSENTIVM ad speculationem curiosissimam Rerum FUTVRARVM. Nempe, Christus talem doctrinam proponit, quæ potest ab omnibus examinari, qui est character veritatis: contra Anti Christus talia proponit, quæ possunt a nemine examinari, qui est character mendacii. Nam in hisce quilibet qui auctoritate pollet, poterit docere, quæcunque ipsi placent absque metu refutationis, non aliter ac is, qui e terris longinquis venit, iuxta prouerbium: Wer aus fremden Landen kömmt/ hat gut lügen.

§. LVIII. Denique occasione eorum quæ §. 23. 24. 25. dicta sunt de duplici sole secundum mentem Empedoclis & Philolai, recordamur Ichnographiæ Nouæ Contemplationum de Sole, Noribergæ hoc anno a doctissimo Georgio Christophoro Eimmarto editæ, in qua hypothesein illam antiquam Pytha-

gorzorum de sole inuisibili primigenio, & resplendentia eiusdem in Sole visibili, apte expoliuit, & multa laude dignis obseruationibus declarauit, vt mihi certe ichnographia hæc saluam mouerit, maius opus de hac doctrina, quod Vir Clarissimus meditatur, videndi. Expecto interim, quid affectæ philosophiæ corpuscularis & mechanicæ de hac eius sententia sint dicturi. Si tacebunt, cordatiores id silentium, non interpretabuntur in eorum fauorem. Si contra quid dicturi sunt, vereor, vt loco moturi sint solem inuisibilem Eimmarti. Spero, si Astronomia & Physica plures Eimmartos nactura sit, quod opto, & futurum confido, philosophiam spirituales mox sepulturam esse philosophiam corpuscularem, & vortices istos mundi Cartesiani.

/ OBSERVATIO XX.
DE VITA, RELIGIONE ET FACTIS
BERNARDINI OCHINI,
SENENSIS.

§. I. *Commune fatum est virorum, qui reliquos antecellunt, vt pro hæreticis vel nouatoribus habeantur. §. II. Ochinus quando natus & monachus fuerit factus. §. III. an auctor fuerit ordinis Capucinorum. §. IV.*

§. IV. Hospinianus notatur. §. V. Papebrochii hac de re iudicium. §. VI. Ochinus magnæ auctoritatis apud suos. §. VII. missus, ut per Italiam pontificiorum dogmata prædicaret. §. VIII. Quando & cur Italiam reliquerit. §. IX. In Germaniam venit cum Petro Martyre, ad reformatorum sacra transiens. §. X. Cum eodem Martyre in Angliam abit. §. XI. Qualem duxerit uxorem. §. XII. Locarnensium ecclesia apud Heluetos unde orta. §. XIII. Huic præfectus Ochinus. §. XIV. In Anglia & apud Heluetos pii atque docti viri famam habuit. §. XV. Ochinus dialogorum libros duos cum Basileensium censura euulgat. §. XVI. Tigurinae ecclesie Senatus atque ministri Ochini dialogos examinant, atque auctorem condemnant. §. XVII. Ochini excusatio. §. XVIII. Ochinus condemnatur inauditus. §. XIX. Sententia eius condemnatoria. §. XX. examinatur ea. §. XXI. grauiissima hyeme Tiguri eiectus. §. XXII. Durum Tigurinorum edictum reprobat Dudithius. §. XXIII. Quale colloquium habuerit cum Cardinali Lotharingo. §. XXIV. An pontificiis se iterum obtulerit. §. XXV. Fata in Polonia atque Moravia & mors. §. XXVI. Ochinus nec

atheus. nec auctor libri de tribus impostoribus.
 §. XXVII. Remundo atheismum Ochino impu-
 tanti, respondetur. §. XXVIII. eadem ratio-
 ne, respondetur Cardinali Hosio. §. XXIX.
nec fuit Socinianus. §. XXX. a Sandio non re-
 cte in antrinitariorum catalogam refertur.
 §. XXXI. nec Socini magister fuit, nec Serue-
 ti discipulus.

§. I.

Commune fatum est virorum, qui
 vel pietate vel doctrina atque sa-
 pientia antecellunt reliquos, ut ab
 iis, qui pro orthodoxis haberi vo-
 lunt, tanquam hæretici, athei, nouatores &
 similis generis homines exclamentur. Com-
 mune hoc inquam, fatum est, communis cor-
 ruptela, quæ ecclesiam a longis retro seculis
 adfecit, continuato ad nostra tempora mo-
 re. Exempla virorum qui idem experti, or-
 thodoxis forsân sunt odiosa, quæ non sine
 fremitu exaudiunt. Ne ergo horum abutar
 patientia, solius Ochini hic adducam exem-
 plum, huiusque suscipiam defensionem, quæ
 ut eo facilius pateat, de vita eiusdem & reli-
 gione quantum ex scriptis patebit, breuiter
 agemus.

§. II. Patriam nactus fuit hic Ochinus Se-
 nas,

nas, urbem Tusciæ fere principem & academia nobilem. De parentibus e quibus natus, non constat: annus vero natiuitatis ex supputatione patet, cum anno 1563, quo ex territorio Tigurenfi eiectus, natum se dicat annos septuaginta sex. * Annus ergo natiuitatis erit. 1487. Studiorum fundamenta sine dubio inter monachorum iecit sodalitia Theologiæ scholasticæ deditus, quam reformatus iam factus laudat. Dicit enim* non ægre se ferre, fuisse in Papatu monachum, quandoquidem scelera se non commisisse, quæ se commissurum fuisse verosimile sit, si profanus fuisset. Et licet quidem in scholis quæ vocentur scholasticis, insint errores multi, & plerumque occupentur in indagandis rebus nihil ad salutem pertinentibus, enucleari tamen multarum rerum veritatem, quæ res non parum vtilitatis adferat. Ex quo innutritum fuisse eum in scholasticorum gymnasiis patet. Inde, vti ex eius epistola, quam mox adducemus adparet, ordinem ingressus fratrum S. Francisci de obseruantia nunciatorum: & cum inciperent adparere in mundo fratres Capucini, eorum visa austeritate viuendi, habitum adsumsit. Quod fa-

C c 5

Etum

* Petrus Perna in epistola ad Czechouicium, apud Sandium in bibliotheca Anti Trinitar. p. 5.

* dial. XXVII, p. m, 371.

etum fuisse testatur Ramundus* anno 1634. In quo dein per octennium, vsque ad annum 1642. fuit commoratus.

§. III. Caput autem ac Generalis factus fuit ordinis Capucinorum; ** an vero eiusdem ordinis auctor fuerit, disceptatur. Fuisse qui illud contenderent, moti sine dubio verbis Bouerii, qui eundem caput ordinis fuisse dicit; sed contradicit Ramundus, *** qui eum ordinem anno 1525 iamdum fecisse originem testatur. Auctorem autem facit Matthæum Bascium, qui Clemente VII. pontificatum administrante, prima huic ordini auspicia dederit: qui vitæ secundum primam S. Francisci regulam & exemplum instituendæ cupidus lacernam ex multis centonibus confutam & cucullum acuminatum sumserit, a pontifice petens, vt hoc vestitus genere ad S. Francisci exemplum vti sibi liceret, quod etiam impetrauit.

§. IV. Errat hac in re Hospinianus,* qui Gottofredum Varagium, postea cognitis pontificiorum erroribus reformatum, indeque martyrem factum, auctorem facit ordinis

* *historia hæres. sec. XVI. lib. III. c. V. p. m. 231.*

** Natalis Alexander *sec. XV. & XVI. Tomo I. p. m. 805.*
Zacharias Bouerius *in annalibus Capucinorum teste Brouio ad ann. 1542. §. 34.*

*** *historia hæres. seculi XVI. lib. III. c. V. p. m. 231.*

* *de origine monachatus cap. IX. p. 297.*

nis Capucinatorum, eundemque Generalem. Sed ratio qua in hunc errorem prolapsus fuerit Hospinianus, facilis est: desumfisse enim se dicit ex historia reformatarum ecclesiarum in Gallia. Historia autē reformatarū ecclesiarū Valdensium & Pedemontarum per Petrum Gilles* edita, huncce Varagium missionarium ait factum pontificium, ad prædicandum in Italiæ urbibus; additque, *Et fut en telle mission compagnon de Bernardin Ochin de Siene, inuenteur des Capucins*: Ochinus ergo ibi auctor Capucinatorum dicitur, non Varagius, qui tantum duodecimus dicitur sui ordinis.

§. V. Quantum autem ad ipsum Ochinum, operæ pretium erit hac de re audire Danielem Papebrochium,* cuius integra verba, cum rem admodum illustrent, adducemus; „Non possum autem, inquit, quin occasione „numeri 30. moneam, prodiisse Florentiæ „anno 1679. Vitam Alexandri VII. in 8. auctore Christophoro Palmerio Nobili Senensi, vbi pag. 8. habentur Italice verba hæc: „*Negabit forsitan ordo Cappucinatorum Instituto- rem habuisse celebrem illum Fr. Bernardinum Senensem, cognomento Ochinum: sed talem Bon- verius in Annalibus Cappucinatorum clare probat.*

Ad

* *histoire ecclesiastique des eglises reformees de Piedmont chap. X.*

* *in appendice ad diem XVIII. Maii Tomi VII. Act. Sancti. Maii f. 807. & 808.*

„Ad quæ verba Illustriss. & Eruditiss. Anto-
 „nius Magliabechius, merito queritur, Reui-
 „fores libri, qui Auctorem, virum optimum,
 „pene cum lacrymis deprecantem, coege-
 „runt multa tollere, aut mutare, quæ nec sub-
 „lata nec mutata oportuisset; non aduertisse
 „animum ad locum istum, vt monerent, pau-
 „cis illis lineis tres grauissimos contineri er-
 „rores, quos monitus auctor procul dubio
 „sublatos voluisset. Primum, quod scele-
 „ratisimus ille Apostata, laudetur veluti
 „quoddam egregium Senensis ciuitatis de-
 „cus; deinde, quod ipse dicatur *Institutor*
 „*Cappucinatorum*, cuius contrarium vel ex ipsi-
 „usmet operibus clarissime demonstratur;
 „denique quod *Bouerius* dicatur id affirmare,
 „cuius contradictorium totis nisibus proba-
 „re conatur. Eccum autem *Bernardini Oc-*
 „*cbini Responso*, qua rationem reddit discessus ex
 „*Italia*. *Super omnia vincit Veritas*. *Venetis*
 „*1610* XLII. in 8. Huic Latino titulo sub-
 „iungitur epistola Italica, cuius, licet impiæ
 „& blasphemæ, initium Latine reddendum
 „censeo; iuxta exemplum a prælaudato
 „Magliabechio mihi transcriptum.

„*Bernardinus Occhintus Senensis, Mutio Iustino-*
 „*politano, S. e. P.* (id est, vt ego quidem inter-
 „pretor) salutem & pacem. Aliquot abhinc die-
 „bus reddita mihi est tua quedam epistola; cui non

so-

„solum non respondi immediate, sed nec tempus de-
 „di, quo totam perlegerem; eo quod prolixa val-
 „de esset, & ego maioris momenti negotiis occupa-
 „tus. Postea vero plus otii nactus, illamque re-
 „legens, eo spectare cognoui, ut impugnaretur
 „epistola quaedam, qua meo nomine excusatur dis-
 „cessus meus. Quia autem vidi, hanc fuisse Au-
 „toris alterius, meum sibi nomen usurpantis, ne-
 „sciui quo animo deberem, licet optime possem, ver-
 „bis tuis reponere aliquid; nec vero credidi id fa-
 „ciendum, cum falsum illa habeant fundamen-
 „tum. Quia tamen video, eo collimare te, ut di-
 „scessum meum damnes, & calumnieris mutatio-
 „nem, ad hoc tibi respondens, dico. Cum essem
 „iuuenculus, implicitus fui communi isti errori,
 „quo passim tenentur, quotquot viuunt sub iugo
 „impii Antichristi, ut crederem, quod debeamus
 „saluari per opera nostra propria, ieiunia, oratio-
 „nes, abstinentias, vigilias & similia alia, satisfac-
 „ciendo per ea pro peccatis & paradisum lucran-
 „do, concurrente tamen Dei gratia. Desiderans
 „igitur salutem consequi, circumspiciebam animo,
 „quod vite genus sectari deberem: & credens,
 „Religiones humanas esse sanctas, eo maxime,
 „quod sint approbate a Romana Ecclesia, quam
 „putabam errare non posse; existimans autem,
 „quod vita fratrum S. Francisci, de obseruantia
 „nuncupatorum, praeter ceteris esset aspera, austera
 „& rigida, adeoque etiam perfectior, & magis
 vite

„*vita Christi conformis ; eorundem cœtui me in-*
 „*serui. Quanquam vero ibidem non inuenirem*
 „*id quod mihi eram imaginatus ; nihilominus ,*
 „*quia nulla tunc offerebatur ratio viuendi per-*
 „*fectior , secundum cœcum iudicium meum , mansi*
 „*inter eos , quoad usque cœperunt apparere in*
 „*mundo Fratres Cappucini ; quorum visa auste-*
 „*ritate viuendi , habitum eorum assumpsi , non*
 „*obstante repugnantia haud parua sensualitatis*
 „*meæ , atque carnalis prudentiæ. Tum vero per-*
 „*suasus inuenisse me quod quærebam , dixi Chri-*
 „*sto : Domine , si modo me non saluo , nescio*
 „*quid faciam amplius &c.*

„ Hæc ille , qui vt integra volumina im-
 „ plessæt iustificando suo ab Ordine recessui,
 „ nunquam persuaderi posset vel ipsismet
 „ heterodoxis , paulum supra vulgus sapien-
 „ tibus nec ignorantibus , qualem apud se vi-
 „ tam duxerit Occhinus , alios hunc impulsus
 „ ad apostatandum habuisse , quam quos an-
 „ tea habuerat retrahentes ab ordine Cappu-
 „ cinorum , id est , *sensualitatis suæ & carnalis*
 „ *prudentiæ. Manet interim proprio eius ca-*
 „ *lamo testatum , Cappucinos apparuisse mundo ,*
 „ *cum adhuc inter obseruantes Occhinus*
 „ *degeret. Videmus ergo ex ipsis Ochini*
 „ *verbis , eum auctorem nō fuisse , sed cum Cap-*
 „ *pucini fuerint orti , eorum habitum adsumsis-*
 „ *se. Res ergo certa erit & satis clara.*

§, VI. Magni autem nominis Monachus
 fuit,

fuit, ita ut ob summum ingenii acumen auctoritatem sibi pararet ubique. Testatur id Bzouius, *** dum de eo: *in tanta tum erat existimatione, ut unus optimus totius Italiae concionator haberetur, ut qui admirabili quadam cum actione tum lingua facundia, auditorum animos. quoscunque vellet, raperet, ac tanto magis, quod vita doctrina resonaret.* Quæ verba Bzouius ex Ramundo * haussit, qui illud insuper elogium eidem tribuit, quod quamdiu in ecclesiæ manserit obedientia, instar lucidissimæ stellæ ordini suo præluxerit. Quare & Christophorus Palmerius ** eundem celebrem Senensem vocat. Hæc elogia sunt quæ ipsi inimici Ochino tribuunt, in quibus non tam mireris, quod oris prædicent facundiam, quæ ex ipsis eiusdem scriptis, sermonibus maxime satis elucet, sed illud præcipue, quod vitam doctrinæ resonasse dicunt. Quare cum tantæ esset apud suos auctoritatis, factum quoque, ut postquam iam reformatus factus, Franciscus Lismaninus ex lectione Concionum Ochini totam religionem Romanam in suspicionem traheret. * Fuisse etiam maximo Romanorum pontifici a sacris confessionibus ex aliorum tamen relatione, adducit Sandius.

§. VII. Cum iam magnam apud Italos sibi

** c. I. * c. I. p. 29. ** in Vita Alexandri VII. p. 3.

* Stanisł. Lubieński *list. reform. Polon. lib. I. c. I. p. 13.*

bi parasset famam, mittebatur per Italiam, ad prædicandum pontificiorum dogmata. In quo officio socium habuit Gothofredum Varagium, ** de quo supra diximus, qui & postea pontificiorum erroribus cognitis ad Helvetos transit, a quibus etiam receptus tandem vero Taurini in Gallis 1557. combustus.

§. VIII. Officio huic satisfecit vsque ad annum 1542, quo & monasterio & Italiæ vale dixit. Causas discessus sui ex Italia ipse exponit in responsione ad Mutium Iustinopolitanum, Venetiis 1542. 8. edita, ex qua supra quoque §. V. aliqua adduximus. Sed cum librum indagare nondum licuerit, nec de eo nota sint, nisi quæ ex Papebrochio hausimus, causas discessus ex aliis intelligamus. Ræmundus quidem atque ex eo Bzouius, causam adsignat hanc, quod Romam citatus fuerit, ideo *quod pro concione quadam secus dicta effudisset*. Quænam ista secus dicta fuerint, Sandius * explicat, dum ait: *nimirum [prout alii scripto consignarunt] quod in Dominica Palmarum festum Papæ Romani in ipsius præsentia ex suggestu acriter perstrinxerit, [facta comparatione Domini Iesu in pauperi statu Hierosolymam ingredientis] & pontificum Romanorum vita*. Ipse quidem Sandius ** aliam alibi adsignat causam excessus ex Italia, ubi dicit:

** Gilles c. 1. * Bibliothec. Anti-Trin. p. 3.

* append. ad. nucl. hist. eccl. p. 90.

is cum pro concione quasi per prosopopœiam proposuisset argumenta contra Trinitatem, responsiones ad singula, horam elapsam caussatus, in aliud ita distulit tempus, ut simul ac ecclesia exiisset, equo [ad fugam parato] protinus conscenso, Roma excesserit, adeoque spem Inquisitorum eluserit. Sed præterquam quod ab omnibus aliis Ochinum, antequam Romam veniret, consilium de relinquenda Italia cepisse, atq; Geneuam se contulisse, fuerit traditum; ipse quoque Ramundus atque Bzouius si ista secus dicta contra Trinitatem fuissent, proferre eadem non omisissent; cum alias Ochinum tanquam apostatam refellant. Immo nec Angli nec Tigurini, si hæc secus dicta contra Trinitatem fuissent, eundem recepissent; nec & Hottingerus inter alia conuitia reticuisset. Quid quod ipse Sandius priorem istam sententiam tanquam veriolem amplectitur: cum id quod in historia ecclesiastica adseruerat, in bibliotheca anti-Trinitariorum, scripto post mortem edito, quasi reuocat atque immutat, idque ab aliis, scriptis fuisse consignatum addit.

§. IX. Cum igitur Romam, eo vocatus pergeret, Florentiæ reperit Petrum Martyrem, cum quo quod vnus Cardinalium, Papam ipsi esse offensum, significauerat, * atque vt

(4)

D d

præ-

* Sandius p. 5.

præsenti periculo fuga sese eriperet, suaserat, consilia contulit derelinquendæ Italiæ. Ambo tandem communi consilio statuerunt deserta Italia, & relicto patriæ solo, Germaniam petere. * Prior quidem Ochinus inde discedens, Geneuam se contulit, fugam eius adiuuante ducissa Ferrariensi, vestes aliaque necessaria suppeditando: ** secutus inde & Vermilius. Tigurini *** quidem & Basileenses eorum aduentum initio suspectum habuerunt, vt qui satis mirari non possent, quod concionatores totius Italiæ celeberrimi, tam vili statu, in exilio veluti apud se viuerent: eoque fuisse suspicatos, eos tanquam Sino-nes summissos, qui proditionem aliquam machinarentur, aut ahimas iterum clam seducerent: sed omnem postea sustulisse suspicionem, tum quod puellæ iuenculæ, quam spe matrimonii inescatam secum duxisset, comitatus venisset; tum quod militarem vestitum, quem cum Capucinianis centonibus commutauerat, adsumsisset Ochinus. Errat tamen hic Ræmundus, qui illo statim tempore vxorem adsignat Ochino, quam non nisi redux factus ex Anglia duxit; quod vel ex eo coniecere licet, dum modo Augu-
sta,

* Ios. Simleri *oratio de vita & morte P. Martijris* p. 13.
Adami *in Vita* p. 36.

** Ræmundus p. 231. Bzouius c. l. Sandius c. l.

*** Ræmundus c. l.

stæ, modo Genevæ docuit, dein plane in Angliam abiit, quod ipsi iam marito non ita fuisset liberum. Sed Ramundus Anglici itineris plane nullam iniicit mentionem, ut mirum non sit, eum hæc omnia tanquam continuo nexu gesta narrare. Apud Heluetos autem tunc agens, ad puriorem doctrinam se conuertit, principio Geneuam indeque Augustam se conferens: in vtrisque locis conciones aliquot suas euulgavit.*

§. X. Discedenti vero in Angliam Martyri comes adhæsit & ipse Ochinus.** Ast mortuo Eduardo VI. Angliæ Rege, cum alia rerum facies esset apud Anglos, Maria Regina missam aliosque pontificiorum abusus introducente iterum, Ochinus anno 1553. ex Anglia Geneuam profugit, ibique uxorem*** duxit.

§. XI. Qualis fuerit hæc vxor, non constat; illud tamen coniiicimus, obscuri nominis fuisse & pauperem; quæ uti Ramundus ††† testatur, seruilibus & abiectis ministeriis vitam misere sustentauerit, ita ut, vulgo diceretur *Madame d' Ochina la lingiere*. Quod antequam Locarnensium ecclesiæ præficeretur maritus, sine dubio credimus. Illud

D d 2

tamen

* Sleidanus *lib. XIX. p. m. 599.* Natalis Alexander *sec. XV. & XVI. p. m. 805.*

** Beza *in Vita Petri Martyris.*

*** Sleidanus *lib. XXV. p. m. 808.* ††† *c. 1.*

tamen fateri necesse habet Ræmundus eum tam paupertatis fuisse amantem, vt diuitias partem esse diceret diaboli, nec Christiano proprium quid habere fas esse nisi vxorem. Cauillatur quidem Natalis Alexander, † eandem adpellans meretriculam, quam publice duxerit in signum reformationis: sed ex maligno potius spiritu quam firma auctoritate hæc adserere Natalem mihi quidem videtur, cum ne ex hostibus quidem Ochini quis vxorem ipsius adpellet meretriculam. Immo nec in signum reformationis id fieri potuit, cum vti iam diximus, vxorem longe post duxit. Mortua autem vxor, antequam in exiliū mitteretur maritus, de qua Betza: †† *fregerat enim collum, inquit, priusquam foras productum esset ipsius scelus.* Sed Hottingerus ††† tantum nuper defunctam dicit; liberos tamen quos ex ea sustulit, secum duxit in exilium.

§. XII. Cum autem plures illo tempore ex Anglia atque Italia fierent exules, qui in Helvetiam se conuerterunt, atque Tiguri peculiare instituerunt collegium; ex hisce quoque in Italiae confiniis Locarni ad lacum Verbanum collecta fuit mediocris ecclesia. Loci vero istius imperium ad duodecim pagos Hel-

† c. l.

†† epistola I. ad Dudithium p. m. 190.

††† bist. eccl. sec. XVI. p. 5, c. 3. p. m. 479;

Heluetiæ spectabat, e quibus septem Catholici de pœna eorum cœperunt agere, qui a Romana defecissent ecclesia, quibus capitis comminabantur supplicium. Res diu fuit, agitata, ita tandem composita, vt quotquot, nollent Catholicam religionem amplecti, Locarno saluis facultatibus emigrarent. Huic sententiæ non quidem subscripserunt Tigurini, sed cum suffragiorum numero essent victi, sequenti anno Locarno eiectione fuere in exilium religionis causa centum homines & ultra, quorum aliqui Basileam aut ad Rhætos abiere, plerique tamen Tigurum concessere.

§. XIII. Sed cum isti Germanicæ linguæ nullum haberent vsum, peculiare templum, ipsis fuit concessum, atque honesto stipendio a magistratu oblato, Ochinus noster vocatus fuit pastor ecclesiæ Italicæ, vti hæc late descripta videmus a Melchiore Adami in vita Bullingeri. † Addit autem Adami: *receptus est in ministrorum ordinem ea conditione: vt scriberet confessioni, & legibus atque statutis synodi parceret: quod ultro & libens fecit, & sibi ecclesiam Tigurinam a multis annis præ aliis placuisse adseueravit: præterea confessione fidei edita, sese ab Anabaptisticis aliisque peruersis opinionibus alienum esse testatus. Quare cum talis tum esset aut haberetur, Bullengero præ aliis carus fuit,*

quem

quem etiam nato sibi infante testem in baptismo adhibuit.

§. XIV. Qualis in vita fuerit ac doctrina apud Anglos æque ac Tigurense, ipsorum declarant testimonia. Singulare in primis est Bullengeri iudicium, quod exhibet Boxhornius †: *de Bernardino Ochino paucis hoc dicimus, habitasse illum aliquot annis apud nos Tiguri, posteaquam rediisset ex Anglia, ecclesiarum doctorumque præcellentium ornatus testimoniis: ac toto illo tempore, quo apud nos vixit, concordiam in doctrina & ritibus, palam cum omnibus Tigurina ecclesie ministris professum, & professionem illam suam iureiurando interposito publice attestatum esse.* En hic testimonium inimici, quod cum grauisimæ fuere controuersie Ochino. Iosias Simlerus, † ipse Heluetus, eum virum optimum vocat, & doctissimum. Hottingerus †† dicit, quod per dialogos suos veræ piæque eruditionis laudem sibi euerterit. Egregium alias est testimonium Fuluie Moratæ, quod in litteris ad Victoriæ Moratam sororem exhibet: ††† *Audio Bernardinum Ocellum Senensem, virum sincere Christianum, ex Anglia Geneuam profugisse. Adeo ubique ferenda*
crux

† *hist. Eniuers. p. 3144.*

† *in Vita P. Martyris p. 13.* †† *p. m. 500.*

††† *lib. I. epistol. p. 178. epistola ad Victoriæ Moratam sororem scripta.*

crax ei qui velit esse Christianus. Vir ergo ex Catholicorum, quod supra vidimus, & reformatorum iudicio pius fuit & doctus.

§. XV. Cum ita per aliquot annos Tiguri fuisset commoratus, vitam & doctrinam seruans integram, dialogorum libros duos evulgauit lingua Italica. Clancularia adiutum Italorum quorundam opera, istos dialogos scripsisse vult Bullengerus, † quos dein in latinam linguam conuersos, in scis Tigurinae ecclesiae ministris, Basileae, per Italum, quendam, ipsi admodum familiarem & amicum excudi curauerit. Mouebat inter hosce triginta Ochini dialogos ille maxime, qui de polygamia agit, qui peregrinos primum, inde & Tigurenses perturbabat. †† Basileensis quidem reipublicae senatum hac de re cum typographo exposulasse tradit Bullengerus, & ne vlla amplius dialogorum exempla distraherentur mandasse; nec tamen in scio eodem senatu hosce libros esse impressos, & ipse Ochinus & Sebastianus Castellio commonstrant. Ochinus quidem, dum ipsi obiceretur lex Tigurensis reipublicae, quae prohibeat publicare inconsultis censoribus, libros, ad Basileensis ecclesiae prouocat censores, a quibus adprobatos esse dialogos ait.

D d 4

Argu-

† c. l.

†† Hottingerusp. 477.

runt. Displicuit vero, prout tradit Hottingerus, *disputatio illa omnibus quam vehementissime*. Negotium ergo tribus vrbis pastoribus demandatum est, vt postera luce rem ad Senatum deferant. Nectardi in eodem exequendo negotio pastores, rem ad senatum detulerunt, sese insuper excusantes, ipsis plane insciis hæc esse edita, a quibus alias abhorreant; petentesque vt ipse magistratus causæ consulat. Consul inde iubet, vt reliquos quoque Ochini dialogos perlegant ministri, & quæ perperam dicta videantur, adnotent atque denuntient. Quo facto varios ex dialogis errores illi imputarunt, quos etiam sequenti obseruatione examinabimus. Varie post hæc causâ in Senatu tractabatur, & quid hac in re agendum consultabatur; tandem vero votis concordibus pronuntiatum esse ait Hottingerus: † *authorem dialogorum ex vrbe esse dimittendum*. Rationem annectit hanc: *vt omnes per orbem ecclesie, ad quas dialogi hi peruenerunt, ex dimissione intelligant, Tigurinorum ecclesias atque rempublicam dialogos Bernardini non adprobare*. Sed pergit Hottingerus: *interim quo minus ille conqueri possit, [licet culpa eius libris per orbem dispersis, manifeste satis sit exposita,] non auditum se, aut causâ, nondum diligen-*

D d 5 tiu

tius cognita, vrbe eiectum esse, placere, ut alter consulum una cum tribus aliis praeclaris e Senatu viris, Bernardinum vocent in Curiam Senatoriam, eique exponant totum hoc negotium, deinde respondentem audiant, & responsum eius postridie iterum ad Senatum referant. Quod quidem isti sicut decretum erat, diligentissime sunt executi.

§. XVII. Ast speciem hoc potius dicas, quam legitimam iusti administrationem. Resinaudito Ochino fuerat disceptata, vota collecta, sententia decreta, Ochinus condemnatus. Post condemnationem demum citatus ad dicendum causam. Sed quomodo dixit? ad quaestionem de dialogis propositam respondit, suos esse, & a se editos: adfirmabat notam sibi esse legem de non vulgandis libris a censoribus non adprobatis, dialogos autem istos non Tiguri, sed Basileae fuisse editos, ibique per censores adprobatos. Excusatio satis legitima.

§. XVIII. Sed annon de causa polygymiae & erroribus reliquis ipsi imputatis fuit actum, ut qua ratione errores, quos dicebant, excusarent, viderent? Minime. Sententia condemnatoria decreta erat, antequam ad defensionem citaretur Ochinus, eadem executioni mandanda erat, & mandabatur. Audiamus Hottingerum: *Cum vero delegati Se-*
na-

natores, ea, quæ audierant, à Bernardino, amplissimo Senatui recitarent, & iam excusatio eius innotuisset omnibus, decreuit nihilominus Senatus, ablegandum esse Bernardinum, cuius culpa manifestior esset, quam operosiore indigeret inquisitione, aut artificiosis excusationibus, tergiuersionibusque defendi possit. Neque illum in vrbe, sicut postulauerat per hyemem, ferre consensit, sed intra spatium trium septimanarum excedere vrbe & agro mandauit. Addit & Melchior Adami in Bullingeri vita, * nomine Senatus à ministris monitum iussuque esse, vt alio scripto scandalo ecclesiæ medeatur, maculamque eluat, sed nihil eos obtinuisse. Sed conuictus non erat, nec poterat reuocare.

§. XIX. Subiungit, inde Hottingerus sententiam condemnatoriam, prout descriptam eam dicit, in illis ipsis discessus sui libris, quos discedens Ochinus sibi dari postulauerat, talis „autē est: Relatū est ad nos diebus præteritis, „sed & ipsi reuera hoc deprehendimus quod „Bernardinus suo ipsius arbitrio, prout ipsi libuit & quidē contra leges nostras, quas nō „ignorauit, & de iis satis abunde præmonitus fuit, euulgauit libros dialogorum duos, „dialogos 30, in quibus de connubio & aliis „multis rebus plurima perplexa; non necessaria, aut ad rem facientia, sed & scandalosa

„sa plane disputauit, quibus & nonnulla re-
 „ligioni nostræ contraria immiscuit, prout,
 „si necesse sit, nullo negotio demonstrari pos-
 „set. Ex quibus omnibus plus sane destru-
 „ctionis, quam ædificationis ecclesia Christi
 „consequitur. Sed & libros istos cenfori-
 „bus nostris typographiæ deputatis, non ex-
 „hibuit censendos: præterea insciis quoque
 „ecclesiæ nostræ ministris, atque adeo etiam
 „nobis omnibus typographis excudendos
 „tradidit. Ergo, cum inde enata sint mani-
 „festa scandala, & nos etiam ob ipsos (licet li-
 „bri isti & scripti & editi sint ignorantibus
 „nobis) accusari infamarique possemus, do-
 „luit displicuitque illa res nobis quam vehe-
 „mentissime, ideoque Ochinum illum suo
 „ministerio (quo apud nos in ecclesia Locar-
 „nensiumungebatur) deiecimus, insuper ex
 „vniuersa ditione nostra ablegauimus. Hæc
 „sententia in Ochinum lata.

§. XX. Caussæ relegationis adsignantur
 duæ: prima est, quod in dialogorum libro
 multa contineantur perplexa, non necessaria,
 ad rem non facientia atque scandalosa. Al-
 tera est, quod librum suum non exhibuerit
 censoribus Tigurinæ typographiæ deputatis.
 De priori non rogatus erat, ne dicam conui-
 ctus: de altero, quod Basilea excusus liber,
 ibique censoribus oblatus, facile excusari po-
 terit

terit. Quid multa? condemnatus Ochinus antequam causam dixerat, relegatus, eiectus. Rem defendendam relinquimus iis, qui sententiam tulerunt. Auctor sententiæ præcipuus videtur Bullengerus, quem ideo etiam Tigurinorum papam, seu dictatorem atque tyrannum * adpellat, defendentibus licet eundem Tigurinis. Quare & ipse Bullengerus ** excusare conatur sententiam a Senatu latam, dum ita iudicat: *expostulatum est Tiguri quoque a pastoribus cum Ochino auctore, & aliquot errores ei sunt indicati: oblata est item collatio, totumque negotium ad amplissimum Tigurina reipublicæ Senatum est relatum. Cæterum cum ille quo se legitime & honeste excusaret, non haberet, neque de iis quæ euulgaret, disputare vellet, dimissus a Senatu, ac solum vertere cum omni sua familia iussus est.* Sed contrariatur Hottingerus, ut supra vidimus, qui Ochinum nec de erroribus esse rogatum, nec ut causam diceret, admonitum esse ait. Contrariatur & ipsa sententia condemnatoria, quæ plane nullius causæ dictionis facit mentionem.

§. XXI. Mandabatur ita, ut intra spatium trium septimanarum excederet vrbe atque agro Tigurino. Sed cum hyems esset gravissima, rogabat, ut per hiemem saltem ho-

spi-

† Hottinger p. m, 199. *† apud Boxhornium p. 1144:

spitio vti liceret in Tigurina vrbe, recusante tamen Senatu. Asperrima itaque hyeme, viis omnibus niue atque glacie impeditis, Basileam se contulit, ibique recipi petiit, sed frustra: Mulhusam inde se contulit, sed cum & ibi Bullengeri litteris peteretur, Poloniam abiit. Quod factum sub initium anni 1564. **

§. XXII. Reprobat hoc Tigurinorum durum edictum Andreas Dudithius *** Quinque ecclesiensis episcopus, tanquam minime Christianum, idem Theodoro Bezae obiiciens, quod non solum causa indicta, sed etiam hyeme grauisima fuerit expulsus. Eum tamen defendere conatur Beza, sceleratum hypocritam, Arrianorum clandestinum fautorem, Polygamiae defensorem, omnium Christianae religionis dogmatum irrisorem appellans. Sed qui Bezam Ochini fuisse aduersarium nouit, facile quid de hoc sentiendum sit iudicio, videre poterit.

§. XXIII. Singularia sunt, quae de Ochini itinere ex Tigurinorum vrbe narrat Adami, maxime vero de colloquio, quod inter eum & Cardinalem Lotharingum intercessit. Integra autem Adami verba adducemus: „Petiuit, inquit, antequam discederet a Bullingero commendatitias: sed hic negauit se bona

† Beza epist. I. ad Dudithium p. 390.

†† Ottius *Annal. anabapt.* p. 141.

††† epistola ad Bezam c. l. † in *Vita Bullingeri* p. m. 498.

„bona conscientia id facere posse : etsi ob
 „senectam eius & liberos doleret. Inde
 „Basileam venit , nidum quærens ; sed nec
 „ibilocus ei datus. Itaque in Poloniam abi-
 „it ; quo ut venit , dicitur palam hy-
 „postasin Spiritus S. oppugnasse [dicitur :
 „sed vnde probas ?] Sed nec ibi commorari
 „ei diutius licuit. Quare in Moravi-
 „am ad Anabaptistarum conuenticula se
 „recepit, vbi & obiit. Hic Ochinus cum
 „incidisset in via in Cardinalem Lotharin-
 „gum, suamque ipsi calamitatem exposuisset ,
 „quod cogeretur exulare dialogorum
 „caussa, quos eo saltim animo scripisset, ut
 „triginta veritates in vera religione a se ob-
 „seruatas creditu difficiles a calumniis adse-
 „reret : simulque oblatis exemplis aliquot,
 „rogasset ut legeret : ferunt Cardinalem re-
 „spondisse, inspecturum se quidem, sed vbi
 „non placuerint, mox combusturum. Ad-
 „iecisse Ochinum, se in peregrinatione sua
 „obseruasse viginti quatuor errores in eccle-
 „siis euangelicis easque facile reuicturum.
 „Tum Cardinalem siue ioco siue sermo re-
 „spondisse : nimium esse quatuor, ut maxi-
 „me viginti non adderet. Idem quoque
 Beza non, prout ipsius verba, ut rumorem
 incertum, sed ut certam historiam narrat, di-
 cens : quod Cardinali ex Italia redeunti O-
 chi-

chinus se suamque operam obtulerit, pollicitus sese centum errores illorum inter quos tamdiu hæssisset, hæreticorum demonstraturum, sed spreuisse hominem, Cardinalem.

§.XXIV. Discrepant autem Adami atque Betza: ille viginti quatuor tantum errores Ochinum obseruasse ait, hic, & qui eum sequitur Ramundus, vel centum. Colloquium quidem cum Cardinali non denego, qui sine dubio olim eidem fuerat amicus, quorum multos ex Cardinalibus habebat, ab vno etiam eorum monitus fugam cepit: sed eum se obtulisse iterum pontificiis, a Cardinali autem reiectum, creditu vix est possibile. Præterquam enim quod nunquam reiiciant talem, qui ad eorum reuertatur castra; de Ochino quoque vix credendum, se obtulisse: notum enim ipsi, quam ob concionem suam de fastu pontificis iratum habeat clerum, quantis conuitiis in apologis suis perstrinxerit pontificem; vt certas pœnas de eo se luiturum esse, non ignoraret. Pœnis igitur se subiecisset grauissimis, si fuisse reuersus. Pugnat quoque cum ipsius pietate, quam & pontificii & reformati prædicant. Colloquium ergo non nego; obtulisse Cardinali dialogorum librum, causam exilii, haut abnuo; se autem denuo obtulisse pontificiis, illud plane nego, quod cum ipsa pugnat ratione. Sed
cum

cum conuenisset Cardinalem, communis sine dubio fama fuit, Ochinum ad castra transire velle pontificiorum, cum tamen de verbis, quæ inter eos fuerant, non constiterit, & ipse Ochinus pro veteri potius consuetudine Cardinalem adiisset.

§. XXV.. Apud Heluetos ita eiectus in Poloniam venit, vti iam dictum, inde autem emigrasse eum dicit Sandius ex Budzinio, ob edictum anno 1564 contra peregrinos editum, qui diuersam a communi de Trinitate opinionem fouebant. Ibiq̃ue amisissis peste grassante, duobus filiis & filia natu maiore in Morauiam concessisse, atque elapsis Slauouiz tribus hebdomadibus decessisse. Betza † vero Ochinum ab ipsis etiam Pontificiis repudiatum, familia non mediocri sumtu circumducta, tandem obiisse ait tam inopem & egentem scilicet, cui nec petere nec accipere vnquam religio fuerit, vt plus sane reliquerit hæredibus, quam bona collegii Helvetorum pars possideat. Sua itaque voluntate Poloniam eum reliquisse potius crediderim, cum edictum contra antiTrinitarios, qualis non erat, eum non tangeret.

§. XXVI. Post vitæ fata vertimus nos ad religionem, considerantes, cuinam vel religioni vel sectæ fuerit deditus. Primum er-

(4)

E e

go

† *epistola ad Dudithium p. 190.*

go examinabimus an fuerit Atheus? Tota
 res eo redibit, an Ochinus nefarii istius scri-
 pti de tribus impostoribus auctor sit. Leui-
 nus Moltkenius in notis ad religionem me-
 dici, † Ochinum nostrum auctorem facit,
 nec tamen constanter adserere audet, cum
 dicat: *nescio an Bernardinus Ochinus, an alius*
huius libri auctor sit. Eundem auctorem facit
 Scauenius, †† vnde vero ipsi constiterit Io-
 annes Rhodius ††† non nouit. Mülle-
 rus ††† & Campanella Poggio adscribunt
 Florentino. Mersennus Petro Aretino, cui
 & ob vitam scriptaque spurcissima attribuit
 Rhodius. Henricus Ernstius ††††† Gui-
 lielmo Postello: Maresius Boccatio attribuit:
 Alii autem † an extiterit vnquam liber, du-
 bitant, licet eum manuscriptum lingua Ita-
 lica elaboratum apud se extare, nuper retu-
 lerit amicus. Müllerus †† etiam Nachtigal-
 lium quendam hunc librum anno 1614. pri-
 mum euulgasse auctor est. Ioannes Decker-
 rus ††† librum constanter Ochino tribuit;
 rationes, quibus utitur, fama est publica,
 scripti & scriptoris ætas, auctoritas a Placcio
 ad-

† *sect. XIX. p. 126.*

†† *in catal. auctorum suppos. apud Placcium n. 25.*

††† *n. 50.* †††† *Atheismo deuictio proleg. c. II. §. 19.*

††††† *obseru. 6 ar. lib. II. c. XXXVI.*

† *de Ioanna papissa §. 19.*

† *Tom. I. obseru. VII.* †† *c. I.*

††† *de scriptis adespotis p. 119.*

adducta, & denique pessima viri illius apud bonos æstimatio. Sed fama publica æque pro aliis ac pro Ochino facit. Ochini quidem ætas nota est, non vero an & quando scriptum illud fuerit editum: auctoritas a Rhodio adducta non sufficit, cum ipse Rhodius non adsentiat. Aestimatio Ochini non eadem: laudatur ab his, culpatur ab illis. Argumenta ergo Deckherri non sufficiunt. Quare & Petrus Bælius in epistola sua ad Deckherrum † plane negat Ochinum teterrimi huius libri fuisse auctorem, cum Grotius †† inimicos Friderici Barbarossæ famam sparsisse ait talis libri, quasi illius iussu conscripti. Si ergo extat liber, (licet pro fabula habeat Grotius, cum ab eo tempore nemo sit, qui viderit,) longe certe ante Ochini ætatem est scriptus. Quare potius credimus Ioanni Rhodio, qui ita iudicat. *Verum enim vero*, inquit, *quidquid sit de hoc dialogo, reliquorum tamen viginti novem nunquam a quoquam reprehensorum, quod sciam, haut videtur ea esse impietas, ut persuadere mihi possim, eum, qui pro veritate Messia, Trinitatis, ac reliquorum fidei mysteriorum tam solli cito, tamque ingeniose scripserit, tam derepente Messiam modo tam sedulo defensum pro impostore scelestissimo traducere potuisse.* Quamobrem hic su-

E e 2

spen-

† p. 373. †† in append. de anti-Christo p. 84.

spendo fidem meam in re tanti praeiudicii, quemadmodum & super illo Scaligeriano: Bellarminus nihil eorum credit, quae scribit; plane est atheus. Neque vero fundamentum ullum notitia proferrunt, qui hac adferunt. Quam grauibz enim argumentis Christi maiestatem sermonibus & in dialogorum libris adstruat Ochinus, observatione sequenti pluribus dicemus. Quare & eundem librum, si habeatur, Ochino iniuria imputari testatur Stanislaus Lubienie eius. † Hinc cum nec auctor sit libri spurcissimi, potius iuste ubique de Deo & Christo sentiat, quod observatione sequenti certum faciemus, sequetur omnino Atheum non esse. Quare & celeberrimus Morhofius † de eo testatur, quod eius dialogi praeter poiugamiam, quam propugnet, nihil ex Atheismo trahere videantur.

§. XXVII. Florimundus Ræmundus †† quidem, Ochino imputat, quod dixerit: nulli sereperire vel Spiritum sanctum, vel Seruatorem nostrum Deum adpellari; seque a d monasterium redire, quam istorum sententiam comprobare malle. Sed vellem indicasset, in quonā dialogo hæc contineantur verba, totum enim dialogorum perlegi librum

† *historia reform. Polon. lib. II. c. III. p. 50.*

† *Polybistore lib. I. c. VIII. p. m. 75.* †† *c. l. p. 230.*

librum, nec eadem reperi. Ipse enim Spiritus qui dialogo xix. † Trinitatem impugnatur, nunquam negat patrem esse, & filium & Spiritum sanctum, sed tantum eius probationem exigit, esse supposita diuina, re ipsa distincta, consubstantialia, coæterna. Et licet quidem Spiritus Christum Dei quidem filium, non vero ipsum Deum & patri æqualem dicat, hæc tamen mens non est Ochini. Quippe qui omnia eius argumenta grauitur diluit atque euertit. Pergit quidem Ræmundus eundem impugnare, quod eius catechismus 1591. recusatus, infinitis sca-teat atheismis, quod ex ipso, pro more, hausit Bzouius. Catechismum quidem istum videre non licuit, vix tamen credo esse Ochini. Recusatus dicitur 1591. cum ante triginta fere annos Ochinus iam mortuus; quando ergo primum excusus? Ignorant omnes. Conradus Gesnerus, qui ipse Tigurinus, omnia Ochini scripta recenset, sed nullum inter ea reperi catechismum. Sandius, sola Bzouii nititur auctoritate. Nec ullus alius scriptor huius mentionem facit. Falso igitur catechismum Ochino imputari credo, potius si athea continet, ut vult Ræmundus, alius cuiusdam esse tenebrionis.

§. XXVIII. Restat adhuc Stanislaus Ho-

E e 3 fius

sius, Cardinalis, † qui Ochino imputat, quod si quis dubitasset antea, quod sanctæ Trinitatis infensissimus hostis sit: lecta eius defensione, dubitare deinceps non possit. Sed, qua ratione causam suam egerit Ochinus, aduersariorumque argumenta in contrarium diluerit, sequenti obseruatione in recensione dialog. XIX. patebit. Cum & ipse in præfatione dicti dialogi inter rationes, cur illum scripserit, hanc quoque referat, vt eorum ostenderet errorem, qui se in materia de Trinitate suspectum habere inciperent.

§. XXIX. Sed an etiam eadem facilitate Socinianismi suspicionem effugere poterit noster Ochinus? Theodorus Betza † quidem, eum vocat sceletarum hypocritam, Arrianorum clandestinum fautorem, polygamie defensorem, omnium Christianæ religionis dogmatum irrisorem. Sed iudicium hoc est inimici, quem sequuntur reliqui. Quod si euoluamus ipsius dialogos, eiusque inde hauriamus doctrinam, sanefateri necessum habemus, eum tam pie de Christi persona, ipsius satisfactione pro peccatis nostris, atq; expiatione sentire; eum Christi maiestatem vbique efferre, quæ contra opponantur, gra-
viter

† in iudicio & censura de adoranda Trinitate p. m. 695.

† epist. I. p. 190

viter euertere, vt ex eo satis patere possit, eum Socinianum non fuisse. Maxime patebit illud ex prioribus eius dialogis, quos §. IV, V. IX. XI. recensimus. Immo per omnes fere dialogos Christum Dominum & Deum suum dicit, vt sane nihil habeamus, in quo ipsi possumus contradicere. Maxime si iungamus eius sermones, ex quibus patebit, quam pie, quam deuote, de Christi martyriis & passione, maiestate & gloria in iis loquatur.

§. XXX. At Sandius ipse Socinianus, Ochinum in anti Trinitariorum numerum retulit? Fecit id Sandius, quod ex communi opinione pro tali haberetur, ex quo non sequitur, quod re ipsa talis fuerit. Immo ipse quoque Sandius † de eo dubitat, qui cum de iis ageret, qui receptam de Deo triuno opinionem in dubium reuocarunt, addit: *an inter eosdem fuerit Bernardinus Ochinus, certo adserere non ausim.* Quod si enim omnes a Sandio adductos auctores examinare velimus, reperiemus forsan & alios, qui summa iniuria in hunc numerum referuntur. Quod autem ipsi fratres Poloni eum pro socio non habuerint, patet ex eo, quod illis historiis & narrationibus de vnitariis, Sandii b bliothecz adiectis, nulla vnquam mentio fiat nostri Ochini.

E e 4

§. xxxi.

† *append. ad nucl. bist. eccl. p. 90.*

§. XXXI. Hornbeckius quidem eum Læ-
 lio Socini magistrum fuisse putat, sed ex male
 intellecto Zarnouecii loco id ortum credit,
 Sandius. Ioannes Brunsmannus† autem eun-
 dem discipulum facit Michaelis Serueti, nul-
 la nec fidē nec auctoritate; cum potius pro-
 prio Marte eum dereliquisse Italiam superius
 dictum fuerit. Quidquid sit, de nullo erro-
 re Ochinus conuictus, de nullo condemna-
 tus, bonus erit, donec probetur contrarium.

† *monogamia videlicet cap. VIII. p. m. 58.*

OBSERVATIO XXI. ICON DESIDERII ERASMI RO- TERODAMENSIS.

Σύνοψις

Vita Erasmi haecenus a nemine pro merito
 eius scripta est, §. I. Nobis autem con-
 stitutum, mores eius depingere. §. II. Fuit
 Erasmus admodum timidus. §. III. etiam
 in certaminibus suis cum monachis. §. IV.
 Hinc & a controuersis maximopere abhor-
 ruit. §. V. Ad voluptates propensissimus
 fuit. §. VI. Ad risum quoque & iocos. §. VII.
 Stilum mordacem in eo nonnulli reprehen-
 unt. §. VIII. Idem adulator turpissimus fuit
 §. IX. besitans quoque semper & fluctuans.
 §. X.

§. X. *Vtriusque partis expertus est odium: Ab Atheismo vindicatur.* §. XI. *Ineptum Auber-
ti Mirai de Erasmo iudicium exploditur.* §.
XII. *Fama & gloria etiam cupidus fuit Era-
smus, magis tamen ad voluptatem propensus.*
§. XIII. *Dicta in summam contrahuntur.* §.
XIV. *Quid in Erasmo laudandum, quid vitu-
perandum, paucis indicatur.* §. XV.

§. I.

Vitam summi Viri Desiderii Erasmi
a nemine hætenus pro tanti viri
meritis & celebritate, litterarum
monumentis consignatam esse
constat. Equidem Paulus Merula edi-
dit vitam, ut titulus libri habet, Des.
Erasmi Roterodami, ex ipsius manu fide-
liter repræsentatam, comitantibus quæ ad
eandem aliis: *Lugduni Batavorum A. 1607 in*
4to. Sed materiam saltem liber hic exhi-
bet, nec quidem sufficientem, quæ docti cu-
iusdam viri ingenium expectat. Præcipuum
namque in hoc libro, quod comparet, monu-
mentum est ipsius Desiderii Erasmi ad M.
Conradum Goclenium, linguæ Latinæ Lo-
vanii Professore, epistola, in qua vitæ suæ
initium atque progressum, studia atque fa-
ta succincte enarrat. De illis autem, qui vi-
tam ejus describere aut aggressi sunt, aut id

se facturos promiserunt vid. *Belius, in voce Erasmus*. Deprehenduntur ibi exempla, quibus Almelowenii bibliotheca latens & promissa augeri possit. Sed nec est, ut quis a nobis eiusmodi quid expectet, cum sine commentariis aut monumentis fide dignis vitas eruditorum describere, perinde sit, ac sine a-
lis volare velle.

§. II. Mores tamen Erasmi depingere eiusque repræsentare indolem forte non supra vires nostras fuerit, saltem nec inutile, nec iniucundum. Sufficit, ni fallor, ad hoc quædam eius consuluisse monumenta, præsertim epistolas & relationes aliorum fide dignas enoluisse. Vix induci poterat Erasmus, ut se pingi pateretur, ut in compendio vitæ Erasmi a Merula edito p. 14. legitur: *Vixque extortum est amicorum precibus, ut se pingi pateretur*. Molestius ergo forte adhuc ferret Erasmus, animi morumque quibus præditus fuit, effigiem posteritati exhiberi. Sed quod dissimulare non potuit, non est quod aggreferat, si ab aliis in apricum proferatur. Si conspici non voluisset, non debuisset tot ingenii monumentis, tam celebri vitæ strepitu indolem suam prodere. Ast pictores nos quoque imitabimur, naves pariter ac virtutes indicaturi.

§. III. Primo ergo timiditas in omni eius
vita

vita eluxit. Hinc licet cœlestis doctrinæ veritatem tam haberet perspectam, quam quisquam alius, nunquam tamen induci potuit, ut aperte eam profiteretur. Prudentiam vocent alii, aut moderationem, aut quocunque demum uti nomine velint, inconsultum metum famam, existimationem, opes & vitæ commoda amittendi, aut pericula ac cruciatus subeundi maximopere Erasmo obstitisse arbitror. Quid multis? Fatentem habemus reum in Epistola ad Richardum Pacæum a Iano Guilielmo Meelio epistolis Hotomannorum inter alias miscellaneas, adiecta, p. 428. *Multa quidem, inquit, de Luthero verba faciens, praeclare & docuit & monuit. Atque utinam sua bona malis intolerabilibus non vitiaffet. Quod si omnia pie scripsisset, non tamen erat animus ob veritatem capite periclitari. Non omnes ad martirium satis habent roboris: vereor autem, ne si quid inciderit tumultus, Petrum sim imitaturus.* Ingenua confessio! Sed pergit: *Pontifices & Caesares bene decernentes sequor, quod pium est. Male statuentes fero, quod tutum est.* Consentit hac in re nobiscum Dominicus Baudius qui de Erasmo inter alia ita pronuntiat: *Meticulosior fuit, & timens offensionum atque hoc vnice in vita studuit, ut omnium ordinum atque generum benevolentiam colligeret.* Id for-
san

san impedimento fuit, quo minus cornicum oculos confingere ausus fuerit. Epist. Centur. II. Ep. XXVII.

§. IV. Equidem in debellandis monachorum ineptiis intrepidum & plane heroem se præstitisse videtur. Sed in hoc certamine gigantis atque pygmæi pugnam mihi conspiciere videor. Præterea de fauore Pontificis ac Procerum Ecclesiæ Romanæ certus, non erat ut vanam horum extimesceret iram. Nihilofecius tamen & in hoc certamine aliquando trepidauit, meticulosique animi documentum dedit. Sic litteris ad Gattinaram Caroli V. Imp. Cancellarium ap. *Seckendorffium bist. Lutheran. lib. II. p. 108.* ominatur Lutheranae, ut vocat, factioni interitum, simulque monachorum metuit tyrannidem, oppresso, uti credebat, Luthero, *validius surrecturam. Vereor, inquit, ne quorundam monachorum stolidam improbitatem excitemus nobis, aliam tragediam.* Et in epistola ad Hermannum a Noua Aquila siue Nuenarium Comitem lib. XX. ep. LXXII. *Si inclinatur factio Lutherana, quod ut fiat ipsi sedulo dant operam, exorietur intolerabilis pseudo-monachorum tyrannis.*

§. V. Ex timiditate eius ni fallor fluxit, quod a litibus etiam atque controuersis maximopere abhorruerit. Testatur hoc subinde ipse, testatur tota eius vita. Hinc
&

& in omnem se vertit partem, priusquam adduci potuit, vt contra Lutherum calumum stringeret. Hinc Pontificis procerumque ecclesiæ Romanæ promissa, & metus ne hoc officium illis denegando eos offenderet, impellebant: illinc partim veritatis vis, partim & maxime quidem metus, ne acrioribus controuersis, vitæ, quam sectabatur, tranquillitas conturbaretur. Hic autem satis admirari nequeo calliditatem Adriani Pontificis, qui eiusmodi argumentis oppugnabat Erasmi animum, quæ ad illum debellandum tantam vim habebant, vt efficaciora inuenire non potuisset. Homo meticulosus, per periculorum siue verorum siue fictorum repræsentationem maxime mouetur. Proinde significat Erasmo Pontifex, nullam quidem hæreseos sibi aduersus illum esse suspicionem, interim consultum esse vt se apud alios purgandi causa, aliquid contra Lutherum scriberet. *v. Lib. XXIII. Ep. III.* Atque hac maxime ratione inductum fuisse Erasmus, vt in hoc certamen cum Luthero descenderet, ex epistola quoque eius ad Philippum Melanchthonem colligas: *Miraberis, inquit, cur emiserim libellum de libero arbitrio. Sustinebam triplex agmen inimicorum. Theologi & litterarum bonarum osiores nullum non mouebant lapidem, vt perderent Erasmus, tum quod*
94.

collegium illud florentissimum inuexerim Louanium, eamque regionem totam infecerim linguis & bonis literis. Hi monachis omnibus persuasuerant me iunctissimum esse Luthero. Itaque amici videntes me periclitari, spem praeuere Pontifici & Principibus, fore ut aliquid ederem in Lutherum. Eam spem & ipse pro tempore alui. Et interim isti non expectato libello, ceperunt me libellis laceffere. Nihil igitur restabat, nisi ut ederem quod scripseram, alioqui & monachos habuissem infensos. &c. Lib. XIX. Ep. CXIII. Cæterum Adrianus Pontifex artem flectendi animos probe edoctus, cum metum aliquem animo Erasmi iniecisset, quod facile erat apud hominem meticulosum, addebat blanditias, magnam vim ingenii, scribendi promptitudinem, quanta, ut ait, nostra memoria paucissimis aliis, imo nulli contigerit, aliaque elogia illi tribuit. Hæc quantum valeant apud eum, qui ex litteris gloriam quærit, quiuis facile intelligit. Nihilofecius hæsitabat Erasmus, & metu impellente, metu retrahente, quid statueret, vix inueniebat. Tandem vero metus, ne offenderet Pontificem & Procere Romanæ Ecclesiæ, præualebat, ita tamen ut alter ille metus se in ipso opere conspiciendum satis præberet. Hinc lenissime Lutherum excepit, & apud Melanchthonem prolixa usus est excusatione. Imo cum ex eo intel-

tellexisset, Lutherum quoque stilo moderatiore aduersus se vsurum, maximo inde perfusus est gaudio. Hæc prolixius ex Seckendorffio cognoscere licet, *in hist. Lutheranismi lib. I. p. 309. 310.*

§. VI. Cæterum cum homines aut auaritia, aut ambitione, aut voluptatis cupiditate vexentur, aganturue haud raro in transuersum, Erasmm quidem nostrum ad voluptates maxime propensum fuisse, nisi me omnia fallunt, ex tota vitæ eius historia facile colligitur. Atque hæc ad voluptates propensio tum cum timiditate, quam iam notauimus, tum cum reliquis characteribus mox enarrandis plane conuenit. Luculentissime autem colligitur ex causis, quas ipse enarrat, cur a vita monastica fuerit alienior. *Scis, inquit in Epistola ad Seruatium p. 16. me multis in rebus infortunatum esse, at vnum hoc ceteris omnibus grauius esse duxi, quod in huiusmodi vitæ (monasticæ) genus detrusus essem, a quo tum animo tum corpore essem alienissimus. Animo, quod a ceremoniis abhorrerem, & libertatis amans essem; corpore, quod etiamsi maxime placuisset vitæ institutum, corporis natura non ferebat istiusmodi labores. Et paucis interiectis: Nec dissiteor me ad magna vitia fuisse propensum, non tamen vsque adeo corrupta natura, quin si commodus accessisset gubernator & vere Christianus, non iudaice superstitiosus, potueram ad*

*bonam duci frugem. Huc igitur interim specta-
vi, in quo vita genere minime malus essem, atque
id sane me affecutum puto &c. Et rursus qui-
busdam interiectis: Pecunia studium nunquam
me attigit, fama gloria nec tantillum tangor, vo-
luptatibus & si quondam fui inquinatus, nun-
quam seruiui: Crapulam, ebrietatem semper
horruï fugique. Hæc de se ipso Erasmus, ea
animi libertate, quæ hoc ipsum de eius indo-
le iudicium satis comprobant. Crapulam
equidem & ebrietatem illi obiicit Scaliger
Orat. II. in Erasum. Non tu in Aldi officina
questum fecisti corrigendis exemplaribus? Non-
ne errores eos, qui tum illis in libris legebantur,
haud tam erant librariorum atramento quam tuo
confecti vino? haud tam illorum somnum olebant,
quam tuam exhalabant crapulam? Sed nefas
erit iurato hosti, & furore quodam extra om-
nes modestiæ & honestatis limites abrepto,
testimonium dicenti adhibere fidem. De li-
te autem quæ Erasmo nostro cum Scaligero
intercedit, omnino legi meretur doctissimus
Balus l. c. p. 1063. seqq. Potiore fortassis iure, ad
id, quod demonstrandum suscepimus, com-
probandum afferri posset epistola Erasmi qua
Andrelinum in Angliam inuitauit, in qua ita
scribit: Si Britannia dotes satis pernoasses Fauste,
na tu alatis pedibus buc accurreres: Et si podagra
tua non sineret, Dadalum te fieri optares. Nam*

ut e plurimis unum quiddam attingam: sunt hic nymphe diuinis vultibus blandæ, faciles, & quas tu ruis Camenis facile anteponas. Ep. X. lib. V. Sed talia porro ibi subiungit, quæ doctissimo Bælio eiusmodi extorserunt iudicium: *Vous voyés que les Angloises ne luy plaisoient pas moins, que les Anglois l. c.*

§. VII. Ad risum quoque & iocos valde procliuus fuit Erasmus. Cum epistolæ obscurorum virorum illi offerrentur, adeo illarum lectione in risum profusus fuit, ut abscessum in facie enatum, quem medici secare iusserant, præ nimio risu ruperit. Simlerus in vita Bullingeri fol. 6. De iocis constat: iamque in eo hoc notauit, *Suvertius in Athenis Belgicis. Propensior, inquit, natura fuit ad iocos, quam deceret, quam nonnunquam expediat, ut de se ipse fatetur ad Barbirium. Sed testatur hoc præter alia eius scripta, encomium moriæ, tanto orbis eruditi applausu exceptum, de quo plura dici possent, si id nunc ageremus.*

§. VIII. Atque hinc omnino factum, ut stili-um mordacem in illo nonnulli reprehenderent. Rolandi Marefii tale de Erasmo nostro extat iudicium: *Inter recentes qui multa egregie scripserunt, nemo mea sententia Erasmus præcesfit, siue iudicium siue eruditionem, siue eloquentiam spectes, quem non vereor cum quouis antiquorum conferre: qui sit tota vita cum theologis & mo-*

nachis conflictatus non fuisset, meliora etiam quam edidit orbi communicare potuisset: Et si tam mordax, aut in quibusdam tuendis tam pertinax non fuisset, nihil in eo viro illa atas quod desideraret habuisset. lib. II. Ep. XXVI. Ast excusari, ni fallor, facile Erasmus poterit. Præterquam enim quod genio suo aliquid dederit, mordacem stilum requirebat stultitia hominum quibuscum illi res erat. Lenioribus remediis hic non erat locus. Non potuisset etiam aut maiorem nominis consequi celebritatem, aut humani generis commodis rectius consulere, quam redigendo paulisper in ordinem inconditam istam atque agrestem theologorum atque monachorum gentem. Namque ille demum, mea quidem opinione, viri sapientis nomine dignus est, qui seculi sui moribus emendandis strenue incumbit. De pertinacia autem, quod eidem Erasmo Maresius obiicit, id me non satis capere lubens profiteor. Linguae petulantiam Erasmo etiam obiicit Iouius, quod itidem iuxta hactenus dicta intelligendum, nisi summo viro inferre iniuriam velimus.

§. IX. Grauius est *adulationis* vitium, ob quod apud nonnullos male audit Erasmus. Nec tamen ab indole hominis voluptatibus dediti, & meticulosi, alienum. Certe adulationes istæ quibus Leonis X. Pontificis animum

num sibi conciliare voluit quam apertissime hoc comprobant. Nota omnibus sunt vitia hominis luxuriosissimi. Maimburgius ex Varillasii *arcana historia Florentina*, & Pallauicini silentio approbat iudicium Pauli Veneti, quo Leonem duobus maximis vitiis, ignorantia religionis, & impietate, seu atheismo, laborasse, pronuntiat. Infert hinc, nimis mitem fuisse Lutherum, qui talia ei non obiecerit. In quo Maimburgio, si etiam ex animi sui sententia hoc dixisset, vix tamen suffragari possem. Etenim, cum nondum adeo euitum sit, quod de Leonis X atheismo dicitur, ut viri quidam docti obseruarunt, summa fuisset imprudentia, si Lutherus talia obiecisset Pontifici, quæ probare non potuisset. Ergo hic sincerior fuit Lutherus ac prudentior, quam Maimburgius & ei similes. Sed quod idem auctor subiungit: *neque compensari illa poterunt liberalitatis & magnificentie aliarumque, qua nec Christianum, nedum Christi vicarium faciunt, dotium laude, qua illum literati eius ætatis vehementer extollebant, interque eos omnium copiosissime Erasmus*, id rectissime ab eo dictum puto. Plurimis enim persuasum est, breuissimam ad virtutem viam esse, si doctis ac probis viris ita placeant, ut ab iis laudentur, non habentes penſi, corruptissima plerumque illorum esse iudicia, qui maxima a-

pud imperitum vulgus pollent auctoritate. Quot enim inter eruditos sunt, quorum non sint venales laudes? qui non cumulare encomiis parati sint, a quibus, quo suas expleant cupiditates, expectant? quos inter & Erasmus fuisse recte pronunciat Maimburgius, cui & censor eius acerrimus Seckendorffius suffragatur, in *hist. Lutheranismi lib. I. p. 191.* vbi & in exemplum adducit hæc Erasmi verba ex dedicatione epistolarum Hieronymi A. 1515. scripta: *Sensit illico mundus Leonem gubernaculis rerum admotum, repente seculum illud plusquam ferreum in aureum versum: ac tanta tamque fatalis rerum omnium commutatio, ut nemini non palam esset, hac auctore Deo geri. Composita bellorum vnda, cohibita Principum inter ipsos mina, acerbis odiis disidentes maximorum Regum animi in Christianam adacti concordiam, sublatum perniciosissimū illud schisma, & ita sublatum tam ingens malum, ut ne cicatrix quidem superfit.* Subiungit Seckendorffius: *Quam vana hæc fuerint, sequentium annorum gesta ostendunt.*

§. X. Accesit *hesitatio & fluctuatio*, præsertim in iis quæ ad religionem spectabant, & inconstantia etiam. Imo ex eius indole qualem hæcenus descripsim⁹, non poterant non hæc profluere vitia. Lutheri de Erasmo iudicium ita refert Maimburgius: *Cum*
hic

hic (Erasmus) quereretur, esse qui sibi imputarent, quasi cum Luthero in hoc articulo consentiret, lepide respondit: Magnam Erasmo iniuriam fieri, & se quoque cum ab hac inimicorum calumnia defensurum semperque testaturum esse, Erasmus nullo modo Lutheranum, sed tantum Erasmus esse, id est hominem, qui omnia tam incerte & ambigue, saepe etiam minime serio in causis religionis dicat, ut agre sciri possit quid sentiat. lib. I. sect. LXIII. Quæcunque autem hæsitatio Erasmi fuerit & inconstantia, non tantum commodorum habitatione, sed iudicii, licet errantis, persuasione magis ad Romanæ ecclesiæ quam Lutheri partes propensum fuisse arbitror. Colligo hoc exinde, quod inter sacris Ecclesiæ Romanæ addictos mori maluerit, quam inter Protestantes. Ad quam sane sententiam nullis commodi cuiusdam temporalis rationibus adduci potuit. Ita vero suam mentem exponit Ep. LXXIV. lib. XXX. Si mea bene nouisses, debebas illi respondere, me necessario valetudinis causa reliquisse Friburgum, hoc animo ut ecclesiasta absoluto, Besantium peterem, ne non essem in ditione Caesaris, sed hic ingrauescens valetudo cogit hybernare. Hic enim quanquam sum apud amicos, sincerissimos, quales Friburgi non habebam, tamen ob dogmatum dissensionem malim alibi finire vitam. Utinam Brabantia esset vicinior.

§. XI. Cum ergo ita se gereret Erasmus, ut neutri parti penitus adductus esset, utriusque partis eum experiri oportuit odium. Factum illud nimirum esse solet illorum, qui mediū esse cupiunt, his tamen minime imputandum, sed furori concertantium, qui ferre non possunt, quos non in omnibus secum consentientes habent. Miseri itaque sunt moderati illi viri, non per suam culpam, sed per illorum improbitatem ac petulantiam, qui sub Zeli clypeo latitantes, impune in quosuis siue nocentes sint, siue innocentes, grassantur. Hinc ista *Friderici Canirmii de Erasmo nostro querela: Erasmus indies magis frigesceat, & quantum ego iudicare possum, retractare latenter, quæ videatur olim liberius vel dixisse vel scripsisse, ægerrime fero, & agnosco puerilem metum, qui plus veretur hominum gloriam quam Dei. Ceterum tales Nicodemi apud nos in magno sunt numero. Quod quidem tolerari adhuc iudicium potest, & a vero non prorsus abludit. Ast illorum plane ferendi mores non sunt, qui simul ac quis in eam, quam tuendam susceperunt sententiam manibus pedibusque ire recusat, atheismum illi aut si quod grauius adhuc crimen, statim exprobrant. Poterat condonari Bellarmino quod Erasmus inter Semi-Christianos retulit; Posseuino, quod nomen eius ex omnibus*

catholicorum scriptis expurgari debere affirmavit; Stapletano, quod cum *murem errantem* vocavit; Forero quod *dignum* pronuntiavit, *qui ex omnium hominum memoria erasus esset*; hi enim miseri homines, id agunt quod ecclesiæ Romanæ postulant mores, cui is demum strenuus veritatis videtur defensor, qui in quosuis dissentientes plaustra conuictorum strenue exonerare didicit. Quam autem vellem ut & magnus Lutherus noster moderatius de Erasmo iudicasset, & non statim illi atheismum obiecisset. *vid. Seckendorfius hist. Lutheran. lib. III. p. 77.* Ego sane, nulla atheismi vestigia in Erasmo deprehendere potui: & ni fallor, augebit quoque vir ille doctus illorum numerum, qui præter omnem culpam suam atheismi suspicionem apud alios subiere.

§. XII. Facere non possum, quin atro hic notem lapillo insipidum plane Auberti Miræi de Erasmo iudicium, quod ex eodem refert Thomas Popeblount in Censura celebriorum: Auctor. p. 527. Maior inquit, apud posteros futurus fuisset, si minor esse voluisset. Nam si intra professionis literariæ terminos substitisset, seque totum hisce studiis quibus in primis videbatur, dedisset, paria fortasse cum primis illis Latini sermonis auctoribus facere potuisset. At vero

„postquam theologum agere voluit, ingenio
„fusus nimium sibi arrogavit, & in tra-
„ctandis sacris litteris veterumque Patrum,
„monumentis rigidum nimis censorem se
præbuit. Primo namque Miræus innuere
videtur supremam eruditionis gloriam in
Latini sermonis puritate & elegantia confi-
stere, ad quam præclaris ingenius ita adspi-
randum sit, ut diuinarum humanarumque
rerum cognitio ponenda illis in minimis sit,
modo ad puræ & emendatæ orationis laudem
assurgere queant. Perperam sane. Etenim,
ut sermonis cultus neutiquam spernendus
est, ita qui rerum ipsarum tractationem illi
postponunt, illis similes esse videntur, qui
nucleum contemnunt ut putaminibus po-
tiantur. Sermo rebus inservire debet; non
res sermoni: consecrandaque est sermonis
puritas & elegantia, non ut in hisce puerilibus
studiis consenescamus, sed ut hisce veluti in-
strumentis utamur, tum ad rerum cognitionem
adipiscendam, tum ad ea quæ didicimus cum
aliis iterum rite communicanda. Deinde &
illud, ni fallor, idem auctor significat, Eras-
mum elegantiorum litterarum studiis fre-
tum nimis audacter in theologia versatum
esse. Ergo forte fratres ignorantiam ad stu-
dium theologicum aptissimos putat, quæ sa-
ne multorum omni tempore fuit sententia præ-

præsertim tamen illorum, qui accuratioris philosophiæ ac Critices ope receptos firmiterque radicos errores, ex theologia profligari quam ægerrime ferunt. Quo iure autem Erasmo obiecerit, quod in sacris literis censorem nimis rigidum se præbuerit, ego quidem nescio: hoc scio, eius interpretationem Noui Testamenti, vt nunc alia scripta eius theologica silentio prætermittam, summoorbis eruditi applausu exceptam esse. Sententiã ferat Petrus Daniel Huetius: „Quidam, inquit, intra noui solius Testamenti cancellos suam in interpretando industriam explicuerunt, quorum facile meo iudicio princeps est Desiderius Erasmus: „Is ea felicitate hanc ornauit spartam, vt & „verba verbis, & sententias sententiis & saporem sapore exæquauerit: & perspicuitatem tamen cum dictionis castitate & natiuo illo colore obtinuerit, quæ ad integram interpretis laudem vnice requirebamus. *De claris interpret. p. m. 191.* Addit idem Huetius eum equidem a multis fugilatum esse, interque alios a Petro quodã Sutore: Sed hunc vtut hominem pium ac doctum, neque doctrinæ, neque acuminis, neque vrbanitatis & elegantix merito cum Erasmo componendum esse. In eodem libro p.m. 282. Huetius de Erasmo ita pronuntiat:

„at suo tandem ordine prodeat Desiderius
 „Erasmus vere seculi sui Phœnix: quis enim
 „tot doctrinis cumulatus? quis tanta mul-
 „tiplicis ingenii vbertate circumfluens? quis
 „tam portentosæ memoriæ capacitate in-
 „structus? quis suauitate in scribendo, quis
 „salibus & facetiis conditior? quis vëro in ea
 „quam habemus in manibus conuertendi in-
 „dustria tanta felicitate numeros omnes ab-
 „soluit? sententias acute peruestigat, diluci-
 „de expedit; sincera omnia atque sana, sine
 „ariditate sicca, sine exilitate angusta, sine
 „exuberantia aperta, sine squallore neglecta.
 Non ergo pœnitere potuit Erasmus, huma-
 niores litteras cum diuinarum litterarum
 coniunxisse studio. Sed nec hodie id quen-
 quam temere pœnitere poterit. In Pa-
 tres autem quod rigidum se præbuerit censo-
 rem, in eo omnino laudandus est: cum men-
 tis plane expertem esse oporteat, qui aut scri-
 pta illorum, aut doctrinam, aut mores sine
 accurata admiserit censura. Sed id nunc non
 agimus.

§. XIII. Quod autem Erasmus de se ipso
 profitetur: *fame gloria nec tantillum tangor;*
in Epistola ad Seruatium p. 17. id an ita se habe-
 at dubito. Equidem voluptatis in eo maio-
 rem fuisse cupiditatem quam gloriæ, facile
 mihi persuadeo, & hætenus allata illud satis,
 ni

ni fallor euincunt. Credo etiam magnas eum recusasse dignitates, & cardinalitiam purpuram a Paulo III. illi destinatam, non nisi inuito potuisse obtrudi, si hisce consiliis respondisset successus. Namque & sub Adriano VI. & sub Paulo III. Erasmus in numero Candidatorum Cardinalitiæ dignitatis fuisse, pluribus docet doctissimus *Batius p. 1067*. Credo etiam ex animi sui sententia scripsisse Erasmus *Ep. XXV. libri XXVII. itaque nunc magno ambitu agitur, ut me preposituris onerent, reclamantem ac manibus pedibusque recusantem, ac perpetuo etiam recusaturum*. Gloriæ nimirum aliquis esse potest cupidus, qui tamen splendida munera atque dignitates spreuit, quippe quæ haud raro, dum litterarum studiis impedimentum afferunt, gloriæ quoque ex litteris acquirendæ studio vel maxime aduersantur. In Erasmo accessisse puto libertatis amorem, cuius iacturam, quandam patitur, qui muneribus publicis velut vinculis atque compedibus constringitur. Certe de se ipso Erasmus, uti iam supra indicatum, profitetur, vel ob hanc causam a vita monastica se fuisse alienum, *quod a ceremoniis abhorreret & libertatis amans esset, in Epist. ad Seruatium p. 16.*

§. XIV. Vidimus ergo qualis Erasmus fuerit. Vir fuit excellenti ingenio præditus,
Idem

idem tamen ad voluptates propensior quam alia vitia, gloriæ ex literis acquirendæ cupidus, timidus quoque & meticulosus, a litibus maximopere abhorrens, ad risum contra & iocos proclivis, hæsitabundus, inconstans, atque adulator. Vitia, inquis, enumeras, virtutes retices. Imo virtutes Erasmi notæ sunt omnibus, & ex vitiis eius, naturalibusque propensionibus de eius virtutibus iudicium est faciendum. In eo sane falluntur plerique, quod naturales cuiusvis propensiones statim virtutum cohoneſtent nomine. A litibus abhorruit Erasmus: non male. Moderatum ergo eius pacisque amans laudatur ingenium: & id quoque recte. Laudo namque & ego vehementer eiusmodi ingenia. Ast si hanc moderationem a virtute profectam credis, erras: ex genio Erasmi atque indole hæc fluxit. Atqui magnopere refert scire qualis quisque per virtutem sit, qualisque sit per naturam: licet difficillimum sit hæc rite a se dignoscere. In Erasmo vero si hæc moderatio, si hoc pacis studium a virtute prouenisset, æquum erga vtramque partem se præbere debuisset iudicem. Ast hoc non fecisse Erasmus semper, historia testatur, & *Morhofius* quoque obseruauit *Polyhist. pag. 282. Quamquam, inquit, Erasmus se medium*
sem-

semper gesserit, studium tamen partium non raro deprehendes.

§. XV. Maneat ergo magno Erasmo sua laus illibata. Admiramur in eo cum *Morhofio l.c.* ingenium excellens, vastum, diffusum, fecundum, acre, promptum, ad omnia paratum, in decus & miraculum seculi natum. Admiramur in eo tantam doctrinæ copiam, quanta paucissimis mortaliū contigit: modo & nūvos eius dissimulare non liceat. Interim illud quoque non diffiteor, vitia eius vtut in se spectata non fuerint leuia, ea tamen pro virtutibus fere esse habenda, si conferantur cum moribus illorum, quos præcipue aduersarios expertus est Erasmus. Morosum illud innuo hominum genus, qui ambitioni suæ, crudelitati & odio dirissimo Zeli speciem obtinentes, in omnes a se dissentientes impotenti animi affectu, in transuersum acti, sæuiunt, nihilque omnino rectum putant, nisi quod illorum moribus est conueniens, Hi cum plerumque sint ineptissimi mortaliū rerumque omnium ignari, scdisimarumque suarum cupiditatum serui, magno tamen supercilio in quoscunque viros doctos censuram exercent, hæreseosque notam iis inurunt qui illorum non adorant placita, eo quod se diuinitus inspiratos cre-

credunt. De hisce itaque pronuncio, quod
ne digni quidem sint, qui cum Erasmo com-
parentur, tantum abest ut digni sint qui
tribunal in orbe literato conscendant, sen-
tentiamque aut in Erasmus, aut viros eo-
dem ingenio, iisdemque moribus præditos,
aut similia fata experientes,
ferant.



INDEX OBSERVATIONVM.

- Obs. I. De Vita & scriptis Iani Iacobi Boissardi.
- Obs. II. De reliquis Boissardi scriptis.
- Obs. III. Musæ tres. De iis locus Augustini & Plutarchi. Poësis pro grammatica.
- Obs. IV. Indigetes. Benedictio per tres digitos. Confessio S. Trinitatis apud Iudæos. Superstitio carpendi per tres digitos.
- Obs. V. Tria Vitia: Superbia, Auaritia. Luxuria.
- Obs. VI. Cupiditas pro Auaritia.
- Obs. VII. Specimen indicis expurgatorii.
- Obs. VIII. De Iure belli & pacis Statibus Imperii vi superioritatis competente.
- Obs. IX. Epistolæ obscurorum Virorum.
- Obs. X. Antithesis Christi & Anti-Christi figurata, cum adnexa fratrum Candelburgiorum historia.
- Obs. XI. Hertii opuscula varia Iuridica.

INDEX OBSERVATIONVM.

- Obs. XII. Continuatio obseruationis XX.
Tomi I. de Guilielmo Postello.
- Obs. XIII. de Sortibus sacri Codicis, Virgilianis & Homeris.
- Obs. XIV. De differentia mixti, aggregati, texti & indiuidui.
- Obs. XV. Notitia orbis antiqui.
- Obs. XVI. Nescire philosophos adhuc quid sit ignis.
- Obs. XVII. De processu iudiciario iudicii Hallensis quatuorviralis.
- Obs. XVIII. De Festo Solenni Crapulario Hallensi, vulgo die Knoblauch's Mittwoche.
- Obs. XIX. *Ἀντίχθων* Pythagoræorum.
- Obs. XX. de Vita, religione & fati Bernardini Ochini, Senensis.
- Obs. XXI. Icon Desiderii Erasmi Rotodamensis.

INDEX RERVM.

A.

Adulator erat Erasmus. XXI. 9.
 Aggregatum quomodo differat a mix-
 to &c. XIV.

Alberti Argentinensis loca corrigenda se-
 cundum indicem expurgatorium Bra-
 fischellani VII. p. 77.

Antiquitatum Rom. scriptor sedulus Boif-
 fardus. I. 3.

Antiquitates Germaniæ mediæ callet Her-
 tius XI. 23.

Antiquitatum German. restauratores lau-
 dantur XI. 25.

Antichthon quid denotet? XIX. 1-5-12.
 quid Pythagoræis Astronomis notet.
 XIX. 13. 20.

Pythagoræorum diuersus Planeta a lu-
 na XIX. 28. 46.

Antipodes an a Pythagora inuenti XIX. 56.

Antonini Itinerarium cenfetur. XV. 5.

Atheus non est Erasmus, XXI. II.

B.

Baronum origo XI. 9.

Bellum defensuum quodnam fit. VIII. 3. 5.
6. 11. 12.

non omne iustum. VIII. 7.

Bellum defensuum statibus imperii licitum.
 VIII. 16.

Belli indictio indicabat olim bellum offensivum. VIII. 10.

Belli initium olim non facile hostium alteruter negare solebat. VIII. 16.

Belli offensivi character hodie quinam sit. VIII. 10.

Bellum offensivum non semper inchoat iniuriam faciens alii. VIII. 8.

Bellum offensivum non omne est iniustum. VIII. 2. 9.

Benedictio Iudæorum per tres digitos. IV. 5, 7.

Romanorum per tres digitos. IV. 6.

Boissardi patria & vita. I. 1. 2.

genealogia & imagines Deorum. I. 16.

liber de divinatione II. 1.

liber de Diis II. 2.

liber de iconibus Sultanorum II. 13.

liber de iconibus virorum illustrium, II. 20.

scripta varia. I. II.

C.

Candelburgiorum fratrum historia. X. 3. 4.
antithesis Christi & Antichristi X. 5. - 8.

Chiffetii Patria I. 1.

Cellarii Geographia insigniter commendatur. XV. 39.

Chymicorum nominum ineptiæ. XIV. 34.

Clerus olim figuris in templis perfringebatur. X. 2.

INDEX RERVM.

- Clerus a sorte dictus est. XIII. [17.](#) [18.](#)
 de Clypeis septem militaribus. XI. [31.](#)
 Cocceius Prof. Francofurtanus collaudatur.
 XI. [26.](#)
 Consecrationes Episcoporum & Canonico-
 rum sortes comitabantur. XIII. [13.](#) [21.](#)
 Controuersiarum osor Erasmus. XXI. [5.](#)
 Cupiditas pro auaritia. VI.
 Curtii error Ge ographicus. XV. [7.](#)

D.

- Denarius Pythagoræis frequens. XIX [49.](#) [50.](#)
 Digitis tribus an olim benedictum fuerit.
 IV. [5.](#) b.
 Dii vatidici II. [9.](#)
 de Diplomatum Germaniæ Imperatorum &
 Regum fide dissertatio XI. [10.](#)
 Diplomatum lingua, literæ, figilla, formulæ
 XI. [10.](#)
 Diplomata Regum & Imperatorum Germ.
 quo signo a se inuicem interno-
 scantur. XI, [11.](#)

E.

- Ecclesia orthodoxa semper dominatum affe-
 ctauit. X. [1.](#)
 Episcoporum electionem comitabantur o-
 lim sortes diuinæ XIII. [13.](#) [14.](#) [15.](#) [16.](#)
 Epistolarum obscurorum virorum occasio.
 IX. [2.](#) [3.](#) [4.](#)

Epistolarum obscurorum Vir. auctor. IX. 5.

10. 13. 15.

fata IX. 8, 9, 29. 30.

Erasmus an auctor epistolarum obsc. Viror.

IX. 32.

imperitus Geographia. XV. 17. 18. 22.

Erasmi vita non accurate scripta est. XXI. 1.

mores depinguntur. XXI. 3. seqq.

Erasmi atheismus nullus est, XXI. II.

laudes & vitia XXI. 15.

F.

Festum solenne crapularium Hallense

XVIII. I.

Figurae Christum & Anti-Christum repræ-
sentantes X. 9, 10.

G.

Galli multos errores Geographicos habent.

XV. 29. 33. 34. 35-38.

Geographia veteribus neglecta XV. I.

Geographia Sacra Merceri & Adrichomii.

XV. 23.

Geographia scientia Iectioni veterum scri-
ptorum prodest. XV. 21.

Geographia recentioris nãui crasiores.

XV. 28.

Germania mores in distinguendis personis

XI. 27.

Antiquitates callet Hertius. XI. 26.

Ger-

Germanorum serui, operæ rusticæ &c. XI. 27

Germanorum ciues XI. 29.

liberti, opifices. XI. 29.

nobiles XI. 30.

militia XI. 31.

Gloriæ cupidus fuit Erasmus. XXI. 13.

Gratii epistolæ clarorum virorum. IX. 23.

Gratius cur sæpius nominatus in epistolis
obscurorum virorum. IX. 20, 21.

H.

Hæretici ut plurimum ii existimati sunt, qui
excelluerunt Scientiis XX. 1.

Hertianarum dissertationum commenda-
tio. XI. 18. II. 1121

Historici veteres sedulo legendi. XV. 6.

Hogoftrati mors IX. 7.

De Hogoftrato & Hutteno narratio Barthii
IX. 11.

De Homine plures personas sustinente dis-
sertatio. XI. 14. seqq.

Huttenus auctor epistolarum obsc. Viror. IX,
15, 16, 17, 25.

cur interemtus a Duce Wurtembergio.
IX, 34.

I.

Ignis quid sit secundum variorum philoso-
phorum opinionem XVI, 9. 10. 12-14.

Ignis non est corpus XVI, 17. seqq.

Ignis Cartesiani & Epicurei eodem modo
describitur XVI. 26.

Ignis Ægyptiis vocabatur animata belua.
XVI. 5.

Ignis Persis esse Deus putabatur. XVI. 6.

Ignis Æthiopibus quoad usum ignotus.
XVI. 7.

Ignis Anaximeni putabatur aer rarefactus.
XVI. 8.

Indicis expurgatorii specimen VII.

Indigetes IV. 1.

Vnde deriuetur. IV. 2-4.

Iocos amavit Erasmus. XXI. 2.

Itineraria terræ sanctæ fabulis plena. XV. 25.

Iudiciarius processus iudicii Hallensis Qua-
tuorviralis XVII.

Iudicii Hallensis quatuorviralis origo
XVII. 3.

Ius statuum Imperii militum conscribendo-
rum VIII. 17.

armamentaria instruendi VIII. 18.

muniendi loca & arces. VIII. 19, 20.

sequelæ & lustrationis. VIII. 21.

aperturæ & repressaliarum VIII, 22, 23, 26.

pacis. VIII. 29.

L.

de Lege clausula *ne abrogari possit* munita,
dilectatio Hertii. XI. 12.

Lex

INDEX RERVM.

Lex expressa an per consuetudinem contrariam abrogari possit. XI. [12.](#) [13.](#)

Locarnensium ecclesia apud Heluetos unde orta XX. 12.

Luna habitari creditur Pythagoræis XIX, [36.](#)

an sit causa monstrorum. Ib.

M.

Magiæ species. II. [7.](#) [8.](#)

Mameluci quinam dicantur. II. [17.](#)

Andr. Masii expurganda loca nonnulla. p. [92.](#)

de Mela iudicium. XV. [3.](#) [4.](#)

Metaphysicæ sacrosanctæ affectiones entis illustratæ. V. [23.](#)

Mixtum quid sit. XIV. [4.](#) [7.](#)

Monachi studuere mederi tribus vitiis cardinalibus. V. [23.](#)

Mundi orbes nouem. [XIX.](#) [17.](#)

Musæ tres III. [1.](#) [3.](#) [4.](#) [7.](#) [10.](#) [11.](#)

Septem Gyraldi. III. 18.

nouem Plutarchi III, [19.](#) 20.

N.

Corn. Nepotis error circa Mycalen [XV.](#) [9.](#)

Noah sorte diuisit orbem terrarum. XIII. 1, 2.

Numerus denarius Pythagoræis amatus XIX, [39.](#) [48.](#)

O.

O.

Ochinus quando natus & monachus factus
fit. XX. 2.

an auctor ordinis Capucinorum. XX. 3, 5.

Ochinus cur Italiam reliquerit XX. 8.

Reformatorum religionem amplexus
est XX, 9.

Ochini uxor quæ fuerit? XX, 11.

doctrina & pietas celebratur. XX, 14.

Ochini dialogorum libri duo. XX, 15.

dialogi damnantur. xx, 16.

Ochinus an iure damnatus sit. xx, 17-20.

hieme eiectus est Tiguro. xx. 21.

quæ fata expertus sit in Polonia x x. 25.

Ochinus non scripsit librum de tribus Im-
patoribus xx, 26.

Atheus non fuit xx, 27-28.

Socinianus non fuit xx, 29, 30, 31.

Oracula Sibillina II. 6.

unde orta. II. 7.

Orationis partes decem secundum Iythago-
reos x I x. 49.

P.

Plinius censetur x v. 3, 4.

Poesis pro Grammatica III. 15.

Po-

INDEX RERVM.

Polybii industria in explorando locorum situ

xv, 8.

Postelli virgo Veneta. xii, 2-5.

hypotheses præcipuæ xii, 6-9, 12, 13.

Postellus censetur. xii, 14, 15.

Postelli libri xi, 16.

Propriorum hominum ex nobilibus ortus & occasus. xi, 9.

de Hominibus propriis dissertatio Hertii. xi. 6

Pythagoras an inventor Antipodum. xix, 56.

Pythagoreorum denarius xix, 29, 48.

R.

Regnorum patrimonialium tutelæ xi. 3.

Repressaliæ viii. 24-26.

Reuchlini vitæ accuratius descripta ix, 26-28.

Rhetoricæ tres partes secundû Stoicos. iii. 16.

pars demonstrativa primâ an ultima? iii,

17.

Romana Topographia Boissardi i. 7.

S.

Sabellicus confudit Danos cum Dacis xv. 16.

Sanfon *Guil.* notatur xv. 26.

Scanderbegii vitæ scriptores. ii. 15.

Servitutis ortus & progressus in Germania,

xi, 6, 8.

in-

interitus. x i. 7.

Sibillina oracula supposititia sunt. II, 6. 10.

Soligneus Pythagoreis & immobilis xix, 18.

Solis contemplationes nouæ Eimmarti. x i x.
58.

Sortes diuinatoriæ unde ortæ. x i i i. 3.

Virgilianæ, Homericae. x i i i. 4, 5, 6.

Christianorum x i i i, 7-10. seqq.

Sortes quomodo diuidantur x i i i, 24.

quænam licitæ sint. x i i i, 15, 26.

Sortes vt iustæ sint quid requiratur. x i i i, 27.

Sortes reducendæ sunt in mores nostros. x i i i

30.

Sortibus Christianorum interdictum. x i i i, 23.

Stephani liber de vrbibus censetur. x v. 5.

Strabo censetur. x v. 3, 4.

T.

Textum & mixtum quomodo differant. x i v.

Timiditas Erasmi xxi, 3. 4.

Topographia Romana Boissardi. i. 5.

de Tutela Regni dissertatio Hertii x i. 2.

Tutela testamentaria in regnis patrimonialibus locum habet. x i. 3.

V.

Vates celebriores. i i. ii.

Vesta gentilium solis ignei symbolum. x i x,

27.

Vitia

INDEX RERVM.

Vitia tria. vi. 3-7.

septem communiter numerantur. V. 2.

Vitia tria cardinalia sunt fundamentum
pseudosummi boni. v. 9. seqq.

Vita futuri seculi multas reliquias ex ethnici-
cismo habet. xix. 57.

Voluptatis studiosus Erasmus. xxi. 6.



VA1
1519.350.

THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
SMITHSONIAN INSTITUTION
WASHINGTON, D. C.









